



<http://www.numelyo.bm-lyon.fr>

Breviarium theologicum, continens definitiones, descriptiones et explicationes terminorum theologicorum, Authore Joanne Polmanno,... Editio ultima...

Auteur :Polman, Jean, 15..?-1657?

Date :1659


Cote : SJ TH 181/23

Permalien : http://numelyo.bm-lyon.fr/BML:BML_00GOO0100137001102352221

TH 181/23

BIBLIOTHECA S. J.
Maison Saint-Augustin
ENGHIEN

TH 181/23



Jean Polman, de Cambrai

† 1649

Hunter III, 956

BREVIARIUM T.50 THEOLOGICVM.

CONTINENS
DEFINITIONES,
DESCRIPTIONES,
ET
EXPLICATIONES

TERMINORVM THEOLOGICORVM.

*Authore IOANNE POLMANNO
Tubiziano, Ecclesia Metropolitana Ca-
meracensis Canonico, Theologo, ac Pæ-
nitentiario.*

Editio ultima Aucta, & à mondis Expurgata.



PARISIIS,
Apud GEORGIVM IOSSE, viâ Iacobæ
sub signo Coronæ Spineæ.

M. DC. LIX.
Cum Approbatione & Privilegio Regis.

... ..

... ..

... ..

... ..

... ..

... ..

... ..



Lectori beneuolo.



M I C E L E C T O R, En
tertiam Breuiarij nostri Theolo-
gici editionem, auctam & cor-
rectam : quam opto studiis tuis
utilem; quibus promouendis re-
cusa est. Tyrocinium hoc scribitur Tyroni-
bus, non emeritis Veteranis, aut Magistris
nostris. Licet enim à duodeviginti annis;
omnium scientiarum principem Theologiam
profitear; tamen non sum de magna profes-
sis: sed hæreo ferè in Definitionibus, De-
scriptionibus, explicationibus, & eiusmodi
Rudimentis Theologicis. Sicubi assur-
go, tantum summa sequor fastigia rerum.

Cæterum protestor me viuere, & mori
velle in obedientia Fidei Catholicæ, Sedis-
que Apostolicæ: & illibatas tenere illius
Decisiones, Constitutionesque antiquas, &
nuperas *Pij V. Gregorij XIII. Urbani VIII.*
& Innocentij X. Quapropter omnia animi
mei sensa, & calami scripta, censuræ ve-
ritatis, eiusque depositariæ Ecclesiæ Ro-
manæ iudicio subiecta sunt.

IOAN. POLMAN.

A ij

APPROBATIO

TERTIA hæc BREVIARII THEOLOGICI pars non
minùs vtiliter imprimeretur quàm aliæ partes præcedentes.
Exeat igitur beneficio præli in lucem,
Aspiciatque suos, positos ex ordine fratres:
Quos studium vigilans enigilauit idem.
Ita censebam Duaci 24. Augusti 1654.

THEODORVS VAN COVERDEN.

*S. Theol. Doctor ac Professor Primarius, Ecclesiæ Collegiatae
S. Petri Canonicus & Præpositus, Vniuersitatis Dnacenſis
Cancellarius, Librorumque Viſitator & Cenſor.*

BREVIARIUM hoc THEOLOGICVM, ab Authore reco-
gnitum, & multis in locis auctum, vtiliter denuò excudi
poterit. Ita censui Duaci 18. Augusti 1654.

MARTINVS DENYS.

*S. Theol. Doctor, eiſdemque Regine & Ordinarii
Professor.*

BREVIARIUM THEOLOGICVM Reuerendi admodum
Domini D. IOANNIS POLMAN, Ecclesiæ Metropolitanae
Cameracensis Canonici, nuper impressum; nunc iterum,
non sine maximo vtilitatis fœnore, in lucem emittitur; plu-
ribus auctum, meliore formâ concinnatum: vt author non
eundem, sed nouum veluti partum epici videatur; ac (si dicere
licet) superferat. Ita sentio, & censeo Acquicincti 20. Iā-
nuarij 1655.

IOANNES D'ESPIERES,

*Sacra Theologiæ Doctor, & Monasterij Acquicinctini
magnus Prior, necnon librorum Cenſor.*



BREVIARIUM THEOLOGICI

PARS PRIMA.

1. **E**TYMOLOGICE *Theologia est de Deo sermo. Proprie, & in genere.*



2. *Theologia est Dei, rerumque divinarum scientia.* Dei, tanquam Theologiae obiecti primarij; cuius cognitio principaliter in ea interditur: & ad cuius co-

gnitionem referuntur cætera, quæ in ea tractantur.

RERUMQUE DIVINARUM, extrinsecâ denominatione talium: tanquam Theologiae obiecti secundarij. Nam eiusmodi res divinæ, in Theologia tractantur, non causâ sui; sed obiecti primarij, Dei: ad quem reducuntur, tanquam ad principium, finem, causam, creatorem, gubernatorem, legislatorem, iustificatorem, salvatorem, iudicem, &c. Res autem divinæ, intrinsecâ denominatione tales (vbi essentia, natura, persona, intellectus, voluntas, sapientia, potentia, & cætera attributa divina) comprehenduntur in obiecto primario, quia sunt Deus ipse. **SCIENTIA**, cognitio certa, & firma. Theologia potest diuidi in Theologiam viæ, & patriæ.

3. *Theologia viæ est Dei, rerumque divinarum obscura cognitio, per lumen naturæ, vel Fidei.*

4. *Theologia patriæ est Dei, rerumque divinarum intuitiva cognitio, per clarum lumen gloriæ.*

6 *Breniary Theologici Pars I.*

5. *Theologia naturalis est Dei, rerumque divinarum cognitio, per lumen naturæ.*

6. *Theologia supernaturalis est Dei, rerumque divinarum cognitio, per Fidei lumen informatum.*

7. Siue : *est scientia de Deo, rebûsque divinis, per revelationem mediata accepta.* * *EST SCIENTIA*, quia Theologia talis est, testimonio Spiritûs sancti, Sapientiz 10. *Dedit illi scientiam Sanctorum.* Lucæ 1. *Ad dandam scientiam salutis plebi eius.* 1. Cor. 12. *Alij per Spiritum datur sermo scientia.* Confirmatur ratione, quia iuxta Aristot. 1. Topic. 1. & 1. Post. 2. demonstrationis conclusio, siue cognitio accepta per rationationem precedentem ex primò veris, est scientia, atqui Theologiæ cognitio est talis : ergo est scientia. Subsumptum probatur : quia cognitio Theologica, virtute continetur in articulis Fidei ; & per bonam rationationem educitur ex illis, tanquam primò veris, à prima veritate reuelatis. Vnde affirmante Apostolo Heb. 11. *Fides est argumentum, elenchus, ostensio, & demonstratio non apparentium, eorum, quæ nec sensu, nec ratione comprehenduntur.*

8. Nec refert, quòd Theologiæ assensus non sit evidens : quia ad assensum, habitumque scientificum sufficit, quòd cognitio sit certa, & firma. Et evidentia tunc demùm requiritur ; quandò non potest haberi certitudo, & firmitas assensus, nisi per evidentiam ; uti contingit in scientiis humanis : quarum principia si non sint evidentia, sed tantùm probabilia ; generabunt duntaxat assensum opinativum, & relinquent formidinem de opposito. In Theologia autem certitudo, & firmitas assensus aliunde habetur : scilicet ex revelatione divina : quæ licet incidens, tamen est infallibilis. *DE DEO, REBUSQUE DIVINIS* : quia (ut dictum est) Theologiæ obiectum primum, est Deus ; secundarium, sunt res divinz, extrinsecâ denominatione tales : quæ videlicet reducuntur ad Deum, tanquam principium, finem, &c. *PER REVELATIONEM, MEDIATè ACCEPTA* : quia scientia Theologica habetur mediantibus articulis Fidei, à Deo reuelatis immediatè, & expressè.

6 *Breniary Theologici Pars I.*

5. *Theologia naturalis est Dei, rerumque divinarum cognitio, per lumen naturæ.*

6. *Theologia supernaturalis est Dei, rerumque divinarum cognitio, per Fidei lumen informatum.*

7. Siue : *est scientia de Deo, rebûsque divinis, per revelationem mediata accepta.* * *EST SCIENTIA*, quia Theologia talis est, testimonio Spiritûs sancti, Sapientiz 10. *Dedit illi scientiam Sanctorum.* Lucæ 1. *Ad dandam scientiam salutis plebi eius.* 1. Cor. 12. *Alij per Spiritum datur sermo scientia.* Confirmatur ratione, quia iuxta Aristot. 1. Topic. 1. & 1. Post. 2. demonstrationis conclusio, siue cognitio accepta per rationationem precedentem ex primò veris, est scientia, atqui Theologiæ cognitio est talis : ergo est scientia. Subsumptum probatur : quia cognitio Theologica, virtute continetur in articulis Fidei ; & per bonam rationationem educitur ex illis, tanquam primò veris, à prima veritate reuelatis. Vnde affirmante Apostolo Heb. 11. *Fides est argumentum, elenchus, ostensio, & demonstratio non apparentium, eorum, quæ nec sensu, nec ratione comprehenduntur.*

8. Nec refert, quòd Theologiæ assensus non sit evidens : quia ad assensum, habitumque scientificum sufficit, quòd cognitio sit certa, & firma. Et evidentia tunc demùm requiritur ; quandò non potest haberi certitudo, & firmitas assensus, nisi per evidentiam ; uti contingit in scientiis humanis : quarum principia si non sint evidentia, sed tantùm probabilia ; generabunt duntaxat assensum opinativum, & relinquent formidinem de opposito. In Theologia autem certitudo, & firmitas assensus aliunde habetur : scilicet ex revelatione divina : quæ licet incidens, tamen est infallibilis. *DE DEO, REBUSQUE DIVINIS* : quia (ut dictum est) Theologiæ obiectum primum, est Deus ; secundarium, sunt res divinz, extrinsecâ denominatione tales : quæ videlicet reducuntur ad Deum, tanquam principium, finem, &c. *PER REVELATIONEM, MEDIATè ACCEPTA* : quia scientia Theologica habetur mediantibus articulis Fidei, à Deo reuelatis immediatè, & expressè.

Theologia viæ est aliquatenus subalterna Theologiæ patriæ.

9. *Subalternatio scientiarum est inferioris scientiæ, ad superiorem subordinatio: ratione obiecti, principiorum, aut finis. Ratione obiecti, quando subalterna habet subalternantis obiectum, additione restrictum. Ratione principiorum, quando illorum evidentiam sumit subalterna à subalternante. Ratione finis, quando subalternæ finis subordinatur fini subalternantis. Horum trium ratione, Theologia viæ est subalterna Theologiæ patriæ: quadantenus scilicet. Ratione obiecti, quia illa habet huius obiectum, cum additione restrictum: scilicet Deum, obscure reuelatum. Ratione principiorum, quæ in illa obscura, in hac sunt evidentia. Ratione finis, qui in illa est cognitio, dilectioque Dei, subordinata huius fini, scilicet visioni intuitivæ, & beatitudinæ æternæ.*

Supernaturalis Theologia viæ potest subdividi in Theologiam mysticam, positivam, moralem, & scholasticam.

10. *Theologia mystica est Dei, eorumque divinarum cognitionis infusa, mentem sapientiæ efficiens, acque intus Deo coniungens. COGNITIO INFUSA: licet enim alia viæ Theologia, sit acquisita; hæc tamen est divinitus infusa, lumine supernaturali mirabiliter illustrans intellectum. MENTEM SAPIENTIÆ AFFICIENS: excitans in voluntate gustum rerum spiritualium, sapientumque affectum. TAMQUE mentem, ab omni inordinatione puram, INTUS DEO CONIUNGENS.*

11. *Theologia positiva est Scripturæ sacre cognitio, rerumque divinarum explicatio, sine argumentationis opere. Ponendo sensum Scripturæ, & theses, conclusionesque Theologicas, sine argumentis convincentibus.*

12. *Theologia moralis est rerum divinarum, mores concernentium, cognitio, tradita minus accuratis argumentationibus. REBUS DIVINARUM, extrinsecè denominatione talium. CONCERNENTIUM, MORES, actus humanos, conformes aut diffformes rectæ rationi, & legi æternæ. Extra huius moralis Theologiæ*

Breuiarij Theologici Pars I.

considerationem, posita est tota prima pars, & initium finisque tertiæ partis.

13. *Theologia scholastica est scientia, ex principiis Fidei, educens demonstratiue conclusiones de Deo, rebusque diuinis.* Ex PRINCIPIIS FIDEI, ex articulis Fidei, veritatibusque à Deo immediatè reuelatis. EDUCENS &c. per modum demonstrationis, & per bonam argumentationem, colligens posteriores propositiones, ex anterioribus.

14. Theologiæ scholasticæ obiectum est Deus: qui est *alpha & omega, principium & finis*, Apoc. 1. 21. & 22. Et quidem in prima parte, Deus trinus, & vnus, vt principium ad intra personarum diuinarum; ad extrà, Angelorum, hominum, mundi: vt prædestinator, prouisor, & gubernator omnium. In prima secundæ, vt finis creaturæ intellectualis, acquirendus per iustificationem, gratiam, merita, actus humanos, leges, virtutes, fugamque peccatorum. In secunda secundæ, itidem vt finis, acquirendus per virtutes Theologicas, Cardinales, Religionem, sacrificium, contractus legitimos. In tertia parte, vt incarnatus, passus, saluator, Sacramentorum institutor, iudex mundi, præmiator, & vindex.

15. Ex præmissis colligi potest, quòd Theologiæ scholasticæ obiectum adæquatum sit *Ens diuinum, reuelatione mediata cognitum.* Obiectum, inquam, adæquatum: quod scilicet sub vna ratione communi comprehendit obiectum primarium, & secundarium: atque adeò omnia, quæ in Theologia tractantur. ENS DIVINUM, intrinsecè & extrinsecè habens diuini rationem. REVELATIONE, obscuræ veritatis intimatiōne. Quâ parte, scholastica differt à Theologia naturali viæ, & supernaturali patriæ: quia obiectum illius, est cognitum euidentiâ luminis naturalis rationis; huius, euidentiâ luminis gloriæ. Non immediatâ, sed MEDIATA reuelatione; mediantibus principiis Fidei, existente in conclusionibus, inde eductis, COGNITVM certò, firmiter, & demonstratiue.

16. Theologia est omnium scientiarum excellentis-

suma, ratione obiecti, principiorum, finis, certitudinis & firmitatis, estque scientia speculatiua, simul & practica.

17. *Scientia speculatiua est habitualis, certa, & firma cognitio rei, non operabilis à cognoscente*: habens pro fine suo intrinseco, nudam veritatis contemplationem; & non operationis directionem. EST HABITUALIS, per modum qualitatis permanentis, difficulter à subiecto amouibilis. CERTA, versans circa obiectum indubiae veritatis. FIRMA, cum assensu perfecto, & constante; excludente omnem formidinem de opposito. COGNITIO, obiecti scibilis, per intellectum apprehensio. REI NON OPERABILIS, quæ à sciente non est factibilis: vel saltem non est facienda, actione immanente, vel transeunte: nec est acquisibilis, tanquam finis, per media propriarum scientis operationum. HABENS PRO FINE INTRINSECO, pro obiecto, quod est finis intrinsecus operis. NUDAM VERITATIS CONTEMPLATIONEM, meram considerationem naturæ & proprietatum obiecti cogniti; conformem ad illud. ET NON OPERATIONIS DIRECTIONEM: non præscriptum operis, rectè faciendi.

18. *Scientia practica est habitualis, certa, & firma cognitio obiecti, à cognoscente operabilis*: habens pro fine suo intrinseco, & ultimo, operationis directionem. OBIECTI OPERABILIS, rei, quæ suapte naturâ talis est, ut possit à sciente fieri; vel tanquam finis acquiri. Quo modo Deus, qui non est à nobis factibilis; est tamen tanquam finis ultimus acquisibilis, per operationes nostras, tanquam media. HABENS PRO FINE INTRINSECO, pro obiecto cognitionis. ET ULTIMO fine, ad quem naturâ suâ tendit cognitio, & in quo terminatur: quamvis sciens, pro fine suo extrinseco, possit habere meram obiecti considerationem, ibique sistere. OPERATIONIS DIRECTIONEM, regulationem operis rectè faciendi: id est, conformiter ad præscriptum rectæ rationis, vel artis.

19. Theologia est Sapientia, 1. Cor. 12. *Alij per spiritum datur sermo sapientia*. Subinde accipitur Sapien-

tia pro perfecta cognitione omnium scibilium, & consecutione omnium scientiarum: vti iustitia pro aggregatione omnium virtutum. Quo sensu videtur dixisse Cicero 4. Tuscul. & 2. Offic. *Sapientia est rerum divinarum, atque humanarum, causarumque, quibus ha res continentur, scientia.* Aliàs accipitur pro particulari scientia vnius generis, aliquatenus tamen vniuersali, quæ sic potest definiri.

20. *Sapientia est rerum altiorum perfectissima cognitio.* RERUM diuinarum, & humanarum, supernaturalium, & naturalium, & quadantenus omnium scibilium humanitùs. ALTIORVM, non obuiarum rerum, communium, & triuiarium: sed reconditarum, eminentium, & à sensibus remotiorum, PERFECTISSIMA, certissima, & firmissima COGNITIO: eaque propter se appetibilis: ad quam aliæ cognitiones ordinantur, & ipsa ad nullam aliam superiorem. Cognitio, inquam, rerum; per omnes earum causas, (si quas habent) easque altissimas, & supremas. Causas autem, realiter influentes esse in res, tanquam in effectus: vel causas latè dictas, quæ scilicet sunt causæ cognoscendi res à priori, sùntque rationes attributorum, quæ de subiecto scibili demonstrantur. Eiusmodi Sapientia, est Theologia: quia est cognitio perfectissima, fundata in relevatione diuina. Estque rerum altiorum, diuinarum, & humanarum: imò omnium scibilium eminenter, & virtualiter: hoc ipso, quo tractat de Deo, omnium rerum supremâ causâ efficiente, & finali. Quin & omnium scibilium in particulari, quantum humanitùs fieri potest. Est enim cognitio Theologica propter se appetibilis, ad quam aliæ cognitiones, tanquam ad supremam ordinantur.

Quia verò Theologia scholastica, ex principiis Fidei, per modum demonstrationis educit conclusiones Theologicas, idèò videndum est, quid sit demonstratio, & conclusio Theologica.

21. Demonstratio est ratiocinatio, procedens ex primò veris, immediatè, vel mediatè. Siue, est argumentatio ex primò veris: aut iis, quæ per primò vera, sunt cogita-

stenis principum sumpturunt. Quæ scilicet possunt demonstrari per propositiones prius veras.

22. *Primo verasunt ea, quæ non per alia, sed per seipsa fidem habent. SUNT EA, scilicet propositiones necessarie, in quibus, est intrinseca & immutabilis connexio prædicati cum subiecto. NON PER ALIA, natura priora in eadem scientia, eodémque genere causæ. SED PER SEIPSA, ratione sui, & connexionis terminorum suorum. FIDEM HABENT, obiectivè: nam intellectus prius verorum terminis, iisdem immediatè assentitur intellectus, & adhibet fidem, assensum*

23. *certum, firmum, & evidentem. * Assensum, inquam, id est, intellectus adhesionem ad obiectum cognitum. Certum, versantem circa obiectum indubie veritatis. Firmum, constantem, expulsâ omni hæsitacione, & oppositi formidine. Evidentem, circa obiectum clarè visum in se, vel in suis principiis. Quamvis autem evidentia hæc requiratur ad ordinarium assensum demonstrativum, non tamen ad Theologicum, uti notavimus n. 8.*

24. *Conclusio est propositio, per bonum discursum, illata ex istis præmissis.*

25. *Conclusio Theologica est propositio, per bonum discursum, illata ex præmissis revelatis, fidèque creditis; utrisque, vel alterutrâ. Si præmissarum utraque sit de Fide, conclusio erit in rigore Theologica: Si vna tantum sit de Fide, & altera evidenter nota; conclusio erit necessaria & infallibilis. Si autem altera, tantum sit probabilis, conclusio erit itidem duntaxat probabilis: quia conclusio, tanquam effectus, sequitur debiliorem partem antecedentis veri, tanquam causæ suæ.*

26. *Conclusio Theologica, quâ talis, est inferioris certitudinis, quàm præmissæ revelatæ: quia conclusio nititur discursu intellectus creati, qui in suâ operatione falli potest.*

27. *Secundum Ciceronem, Locus topicus est sedes argumenti. Vel iuxta Boëtium, Est commune propriarium ex quo ad propositam questionem, conveniens ducitur argumentum. Quemadmodum enim in loco physico corpus*

continetur ; ita in loco topico argumentum , quod inde depromitur. Argumentum, inquam, siue propositio , apta nata inferre aliam propositionem , & generare assensum. Vnde hic.

28. *Argumentum est legitima argumentationis antecedens solum.*

29. *Locus Theologicus est sedes argumenti, apti inferre consequens Theologicum, per legitimam argumentationem. Siue, est commune promptuarium, continens principia elicitiva conclusionum Theologicarum.*

Locus Theologicus est proprius, vel improprius : necessarius, vel non necessarius : internus, vel externus.

30. *Locus proprius est sedes argumenti, ad controuersiam Theologicam proxime & per se pertinentis.*

31. *Locus improprius est sedes argumenti, ad controuersiam Theologicam remote & per accidens pertinentis.*

32. *Locus necessarius est is, unde depromitur necessarium argumentum, siue antecedens, ex quo per legitimam argumentationem, necessariò sequitur consequens Theologicum, propter intrinsecam connexionem huius cum illo.*

33. *Locus non necessarius est is, unde depromitur argumentum probabile tantum, siue antecedens, non habens necessariam connexionem cum consequente Theologico illato.*

34. *Locus internus est is, unde depromitur argumentum internum, siue propositio inferens, intrinseca illatæ Theologicæ ; id est, spectans ad essentiam illius.*

35. *Locus externus est is, unde depromitur argumentum externum, siue propositio inferens, extrinseca illatæ Theologicæ, & nullatenus spectans ad essentiam illius.*

36. Possunt assignari vniuersum tredecim loci Theologici. 1. Verbum Dei scriptum. 2. Verbum Dei traditum. 3. Miracula, in attestationem diuinæ veritatis patrata. 4. Apostolicæ Sedis definitio, in rebus, concernentibus Fidem, & mores. 5. Definitio Concilij, à Sede Apostolica approbati. 6. Consensus Ecclesiæ vniuersalis. 7. Vnanimis sensus Patrum, & Doctorum Ecclesiæ. 8. Authoritas Conciliorum, non ap-

probatorum, nec reprobatorum à Sede Apostolica.
9. Autoritas quorundam Patrum, & Doctorum Ecclesie. 10. Autoritas Scholasticorum, & Canonistarum. 11. Autoritas Iurisperitorum, Medicorum, & Philosophorum. 12. Autoritas Historicorum. 13. Ratio naturalis.

37. Ex antedictis locis Theologicis, duo primi sunt in rigore tales, proprii & necessarii: vtpotè sedes, & promptuaria continentia veritates, à Deo immediatè reuelatas: quæ sunt potissima principia elicitiva argumentationum, & conclusionum Theologicarum. Ad eosdem reducuntur quinque loci sequentes, vsque ad septimum inclusiue, quando affirmant aliquid esse reuelatum à Deo immediatè: vel esse de Fide. Verùm subinde continent tantùm explicationes, eductas è veritatibus reuelatis. Insequentium locorum quidam sunt non necessarii, externi, & improprii.

38. *Scriptura sacra est verborum, sententiarumque consensus, à Deo dictatus: & ab autore hagiographo, litteris consignatus.* SCRIPTURA SACRA, sic dicta ab autore sacro, principali, & secundo. EST VERBORVM singulorum, SENTENTIARVMQVE, ex eiusmodi verbis compositarum CONTEXTVS, series deducta ab initio, vsque ad finem. A DEO inspirante, & interius loquente DICTATVS. ET AB AVTHORE HAGIOGRAPHO, sancto scriptore; per se, vel per amanuensem, LITTERIS veteris, nouique Testamenti, CONSIGNATVS.

39. *Autor hagiographus est sanctus scriptor: cuius scripta sunt relata in canonem Scriptura sacra.* SANCTVS SCRIPTOR, qui Spiritu sancto inspirante est loquutus. 2. Petri 1. cuius lingua fuit calamus scribæ, velociter scribentis, Psal. 44. IN CANONEM, in catalogum, & indicem, continentem genuinos Scripturæ sacre libros: qui habetur in Concil. Trid. Sess. 4.

40. *Scriptura sacra sensus est verborum illius immediata, mediataue significatio: intenta à Deo, eoque inspirante, ab autore hagiographo.* IMMEDIATA significatio: qualis est in sensu literali MEDIATAVE, mediantibus

rebus, per verba significatis: qualis est in sensu mystico. INTENTA A DEO, tanquam autore principali. EOQUE INSPIRANTE, non proprio iudicio suggerente: vti contigit Ionæ, & Calphæ, in suis Prophetiis. AB AUTHORE HAGIOGRAPHO, eodem intentæ significatio.

41. Scripturæ sacre sensus est duplex: *Literalis*, quo verba significant res: & *mysticus*, quo res verbis significata, aliud ulterius significant. Nam sacra Scripturæ liber, est scriptus intus, & foris. Ezech. 2. & Apoc. 5. *Intus*, ratione sensus mystici, interioris, & reconditi: *Foris*, ratione sensus literalis, exterioris & exposti. Scripturæ sensus historicus, siue,

42. *Sensus literalis est verborum Scripturæ, proprio, figurateve acceptorum, immediata significatio: intenta à Deo, eoque inspirante, ab authore hagiographo.* Hic sensus literalis est duplex, vti innuit definitio: scilicet proprius, & figuratiuus.

43. *Sensus literalis proprius est Scripturæ verborum, propriè acceptorum, immediata significatio.* Qualis est in his, & similibus sententiis: *Non machaberis: Non furum facies, &c.*

44. *Sensus literalis metaphorici est Scripturæ verborum, figuratè acceptorum immediata significatio.* Qualis est in his, & similibus sententiis: *habitabit lupus, cum agno: & pardus, cum bardo accubabis.* Isaia 11. *Si oculus tuus scandalizante, erue eum, & proice abs te.* Matth. 5.

45. Verba Scripturæ semper sunt accipienda in propria significatione, quotiescumque non ingerunt sensum absurdum: quem si ingerant, recurrendum est ad metaphoram, & sensum figuratiuum.

46. Omnis scriptura habet verum sensum literalem, non semper mysticum: quem non habet ea scriptura, quæ immediatè agit de naturali lege charitatis, de morum instructione, & beatitudine æterna. Exempli causa: *Diligas Dominum Deum tuum, ex toto corde tuo: & proximum tuum, sicut teipsum.* Non falsum testimonium dicas. *Videbimus eum, sicuti est.* *Venite benedicti Patris mei: possidete paratum vobis regnum.* Quando autem

Patres dicunt, quasdam scripturas non habere sensum literalem, sed tantum mysticum; per literalem intelligunt proprium literalem: & per mysticum intelligunt metaphoricum literalem.

47. Vna & eadem Scriptura subinde habet plures sensus literales, immediatè per verba, propriè, figuratève accepta, intentos. Exempli gratiâ, locus Psalmi 2. *Relinquit meus es tu: ego hodie genui te*, intelligitur literaliter ab Apostolo Heb. 1. de æterna & temporali Christi generatione: & ab eodem Act. 13. de eiusdem Christi resurrectione. Locus Osee 11. *En Ægypto vocavi filium meum*, intelligitur literaliter de populo Israëlítico, & Christo Domino. Eiusmodi etiam est locus Scripturæ, complectens typum & antitypum. Exempli gratiâ, Esaiæ 14. ubi ad literam describitur casus Luciferi, & regis Babylonis. Ezechielis 28. casus Cherub, & regis Tyri. Genesis 3. ubi Deus maledicit serpenti, & diabolo in eo latenti.

48. *Sensus mysticus est rerum Scripturae verbis significatarum, ulterior significatio. Sive, est rei secunda significatio per primam; Scripturae verbis significatarum.* Vnde res illa, secunda, immediatè significatur per primam, Scripturæ verbis significatam: mediatè autem per verba, Idcirco ex intentione Dei; & authoris hagiographi, ab eo inspirari.

49. Sensus mysticus est triplex: allegoricus, tropologicus, & anagogicus. Quemadmodum enim Scripturæ verba, propriè, figuratève accepta, immediatè significant res, sensu literali; ita eadem res significant aliquandò aliud, ad Fidem & Ecclesiam militantem pertinens: & sic habetur sensus allegoricus. Vel significant aliud, ad morum instructionem, & officia charitatis pertinens: & sic habetur sensus tropologicus. Vel significant aliud, pertinens ad Ecclesiam triumphantem, & spei nostræ consummationem, & sic habetur sensus anagogicus.

50. *Sensus allegoricus est rei, ad Ecclesiam militantem pertinentis significatio, per aliam rem, Scripturæ verbis immediatè significatam. Rei, inquam, intentum à Spiritu*

sancto, eoque inspirante, ab autore hagiographo.

51. *Sensus tropologicus est res, ad morum instructionem pertinentis significatio, per aliam rem, Scriptura verbis immediate significatam.*

Tropologicus; siue moralis mysticus differt à morali literali: quia in hoc mores instruuntur immediate per verba: in illo, per res gestas, verbis expressas.

52. *Sensus anagogicus est res, ad Ecclesiam triumphantem pertinentis significatio, per aliam rem, Scriptura verbis immediate significatam.*

53. Quatuor Scripturae sensus comprehenduntur his versiculis:

Litera gestu docet, quid credas allegoria:

Moralis quid agas, quid speras anagogia.

54. Idem quatuor sensus significantur ab Apostolo Galat. 4. *Abraham, inquit, duos filios habuit: unum Ismaëlem de ancilla Agar: & unum de libera Sara. En sensus historicus, & literalis. Quae sunt per allegoriam dicta. Hac enim sunt duo Testamenta. En sensus allegoricus, quo per Abrahamum significatur Deus: per duas vxores, Agar & Saram, significantur duo Testamenta, vetus & nouum: per Ismaëlem & Isaacum significantur duo populi; Iudaicus Deum colens, sub seruitute Legis, & cum timore poenae: Christianus, sub libertate gratiae & Spiritus, virtutis amore. Illa autem quae sursum est Ierusalem, libera est: quae est mater nostra. En sensus anagogicus, quo per Ierusalem terrenam, significatur coelestis, & Ecclesia triumphans. Sed quomodo tunc is, qui secundum carnem natus fuerat, persequabatur eum, qui secundum Spiritum; ita & nunc. En sensus tropologicus, quo per Isaaci persecutionem, ab Ismaële factam, significatur persecutio Christianorum, per Iudaeos, expellendos tandem è domo Dei: Ecclesiam scilicet militante & triumphante: dum interim illis exclusis, Christiani patientes, haeredes erunt Dei, cohaeredes autem Christi.*

Subinde vnum & idem Scripturae verbum habet praefatos quatuor sensus. Exempli gratia *Ierusalem* literaliter significat ciuitatem Iudaeae: allegoricè Ecclesiam militante: tropologicè animam fidelem: anagogicè patriam

partiam coelestem. Similiter quando Genesis 1. dicitur *Fiat lux*, significatur literaliter lux corporalis, allegorice Christus; tropologicè gratia, anagogicè lumen gloriæ, generaliter sumptum.

55. *Attributum diuinum est nomen de Deo propriè prædicabile.* Attributum sic dictum, quia Deo non metaphoricè, sed verè attribuitur: & de eo propriè prædicatur. Eiusmodi attributum est *ens, essentia, substantia, spiritus*, & quodcumque simile nomen, etiam quidditatum; id est, diuinæ essentiæ constitutum.

Hoc generali modo acceptum attributum diuinum, vnum est positium, aliud negatum: vnum absolutum, aliud relatum. Affirmatiuum, siue.

56. *Positiuum attributum est nomen, significans formaliter realem perfectionem, de Deo affirmabilem.* Vti *iustus, sanctus, &c.*

57. *Negatiuum attributum est nomen, significans formaliter negationem, & remouens à Deo imperfectionem.* Vti, *increatus, immensus, &c.* Hoc attributum negatiuum connotat in Deo perfectionem: quia imperfectionis exclusio, est perfectio.

58. *Attributum absolutum est nomen, de Deo prædicabile, sine habitudine ad aliud suppositum.* Vti, *bonus, sapiens, &c.*

59. *Attributum relatum est nomen, de Deo prædicabile, cum habitudine ad aliud suppositum.* Habitudine, inquam, siue relatione, reali ad intra, vti *Pater, Filius, Spiritus*; vel rationis, ad extra, vti *Domini, creator, prima causa, &c.*

Proprie, & stricte sumptum.

60. *Attributum diuinum est nomen essentiale, positium, absolutum, de Deo propriè prædicabile, tanquam proprietas.* Nomen, prædicatum, quod de Deo verè dici potest. Id nomen, quod moderni Theologi vocant attributum diuinum; Dionysius, & veteres vocarunt nomen diuinum. *ESSENTIALE*, competens essentiæ diuinæ, & commune tribus personis: non tamen essentiæ diuinæ constitutum. *POSITIUM*, & affirmatiuum, significans formaliter realem perfectionem, in

Deo existentem ; non autem imperfectionis remoti-
nem. ABSOLUTVM, non dicens habitudinem ad aliud
suppositum : siue relationem realem. ad intrà ; aut ra-
tionis, ad extrà. DE DEO, de essentiâ diuinâ, & tri-
bus personis. PROPRIE, non metaphoricè, neque fi-
guratiuè. PRÆDICABILE, quod potest de Deo præ-
dicari. TANQVAM PROPRIETAS & perfectio, pro-
fluens ex essentiâ diuinâ, eique necessario competens,
non eam constituens, sed ei constitutæ (nostro conci-
piendi modo) superueniens.

61. Itaque à definitione attributi diuini, strictè
dicti, excluditur, primò nomen personale, & notiona-
le : vti, *Pater innascibilis*, &c. 2. Nomen negatiuum,
remouens imperfectionem : vti, *incretatus, infinitus*, &c.
3. Nomen relatiuum ad intrà, & extrà : vti, *spirans, Do-
minus*, &c. 4. Nomen metaphoricum : vti, *leo, agricola,
zelotes*, &c. 5. Nomen quidditatiuum, & essentiæ di-
uinæ constitutiuum : vti, *spiritus, substantia*, &c.

62. Strictè dicta attributa diuina non distinguuntur
realiter ab essentiâ diuinâ, 1. nec inter se, 2. Distin-
guntur tamen ratione ratiocinatâ, ab eâdem essentiâ,
3. Et inter se, 4. Primi membri ratio est, quia est de
fide, quòd in diuinis omnia sunt vnum : vbi non ob-
uiat relationis oppositio. Sed inter essentiam diuinam,
& attributa, non obuiat oppositio : ergò essentia diui-
na, & attributa sunt vnum : & consequenter non di-
stinguntur realiter. Confirmatur, quia Deus prædi-
catur non tantum iustus, bonus, &c. sed etiam in ab-
stracto iustitia, bonitas, &c. Quæ autem distinguuntur
realiter, non possunt de se inuicem, in abstracto præ-
dicari. Secundi ratio est, quia essentia diuina est om-
nino simplex : ergò attributa illius, non sunt inter se
realiter distincta. Aliàs essentia diuina non foret sim-
plex, sed composita ex pluribus attributis, realiter in-
ter se distinctis. Tertij, & quarti ratio est, quia licet
in Deo essentia, & attributa, sint vna simplex & indi-
stincta entitas ; tamen intellectus humanus non potest
illam adæquatè concipere, vnico conceptu formali :
sed eget multis conceptibus inadæquatis : quorum vno

concipit essentiam, altero potentiam, misericordiam, &c. idque cum fundamento in re: quia hæc omnia sunt in Deo, secundum verissimam sui rationem: & ratio essentiae, non est ratio potentiae, misericordiae, &c. Atque adeò sunt distincta ratione. non tantum ex parte rationis ratiocinantis, sed ipsius rei ratiocinatae.

63. *Attributa diuina generaliter dicta, varia sunt: uti cæpimus dicere supra n. 55. Quædam enim sunt positiua, ut iustus, sanctus: alia negatiua, ut immortalis, incorporeus. Quædam sunt absoluta, ut potens, sapiens: alia relatiua, ut pater, dominus. Quædam sunt propria, ut bonus, verus: alia metaphorica, ut vltis, petra. Quædam sunt concreta, ut viuens, clemens: alia abstracta, ut veritas, vita. Quædam conueniunt ab æterno, ut unus, trinus: alia ex tempore, ut creator, redemptor. Cæterùm quodcunque tandem attributum, & nomen vsurpemus, Deum adæquatè nominare non possumus, neque eum definire.*

64. *Nominare Deum est ei imponere nomen, adæquatè exprimens naturam diuinam. Quod ut fiat, nominans debet essentiam diuinam comprehensiuè intellectu concipere, illiusque similitudinem adæquatam formare, & verbo mentis exprimere.*

65. *Definire Deum est explicare naturam Dei, per essentialia illius. Nam,*

66. *Definitio est oratio, naturam rei explicans, per essentialia definiti. Qualia sunt, genus & differentia, tanquam partes essentielles logicæ, vel metaphysicæ: item materia & forma, tanquam partes essentielles physicæ. Cùm ergò viator non cognoscat Deum quidditatiuè, & ne quidem comprehensor, illum adæquatè comprehendat; non potest illum adæquatè nominare, neque definire.*

Interim potest Deus aliquatenus describi, per imitationem generis, & differentiae: siue per prædicatum commune, & proprium; dicendo quòd.

67. *Deus est ens, quod est. Est ens independens, à quo omne aliud est dependens. Ans, iuxta illud Exodi 3,*

*Ego sum, qui sum. Sic dices Filijs Israel: Qui est, misit me ad vos. Et Iob 14. Tu, qui solus es. & 23. Ipse enim solus est, quia solus est ens necessarium: solus est ens, cuius essentia est esse, siue existentia. Solus est ens à se: non positiuè, quasi Deus sit suiipsum causa: sed negatiuè, quia non est ab alio ente dependens, tanquam causâ efficiente. Vel potiùs, *Ens à se*, id est, Ens habens esse, vi solius essentia suæ. Vnde ineffabile Dei nomen est *Iehouah*, id est, Ens fons essendi, principium omnis entis. Itaque Deus est ens per essentiam, alia sunt entia per participationem.*

68. *Ens per essentiam est ens, vi essentia sua habens existentiam, non aliunde communicatam.*

69. *Ens per participationem est ens habens existentiam, aliunde communicatam, & non ab essentia suâ.*

70. *Deus est vnus affirmatiuè, siue indiuisus in se: est etiam vnus exclusiue, id est vnicus & singularis, excludens sui similitudinem pluralitatem. Patet ex Deutero. 6. Dominus Deus noster, Deus vnus est. 1. Cor. 1. Nullus est Deus, nisi vnus. 1. Ioan. 5. Tres sunt, qui testimonium dant in celo, Pater, Verbum, & Spiritus sanctus: & hæ tres vnum sunt.*

71. *Vnum affirmatiuè est ens, in seipso indiuisum. Siue, est ens simplex, aut vnicum: ens absque partibus, sui constitutiuis; aut cum illis realiter vnitis, & à se indiuisis. Priori modo Deus est vnus affirmatiuè, vti patet ex attributo simplicitatis.*

72. *Vnitas affirmatiua est entis simplicitas. Siue, est indiuisio entis in seipso: vel, est entitas in se indiuisa, id est, omninò simplex: vel constituta ex pluribus, realiter vnitis. Vnde Vnitas dicit negationem compositionis, vel indiuisiōnem partium componentium: ita vt illæ constituent ens vnum, & non entia.*

73. *Vnum exclusiue est ens vnicum, excludens sui similitudinem pluralitatem. Sic est vnus Deus. Deutero. 32. Videte quod ego sim solus, & non sit alius Deus, præter me. Vnde tres personæ diuinæ, non possunt dici tres dii: sicut tres personæ humanæ, sunt tres homines: quia natura humana communicatur eum sal multi.*

plicatione individuali : divina autem , eadem numero & individuo communicatur tribus personis divinis.

74. *Vnitas exclusiva est entis singularitas , excludens sui similitudinem pluralitatem.* Eiusmodi est vnitas solis , mundi , & Dei. Quando autem Apostolus 1. Cor. 8. dicit quoddam *sint dii multi , & Domini multi* , intelligit (innuente contextu) de idololatriis , qui admitterant multos Deos. Quando etiam Exodi 7. 12. & 28. Psalmo 21. & Ioan 10. homines quidam vocantur dii ; hoc dicitur improprie , propter divinæ potestatis , & dignitatis participationem.

75. Deus est actus purus. *Actus* , ens actu existens. *Purus* , sine admixtione potentialitatis , siue potentie obiectivæ , & subiectivæ. Itaque Deus est *actus purus* , quia est ens necessarium , non habens existendi potentialitatem , sed necessario actualem existentiam. Est insuper *purus* , quia est ens perfectissimum , non habens potentiam subiectivam , neque capacitatem perfectionis adiectivæ.

76. *Potentia obiectiva est possibilitas existendi.* Siue , non repugnantia ad existendum , antecedenter ad existentiam actualem. Vocatur obiectiva , quia ens potentiale est obiectum potentie realis , per quam potest poni in existentia actualem. Ab hac potentia obiectivâ dicitur ens potentiale , & possibile , distinctum contra ens actuale.

77. *Potentia subiectiva est capacitas recipiende perfectionis.* Siue , aptitudo ad recipiendum aliquid , tanquam sui perfectum. Hæc potentia involuit imperfectionem , utpote negationem perfectionis , receptu possibilis.

78. Deus est simplex : id est , ens habens essentiam non adunatam ex pluribus extremis , se constituentibus.

79. *Ens simplex est ens , habens essentiam non compositam ex pluribus partibus , se componentibus.* Formaliter.

80. *Simplicitas est negatio compositionis.* Materialiter

connotat independentiam entis, à partibus se constituentibus: & consequenter connotat modum essendi perfectum: quo ens habet totam suam essentiam, sine plurium adunatione: sed in simplici entitate, quæ est totum quod est.

81. *Ens compositum est ens, habens essentiam adunatam ex partibus, se constituentibus.*

82. *Compositio est plurium unio, ex quibus unum resultat.*

83. Deus est sanctus, & per essentiam sanctus. Patet ex Isaia 6. *Sanctus, sanctus, sanctus Dominus Deus.* Et Exodi 15. *Magnificus in sanctitate.* Secundum Dionysium 1. de divinis nom. c. 12.

84. *Sanctitas est perfecta puritas à peccato, tanquam immunditia spirituali. Sanctitas diuina est eiusmodi puritas per essentiam: beatorum per participationem, ab omni peccato, etiam veniali: viatorum ordinaria, à mortali.*

85. *Sanctum per essentiam est suppositum, habens à se, ut solius essentia, perfectam puritatem spirituales.* EST SUPPOSITUM intellectuale. HABENS A SE, independentem ab alio, tanquam causa efficiente. VI SOLIUS ESSENTIÆ, ita ut ea, à quibus denominatur sanctum, sint illius nuda essentia; non autem accidentia, superaddita essentia. HABENS PERFECTAM PURITATEM, omnimodam mundiciam à peccato, etiam minimo.

86. *Sanctum per participationem est suppositum, habens sanctitatem, essentia superadditam, à Deo acceptam.*

87. *Sanctitas per essentiam est suppositi independentis puritas perfecta, ut, solius essentia.* Hæc soli Deo competit, enti independenti, perfectissimo, simplicissimo, & actui puro.

88. *Sanctitas per participationem est puritas, essentia superaddita, & à Deo accepta.* Est essentia creatæ aduentitia, & accidentaria.

89. Creaturæ sunt sanctæ, per participationem sanctitatis diuinæ: non quod sint formaliter sanctæ, per

sanctitatem diuinam, tanquam formam, ipsis inhærentem: sed quia intrinsecam suam sanctitatem habent participatam, & causatam à Deo, tanquam causâ efficiente. Idem esto iudicium de bonitate participatâ, iustitiâ, &c.

90. Quomodo locuti sumus de sancto & sanctitate per essentiam; ita ratiocinandum est de sapiente & sapientiâ per essentiam, cæterisque attributis diuinis, tam concretis, quàm abstractis; vt scilicet sapiens, iustus, &c. per essentiam; habeat essentiam suam à se, independentem ab alio, tanquam causâ efficiente: & attributi plenitudinem habeat vi solius essentia, absque villo superaddito.

91. Deus est bonus, & per essentiam bonus. Pateat ex Lucæ 18. *Nemo bonus, nisi solus Deus.* Quem locum Patres, & scripturæ interpretes intelligunt de bono per essentiam. Quando autem dicitur solus Deus esse bonus, &c. per essentiam; additio illa *per essentiam*, afficit subiectum *Deus*: qui solus, sine villo superaddito, vi nudæ essentia suæ, est bonus. Afficit insuper prædicatum *bonus*, quia solus Deus habet bonitatem non participatam, sed essentialem: quæ est plenitudo, & origo omnis bonitatis.

92. *Bonum est ens conueniens sibi, alteriue.* Vnde est duplex bonum; vnum bonum sibi, aliud bonum alteri. Et vtrumque est bonum, quia est conueniens: est autem conueniens sibi, quia perfectum; alteri, quia perfectionem ei adfert. Itaque bonum in se, siue

93. *Bonum sibi, est ens, habens perfectionem sibi debitam. & conuenientem naturæ suæ; & appetitui proprio, naturali, sensitiuo, vel rationali.*

94. *Bonum alteri est ens, adferens perfectionem, conuenientem naturæ alterius; & conformem appetitui alieno.*

95. *Conueniens est quid, perfectionem adferens. Siue, est quod conforme naturæ rei, cui conuenire dicitur.* Vnde licet BONUM & PERFECTUM, sæpe sumantur vt synonyma; illud tamen est subsequum ad

hoc. Nam ideo aliquid est bonum, & conueniens, quia est perfectum, omnibusque requisitis completum. Ideoque.

96. *Bonitas est perfectio, sibi alterius conueniens: Vel potius, est conuenientia, resultans ex perfectione rei, & complemento requisitorum.*

97. *Bonum per essentiam est ens independens, habens plenitudinem bonitatis, vi solius essentia suae. INDEPENDENS ab alio, tanquam causâ efficiente. HABENS PLENITUDINEM BONITATIS, totam & plenam suam perfectionem, & conuenientiam. VI SOLIVS ESSENTIAE, sine ullâ aduentitiâ bonitate, superadditâ essentiae.*

98. *Bonum per participationem est ens dependens, habens bonitatem, non ab essentia suâ totam: sed partim ab eâ, partim ab ei superadditâ perfectione.*

99. *Bonitas per essentiam est perfectio & conuenientia independens, ab essentia sola proueniens: tota substantialis, & nullatenus accidentaria.*

100. *Bonitas per participationem est perfectio & conuenientia dependens; ab accidente superaddito essentiae, proueniens.*

Bonitas creata est participata à bonitate diuina, tanquam causâ efficiente, exemplari, & finali. Efficiente, quia Deus effectiuè producit bonitatem creatam; exemplari, quia bonitas diuina est idæa & exemplar bonitatis creatæ: finali, quia bonitas diuina, tanquam finis vltimus mouet creaturam ad sui amorem & affectionem.

101. Deus est perfectus. Matth. 5. *Esote perfecti, sicut & pater vester celestis perfectus est.* Confirmatur ratione, quia Deus continet in se omnes perfectiones, creatas & increatas. Creatas, quia illarum est causa efficiens: increatas, quia cum illæ sint infinitæ, non possunt esse, nisi in ente infinito. Deus est absolutè perfectus per essentiam, quia habet omnem omnino perfectionem, vi solius essentiae suæ.

102. Etymologicè *perfectum est ens totaliter factum: cuius potentia est totaliter reducta ad actum.* Sic acce-

perfectionem perfectum non competit Deo, utpote non factum, & actui puro.

103. *Perfectum positivè, est ens, habens omnia requisita ad sui complementum.*

104. *Perfectum negativè, est ens, cui nihil perfectionis deest, iuxta naturam suam exigentiam.*

105. *Perfectum privativè, est ens, cui nihil deest perfectionis, debita inesse.*

106. *Perfectum secundum quid, est ens, habens in certo ordine limitato, omnia requisita ad sui complementum.*

107. *Perfectum absolute est ens, ad cuius complementum omnis omnino perfectio est requisita, & habita. Siue, est ens, habens omnem omnino perfectionem: ita ut nulla desit, nec deesse possit.*

108. *Perfectum per essentiam est ens, à se habens omnimodam perfectionem per se solus essentia sua: sine ullâ aliundè superadditâ.*

109. *Perfectio, est complementum requisitorum ad rei integritatem. Item, est entitas conveniens naturæ rei, propriæ vel alienæ.*

Perfectio una est simpliciter talis, alia secundum quid.

110. *Perfectio simpliciter, est ea, quæ nullam imperfectionem habet, nec oppositionem cum alia perfectione, æquali, vel maiore. Siue, iuxta Anselmum Monologij c. 14. est ea, quæ melior est ipsa, quàm non ipsa. Id est, quæ in unoquoque, considerato in ratione entis, melior est ipsa, quàm impossibile ipsius. Eiusmodi est intellectuale, voluntas, iustitia, &c. Dixi, considerato in ratione entis, quia v.g. Leoni considerato ut leoni, licet non sit melius intellectuale (utpote destructivum naturæ leoninæ) quàm irrationale; tamen eidem leoni, considerato ut enti, melius est intellectuale quàm quævis alia perfectio impossibilis, ipsique repugnans. Non simpliciter, sed.*

111. *Perfectio secundum quid, est ea, quæ mixtam imperfectionem habet, vel oppositionem cum alia perfectione, æquali, vel maiore. Id est, quid conveniens naturæ rei, ita ut in formali suo conceptu involvat imper-*

fectionem. v. g. *irrationale* inuoluit rationis priuationem : vel repugnantiam cum perfectione æquali, v. g. *frigus* cum calore : vel cum maiore, v. g. *Corporeum* cum spirituali. Item secundum præfatum Anselmum,

112. *Perfectio secundum quid, est ea, qua non est melior ipsa, quam non ipsa, v. g. calor, inanime, &c.*

113. Perfectiones simpliciter continentur in Deo formaliter, eximio & excellentissimo modo, excludente omnem

114. Creatarum perfectionum imperfectionem. * *Formaliter*, inquam, *id est secundum essentiam, & rationem suam formalem*. Nam tota essentia ; & ratio formalis eiusmodi perfectionum reperitur in Deo. Secus est de perfectionibus non simpliciter, quæ non continentur in Deo formaliter : quia de se inuoluunt imperfectionem, quæ à Deo excludenda est. Aliàs forent in Deo opposita, vt *calor, frigus, &c.* Nihilominus eadem perfectiones non simpliciter, continentur in

115. Deo * *eminenter, id est in entitate eminentiore. causâ*

116. *que efficiente*. Insuper * *virtualiter id est, in virtute & efficacia se solo præstandi omnia, qua per illas præstari possunt*. Continentur etiam in Deo obiectiue, vt in intelligente : & repræsentatiue, vt in idæâ, & exemplari. Et sic habent in Deo quadruplex esse. primum eminens, secundum virtuale, tertium intelligibile, quartum ideale.

117. Ratione huius continentia eminentialis & virtualis, Deus Exodi 33. vocatur *omne bonum* : Sapientia i. dicitur *quod continet omnia*. Rom. 11. *Ex ipso, & per ipsum, & in ipso sunt omnia*. Coloss. 1. *In ipso condita sunt vniversa, & omnia in ipso constant*.

118. Propriè loquendo, non sunt in Deo diuersæ perfectiones: sed est vnica simplicissima entitas (quæ est omnis perfectio possibilis) ab intellectu nostro concepta inadæquatis conceptibus, sub ratione potentia, sapientia, iustitia, &c. Deus est infinitus, & im-

mensus. Baruch. 3. *Magnus est, & non habet finem: excelsus, & immensus.*

119. *Infinisum est ens illimitata perfectionis, absque fine graduum intensiois.*

120. Infinitas diuina accipitur duobus modis: primò pro illimitatione intensiuâ omnis perfectionis diuinæ: secundò pro speciali attributo. Primo modo sumpta.

121. *Infinitas est perfectionum diuinarum illimitata intensio, absque termino & fine.* Est, inquam, modus infinitus omnium attributorum diuinorum, sapientiæ, bonitatis, &c. Secundo modo sumpta.

122. *Infinitas est essentie diuine entitativa intensio illimitata, absque termino & fine.*

123. Prout est particulare attributum diuinum *Infinitas*, formaliter dicit negationem termini, in perfectione essentiali. fundamentaliter autem supponit continentiam formalem, eminentialem, aut virtualem omnis perfectionis cogitabilis.

124. Infinitas, & immensitas sunt duo distincta attributa diuina: infinitas enim negat finem & terminum perfectionis essentialis Dei: immensitas negat mensuram essentialis præsentialem Dei, qui non potest terminari ullis locis. Hæc diuina

125. *Immensitas est illimitata diffusio substantie diuine: & aptitudo coëxistendi infinitis rebus, locis, & spatijs; nec contineri illis, vel concludi.*

126. *Vbiquitas est actualis præsentia Dei, in omnibus rebus, ac locis.*

127. Immensitas habet se per modum aptitudinis. Vbiquitas per modum actûs: illa est Dei attributum æternum & necessarium: hæc est ei conueniens ex tempore, & liberè.

128. Immensitas diuina est attributum negatiuum, dicitque negationem mensurabilitatis à spatio: fundamentaliter dicit infinitam extensionem substantiæ Dei, aptæ coëxistere infinitis rebus, locis, & spatijs; nec concludi illis.

129. Ex immensitate, vbiquitate, & spiritualitate

Dei, sequitur quòd sit in omni re, & loco repletivè; in nullo autem circumscriptivè, aut definitivè.

130. Itaque Deus est in omni loco *repletivè*, spiritali repletionem: id est, essentiâ suâ totus existit in toto loco; & totus in singulis loci partibus; non excludens inde corpus. Non est autem *circumscriptivè* in loco, quia est substantia spiritalis, & indivisibilis; non habens molem quantitativam, neque partes adæquatas partibus loci. Nam

131. *Esse circumscriptivè in loco est circumcircâ ambiri loco*; ita ut totum locatum commensuretur toti loco; & diuersæ partes illius, diuersis partibus loci. Non est etiam definitivè in loco, quia nullus locus finit, aut terminat præsentiam illius. Nam

132. *Esse definitivè in loco, est habere præsentiam loco finitam, & limitatam*: ita ut existentia locati, non excedat locum; etiam si non habeat partium extensionem.

Locus est duplex: vnus locato intrinsecus, siue internus: alter extrinsecus.

133. *Locus intrinsecus est spacium corpore repletum, & à locato occupatum interuallum*. Vocatur etiam *Vbi*: quod vbi habet cælum empyreum, quamuis non habeat extrinsecam superficiem concavam, circumscribentem se, siue locum extrinsecum. Locus extrinsecus, siue

134. *Locus externus est superficies concava corporis, locatum circumscribentis*. Vel iuxta Aristotelem

135. *Locus est finis continentis, immobilis, primus*. LOCUS circumscriptivus, externus, & extrinsecus locato. EST FINIS, extrema superficies concava CONTINENTIS, corporis actu ambientis circumscriptivè aliud. IMMOBILIS, finis non mutabilis; manente naturâ eiusdem loci, non potens mutare distantiam, quàm habet ad quinque immobilia puncta mundi, orientem, occidentem, meridiem, septentrionem, & centrum vniuersi. PRIMVS, finis proximè contingens corpus locatum, & immediatè ambiens illud.

Aristoteles idem 4. *Physic. c. 6.* dicens, *Vacuum ne-*

esse est esse locum carentem corpore, præiuit philosophis definientibus

136. *Vacuum est locus carens corpore, aptus illud continere. Vbi locus per adiunctum carens, alienatur à sua ordinariâ significatione: quâ significat continentiam actualem, non solam aptitudinalem; siue continendi capacitatem. Interim melius poterit definiri sic:*

137. *Vacuum est spacium carens corpore, eodem aptum repleri: siue, est superficies concava corporis contentus, privata contento. CONTENTUM, apti continere, non actu continentis. PRIVATA, quia vacuum est quid priuatiuum, non merè negatiuum. CONTENTO, corpore reali, apto nato contineri.*

138. *Corpus reale est substantia prædita mole quantitativâ, trina dimensionis. Quæ moles quantitativa est magnitudo longa, lata, & profunda; cuius partes superficie copulantur.*

139. *Vacuitas est privatio corporis in loco aptitudinali: Secundum Philoponum.*

140. *Spacium est trina dimensionis quantitas immaterialis, admittens secum corpus, sibi adequatum. Secundum alios.*

141. *Spacium est aptitudo capiendi corporis. Siue; est capiendi corporis non repugnantia ei commensurata.*

142. *Spacium reale est interualum, repletum corpore. Item*

143. *Spacium reale est superficies concava corporis continens aliud.*

144. *Superficies est magnitudo longa, & lata, non profunda; cuius partes lineâ copulantur.*

145. *Spacium imaginarium est vacuitas, concepta per modum loci, apti repleri corpore reali.*

146. *Scripturæ loca Iob. 11. & 3. Regum 8. & Baruch. 3. & alia, exigunt ut Deus, ratione immensitatis, & infinitatis suæ, sit realiter non tantum in spatijs realibus, sed etiam in imaginarijs: ibidem per intrinsicam, & realem præsentiam, existens in seipso; sed sine reali habitudine ad spacium. Eodem planè modo, quo ante mundi constitutionem, fuit realiter in spatijs ima-*

ginatiis: quibus nunc respondent spacia mundi realia: iuxta versiculum:

Dic ubi tunc esset, cum prater eum nihil esset?

Tunc, ubi nunc, in se: quoniam sibi sufficit ipse.

147. Deus est ubique, in omnibus rebus, & locis; per essentiam, præsentiā, & potentiam.

148. *Per essentiam*, quia essentia diuina est indistans ab omnibus rebus; imò intima entitati illarum.

149. *Per præsentiā*, quia Deus habet clarissimam inspectionem, & intuitiuam visionem omnium rerum, actu existentium.

150. *Per potentiam*, quia Deus habet virtutem actiuam, omnia producentem, & conseruantem. Quamuis autem potentia Dei, sit essentia ipsius; tamen Deum esse ubique, in omnibus locis, & rebus *per essentiam* significat immediationem suppositi: *per potentiam*, immediationem virtutis.

Deus est immutabilis. Malachiae 3. *Ego Deus, & non mutor.* Psal. 108. *Mutabuntur, tu autem idem ipse es.*

Immutabilitas formaliter dicit negationem mutationis. Hæc autem

151. *Mutatio est transitus entis, ab uno termino, ad alium*, Siue, *est transitus à priuatione ad formam, vel à formâ ad priuationem intrinsecam mobili.*

152. Omnis mutatio imaginabilis abest à Deo: primò *mutatio substantialis*, quâ ens transit à non esse, ad esse: vel ab esse, ad non esse. Item à priuatione formæ substantialis, ad illius introductionem: & è diuerso. 2. *accidentalis* quâ acquiritur accidens, prius non habitum: aut amittitur habitum 3. *Localis*. 4. *Corporalis*. 5. *Intellectus*. 6. *Voluntatis*. Immutabilitatis primæ ratio est, Dei in existendo necessitas. Secundæ, Dei simplicitas. Tertiæ, Dei immensitas, & ubiquitas. Quartæ, Dei spiritualitas. Quintæ, Dei omni scientia. Sextæ, Dei sapientia in decernendo.

153. *Immutabilitas diuina est modus essendi Dei, quo necessario existit, & in omnimodâ perfectione suâ stabilis perseverat.*

Deus est æternus. Deutero. 32. *Vivo ego in æternum.*

154. *Æternum est ens carens initio, & fine durationis suæ. Duratio rei est duplex: vna interna, altera externa.*

155. *Duratio interna est rei existentia perseverans.*

156. *Duratio externa est mensurâ perseverantis existentie rei. MENSURA per motum primi mobilis.*

157. *Tempus continuum est numerus motus, per ipsum prius posteriusque. Id est, duratio motûs continui successivi, secundum partes, prius & posterius succedentes. Vel conformiter ad textum Aristotelis, Tempus est ipse primi mobilis motus numeratus, secundum partes suas in successione priores & posteriores.*

158. *Tempus discretum est duratio plurium partialium durationum, mensurantium res instantaneas, non continuatas; vel res permanentes non successivas, Æuum, siue*

159. *Æternitas est duratio, tota simul existens, rei habentis initium, & non habitura finem. TOTA SIMUL EXISTENS, permanens, & non successiva.*

160. *Sempiternitas est duratio tota simul existens, carens initio & fine actuali, non tamen possibili.*

161. *Æternitas participata est invariabilis duratio creata visionis beatificæ. Sic dicta, quia æternitatem absolutam participat excellentiori modo, quàm cœli, angeli, animæ rationales: quæ commensurantur æuo. Nam perfectiori ratione participat invariabilitatem divinam: quia visio beatifica est invariabilis, & in eâ non sunt volubiles cogitationes. Vnde æternitas participata est media inter æternitatem absolutam, & æuum.*

Itaque tempus est duratio successiva, & habens initium, & finem: æuum est duratio permanens, habens initium, & fine carens: æternitas est duratio permanens, carens initio, & fine. Tempus est duratio rei variabilis substantialiter, & accidentaliter: æuum est duratio rei invariabilis substantialiter, & variabilis accidentaliter: æternitas est duratio rei existentis omnino invariabiliter. Iuxta Boëtium l. 5. de consol. prosâ 6.

162. *Æternitas est interminabilis vita tota simul, & perfecta possessio.* INTERMINABILIS, quæ non potest terminari termino à quo, nec ad quem; initio, nec fine. VITÆ, existentie viuentis TOTA SIMUL, indiuisibilis non successiua substantialiter, aut accidentaliter. Duratio non habens præteritum, nec futurum; sed præsens perpetuum, coëxistens omnibus differentiis temporis. Ideò Deus æternus, Apoc. 1. dicitur *qui est, qui erat, & qui venturus est.* ET PERFECTA, excludens omnem imperfectionem, & consequenter dependentiam ab alio: imperfectionem etiam momentu, cuius duratio licet sit tota simul, partibus successiuis carens; tamen esse ipsius est imperfectum, & statim euanescens. POSSESSIO, quietà ac firma insistentia & permanentia. Itaque præfate definitionis hic est sensus.

163. *Æternitas est indiuisibilis, interminabilis, & independens duratio viuentis.* Siue, est independens interna duratio viuentis, inuariabiliter persistens, carente initio fineque, actuali & potentiali.

164. *Æternitas diuina est independens, interminabilis, & indiuisibilis existentia Dei.*

Deus est viuens, & vita. Apoc. 5. *Adorauerunt vinentem in sacula seculorum.* Ioan. 14. *Ego sum vita, veritas.* & *vita.* Itaque Deus est viuens intellectualis, & vita per essentiam.

165. *Viuens est suppositum, producens operationem vitalem.* v. g. vegetationem, sensationem, generationem, &c.

166. *Viuens intellectuale est suppositum, producens operationem vitalem intellectualem, scilicet volitionem, & intellectionem.* Generaliter sumptus

167. *Intellectiuus est intelligens sine discursu, vel cum eo.* SINE DISCURSU, vt Deus & angelus. CUM DISCURSU, vt homo. Strictè sumptus, & contra rationalem distinctus.

168. *Intellectiuus est intelligens unico simplici intuitu, absque discursu colligente ex vno aliud.*

169. *Intellectualis viuens per essentiam est suppositum,*

tam, habens vitalem actualitatem intellectualem, vi essentia sua independentis, sine alio superaddito principio quo, & sine operatione accidentaria.

Deus est *vita*, eaque prima, & substantialis: quia est natura producens operationem vitalem, scilicet intellectum, & volitionem. *Est vita per essentiam*, quia vñ solius suæ essentia independentis habet totam vitalem actualitatem, sine superaddito alio principio quo, & sine accidentaria operatione.

170. *Vita Dei est natura divina, productiva actuum vitalium.* Est fons omnis vitæ participatæ. Item

171. *Vita Dei est ipsius viventis existentia interminabilis, absque initio, & fine.*

172. *Vita per essentiam est natura independentis, vi sua habens totam vitalem actualitatem: sine superaddito alio principio quo, & sine accidentaria operatione.* Siue, *est essentia independentis, se solâ habens plenitudinem vitæ*, primæ & secundæ; substantialis, & actualis.

273. *Vita prima est natura, sui motrix.* Siue, *est natura seipsam mouens; vel intrinsicum principium quo motionis.* NATURA, id est, essentia, vnde nascitur operatio. Natura inquam, in suo statu naturali posita. Qualis non est natura lapidis, deorsum moti, per intrinsicam grauitatem: quia existens in loco naturali, non mouetur à principio intrinseco. S: I P S A M MOVENS, producens operationem vitalem, tanquam principium quod, mediante principio quo intrinseco. V B L I N T R I N S E C U M, primum & formale P R I N C I P I U M QVO MOTIONIS, operationis vitalis. Cuiusmodi principium in corporalibus est *Anima quâ viuimus*, vegetamur, sentimus, & intelligimus primò, tanquam intrinseco principio.

174. *Vita prima & substantialis est duplex: scilicet operationis vitalis principium quod, & quo: siue, natura se mouens, & naturæ forma, siue anima.* Imò in viventibus corporalibus, huius formæ substantialis unio cum materiâ, animæ scilicet cum corpore, vocatur vita; separatio eiusdem, mors. Vniuersim etiam cuiuscunque viventis existentia, & duratio interna, vocatur

vita illius, existentia desinitio, inors.

175. *Vita secunda est operatio vitalis.* Eadem vocatur vita actualis; & accidentaria.

176. *Operatio vitalis est operatio procedens à natura se mouente*, eiaſve principio intrinſeco. v. g. vegetatio, ſenſatio, intellectio, volitio, generatio, progreſſio, &c.

Deus eſt verus, & veritas per eſſentiam 1. Theſſ. 1. *Seruire Deo vivo, & vero.* Ioan. 14. *Ego ſum via, veritas, & vita.*

177. Deus eſt verus, non fictus nec falſus; ſed vere & propriè dictus Deus: habens omnia requiſita ad eſſentiam diuinam. Et conſequenter eſt conformis conceptui intellectûs, repræſentanti Deum, vt in ſe eſt. *Hæc eſt viſa æterna, vt cognoscant ſe ſolum Deum verum.* Ioan. 17. *Dominus autem, Deus verus eſt.* Iereim. 10.

178. Deus eſt etiam verax, & determinatur ad ſemper dicendum verum. *Eſt autem Deus verax, omnis autem homo mendax.* Rom. 3. Vnde verbum Dei, vocatur *verbum veritatis*, Ephes. 1. imò *veritas*, Galat. 3. & Ioan. 18.

179. Deus eſt verus, & veritas per eſſentiam: quia plenitudinem veritatis habet, vi ſolius eſſentia ſua, abſque vllâ aduentitiâ veritate ſuperadditâ. In genere

180. *Verum eſt ens adequatum menſura ſua*: ſcilicet intellectui diuino, tanquam idææ, menſuræque ſua. Siue, *eſt ens, conforme intellectui*, concipienti & repræſentanti illud, vt in ſe eſt.

181. *Verum in eſſendo eſt ens, completum eſſentialibus ſuis*, conforme conceptui illud repræſentanti vt in ſe eſt. **COMPLETUM**, habens omnia requiſita ad eſſentia ſua complementum: ſcilicet principia eſſentialia, quibus intrinſecè conſtare exigit. **CONFORME**, vel conformabile intellectui, illud concipienti & repræſentanti, vt eſt à parte rei.

182. *Verum in cognoscendo, eſt aſſenſus, vel diſſenſus conformis rei intellecta.*

183. *Verum in enuntiando, est propositio conformis rei enuntiata.*

184. *Verum in loquendo, est dictum, conforme menti loquentis.*

185. *Verum in exequendo, est factum, conforme dicto.*

186. *Veritas est adaequatio rei ad mensuram suam, scilicet ad sui idæam, existentem in mente diuinâ. Siue, est conformitas rei ad intellectum, diuinum, vel illum, representantem eam, ut in se est.*

187. *Veritas in essendo, est entis, essentialiter completæ conformitas ad intellectum, illud representantem, ut in se est. Siue, est entitas essentialiter completa, conformis intellectui, eam representanti, ut est à parte rei.*

188. *Veritas in cognoscendo est conformitas intellectus, ad rem intellectam.*

189. *Veritas in enuntiando, est conformitas propositionis, ad rem enuntiatam.*

190. *Veritas in loquendo, est conformitas lingua, ad mentem loquentis: siue dicti, ad mentem dicentis.*

191. *Veritas executionis, est conformitas facti, ad dictum.*

192. *Veritas moralis, siue veracitas, est virtus, inclinans ad semper dicendum verum. Hæc veracitas non tantum inclinatur Deum, sed determinatur quoad specificationem, ad semper dicendum verum: ut diximus n. 178.*

Est in Deo amor. 1. Ioan. 4. Ipse prior dilexit nos. Deus charitas est.

193. *Amor est unio appetitus ad aliqua conveniens. Siue, est boni volitio, in se, vel alicui supposito. Prior volitio terminatur ad bonum per se, quod appetitur: posterior ad suppositum amans, vel amatum, cui bonum appetitur.*

194. *Amare est velle bonum, in se, vel supposito alicui, amanti scilicet, vel amato.*

195. *Amor complacentia est volitio boni in se. Siue, est unio appetitus ad bonum per se, quod sui, non alterius gratia appetitur.*

196. *Amor concupiscentia est volitio boni, in commodum amantis.*

197. *Amor benevolentia est volitio boni, in commodum amati.* Hic amor benevolentia potest tripliciter subdividi; ita ut unus sit benevolentia simplicis, alius perfectae, & tertius amicitiae.

198. *Amor simplicis benevolentia est volitio boni, in commodum amati, non potentis eo liberè uti.* Hoc amore, Deus amat creaturas irracionales; dando, & conservando illis esse.

199. *Amor perfectae benevolentia est volitio boni, in commodum amati, potentis eo liberè uti.*

200. *Amor amicitia est volitio boni, in commodum amati, redamantis.*

201. *Amor divinus est essentia divina, concepta per modum volitionis boni.* Siue, est actus divinae voluntatis, quo tres persona volunt bonum, in se, alicuive supposito. Hic amor divinus, est essentialis, condistinctus contra notionalem, & personalem: de quibus infra n. 440 & 441.

Est in Deo odium: nam odio sunt Deo impius, & impietas eius. Sapientia 14.

202. *Odium est fugamali.* Siue, est actus appetitus, disconveniens alicuius. Appetitus inquam, tam naturalis, quam sensitui, & rationalis.

203. *Odium abominationis est actus appetitus, averfantis malum proprium, vel amati.*

204. *Odium inimicitia est averfio à personâ, imprecatione mali, ut ei malè sit.*

Odium abominationis est propriè in Deo: quia reverà abominatur peccatum, tanquam malum, suae bonitati conerarium, suaeque creaturae noxium. Odium autem inimicitiae est in Deo, tantum metaphoricè; tum respectu peccati, cui malum operari non potest: tum respectu peccatoris, cui non vult malum, sub ratione mali, sed iusti.

205. *Est in Deo iustitia. Iustus Dominus, & iustus dilexit.* Psal. 10. Est inquam propriè in Deo iusti-

tia : seclufis tamen omnibus imperfectionibus iuftitiam creatæ : quæ (vti & aliæ virtutes creatæ) eſt dependens, finita, accidentaria, &c.

206. Iuſtitia commutativa eſt in Deo, quia retribuit adæquatum merito præmium, aut ſupplicium, cuique priuato, ſine comparatione ad alios : ſeruando proportionem arithmeticam, & æqualitatem rei ad rem : ſcilicet præmij ad meritum ; & ſupplicij ad demeritum. Eſt etiam in Deo iuſtitia diſtributiua, quia communia præmia, & ſupplicia omnibus partitur, cum comparatione ad alios, tanquam partes eiufdem communis ; ſeruando proportionem geometricam, & æqualitatem vnius proportionis, ad aliam : ita vt ſit eadem proportio præmij ad præmium, quæ eſt meriti, ad meritum. Iuſtitia quoque vindicatiua, quia Deus damnatis rependit malum pœnæ, adæquatum malo culpæ.

Eſt in Deo miſericordia. *Miferere mei Deus, ſecundum magnam miſericordiam tuam.* Pſal. 50.

207. *Miſericordia eſt virtus inclinans voluntatem, ad aliena miſeria ſubleuationem.* Miſericordia in hominibus dicit aliquid materiale, quod non eſt in Deo : ſcilicet triſtitiã, compaſſionem, & cordis conſtrictionem.

Eſt in Deo ſcientia. *Deus ſcientiarum, dominus eſt.* 1. Reg. 2. *O altitudo diuitiarum ſapientia, & ſcientia Dei !* Rom. 11.

208. *Scientia eſt cognitio rei, per cauſas ; realiter influentes eſſe, in rem, tanquam effectum : vel cauſas, latè dictas : quæ ſcilicet ſunt cauſæ cognoscendi rem à priori ; ſuntque rationes attributorum, quæ de ſubjecto ſcibili demonſtrantur.*

209. *Scientia diuina eſt omnis obiecti ſcibilis clara, certa, & perfectæ cognitio.* Hæc vnicã eſt, quia eſt ipſa-
met eſſentia diuina, concepta per modum cognitionis ſcientificæ : tamen ratione obiectorum, ad quæ terminatur ; vna eſt ſcientia viſionis, altera ſimplicis intelligentiæ, &c.

210. *Diuina ſcientia viſionis eſt cognitio rerum, in ali-*

quâ temporis differentiâ existentium. Diuina

211. *Scientia simplicis intelligentiæ est cognitio rerum possibilium, quâ saltem, abstrahendo ab existentia illarum, in quâcunque differentiâ temporis præteriti, præsentis, & futuri. Et ab hac abstractione, vocatur scientia abstractiva. Hic autem*

212. *Simplex intelligentia est cognitio obiecti, non coëxistentis existentia cognitionis. Similiter*

213. *Visio est cognitio obiecti, coëxistentis existentia cognitionis. Coëxistentis inquam in æternitate, tanquam in mensurâ altiore: sed & in aliquâ differentiâ temporis. Diuina.*

214. *Scientia necessaria est cognitio obiecti independentis à decretis Dei liberis. Vocatur aliàs naturalis. Et hæc Diuina*

215. *Scientia naturalis est cognitio omnium possibilium, praueniens liberum decretum voluntatis diuinæ, nostro modo concipiendi.*

216. *Scientia libera est cognitio obiecti, pendens à decretis Dei liberis. Siue, est cognitio rerum futurarum, absolute vel conditionate; sequens liberum decretum voluntatis diuinæ; nostro modo concipiendi.*

217. *Scientia conditionalium est cognitio obiecti possibilis, ex hypothesis futuri: quâ Deus ab æterno præscit quid causæ liberæ & necessariæ facturæ sint, si cum certis circumstantiis, in certo rerum ordine collocarentur. Hæc spectat ad scientiam simplicis intelligentiæ, & fundatur in scripturâ. 1. Regum 23. Si tradent me viri Cesla? tradent. Et Matth. 11. Si in Tyro, & Sidone facta fuissent virtutes, pœnitentiam egissent. Itaque futura conditionata nouit Deus per scientiam simplicis intelligentiæ, non per scientiam mediam, antecedentem liberum decretum voluntatis diuinæ. Nam si factæ fuissent virtutes in Tyro & Sidone, ciues illarum pœnitentiam egissent: quia Deus decreuerat eis dare fidem, & pœnitentiam. Et sic nostro modo concipiendi, scientia futuri conditionati, est subsequa decreto diuino. Diuina*

218. *Scientia approbationis est cognitio obiecti, quod*

Deus approbat ut bonum, & in eo sibi complacet. Diuina

219. *Scientia speculativa est cognitio obiecti, à Deo non operabilis.*

220. *Scientia practica est cognitio obiecti, à Deo operabilis.*

221. *Scientia vel præscientia diuina non imponit rebus præcognitis necessitatem: quia illa est vnicus simplex intuitus, quo Deus præsentialem videt omnia præterita, præsentia, & futura: relinquens illa naturali suæ conditioni, vt eueniant necessariò, vel contingenter, aut liberè; secundum varietatem causarum secundarum. Nam diuina præscientia, non est solùm de euentu rerum, sed etiam de modo euentus.*

222. *Cæterum, quod est à Deo præscitum, euenit necessariò, necessitate consequentiæ: sed non necessitate consequentis. Et non potest non euenire, in sensu composito: potest tamen non euenire, in sensu diuiso.*

223. *Necessitas consequentiæ est coherentiæ propositionum inter se talis, vt vnâ posita, necessariò consequatur altera. Etiam si propositiones sint contingentes, aut impossibiles. Exempli gratiâ: Si Ioannes currit; ergò necessariò monetur. Si lapis loquitur; ergò necessariò uiuit.*

Hæc necessitas consequentiæ, vocatur etiam necessitas ex suppositione, ex hypothesi, hypothetica, & conditionata. Cùm hac necessitate consequentiæ, potest manere contingentia consequentis.

224. *Necessitas consequentis est absoluta connexio terminorum propositionis; ita vt subiecto posito, prædicatum sequatur necessariò. v. g. Si Ioannes est homo, necessariò est animal rationale.*

Iuxta Aristotelem. 1. Elench c. 5. aliàs 3.

225. *Propositionis sensus compositus, est is, quo formale significatum prædicati, applicatur formali significato subiecti. Siue, quo dua forma, per utrumque extremum significata, simul componuntur in eodem subiecto denominationis; v. g. huius propositionis, Possibile est stantem sedere, sensus compositus est, Possibile est, stantem manentem stantem, sedere. Siue, Possibile est, quod a statio & sessio sint simul in eodem.*

226. *Sensus diuisus est is, quo formale significatum gradatè, applicatur materiali significato subiecti. Sive, quo due forma, per utrumque extremum significata, non componuntur simul in eodem subiecto: sed cum vnâ formâ, significatur inesse potentia, ad aliam. Vnde in allegatâ propositione, sensus diuisus est: Stans, dum est stans, habet facultatem ad sedendum. Non est autem sensus diuisus hic: fieri potest, quod stans, relicta statione, sedeat. Neque hic: Possibile est, quod statio & sessio, successiue sint in eodem.*

In Deo sunt idæ rerum. Heb. 11. *Fide credimus apertè esse secula Verbo Dei, ut ex inuisibilibus, visibilia fierent, scilicet, ut ex inuisibilibus idæis eorum, in mente diuinâ existentibus, ad extrâ hæc visibilia fiorent.*

227. *Idea est species intelligibilis expressa. Sive, est actualis similitudo rei intellectæ. Verum hic accipiunt magis restrictè, ut pertinens ad scientiam practicam: & sic*

228. *Idea est conceptus intellectus, & interna similitudo effectus producendi: ad cuius inspectionem agens producit illum. Sive, est rei factibilis exemplar expressum in intellectu artificis; quod intuens operatur. Diuina*

229. *Idea est rei factibilis expressa similitudo, in intellectu diuino existens; ad cuius inspectionem ea producitur, aut producibilis est. Hæc idæa est ipsamet essentia diuina, concepta per modum exemplaris; ad cuius instar, creaturæ producuntur.*

Est in Deo intellectus. Iob. 12. *Ipsè habet consilium, & intelligentiam.*

230. *Intellectus diuinus est essentia diuina, concepta per modum facultatis intellectiua; id est, potentia cognoscitiuæ rationalis; assentientis vero, & dissentientis falso*

Est in Deo voluntas. Matth. 6 *Fiat voluntas tua.*

231. *Voluntas diuina est essentia diuina, concepta per modum facultatis appetitiua rationalis: id est potentia prosequenti bonum, & fugienti malum, secundum directionem intellectus. Intellectus & voluntas diuina identificatur essentia: angelica naturaliter fluit ab es-*

sentiâ angeli: humana itidem ab essentiâ animæ rationalis, cui subiectivè inexistit.

232. Voluntas diuina vnica est, secundum se: quia est Deus ipse. Ex parte tamen obiecti secundarij, & sumendo illam, tam metaphoricè, quàm propriè, est multiplex. Nam vna est voluntas beneplaciti, alia signi: vna antecedens, alia consequens: vna absoluta, alia conditionata: vna efficax, alia inefficax. Metaphoricè inquam, quia à voluntate beneplaciti, condistincta voluntas signi, antecedens, conditionata, & inefficax, non est formaliter & propriè in Deo: sed tantum eminenter, aut metaphoricè: quo modo est ira, dolor, pœnitentia. Quia scilicet Deus se habet ad modum hominis volentis, irati, dolentis, pœnitentis.

Diuina

233. *Voluntas beneplaciti est internus actus voluntatis diuinae, quo vult verè aliquid in se, ei quo placet.*

234. *Voluntas signi est externum signum, quo Deus internam suam voluntatem manifestat; habetque se ad modum volentis vltteriùs aliud: quod tamen reuerà non semper vult.*

Eiusmodi externum signum est quintuplex: scilicet præceptum, prohibitio, permissio, consilium, operatio. Vnde est versiculus: *Præcipit, ac prohibet, permittit, consulit, implet.*

235. *Præcepto* significat Deus se velle imperare, & obligare vt res præcepta fiat: non tamen semper vult absolutè vt fiat: quamuis in speciem hoc præ se ferat.

236. *Prohibitione* significat Deus se velle vetare, & obligare vt omittatur prohibitum: non tamen semper vult vt omittatur absolutè: quamuis in speciem hoc præ se ferat.

Sub præcepto & prohibitione comprehenditur comminatio diuina. Hæc autem

237. *Comminatio est conditionata pena intentatio.* CONDITIONATA, casu quo fiat prohibitum, aut non fiat præceptum. POENA infligendæ.

238. *Permissione* significat Deus se velle dare concursus generalem ad effectum malum: quem nolens,

videtur velle, quum possit impedire.

239. *Consilio* significat Deus iudicium suum prædictum, quo decernit suum, esse factu utile, meliusque opposito: non tamen semper cum absolutâ voluntate ut fiat: quam videtur præse ferre.

240. *Operatione* significat Deus absolutam suam voluntatem operandi bonum effectum; in speciem præ se ferens voluntatem boni vltioris: quam tamen non semper habet.

Sic Deus operando generis humani redemptionem, iustificationem, sanctificationem, videtur habere salvandi absolutam voluntatem: quam tamen non semper habet.

241. Voluntas signi tripliciter se habet ad voluntatem beneplaciti; quædam nunquam coincidit cum hac, uti permissio peccati: quædam semper, uti operatio: quædam aliquando, uti præceptum, prohibitio; consilium.

Omnis voluntas signi, est etiam beneplaciti, respectu eius, quod intendit Deus significare: è diverso omnis voluntas beneplaciti manifestata, est etiam signi.

Ad mentem sanctorum Ioannis Chrysostomi, & Damasceni,

242. *Voluntas antecedens est ea, quâ Deus vult aliquid ex merâ bonitate suâ: uti saluare.*

243. *Voluntas consequens est ea, quâ Deus vult aliquid alienum à bonitate suâ: uti, damnare.*

Utraque passim à Theologis sic definitur:

244. *Voluntas antecedens est ea, quâ Deus vult aliquid, consideratum in se, ante considerationem circumstantiarum, nostro modo concipiendi.*

245. *Voluntas consequens est ea, quâ Deus vult aliquid, consideratum cum omnibus circumstantiis.* Itaque hæc voluntas dicitur antecedens vel consequens, quia nostro modo concipiendi, antecedit vel consequitur considerationem circumstantiarum rei volitæ.

246. *Voluntas absoluta est internus actus voluntatis Dei, quo decretoriè vult aliquid esse.*

247. *Voluntas conditionata est internus actus volun-*

voluntas Dei, quo aliquid vult, non absolute, sed sub certa conditione.

248. *Voluntas efficax est internus actus voluntatis Dei, quo vult aliquid fieri, ita ut fiat.*

249. *Voluntas inefficax est divina voluntatis affectus desiderij simplicis: & velleitas destituta effectu.* Hanc quidam ponunt in Deo formaliter, & propriè: & consequenter simplex desiderium salutis omnium, etiam reproborum; quasi nullam importans imperfectionem in Deo: cum sit ex libertate, & electione; & non (vti in mercatore naufragante, & dicente vtrumque, Vellem seruare merces, & volo eas projicere) ex impotentiâ habendæ efficacis voluntatis, si luberet. Verum quia eiusmodi desiderium inefficax inuoluit imperfectionem, non est in Deo agnoscendum, nisi eminenter & impropriè: vti diximus n. 232.

Intellectus creatus potest intuitiue videre essentiam diuinam. 1. Ioan. 3. Videbimus eum, sicuti est.

250. *Visio intuitiua est, cognitio, quâ res immediatè præsens videtur, vti in se existit.*

251. *Visio Dei intuitiua est cognitio, terminata ad Dei essentiam, in se visam.* VISIO DEI, non actiua, quâ videt; sed passiuâ, quâ videtur. COGNITIO intellectus creati, lumine gloriæ illustrati.

In hac visione beatificâ datur species expressa, non impressa: quia huius vicem supplet essentia diuina, immediatè se vniens intellectui beati.

252. *Species est similitudo, representatiua rei.*

253. *Species intelligibilis est similitudo representatiua obiecti intellecti.* Ea est duplex, impressa & expressa.

254. *Species impressa est similitudo obiecti, illud virtualiter representans intellectui.* Quando scilicet obiectum est materiale: vel immateriale quidem, sed non sufficienter præsens intellectui.

255. *Species expressa est rei intellecta similitudo actualis, quam in se exprimit intellectus.* Est ipsum verbum mentis; & terminus intellectionis.

256. *Lumen gloriæ est qualitas supernaturalis, intellectui creato permanentè infusa, quâ proximè habilis*

44 *Breviary Theologici Pars I.*

redditur ad intuitivè videndum Deum.

257. *Lux est qualitas per se visibilis, inherens corpori suapte naturâ lucido. PER SE VISIBILIS, visu perceptibilis, tanquam obiectum quod videtur; & quo alia videntur. INHERENS CORPORI splendido, fulgido per se, & SVAPTE NATVRA LVCIDO. v. g. soli, igni, &c.*

258. *Lumen est actus perspicui, quâ perspicuum est: id est, forma completiva corporis transparentis, actu illuminati. Siue,*

259. *Lumen est qualitas per se visibilis, recepta in corpore diaphano, & transparente. v. g. in aëre, vitro, &c.*

260. *Radius est lumen emissum, à corpore, per se lucido, & proprio fulgore splendente.*

261. *Radius rectus est lumen, rectâ lineâ emissum à corpore, per se lucido.*

262. *Radius reflexus est lumen, à corpore opaco polito repercussum, rectâ versus originem suam. OPACO, non transparente. POLITO, læui, ter so, superficietenus susceptiuo luminis. Cuiusmodi est speculum, argentum, stannum, &c. Idem vocatur splendor: nam*

263. *Splendor est lumen reflexum à corpore opaco polito.*

264. *Radius refractus est lumen dispersum circa opacum, indeque vltèrius transmissum.*

265. *Videre aliquid in Verbo cognitione matutinâ, est videre illud in essentia diuina, secundum esse eminens, quod in eâ habet.*

266. *Videre aliquid cognitione vespertinâ, est cognoscere illud, quoad esse suum creatum: quod habet in se, extra essentiam diuinam.*

267. *Cognitio matutina est ea, quâ beati in essentiâ diuinâ vident res; secundum esse ideale, quod in eâ habent.*

268. *Cognitio vespertina est ea, quâ beati vident res, secundum naturam propriam, quam habent extra essentiam diuinam. Ista dicitur matutina, ratione claritatis rerum in Verbo, tanquam sole æterno: hæc vespertina, ratione minoris claritatis.*

Beati catenùs Deum comprehendunt, quia cum ad-

prum tenent, & possident; iuxta Apostolum 1. Cor. 9. & Philip 3. Eatenus autem non comprehendunt; quia visione beatificâ non adæquant visibilitatem Dei: nam Deus est incomprehensibilis cogitatu, Ieremiæ 32. & incomprehensibilia sunt iudicia eius. Rom. 11.

269. *Comprehendere Deum est cognoscere illum adæquatè, quantum cognoscibilis est.* Quia autem infinitè cognoscibilis est; ideo non potest ab intellectu creato finito, ne quidem Chri-

270. isti hominis, adæquatè cognosci. * Vnde beati vident quidem Deum totum, id est totam simplicissimam essentiam diuinam, sicuti in se est: sed non totaliter, id est perfectè & adæquatè; ita vt visione suâ exhauriant totam visibilitatem Dei.

271. *Comprehensio est rei adæquata cognitio: quâ cognoscitur tantum, quantum est cognoscibilis.*

272. Incomprehensibilitas Dei formaliter dicit negationem comprehensionis ab intellectu creato: fundamentaliter autem dicit summam perfectionem diuinam: quæ tanta est, vt comprehendi non possit ab intellectu creato, quantumuis adiuto lumine gloriæ: quia illud deberet esse infinitum: quale dari non potest.

Deus illabitur in animam, & ipse solus.

273. *Illabi in animam, est sui substantiam in eâ intimè statuere, eique perfectè dominari: perscrutando illam, & flectendo quò libet.*

274. *Illapsus in animam est sui ipsius in eâ constitutio intima, perfectumque dominium: perscrutando omnes finis illius, & flectendo quò libet.* Raptus, siue

275. *Extasis est diuinitus facta mentis humana eleuatio, ad supernaturalia contemplanda, cum abstractione à sensibus.*

Est in Deo potentia, imò omnipotentia: & Deus est omnipotens Psal. 105. *Quis loquetur potentias Domini? Exodi 15. Omnipotens nomen eius.*

Potentia diuina, vnica est in se: concipiendo tamen illam, nostro modo, per multos inadæquatos conceptus; sic est multiplex. Vnde vna est ad intrâ, alia ad

extra : vna ordinaria, alia absoluta : vna creatiua, alia conseruatiua, gubernatiua, iustificatiua, &c.

276. *Potentia diuina est ipsamet essentia diuina, concepta per modum principij actus productiui.*

277. *Potentia diuina ad intra, est principium productiuium alicuius, quod est intra essentiam diuinam, eique cōessentiale.* Hæc potentia est duplex, vna respectu actuum essentialium, scilicet intellectus & voluntas : altera respectu actuum notionalium, scilicet potentia generandi, & spirandi.

278. *Potentia diuina ad extra est principium productiuium rerum ad extra : quæ scilicet sunt extra essentiam diuinam, & diuersæ ab eâ naturæ.*

279. *Potentia Dei ordinaria est vis agendi, operans secundum communem rerum ordinem, à voluntate suâ constitutum.*

280. *Potentia Dei absoluta est vis agendi diuina, in se considerata, & soluta ab ordine præscripto à voluntate suâ. Siue, est essentia diuina, per se valens efficere omnia possible. Coincidit cum omnipotentia diuinâ*

281. *Potentia diuina est infinita intensiue & extensiue. Intensiue duobus modis : primò intrinsecè, ratione entitatis suæ, quæ est essentia diuina infinita. Secundò extrinsecè, ratione actionis productiue, quâ producit res ita perfecte, vt possit eas semper perfectius producere. Extensiue, ratione obiecti, in cuius latitudine habet infinitam extensionem : nam potest efficere omnia entia possible, quæ sunt infinita.*

282. *Omnipotens est potens facere omnia possible.*

283. *Omnipotentia est omnium possibleum potentia productiua.* OMNIPOTENTIA, sic dicta non quòd sit omnis potentia (quia non obiectiua, subiectiua, passiuæ) sed omnium potentia. POSSIBILIVM, eorum quæ naturâ suâ talia sunt, vt fieri possint. Sicut enim scientia non est nisi scibileum ; ita potentia possibileum. Vnde impossible non cadunt sub potentiam : & si caderent, impossible non essent.

Possibile & impossibile vnum est absolutum, aliud respectiuum.

284. *Possibile absolutum est id, quod naturâ suâ tale est, ut fieri possit. Siue, est id, quod esse non implicat contradictionem.*

285. *Possibile respectuum est id, quod fieri potest ab hac, vel illâ potentiâ; respectu cuius dicitur possibile.*

286. *Impossibile absolutum est id, quod naturâ suâ tale est, ut fieri non possit.*

287. *Impossibile respectuum est id, quod ab hac, vel illâ potentiâ fieri non potest; respectu cuius dicitur impossibile.*

288. *Implicare contradictionem est includere duo contradictoria, immediatè, vel mediatè.*

289. *Involvere repugnantiam est includere aliquid repugnans essentia rei. Eiusmodi repugnantia & contradictio foret, si Deus posset mentiri, peccare, &c. nam esset Deus, & non esset Deus: Deus ex suppositione, & non Deus in rei veritate: ut pote deficiens, & imperfectus.*

Omnipotentia creatoris, correspondet creaturae potentia obediencialis. De quâ diuersimodè sentiunt Theologi. Nam quidam agnoscunt eam passiuam tantum, alij insuper actiuam. Quidditatem quoque illius, nonnulli hoc modo, alij alio explicant. Primi aiunt esse nudam non resistantiam creaturae, & secundum eos,

290. *Potentia obediencialis est, non repugnantia creatura, quâ potest eleuari à Deo ad quilibet agendum, vel recipiendum, non implicans contradictionem. POTENTIA OBEDIENCIALIS, sic dicta, quia creatura perfectè subiicitur Deo, eique ad nutum obedit in omnibus, contradictionem non implicantibus. NON REPUGNANTIA, non resistantia, inera negatio repugnantiae. ELEuari supra vires naturae ordinarias.*

Secundi dicunt esse ipsammet creaturae naturam, quatenus subiicitur, obeditque Deo in omnibus: & secundum eos,

291. *Potentia obediencialis est creatura entitas, dicens formaliter subijectionem ad Deum, ut illi possit & debeat parere in omnibus, vires naturales superantibus, &*

non implicantibus contradictionem.

Tertij dicunt esse entitati creaturæ superadditam qualitatem physicam: & secundum eos,

292. *Potentia obedientialis est facultas divinitus indita creatura, ad agendum vel patiendum, supra vires naturæ ordinarias. Siue, est qualitas realis, à Deo superaddita creatura. qua elevatur & redditur potens ad quodlibet agendum & patiendum, non implicans contradictionem. QUALITAS, & reale principium proximum actionis, & passionis. Qualitas inquam reducenda ad secundam speciem qualitatis. An autem hæc qualitas (quâ v. g. humanitas Christi elevatur ad opera supernaturalia, & Sacramentum, ad gratiæ productionem, &c.) sit corporea, an spiritualis, ambigunt, qui eam adstruunt, quibusdam hoc, alijs istud statuentibus. QUA ELEVATUR à Deo, supra vires naturales.*

Quarti dicunt esse motum, à Deo creaturis, tanquam instrumentis vrentes, impressum: quo mediante concurrunt physicè ad productionem, vel receptionem effectuum supernaturalium. Sicuti instrumenta ab artifice moventur ad producendum opus artificiatum, & secundum eos,

293. *Potentia obedientialis est motio, à Deo impressa creatura, ut illi cooperari possit ad omnem actionem & passionem, non implicantem contradictionem.*

294. *Potentia obedientialis passiva est ea, qua creatura à Deo elevatur, ad aliquid recipiendum, supra ordinarias naturæ vires.*

295. *Potentia obedientialis activa est ea, quæ creatura à Deo elevatur, ad producendos effectus, superantes ordinarias naturæ vires. Siue, est creatura entitas, ita subiecta Deo, ut realiter adhuc possit ei cooperari in operationibus miraculosis.*

296. *Mirum est opus manifestum, habens sui causam occultam. Vnde admiratio exurgit, quando effectus est manifestus, & illius causa occulta. Lato modo sumptum*

297. *Miraculum est opus divinitus factum, supra omnem*

omnem creatam facultatem: sed non contra ordinarium rerum cursum. Eiusmodi latioris nomenclaturæ miraculum est creatio mundi, & animarum rationalium: iustificatio, effectus Sacramentorum: & quidquid ita excedit creatam facultatem, ut non sit contra ordinarium rerum cursum, à Deo institutum. Stricto modo sumptum

298. *Miraculum est opus divinitus factum, supra omnem creatam facultatem; & contra ordinarium rerum cursum, à Deo institutum.* MIRACULUM, quia mirandum, & admiratione dignum. DIVINITVS, quia solus Deus propriâ potestate potest facere miraculum: creatura duntaxat instrumentaliter, ministerialiter, aut impetratoriè. SUPERANS OMNEM CREATAM FACULTATEM, excedens illam, quoad substantiam operis, in se considerati; vel in subiecto certo; vel quoadmodum. Exemplum primi membri est, mundi in punctum redactio, annihilatio, solis noui creatio, &c. Secundi, est resuscitatio mortui, illuminatio cæci, &c. Potest enim creatura dare vitam homini, sed non mortuo: potest itidem dare visum, sed non cæco. Tertij, est morbi, aut vulneris non lethalis curatio subita: potest enim natura eiusmodi morbum, aut vulnus curare medicamentis, & sensim: sed non sine illis, & subitò. CONTRA ORDINARIUM RERUM CURSUM, ita scilicet, ut in ordinario cursu rerum sit aliqua dispositio, ob quam videatur res miraculosa non debere ita fieri. Vnde miracula, quo remotiora sunt à facultate, & cursu naturali; eò sunt maiora.

De Prouidentia Diuina, & Prædestinatione.

EST in Deo prouidentia. Sapientiæ 14. *Tua autem Pater gubernat prouidentia.* Ad hanc prouidentiam diuinâ pertinet gubernatio, dispositio, & prædestinatio.

299. *Prouidentia est ratio ordinis rerum in finem, per media.* RATIO ORDINIS, id est notitia, quâ Deus ab æterno nouit media, quibus creatura possit ordinari;

& dirigi in finem suum : cum voluntate eadem media conferendi in tempore. RERVM omnium creatarum. IN FINEM particularem cuiusque rei, & generalem omnium rerum, scilicet manifestationem gloriæ diuinæ. Et hunc generalem finem prouidentia diuina, eique subiectæ res omnes semper assequuntur : non itidem illum particularem : quia Deus vult hunc efficaciter, non semper illum.

Prouidentia diuina est ab æterno, ipsius executio est in tempore, retinetque nomen prouidentia: ordinariè tamen vocatur gubernatio. Quæ

300. *Gubernatio est prouidentia diuina executio. Siue, est actualis rerum creatarum directio in finem, per mediam convenientiam.* Deus res creatas inferiores gubernat per superiores, communicando causis secundis dignitatem causalitatis : ita tamen vt omnibus rebus prouideat immediatè, immeditatione virtutis, & suppositi. Hæc autem

301. *Immediatio virtutis est indistantia, qua potentia diuina est intima entitati rerum omnium: iis sese innuando, easque sine intermedio attingendo.*

302. *Immediatio suppositi est indistantia, qua essentia diuina est intima entitati rerum omnium: ijs sese innuando, easque penetrando, absque alio supposito mediante.* Posita autem immeditatione virtutis, sequitur immediatio suppositi : quia virtus & potentia diuina, est suppositum diuinum.

303. *Dispositio est diuina ordinatio, cuique creatura tribuens locum ordinemque convenientem.* ORDINATIO, diuini intellectûs notitia, quâ Deus ab æterno nouit cuiusque creaturæ ordinem convenientem, ad concinnam vniuersi proportionem : cum voluntate illum ordinem constituendi in tempore.

Temporaria autem

Dispositio, est ordo habentis partes: Id est, constitutio totius, ac veluti forma consurgens in toto, ex colloca-tione partium in suis locis.

Prouidentia diuinæ circa creaturam intellectualem, quæ sunt præcipuæ partes: scilicet prædestinatio, & reprobatio.

304. Etymologicè *Prædestinatio* est prior destinatio; prævia deputatio, ordinatio, & directio. Et *Prædestinare* est animo prius destinare id, quod postea exequendum est: vel, ante deputare ad aliquid, ordinare, & dirigere.

Secundum Augustinum, Prosperum, Fulgentium, Anselmum, Isidorum, & Concilia Valentinum, Arausicanum, Tridentinum sess. 6. can. 17. generaliter sumpta

305. *Prædestinatio* est diuina æterna destinatio creatura intellectualis, ad gloriam, vel ad penam. Eadem tamen ordinariè sumitur tanquam condistincta contra reprobationem. & sic sumpta

306. *Prædestinatio* est diuina æterna destinatio creatura intellectualis ad gloriam, per gratiam. *ÆTERNA*, & ante sæcula, 1. Cor. 2. ante tempora secularia. 2. Timoth. 1. ante mundi constitutionem. Ephes. 1. Itaque est diuina, æterna, gratuita, & efficax destinatio, ordinatio, deputatio, & directio *CREATURÆ INTELLECTUALIS*, angeli, & hominis. *AD GLORIAM*, tanquam finem supernaturalem. *PER GRATIAM*, tanquam medium. Vnde nostro modo concipiendi, prædestinatio ad gloriam, est prior prædestinatione ad gratiam: quia intentio finis, est prior electione mediorum: cum media non appetantur, nisi propter finem. Ideoque Apostolus Rom. 8. ait: *Quos prædestinavit, hos & vocavit: & quos vocavit, hos & iustificavit: quos autem iustificavit, illos & glorificavit.* Quibus verbis innuit primo ordinem finis, & mediorum ad finem: secundò ordinem mediorum inter se, & ad actualem affectionem finis.

307. In vocabulo prædestinationis, præpositio præ significat prioritatem, æternitatis ad tempus; & antecessorem diuinæ destinationis, ad executionem illius, actualemque transmissionem creaturæ in gloriam, per gratiam: iuxta illud Ephes. 1. *Elegit nos in ipso, ante mundi constitutionem:* & Matth. 25. *Possidete paratum vobis regnum, à constitutione mundi.* Significat insuper destinationem gloriæ, ante merita præ-

uifa : & præ reprobis , electorum destinationem ad eandem gloriam. Cum præfatâ prædestinationis definitione ferè coincidunt sequentes definitiones :

308. *Prædestinatio est ratio ordinis aliquorum in salutem æternam , in mente diuina existens.* D. Thomas p. 1. q. 23. a. 2. *Prædestinatio est ratio transmissionis creature rationalis , in vitam æternam.* Idem p. 1. q. 24. a. 1. *Est electio creatura intellectualis ad gratiam , & gloriam.* Scotus in 1. sentent. dist. 40. q. 1. *Est præordinatio alicuius ad gloriam principaliter , & ad alia in ordine ad gloriam.* Idem in 3. sentent. dist. 7. q. 3. *Est directio creatura rationalis , in vitam æternam.* Durandus in 1. sentent. dist. 41. q. 1. Alij definiunt : *Est gratia , & gloria preparatio. Est æterna preparatio gloriæ , pro gratiâ retribuendæ , intellectualis creatura. Est diuina destinatio creatura intellectualis ad gloriam , preparatioque mediorum efficacium ad illam.*

309, Cæterum quando Augustinus lib. de prædestinatione sanctorum c. 10. dicit : *Prædestinatio est gratia preparatio* , per gratiam intelligit (vti constat ex epistolâ 105. aliisque locis) actualem , habitualement , & consummatam , siue vitam æternam. Nam Rom. 6. *gratia Dei , vita æterna.* Et Ioan. 1. *De plenitudine eius , nos omnes accepimus : & gratiam , pro gratiâ gratiam glorificationis , pro gratiâ iustificationis.*

Porro omnes præcedentes definitiones possunt intelligi generaliter de prædestinatione angeli & hominis , ante & post lapsum. Sed idem Augustinus de bono perseuerantiæ c. 14. solius hominis lapsi , & à peccati seruitute liberandi prædestinationem definit , quando dicit :

310. *Prædestinatio est præscientia , & preparatio beneficiorum Dei , quibus certissimè liberantur , quicunque liberantur.* EST PRÆSCIENTIA , intellectus diuini prænotio eorum , quæ erat ipse factururus circa electos suos , iuxta eundem Augustinum , de prædestinatione sanctorum c. 10. Item *præscientia* , voluntatis diuinæ prædilectio electorum , iuxta Apostolum Rom. 8. *Quos præsciuit , & prædestinavit : præsciuit , id est , præ-*

dilexit. Et Rom. 11. *Non repulit Deus plebem suam, quam præsciuit.* Et 1. Petri 1. *Electis....secundum præscientiam Dei Patris.* Et infra de persona Christi, *præcogniti ante mundi constitutionem.* ET PRÆPARATIO, ab æterno paratio: Siue, à constitutione mundi, Matth. 25. Siue, ante mundi constitutionem, Ephes. 1. BENEFICIORVM DEI, remissionis peccatorum, gratiæ, virtutum, bonorum operum, quæ præparavit Deus, ut in illis ambulemus, Ephes. 2. Vocationis secundum propositum, iustificationis, & glorificationis. CERTISSIME, quia qui prædestinati sunt, infallibiliter & certissimè liberantur à servitute peccati, per gratiam, & assequuntur gloriam. Vnde Ioan. 10. Christus ait de ouibus suis: *Ego vitam æternam do eis: & non peribunt in æternum: & non rapiet eas quisquam de manu meâ.*

In hac prædestinationis materiâ,

311. *Dilectio est voluntatis diuinæ æternum beneplacitum gratuitum, quo alicui vult vitam æternam absolute, sine comparatione ad alios.*

312. *Electio est voluntatis diuinæ beneplacitum gratuitum, quo vult vitam æternam uni, præ alio.*

313. Quamvis dilectio, siue præscientia, electio, & prædestinatio sint ab æterno; tamen nostro modo concipiendi, inter illas est hic ordo: dilectio, electio, prædestinatio. Nam prædestinatio secundum rationem præsupponit electionem; & electio dilectionem, iuxta sensum Apostoli Rom. 8. *Quos præsciuit, & prædestinavit, &c.*

314. Prædestinationis causam meritoriam non esse merita nostra præuisa, sed Christi, conforme est scripturæ, Lucæ 12. Ioan. 15. Rom. 6. 9. & 11. Ephes. 1. ad Titum 3. ad Timoth. secundæ 1. Psal. 17. & alibi.

315. Prædestinationis effectus proprii sunt vocatio secundum propositum, iustificatio, & glorificatio: ut patet ex Rom. 8. *Quos prædestinavit, hos & vocavit: & quos vocavit, hos & iustificavit: quos autem iustificavit, illos & glorificavit.* Vnde D. Thomas p 1 q. 23. a. 3. ad 2. *Prædestinatio, inquit, est causa gratiæ in presenti, & gloriæ in futuro: iuxta Psal. 83. Gratiam, & gloriam*

dabit dominus. Gratiam autem duplicem: vnam actua-
lem præuenientem, quæ est gratia vocationis: alteram
habitualementem, gratum facientem, quæ est gratia iusti-
ficationis.

316. *Prædestinationis effectus proprius est id, quod ele-
ctis datur secundum propositum Dei.* Hoc autem Dei

317. *Propositum est voluntatis diuina beneplacitum
gratuitum saluandi aliquem.* De quò Apostolus Rom.
4. v. 5. 8. v. 28. 9. v. 11. Ephes. 1. v. 5. & 11. 2. Timoth.
1. v. 9.

318. *Vocatio secundum propositum est gratia præue-
nientis auxilium, quo quis efficaciter, & perseveranter
mouetur ad fidem, & conuersionem.* Habet propriè
tantum locum in videntibus ratione. Poterit autem ex-
tendi ad paruulos, & amentes adultos, si describa-
tur sic:

319. *Vocatio secundum propositum est gratia diuina
beneficium, quo quis admittitur perseveranter in corpus
Christi mysticum.* GRATIA DIVINA, actualis, quoad
ratione videntes: habitualis, quoad paruulos, & amen-
tes adultos. Verum eatenus spectat ad sanctificatio-
nem. IN CORPUS CHRISTI MYSTICVM, tanquam
membrum viuum, non recidendum: quia PERSEVE-
RANTER admissum.

320. *Iustificatio secundum propositum est infusio iu-
sticie, quæ quis formaliter & perseveranter iustus effici-
tur.* PERSEVERANTER inquam, Nam vocatio & iu-
stificatio non censentur proprii effectus prædestinatio-
nis; nisi dentur secundum propositum Dei, ex efficaci
voluntate saluandi: & tanquam media conferant effi-
caciter ad gloriæ assecutionem. Si autem interrumpantur,
nec reparentur per poenitentiam; tunc non confe-
runt efficaciter ad gloriæ assecutionem.

321. *Glorificatio est aterna gloria adeptio.* Ad glori-
ficationem reuocatur essentialis beatitudinis gradus, a-
mor, & gaudium beatificum; aureolæ, dotes gloriosi
corporis, & beatitudo accidentalis.

322. *Prouidentia diuinæ circa creaturam intelle-
ctualementem, pars opposita prædestinationi, est reprobatio;*

quæ duplex est, negatiua, & positiua.

323. *Reprobatio negatiua est non electio creatura intellectualis, ad gloriam, per gratiam. NON ELECTIO, negatio carentiaque efficacis electionis, absque positiua exclusione CREATURÆ INTELLECTUALIS, angeli & hominis. AD GLORIAM, tanquam finem supernaturalem assequendum, PER GRATIAM finalem, tanquam medium necessarium. Non electio, inquam: non quod reprobatio negatiua consistat in merâ suspensione actûs eligendi; sed quia in illo instanti æternitatis, quo Deus elegit suos ad gloriam; reliquos voluit non eligere ad eam: quâ tamen illos priuare non voluit, nisi post peccati præuisionem. Vnde plenius definiri potest:*

324. *Reprobatio negatiua est diuina voluntatis actus, quo creaturam intellectualem voluit non eligere ad gloriam, per gratiam. Huiusce negatiuæ reprobationis, non datur causa meritoria, ex parte creaturæ: uti innuit Apostolus Rom. 9. Cum nondum nati fuissent, aut aliquid boni egissent, aut malis, ... non ex operibus, &c. Et D. Thomas p. 1. q. 23. a. 5. ad 3. Quare hos, inquit, elegit in gloriam, & illos reprobaui; non habet rationem, nisi diuinam voluntatem. Ad eiusdem mentem, potest definiri*

325. *Reprobatio positiua est diuinum decretum permittende culpa, & pro eâ infligenda pœna, damni & sensûs. Nam citatâ q. 23. a. 3. ait: Reprobatio includit voluntatem permittendi aliquem cadere in culpam, & inferendi damnationis pœnam, pro culpâ. Ad eundem sensum definitur*

326. *Reprobatio positiua est diuina reiectio creatura intellectualis à finali gratiâ, & gloriâ. Siue, est diuina preparatio pœna æterna, ob peccata præuisa irroganda.*

Huiusce reprobationis positiuæ causa meritoria est reprobi præuisum peccatum mortale finale: uti constat ex Osce 13. *Perditio tua ex te Israël, tantummodo in me auxilium tuum.* Et Sapientiæ 1. & 11. *Nihil odisti eorum, quæ fecisti.* Peccatum inquam, originale so-

lum, cumulatumeve actuali; vel actuale solum.

327. Reprobationis proprius effectus, est quadruplex: permissio peccati, derelictio in peccato, exclusio à gloriâ aternâ, inflictio pœnæ sensûs. Duo priores pertinent ad reprobationem, quatenus est reiectio à gratiâ: duo posteriores, quatenus est reiectio à gloriâ,

328. *Reprobationis effectus proprius est Dei reprobantis effectus, influens in pœna aeterna damnationem.* Si autem in eam non influat, non erit reprobationis proprius effectus: sed communis providentiæ diuinæ: uti iam dicemus. Itaque prout est proprius reprobationis effectus,

329. *Permissio peccati, est divina subtractio gratiæ, impeditivæ peccati, causativi damnationis aeternæ.* SUBTRACTIO, quâ Deus vult negare gratiam, & permittere peccatum. GRATIÆ actualis, quâ peccatum actuale impediretur; vel habitualis, quâ originalis peccati infectio præveniretur. IMPEDITIVÆ PECCATI, tam originalis contrahendi, quàm actualis cõmittendi; etiam primi, in quod labitur quis ex innocentia, uti Lucifer: vel ex reparatâ iustitiâ, uti à Baptismo relapsus reprobatus. CAUSATIVI DAMNATIONIS, quia si peccatum non sit causativum illius, ut originale, & actuale remissum, non erit proprius effectus reprobationis. In peccato

330. *Derelictio est divina subtractio gratiæ, remissivæ peccati, causativi damnationis aeternæ.* REMISSIVÆ gratiæ, quæ si daretur, peccatum originale, & actuale remitteretur.

Derelictioni synonyma sunt *dimissio, desertio, despectio*: aliquid plus significat *reprobis sensus, obduratio, excacatio, aggravatio.*

331. *Reprobis sensus est depravatio mentis, probanda improbantiss, & improbanda probantis.* Dicentis, iuxta Isaiaë 5. *Malum bonum, & bonum malum* REPROBUS etymologicè est vilis, contemptibilis, abiectus, & reiectitius, iuxta 1. Regum 15. Ieremiæ 6. & 1. Cor. 9. & 2. 13. MENTIS comprehendentis intellectum, & voluntatem,

332. *Obduratio est subtractio gratia, emollientis cor: quod impœnitens, sibi que relictum, ad conuersionem inflexibile redditur. Hæc obduratio ex parte Dei fit subtrahendo gratiam, non impartiendo malitiam. Ex parte peccatoris,*

333. *Obduratio est pertinacia voluntatis, peccato firmiter adherentis; & gratia emollienti resistentis.*

334. *Excacatio est subtractio gratia illuminatiue intellectus: qui obscuratus, in peccatorum foueam cadit, voluntate inque secum trahit. Ex parte peccatoris,*

335. *Excacatio est voluntaria diuine claritatis priuatio, & spiritualium tenebrarum inductio, per repulsam illustrationum diuinarum.*

336. *Aggravatio est subtractio gratia alleniatiua voluntatis: quæ addens peccatum peccato, graui pondere ad terrena, infernumque deprimitur. Ex parte peccatoris,*

337. *Aggravatio est depressio mentis, succumbentis sub onere graui peccatorum.*

338. *Exclusio à gloriâ aternâ est priuatio visionis beatificæ, & pœna damni. in 3. p. n. 631.*

339. *Infliccio pœna sensus est punitio ignis infernalis, ad certum gradum intensa, secundum malitiam peccati, etiam solius originalis; cui malitiæ commensa est. in 1. 2. n. 448. & in 3. p. n. 632. & 638.*

De Libro Dei.

Liber Dei aliquando generaliter sumitur, aliàs specialiter pro libro vitæ, vti Exodi 32. Psal. 39. Danielis 12. Generaliter sumptus

340. *Liber Dei est omniscentia diuina. Siue, diuina notitia predestinatorum, reproborum, rerumque omnium. Sic accipitur Psal. 138. In libro tuo omnes scribentur. Specialiter sumptus liber Dei, siue liber vitæ, est duplex: primus liber vitæ gloriæ, secundus gratiæ. Primus.*

341. *Liber vite est diuina notitia predestinatorum ad gloriam, vitamque æternam: ad quam infallibiter &*

certò peruenient. Sic accipitur Philip. 4. Apoc. 20. & 21. Hic liber vocatur aliquando absolute *vita*: sic dicitur Isaia. 4. *Sanctus vocabitur omnis, qui scriptus est in vitâ, in Ierusalem*, id est, prædestinatus, cuius nomen est in libro vitæ; & scriptum in Ierusalem cœlesti: iuxta illud Lucæ 10. *Gaudete quia nomina vestra, scripta sunt in cœlo*. De hoc libro vitæ, nemo deleri potest. Secundus

342. *Liber vitæ est diuina notitia eorum, qui habent vitam gratia: & ratione illius, ordinati sunt ad vitam gloriæ æternam: quamuis ad eam non sint omnes perueniendi. De hoc libro vitæ potest quis deleri, excidendo à gratiâ: iuxta Psal. 68. Deleantur de libro viventium, & cum iustis non scribantur* Et Exodi 32. *Qui peccauerit mihi, delebo eum de libro meo*.

343. *Liber mortis est diuina notitia firmiter retinens nomina reproborum. Vti verò nomina prædestinatorum scripta sunt in cœlo, Lucæ 10. ita reproborum in terrâ, Ieremias. 17. Recedentes à te, in terrâ scribentur.*

De Sanctissima Trinitate.

IN Deo est naturæ vnitas, & personarum Trinitas.

344. *Trinitas est trium vnitas: id est, trium personarum diuinarum, realiter distinctarum vnitas, & indiuiduæ naturæ identitas. Siue, Trinitas est ternarius numerus personarum, eiusdem essentia diuina.*

345. Ferè accipiuntur vt synonyma, *entitas, quidditas, ouisia, substantia, essentia, natura*. Omnes sex dicuntur non absolute, sed comparatè: respectu scilicet eius, cuius sunt entitas, natura, &c. Sic diuinitas est natura Dei; humanitas, hominis. &c. Illarum quinque concipiuntur ferè simplici conceptu, quidditas autem conceptu complexo definitiuo, per materiam & formam; genus & differentiam; prædicatum comune & proprium.

346. *Entitas est id, quo ens formaliter constituitur. Ens sumptum nominaliter, non autem participialiter. Sumitur enim ens duobus modis: primò vt nomen*

verbale, sine temporis consignificatione: secundò ut participium, à verbo *sum*: & tunc consignificat differentiam temporis, non tamen certam personam. Primo modo *Ens* formaliter significat essentiam, & abstrahit ab esse, siue existentia actuali: secundo modo formaliter significat esse præsens, & includit actualem existentiam, essentia superadditam. Itaque primo modo.

347. *Ens est quid habens essentiam veram*, non fictam, nec chimericam, eamque existentem actu, vel potentia. Coincidit cum ente reali: nam

348. *Ens reale est quid habens essentiam veram*, & realem, actu vel potentia existentem in rerum natura. Eiusmodi est rosa, etiam in hyeme, quando actu non existit. Secundo modo

349. *Ens est quid actu existens in tempore præsenti.*

350. *Quidditas est id, quod aptè respondetur questioni, quid est res?* v. g. quærenti, *quid est homo?* aptè respondetur, *Est animal rationale.* Item, *Est quoddam compositum ex corpore, & anima rationali.* Vnde.

351. *Quidditas est id, quod explicatur definitione:* nam

352. *Definitio est oratio, explicans res naturam*, siue quidditatem: & quidem per sola essentialia definiti, quando definitio est essentialis. Quæ duplex est: una logica, siue metaphysica, altera physica. Illa datur per genus & differentiam: hæc per materiam & formam. Hanc respuunt res immateriales; illam res naturâ suâ simplices: qualis est natura divina, etiam genera summa, & differentia omnes: quorum tamen quidditas explicatur per quandam imitationem generis & differentia, id est per prædicatum commune, & proprium.

353. Substantia dicitur tribus modis: primò à substando accidentibus: secundò à subsistendo per se: tertio pro ouisâ, siue essentia. Hoc tertio modo accipitur ab Arist. in Categ. c. 2. ubi ait quòd *Uniuersorum nomen commune est, & ratio substantia, nomini accommodata, eadem est.* Et 2. Poster. c. 7. textu 7. *Esse vero nulli rei est substantia, id est essentia.*

Et Metaph. 5. c. 8. *Præterea substantia dicitur quidditas, cuius ratio est definitio.* Hoc tertio modo sumpta

354. *Substantia est entis essentia, quæ substant: id est realiter existit actu vel potentiâ; in se, vel in alio.*

355. *Essentia est id, quo res intrinsecè constituitur in esse rei. Siue, est id, quod in re primò esse intelligitur per actum essendi, siue existendi. Item, Essentia est id qua aliquid formaliter dicitur ens: & quod primò concipitur conuenire rei. Item, est radicale ac intimum principium proprietatum, & actionum. Etymologicè dicitur essentia, quòd res in eâ, & per eam habet actum essendi.*

356. *Essentia realis est ea, quæ vera est, & non merè conficta per intellectum. Quæ scilicet habet esse actuale, vel potentiale.*

357. *Natura est id, quo res intrinsecè constituitur. Scilicet materia & forma, in re materiali, physicèque compositâ: genus & differentia, in re immateriali, logicèque compositâ: prædicatum commune & proprium, in re simplici. Boëtius tamen videtur restringere naturam, ad essentiæ partem, nempe ad differentiam: ait enim: Natura est unumquodque informans*

358. *Specificæ differentia. Hæc autem * Differentia specifica est ea, qua proximè constituit speciem: siue subalternam, vt sensitiuum respectu animalis: siue speciem specialissimam, vt rationale respectu hominis. Item*

359. *Natura est rei essentia, ad operationem ordinata. Nam proprium est essentiæ, quod non sit impossibilis, aut fictitia: & quòd res per eam habeat esse actuale, vel potentiale.*

Proprium autem naturæ est, quòd non sit ociosa, dicatque ordinem ad operationem.

Etymologicè *Natura* dicitur, quia ab eâ nascitur proprietas. *Quæ*

360. *Proprietas est attributū extrinsecum essentiæ rei, ab eâ naturaliter profluens, eique conuertibiliter competens. Natura vel est vniuersalis, vt animalitas, humanitas, &c. vel est singularis, vt Lentulitas, Appietas, nomenclatore ipsomet Cicerone.*

*De existentia, subsistentia, supposito,
persona, &c.*

361. **A**ccipiuntur ut synonyma *esse, existere, & existentia*; suntque communia substantiis & accidentibus. Substantiis autem proprium est *subsistere, subsistentia, & perfectitas*. Vti & suppositis propria est *hypostasis, & suppositivitas*.

362. *Esse est actu existere*. Item, *Esse est actualis existentia rei*, per se, vel in subiecto inhæſionis. Item, *Esse est modus, & complementum essentia, quo perficitur, & actu ponitur in rerum naturâ*.

363. *Existere est actu esse*, & non tantum potentiâ, à quâ dicitur ens potentiale, & possibile.

364. *Existentia est essentia modus ultimus intrinsecus*. **MODVS**, à quo formaliter denominatur ens habere essentiam realem actualem. **ULTIMVS**, præstans essentiæ ultimum complementum. **INTRINSECVS**, conueniens enti, per ipsiusmet entitatem, non per aliam distinctam. Item

365. *Existentia est complementum essentia, dans ei realitatem actualem*. Siue, *est compositio entis extra nihil, & extra causas suas*. Id est entis creati consistentia in se, non tantum in causis suis, in quarum virtute habet esse potentiale, quod potest fieri reale actuale.

366. *Subsistere est existere per se: & naturâ suâ non exigere subiectum inhæſionis*.

367. *Subsistentia est existentia per se: quâ res ita existit, ut non requirat subiectum inhæſionis*. Siue, *est modus ultimò terminans substantiam, in ratione existendi per se*.

Subsistentiæ synonyma

368. *Perfectitas est modus essendi per se*. E diuerso **Inhæſio**, siue

369. *Inhærentia est existentia accidentis in subiecto*. Accidens enim ad naturalem sui existentiam, requirit subiectum, se sustentans.

Suppositivitati synonyma est hypostasis. Quemadmo-

dum autem Intelligentia accipitur duobus modis, primò pro actu intelligendi, secundò pro substantiâ separatâ intelligente: ita & suppositalitas, ac hypostasis. Primo modo

370. *Suppositalitas est existentia per se completè, & incommunicabiliter.* Id est, modus substantialis, & actus existendi PER SE, absque sui subiecto inhætionis. COMPLETE, absque ratione partis, aut compartis ordinatæ ad alterius substantiæ constitutionem. INCOMMUNICABILITER alteri supposito. Eodem primo modo,

371. *Hypostasis est ultimum complementum substantiæ, in ratione existendi per se completè, & incommunicabiliter.* Substantiæ inquam, tam intellectualis quàm non intellectualis. Secundo modo, *Suppositalitas est ipsum suppositum: & hoc*

372. *Suppositum est individua substantia completa incommunicabilis.* SUPPOSITUM sic dictum, quia supponitur omnibus aliis, tam accidentibus, ut inum subiectum inhætionis; quàm substantiis vniuersalibus, ut ultimum subiectum prædicationis. Nam omnes substantiæ illi essentialiter insunt, & de eâ prædicantur, tanquam de ultimo subiecto essentiali. Exempli gratiâ, Ioannes est homo, animal, corpus, substantia. Item *Suppositum*, quia supponitur essentiæ: ut quæ non potest per se seorsim existere, in eo subsistat. EST INDIVIDUA, prima & singularis. SUBSTANTIA, ens per se subsistens, & non in subiecto inhætionis. Substantia inquam intellectualis, vel non intellectualis. COMPLETE, per se non ordinata tamquam pars vel compars ad alterius substantiæ realem constitutionem. INCOMMUNICABILIS, quæ non potest communicari ulli inferiori determinatiore prædicationis subiecto, per modum formæ informantis. Nam quidquid potest pluribus communicari, siue cum sui multiplicatione (uti omnis natura verè vniuersalis, tam abstractè, quàm concretè sumpta) siue absque sui multiplicatione (uti essentia diuina communicata tribus personis) id suppositi rationem non habet, quia non subest

omnibus aliis. Cæterum non est idem substantia completa, & incommunicabilis : nam essentia diuina est substantia completa, & tamen est communicabilis tribus personis.

Eodem secundo modo

373. *Hypostasis est indiuidua substantia completa incommunicabilis* : estque synonyma supposito. SUBSTANTIA, tam intellectualis, ut diuina, angelica, humana; quam non intellectualis, ut cœlestis, elementaris, & omnis substantia materialis, ab homine distincta. Hoc secundo modo passim apud Theologos & Philosophos nunc accipitur, hypostasis : & olim tamen subinde accepta fuit pro essentiâ : ut constat ex Conciliis Sardicensi & Alexandrino : Hieronymo epistolâ 56. ad Damasum, & Augustino l. 5. de Trinitate c. 8.

Hypostasis & suppositum latiùs patet Personâ : nam *Persona est suppositum intellectuale* : & iuxta Boëtium, à theologis & philosophis communiter receptum, |

374. *Persona est rationalis natura indiuidua substantia*. RATIONALIS, comprehendens intellectualem, strictè sumptam. Eiusmodi persona in naturâ diuinâ, est Pater, Filius, & Spiritus Sanctus; in angelicâ, Michaël, Gabriel, Raphaël : in humana, Ioannes, Iacobus, Petrus. Itaque.

375. *Persona est intellectualis natura indiuidua substantia completa, incommunicabilis*. INTELLECTUALIS NATURÆ, intellectu præditæ : qualis natura est triplex, diuina, angelica, humana. SUBSTANTIA COMPLETA in genere substantiæ; integra scilicet, & non partialis. INCOMMUNICABILIS alteri supposito. Ipsa quidem natura est communicabilis supposito, in quo subsistit; & non per se seorsim : suppositum autem, in quo natura subsistit, est incommunicabile alteri supposito. Cæterum substantia potest esse completa duobus modis. Primò in genere substantiæ : quo modo completa est substantia integra, & non partialis physica (ut materia, forma, & subsistentia :) vel logica, ut genus & differentia, Secundò ab-

solutè & vltimatè : quo modo completa est substantia, habens vltimum sui complementum, scilicet supposititalitatem & hypostasim. Et hoc secundo modo substantia completa, reuera est incommunicabilis.

376. *Personalitas est hypostasis, & supposititalitas natura intellectualis* : Siue, est *modus substantialis, præstans substantia intellectuali vltimum complementum in ratione existendi per se completè, & incommunicabiliter*. Et quidem eadem numero singularis natura diuina suppositatur, & personatur per tres supposititalitates & personalitates : per quas constituuntur tres personæ diuinæ, Pater, Filius, & Spiritus-Sanctus.

377. Ex antedictis patet quòd ad rationem personæ, quinque requirantur. Primò quòd sit substantia. 1. Intellectualis. 3. Indiuidua, & incommunicabilis pluribus suppositis, realiter inter se distinctis. 4. Completa. 5. Separatim subsistens, & non in alio supposito sustentante. Vnde à definitione personæ excluduntur primò omnia accidentia. 2. Omnia supposita irrationalia. 3. Omnes substantiæ vniuersales : & singularis essentia diuina, absque sui multiplicatione, communicata tribus suppositis diuinis, realiter inter se distinctis. Christi etiam humanitas communicata alteri supposito, quàm humano. 4. Substantiæ partes logicæ, genus & differentia : ac physicæ, materia & forma : ipse quoque modus substantialis, siue subsistentia. Consequenter etiam anima rationalis, vnita vel separata ; tanquam substantia incompleta. 5. Omnis natura substantialis, non per se seorsim subsistens, sed in suo supposito. Præfata quoque humanitas Christi, subsistens hypostasi Verbi.

De Processione.

378. **I**N Sanctissimâ Trinitate sunt duæ processionès ad intrà : quæ accipiuntur secundum operationes immanentes : quæ in naturâ diuinâ merè intellectuali sunt tantùm duæ, scilicet intellectio, & volitio : & consequenter sunt duæ personæ procedentes :

Personæ : Filius , qui de se ait Ioan. 8. *Ego ex Deo processi* : & Spiritus-Sanctus , de quo idem Filius Ioan. 15. *Paracletus , quem ego mittam vobis à Patre : Spiritum veritatis , qui à Patre procedit.* Hæ duæ processiones differunt inter se tribus modis : quia primò processio Filij est à solo Patre : processio Spiritus-Sancti , à Patre Filioque. 2. Processio Filij est per intellectum ; Spiritus-Sancti , per voluntatem. 3. Illa propriè dicitur generatio , hæc propter vocabulorum expressiuorum inopiam , retinet nomen commune processionis : & ipse dicitur procedens. Vtraque processio est actiua in personis producentibus , & passiva in productis. Hic passim accipitur passivè. Vnde

379. *Processio est emanatio unius ab alio , tanquam principio.* PROCESSIO sumpta passivè , uti & productio , emanatio , origo. EST EMANATIO , quâ unum emanat , oritur , & producitur. AB ALIO , realiter distincto. TANQUAM PRINCIPIO productivo.

Processio est duplex : ad intra , & ad extrâ : siue , immanens , & transiens. In genere

380. *Processio ad intra est productio alicuius , manentis intra principium productivum.* Eiusmodi est intellectio , quâ producitur verbum mentis , manens in intellectu : & volitio , quâ producitur amor , manens in voluntate. Verbum , inquam , mentis humanum , tanquam accidens manens in suo subiecto : diuinum secus , quia non est accidens , sed substantia perfecta , per se , & in se subsistens.

381. *Processio ad extrâ est productio alicuius extrâ suum principium productivum.* Eiusmodi est calefactio , quâ ab igne egreditur calor , & recipitur in aquâ : item ædificatio , quâ ab artifice fabricatur domus. Præfata processio ad intra , & extrâ , coincidit cum immanente , & transeunte. Nam processio , siue

382. *Emanatio immanens est origo , quâ aliquid ita à principio suo emanat , ut eidem immaneat.* Processio , siue

383. *Emanatio transiens est origo , quâ aliquid ita à principio suo emanat , ut ab eo transeat in exteriorem*

materiam, vel effectum. In diuinis

384. *Processio est emanatio vnius persona, ab aliâ, tanquam principio productiuo. Emanatio, inquam, immanens: & in diuinis hæc emanatio, siue*

385. *Processio ad intrâ est origo producti, coëssentialis producenti. Nam processione ad intrâ, personæ procedenti communicatur eadem numero essentia principij producentis.*

Ideoque ista processio est ad intrâ, & intima. Consequenter emanatio transiens, siue.

386. *Processio ad extra est productio creatura, dissimilis naturâ à Deo producente, tanquam causâ efficiente.*

In diuinis Pater est principium Filij; & Pater ac Filius principium Spiritûs-Sancti, non tamen causa. Quia causa ordine naturæ est prior suo effectû; & essentialiter ab eo distinguitur.

387. Interim Græci agnoscentes duplicem causam; vnâ effectricem, alteram archicam, principio synonymam; hanc postremam admittunt in diuinis ad intrâ: permittente etiam Ecclesiâ Latinâ, vti constat ex Concilio Florentino, in litteris vnionis: vbi Eugenius 4. ait *Filium quoque esse secundum Græcos causam, secundum Latinos verò principium Spiritûs-Sancti, sicut & Patrem.* Sensu Græcorum causam accipiunt subinde etiam Latini, vti Hilarius l. 12. de Trinitate: Hieronymus in caput 3. Ephesiorum: Augustinus l. 7. de Trinitate. c. 1. & q. 15. libri 83. quæstionum.

De Principio.

IN genere

388. *Principium est primum id, unde aliquid est.* PRIMVM negatiue, quod scilicet non præceditur ab eo, cuius respectu dicitur primum. ID, ens, vel non ens: cuiusmodi non ens, est priuatio, principium generationis. VNDE, à quo, priore naturâ, tempore, vel origine. ALIQVID principiatum scilicet, etiamsi non ens: vti superficies conuexa cœli empyrei est principium spatij imaginarij, tanquam principiatum. EST

realiter vel imaginariè, cum reali influxu, dante esse; vel absque eo: vti patet in principio viæ, orationis, & in priuatione, quæ nullum esse habet, nullumque dare potest.

Restringendo præfatam definitionem: ad principium productuum, tunc accipitur PRIMVM positivè, prioritate si non naturæ, aut temporis; saltem originis. ID, ens positivum. VNDE, ex quo. ALIQUID, ens itidem positivum. EST, realiter producitur.

389. *Causa est id, ad cuius esse sequitur aliud, diversum saltem essentiâ numericâ, & individuali.*

390. *Causa efficiens est principium, per se influens esse in aliud.* PRINCIPIVM, tanquam proximum genus definiti. PER SE, vi suâ: quâ parte excluditur priuatio, & omnis causa per accidens. INFLVENS reali influxu. ESSE, existentiam actuale. ESSE inquam causati, participatum, dependens, & distinctum ab esse causæ. IN ALIUD, in effectum, distinctum saltem essentiâ numericâ.

391. Axioma Philosophicum & Theologicum, *Primum principium non potest ab alio procedere*, debet intelligi, quod primum principium simpliciter, tam ad intrâ, quàm ad extrâ (cuiusmodi est Pater in diuinis) non potest ab alio procedere. Aliàs primum principium ad extrâ (cuiusmodi est Filius & Spiritus-Sanctus) potest ab alio principio (scilicet Patre) procedere.

392. *Principium sumptum essentialiter, & relatum ad extrâ ad creaturas, est commune omnibus personis diuinis.* Sumptum autem notionaliter & personaliter ad intrâ, tantum competit personæ producenti. Sumendo autem

393. *Principiatum, vt correlativum principij, notionaliter accepti; sic Filius est principiatum à Patre: & Spiritus-Sanctus à Patre Filioque.* Tunc enim principiatum idem est quod habens principium productivum: siue ens à principio. Si autem principiatum accipiat (quo modo ordinariè sumitur) pro ente facto per principium, vel habente durationis principium;

sic est correlativum causæ, nec potest dici de Filio, aut Spiritu-Sancto.

394. Quando Dionysius, Augustinus, & Concilium Toletanum dicunt quòd Pater sit fons, origo, & principium totius diuinitatis, & deitatis; intelligunt impropriâ locutione, quòd sit principium Filij & Spiritus-Sancti, in quibus est tota diuinitas. Propriè autem loquendo, hoc dici non debet: quia deitas, siue essentia diuina non procedit à Patre, vti definitum est in Conc. Lateranensi, capitulo *Damnamus*.

De Productione, & Generatione.

Generatio accipitur actiuè & passiuè: similiter productio. Hic

395. *Productio actiua est actio, quâ enti datur esse, non de nihilo.*

396. *Productio passiuæ est passio, quâ ens accipit esse, non de nihilo. Siue, Productio actiua est datio esse non de nihilo: Passiuæ est acceptio esse, non de nihilo.*

397. *Producere est dare esse, non de nihilo. Produci est accipere esse, non de nihilo.*

398. *Generare est producere viventem, sibi similem in naturâ.*

399. *Generari est produci, & gigni, & nasci.*

400. *Generatio actiua est actio, quâ viuens producit viventem, sibi similem in naturâ, vi productionis.*

401. *Generatio passiuæ est natiuitas viventis, geniti à viuente, in similitudinem naturæ. Vtraque potest comprehendì hac definitione:*

402. *Generatio est communicatio essentia, per modum naturæ, id est nascituræ, siue natiuitatis.*

Cæterum propriè dicta, & perfectæ

403. *Generatio est productio viventis à principio viuente coniuncto, secundum similitudinem in naturâ, vi productionis. Propriè dicta, inquam, non lato modo, & impropriè dicta: quæ non requirit producti similitudinem in eadem naturâ: qualis est generatio siue productio aquæ, ex aëre condensato. Item perfectæ,*

nam imperfecta, & præter naturam, potius est dicenda *Degeneratio*: cuiusmodi est productio muli, ex equo & asinâ: in quâ virtus actiua maris nequit perducere materiam fœminæ, ad terminos propriæ speciei. Est *PRODUCTIO* passiva, quâ accipitur esse, non de nihilo. *VIVENTIS*, suppositi producentis operationem vitalem. A *PRINCIPIO* productiuo, non autem merè materiali: quale principium materiale fuit Adamus respectu Euæ. *VIVENTIS*, supposito producente operationem vitalem. *CONIVNCTO* substantialiter, atque adeò consubstantiali. Nam per generationem substantia patris, fit filij: & substantialiter coniunguntur. Substantia inquam patris, fit filij: vel tota, vti in generatione diuinâ: vel pars illius, v. g. semen, quod fit materia geniti, manetque eadem numero substantiæ pars communis genitori genitôque. *SECUNDVM SIMILITVDINEM IN NATVRA*, eiusdem speciei. *VI PRODUCTIONIS*, similis producenti, ex modo suæ productionis: ita vt modus productionis, sit modus assimilationis; sitque in ipso modo procedendi ratio: cur id quod procedit, sit simile principio, à quo procedit. Per quam postremam partem, à generatione excluditur processio Spiritûs-Sancti: includitur autem productio Verbi, producti per intellectum. Nam quod producitur per intellectum, illud vi suæ productionis, est simile obiecto intellecto: cum sit similitudo & imago illius. Et consequenter est similitudo principij intelligentis, quando intelligens est obiectum suæ intellectionis: vti fit in intellectione Dei Patris Verbum producentis.

404. Ex dictis colligitur, quòd ad propriè dictam generationem, sex requirantur. 1. vt principium generans sit productiuum, & non merè materiale. 2. vt sit viuens. 3. vt sit coniunctum genito, per communicationem propriæ substantiæ; totius, aut partis v. g. seminis: ita vt eadem substantia maneat vtrique communis. 4. vt genitum sit viuens. 5. vt sit generanti simile, in eadem naturâ specificâ. 6. vt sit simile, vi ipsius productionis, & ex naturâ ipsâ processionis.

405. Per primum requisitum excluditur processio Eux ab Adamo, tanquam principio materiali, & non productiuo. Per secundum excluditur productio animalis, facta à sole, supposito non viuente. Per tertium excluderetur productio hominis, ab alio producti, sine communicatione propriæ substantiæ. Per quartum excluditur productio seminis ab homine, & alterius rei non viuentis. Per quintum excluditur productio vermis ex semine corrupto: item monstri, humanæ naturæ dissimilis. Per sextum excluditur productio Spiritûs-Sancti, vti diximus n. 403. item productio Eux, ex costâ Adami: quia talis modus processionis, non est modus assimilationis.

406. In diuinis *Generatio est processio vnius personæ ab aliâ, per modum intellectûs, cum perfectâ & numericâ identitate nature.* Vnde in diuinis generatio est perfectior in ratione generationis, quàm quælibet creata generatio. Nam quò natura geniti est similior naturæ generantis, eò perfectior est generatio. Sed in diuinis est eadem numero natura geniti & generantis, non item in creaturis: ergò, &c. Et consequenter generatio increata est exemplar creatæ: iuxta Apostolum Ephes. 3. *Flecto genua mea ad Patrem domini nostri Jesu Christi, ex quo omnis paternitas in cælis, & in terrâ nominatur.*

407. Quemadmodum in humanâ generatione, suppositum Patris est quod generat; generationis autem principium quo immediatum, est potentia generatiua; humana autem natura fœcunda, est principium quo mediatum: ita in generatione diuinâ, suppositum Patris est generans: generationis principium quo mediatum, est essentia diuina fœcunda, prout est in Patre: & principium quo immediatum est intellectus Patris.

De nomine Essentiali, Notionali, Personali.

408. **I**N diuinis *Nomen essentiale est illud, quod significat essentiam diuinam: vel aliquod attributum*

butum, commune tribus personis. v. g. natura, Deus creator, potens, &c.

409 *Nomen nationale est illud: quod significat propriam rationem noscendi unam personam, ab aliâ distinctam. v. g. innascibilis, genitus, procedens &c*

410 *Nomen personale est illud, quod significat personam divinam, vel proprietatem constitutivam illius. v. g. Pater, Filius, Spiritus-Sanctus: paternitas, filiatio, processio.*

411. *Actus essentialis est ille, qui communis est toti Trinitati, tribusque personis divinis. v. g. intelligere, velle, creare, &c.*

412 *Actus notionalis est ille, qui convenit certa personae divinae siue, est persona divina productio activa, & passiva. v. g. generatio, & nativitas: spiratio, & processio: generare, & generatio; diligere seu spirare, & procedere, seu spirari. Item dicere, & spirare, quæ significant productionem activam Verbi, & Spiritus Sancti. Dicere enim non tantum significat intelligere præcisè, sed intelligendo producere verbum, seu conceptum mentis.*

De Notione, Relatione, Proprietate.

413. **N**otio est propria ratio, quâ noscitur una persona distinguere ab aliâ. Ad notionem duo requiruntur: primò ut exprimat in abstracto, aut æquivalenti: quia debet significari ut forma, quâ una persona distinguitur ab aliâ. In abstracto inquam, ut *innascibilitas, paternitas, &c.* In æquivalenti, ut *esse improductum, esse ingenum.* Secundò ut pertineat ad originem; quâ debet significare distinctionem unius personæ ab aliâ: quæ distinctio habetur per originem affirmatam, ut *filiatio*: vel negatam, ut *innascibilitas, siue improducibilitas*: quâ significatur magna dignitas Patris, quòd scilicet sit principium sine principio.

414. *Sunt quinque notiones, scilicet innascibilitas,*

paternitas, filiatio, spiratio actiua & processio, siue spiratio passiuâ. Innascibilitas autem est improducibilitas, dicitque negationem processionis ab alio. Ea soli Patri conuenit, non autem Spiritui-Sancto: qui licet non nascatur, tamen à Patre Filioque producitur. In diuinis, ad intrâ

415. *Relatio est habitudo, quâ formaliter persone diuina ad se mutuo referuntur, & habent respectum. Eiusmodi relationes sunt quatuor, paternitas, filiasio, spiratio actiua, & processio, siue spiratio passiuâ: suntque realiter inter se distinctæ, exceptâ spiratione actiuâ: quæ distinguitur quidem realiter à spiratione passiuâ, siue processione; sed non à paternitate, & filiatione. Quia in diuinis non est realis distinctio, nisi ubi est realis oppositio: qualis non est inter spirationem actiuam, & paternitatem aut filiationem.*

416. *In diuinis Proprietas est propria ratio, ita conueniens uni persona diuina, ut alteri non conueniat. Propria inquam, & non communis alteri personæ. Eiusmodi proprietates sunt quatuor; innascibilitas, paternitas, filiasio, processio, siue spiratio passiuâ: nam actiua, cum sit communis Patri Filioque, non est proprietas.*

417. *Proprietas personalis est forma positua, uni persona diuina propria, illiusque constitutua. Siue, est forma positua, personam diuinam constituens, in esse persona, eamque personaliter distinguens ab alijs. Eadem vocatur Personalitas, & relatio Personalis. Eiusmodi proprietates personales sunt tres, paternitas, filiasio, processio. Excluditur innascibilitas, quia non est forma positua, neque personæ constitutua, & spiratio actiua, quia non est propria uni personæ, sed communis duabus.*

418. *Personalitas est modus substantialis, personæ constitutiuus n. 376. Circuminfessio in diuinis, siue*

419. *Perichoresis est intima inexistantia personarum diuinarum in se mutuo. Quia licet sint realiter distinctæ; tamen sunt consubstantiales, sibi que intinx. Vnde Filius Ioan. 14. ait, Non credis, quia ego in Patre*

¶ *Pater in me est?* Ad hanc circuminfectionem requiritur distinctio personarum, & identitas essentiae, siue homouisia, & consubstantialitas.

De Ordine in Diuinis.

420. **I**N sanctissima Trinitate est realis ordo originis inter personas; ita ut Pater sit prima persona, Filius secunda, & Spiritus-Sanctus tercia. Vti patet ex Matth. ultimo, *Baptisantes eos, in nomine Patris, & Filij, & Spiritus-Sancti*. Est, inquam, realis ordo: ubi enim est pluralitas sine confusione, ibi necessarium est ordo, : sed in sanctissima Trinitate est pluralitas personarum, sine confusione, imperfectionem importante: ergo est ordo. Non naturæ, causalitatis, durationis, temporis, dignitatis, sitûs alteriusve implicantis imperfectionem: sed originis, quâ una persona procedit ab alia, tanquam principio: non è conuerso. Et hæc origo essentialiter postulat ut Pater sit prima persona, Filius secunda, Spiritus-Sanctus tercia. Quia Pater à nullo procedit & ab eo procedit Filius: & à Patre Filioque Spiritus-Sanctus. In genere

421. *Ordo est habitudo & dispositio rerum ad aliquod principium, & inter se, secundum prioritatem & posterioritatem originis, naturæ, causalitatis, durationis, temporis, dignitatis, dependentiæ, sitûs, &c. Siue, est habitudo prioris ad posterius: & è diuerso.*

¶ 422. *Ordo originis est habitudo plurium inter se, quorum unum est principium producens, aliud productum: non è diuerso. In diuinis*

¶ 423. *Ordo originis est habitudo personarum diuinarum inter se, quarum una est producens, alia producta. Siue est habitudo, quâ persona diuina ita se habent ad inuicem, ut una procedat ab alia, tanquam principio producente: non è conuerso. Vnde in rigore Theologico, & fidei, debet inter sanctissimæ Trinitatis personas admitti prioritas & posterioritas originis, absque prioritate temporis & durationis; quia tres*

personæ sunt coæternæ : absque prioritate dignitatis ; quia sunt coæquales : absque prioritate naturæ ; quia inter eas non est dependentia

424. *Prioritas originis est positiva habitudo producentis, ad productum.*

425. *Posterioritas originis est positiva habitudo producti, ad producentem.*

De Patre.

426. **I**N Sanctissimâ Trinitate, prima persona vocatur *Pater*, vti constat ex Matth. 10. 11. & 28. *Pater* autem sumitur duobus modis : primò propriè, notionaliter, & personaliter, secundò metaphoricè, & essentialiter. Primo modo nomen Patris, competit ab æterno, ad intra soli primæ personæ. Secundo modo competit ex tempore ad extra tribus personis.

427. Primo modo, *Pater est Deus vivens, producens viventem, eiusdem secum naturæ, vi productionis.*

428. Secundo modo, *Pater est principium producens creaturas, dissimilis à se naturæ.* Sic cap. 38. Iob agnoscit, quòd Deus sit *pluvie pater*. Specialiter autem dicitur Deus esse pater creaturarum intellectualium, quas producit, conseruat, gubernat, & per gratiam adoptat in filios, & hæredes vitæ æternæ. In diuinis nomen *Ingeniti*, & *Innascibilis* attribuitur Patri, quia ipse à nullo principio producitur.

De Filio, Verbo, Imagine.

429. **I**N diuinis, *Filius est vivens productus à Deo vivente, eiusdem cum eo naturæ, vi productionis.* Idem vocatur *Verbum* à Ioanne, Euangelij c. 1. Epistolæ 1. c. 5. & Apoc. 19 : item *Sermo*, Sapientiæ 18. & Heb. 4. & *Imago Patris*, Sapientiæ 7. Coloss. 1. & Heb. 1. Verbum vnum est mentale : alterum vocale.

430. *Verbum mentale est actualis expressa similitudo rei intellectæ.*

431. *Verbum vocale est vox significatiua, expressiua conceptus mentis, & verbi intenti.*

432. *Sermo est oratio adunata ex pluribus vocibus*
Vnde hoc sermonis nomen tribuitur: Verbo incarnato, tanquam personæ adunatæ ex naturâ diuinâ, & humanâ.

433. *In diuinis, Verbum Et consubstantialis similitudo Patris, se comprehensiuè intelligentis.* In genere

434. *Imago est similitudo, ad instar alierius producta.*

435. *E diuerso, Exemplar est id, ad cuius imitationem aliquid producitur.* Hoc ipsum exemplar videtur vocari improprie imago, Genesis 1. *Faciamus hominem ad imaginem, & similitudinem nostram.*

436. *In diuinis, Imago est coessentialis similitudo Patris, ad imitationem sui producta, per intellectum.*

De Spiritu-Sancto, amore, dono.

437. **S**piritus-Sanctus dicitur duobus modis: primò à spiritualitate, siue naturâ immateriali, & incorporeâ: & sic est nomen essentialiter, commune tribus personis. Secundò à spiratione, quasi *spiratus*: & sic est nomen personale, proprium tertiæ personæ, cui soli competit spirari. Quo sensu *Spiritus-Sanctus* accipitur tanquam vox incompleta, & terminus significatione simplex.

438. *Spiritus-Sanctus est tertia Trinitatis persona, à Patre Filioque spirata, per voluntatis amorem.*
Quemadmodum tres personæ diuinæ sunt vnum principium ad extrâ creaturarum, & vnus creator; ita Pater & Filius sunt vnicum principium ad intrâ Spiritus-Sancti; & vnus spirator, per vnâ & eandem numero potentiam actiuam spiratiuam, tanquam principium quo.

Spiritus-Sanctus vocatur etiam amor & donum.

In diuinis Amor sumitur aliquando essentialiter, notionaliter, & personaliter.

439. *Sumptus essentialiter Amor est actus volunta-*

sis, quo tres persona divina formaliter amant, & volunt bonum.

440. *Sumptus notionaliter Amor est spiratio acti-
ua, quâ Pater & Filius amando produciunt Spiritum-
Sanctum.*

441. *Sumptus personaliter Amor est terminus, ab
amante Patre Filioque productus: scilicet Spiritus-
Sanctus.*

442. *Donum est munus, alicui gratuito prestitum.
Siue, est bonum proprium, alteri liberaliter collatum, vel
conferri aptum.*

443. *Datum est munus, liberaliter actu donatum.
In diuinis Donum accipitur essentialiter, notionaliter,
& personaliter.*

444. *Essentialiter acceptum Donum est bonum pro-
prium, alteri liberaliter collatum, vel conferri aptum, &
donabile. Sic est nomen commune tribus personis,
quæ summè bonæ sunt; sibi propriæ, & suæ: ab æter-
no donari aptæ, & donabiles; & in tempore gratuito
datæ.*

445. *Notionaliter acceptum Donum est bonum, ori-
gine proprium, alteri liberaliter collatum, vel conferri
aptum, & donabile. Sic est nomen commune tantum
Filio, & Spiritui-Sancto. Nam Filius est res propria
Patris, origine & processione, estque liberaliter do-
natus nobis. Sic enim Deus dilexit mundum, ut Filium
suum unigenitum daret. Ioan. 3. Similiter Spiritus-San-
ctus est res propria Patris & Filij origine & processio-
ne; & ab utroque est nobis liberaliter donatus, Ioan. 15.
Cum veneris Paracletus, quem ego mittam vobis à Patre.
& Galat. 4. Misit Deus Spiritum Filij, & Ioan. 20. Accipi-
te Spiritum-Sanctum.*

446. *Personaliter acceptum Donum est suppositum,
ex vi originis suæ procedens per modum amoris, & dona:
Sic acceptum doni nomen, est proprium Spiritui-San-
cto. Vnde dicitur Act. 2. Accipietis donum Spiritus-
Sancti, & 8. Donum Dei existimasti pecuniâ possideri So-
lus enim Spiritus-Sanctus, vi originis suæ, procedit ut*

amor, & consequenter vt donum : nam primum, quod donamus ei, cui bonum volumus, est amor : tanquam fons omnis liberalis & gratuita donationis.

De Missione in diuinis.

447. **I**N diuinis passiva missio competit personis procedentibus, Filio, & Spiritui-Sancto. Patet ex Ioan. 8. de Filio, *Misit me Pater.* Galat. 4. *Misit Deus Filium suum.* De Spiritu-Sancto, Ioan. 14. *Spiritus-Sanctus, quem mittet Pater in nomine meo, & c. 15. Paracletus, quem ego mittam vobis à Patre.*

448. Hæc missio non competit Patri, vtpote non procedenti ab alio : competit autem Filio, respectu Patris ; & Spiritui-Sancto, respectu Patris, & Filij. Quando autem Isaia 48. & 61. Filius dicit se missum à Spiritu-Sancto, hoc intelligendum est secundum humanitatem.

449. Missio importat missi habitudinem ad principium sui productiuum, siue personam originantem : & ad terminum extrinsecum, personam scilicet, vel locum : in quo incipit esse alio modo, quàm prius ibi erat, per essentiam, præsentiam, & potentiam. Itaque in diuinis missio non est per imperium, vel consilium : sed per originem, & emanationem naturalem : quo modo terra mittit germen suum, & arbor radices, ramos, flores, fructus.

450. *Missio est processio persona diuina ab aliâ, cum habitudine ad terminum, in quo incipit esse aliquo modo, quo ibidem ante non erat.*

451. *Mitti est personam diuinam procedere ab aliâ : & in mundo visibiliter apparere, aut inuisibiliter operari.* Vnde missio est duplex, vna visibilis, alia inuisibilis.

452. *Missio visibilis est ea, qua fit in specie sensibili, siue perceptibili aliquo sensu externo.* Qualis fuit missio Filij, in carne humanâ : & Spiritus-Sancti, in specie columbæ, nubis lucidæ, flatûs, linguarum ignearum.

453. *Missio inuisibilis est ea, qua fit sine specie son-*

sibili, interius sanctificando animas : formaliter per gratiam habitualement, efficienter, per actualement excitantem.

De Creatione mundi, Angelis, & statu primi hominis.

454 **D**Eus condens mundum, creavit angelos in cœlo empyreo, & cumeo: iuxta illud Exodi 20. *Fecit Dominus cœlum, & terram, & mare, & omnia, quæ in eis sunt.* Ecclesiastici 18. *Qui vivit in æternum, creavit omnia simul:* accedente definitione cap. *Firmiter.* Isaia 14. *Quomodo cecidisti de cœlo Lucifer?* Lucæ 10. *Videbam sathanam, sicut fulgur de cœlo cadentem.* Apoc. 12. *Factum est prælum magnum in cœlo.*

455. Omnes angeli in primo instanti creationis, acceperunt à Deo gratiam sanctificantem, cum virtutibus & donis infusis, cum comitantibus: vti communiter colligitur ex Ioan. 8. de Lucifero, *in veritate non stetit*, & Ezech. 28. de eodem, *Perfectus in vijs tuis, à die conditionis tue: donec inuenta est iniquitas in te.* Vnde Augustinus l. 12. de ciuitate c. 9. ait: *Deus in angelis erat condens naturam, & largiens gratiam.*

456. *Angelus est substantia creata, intellectualis, spiritalis, completa.* SUBSTANTIA, ens per se subsistens. CREATA, ex nihilo producta. INTELLECTUALIS, prædita intellectu: quo etiam res cognoscit vnico simplici intuitu; absque discursu, colligente ex vno aliud. SPIRITUALIS incorporea. COMPLETA, integra, & non ordinata ad alterius compositionem: item completa per propriam hypostasim, tanquam vltimum sui complementum. n. 375.

457. Probabiliter angelus diuiditur in angelum primæ, secundæ, & tertiæ hierarchiæ, tanquam in species proximas. Angelus primæ hierarchiæ in angelum primi, secundi, & tertij chori; tanquam in species vltiores. Similiter angelus secundæ, & tertiæ hierarchiæ. Chorus autem diuiditur in angelos primos, medios, & infimos: & illi in plura indiuidua.

458. *Hierarchia est sacer principatus. Siue, est multitudo ordinata, sub unius sacri principis gubernatione.*

459. *Hierarchia angelica est angelorum cætus ordinatus, recipiens diuinitus illuminationes eodem modo sub Dei supremi principis gubernatione.*

460. *Prima hierarchia est angelicus cætus ordinatus, recipiens illuminationes immediatè à Deo, easque transfundens angelis secundæ hierarchiæ.*

461. *Secunda hierarchia est angelicus cætus ordinatus, recipiens diuinas illuminationes ab angelis primæ hierarchiæ, easque transfundens angelis tertiæ hierarchiæ.*

462. *Tertia hierarchia est angelicus cætus ordinatus recipiens diuinas illuminationes ab angelis secundæ hierarchiæ, easque transfundens, non angelis, sed hominibus.*

463. *Cætus ordinatus est multitudo diuisa in tres ordines, primum, medium, & infimum. Angelicus ordo, siue*

464. *Chorus est hierarchia angelica gradus vnus: conueniens in hierarchiæ suæ communi modo illuminationis, distinctus secundum diuersa officia. Gradus inquam vnus, quia hierarchia angelica, non est multitudo confusa, sed ordinata per sui principium, medium, & finem: siue per gradum supremum, medium, & infimum.*

465. *In vnaquaque hierarchiâ sunt tres Chori, siue Ordines: & cum sint tres hierarchiæ, consequenter sunt nouem Ordines: scilicet Seraphim, &c.*

466. *Seraphim sunt spiritus, præ cæteris ardentes amore diuino, eoque incendentes alios.*

467. *Cherubim sunt spiritus magistri, plenitudine scientiæ abundantes, præ inferioribus omnibus; in quos eam transfundunt.*

468. *Throni sunt spiritus, quibus maiestas diuina immediatè insidet, tanquam index.*

469. *Dominationes sunt spiritus, dominatum exercentes, in gubernatione hominum, quin & angelorum inferiorum se: quos ad obediendum habent sub-*

ditos, tanquam domini.

470. *Virtutes sunt spiritus, in fortitudine excellentes, ad patranda miracula; corroborandosque inferiores angelos, ad munia sua perficienda.*

471. *Potestates sunt spiritus, cohibentes demonum potestatem: eamque exercentes in angelos inferiores, ordinando agenda ab ipsis.*

472. *Principatus sunt spiritus, suo moderamine principantes angelis inferioribus: terrenis quoque regnis, ac principatibus: quos constituunt, custodiunt, regunt, ac mutant.*

473. *Archangeli sunt spiritus, nunciantes res momenti maioris; eminentesque inter angelos custodes. Vtpote custodientes Pontifices, Reges, Principes, rectoresque aliorum.*

474. *Angeli sunt spiritus, custodes hominum privatorum; nuncique rerum momenti minoris.*

475. *Angelica locutio est proprii conceptus affectus expressio, directa ad alterum. CONCEPTVS intellectus; AFFECTVSVE voluntatis: EXPRESSIO, per signa spiritualia. DIRECTA AD ALTERVM, Deum, angelum, vel hominem Ad Deum, orandi, adorandi, laudandi, consulendi illius causâ. Ad angelum, vel hominem; manifestandi, illuminandi, docendi, discendiue gratiâ. Ista locutio est actus intellectus elicitus, voluntatis imperatus.*

476. *Lingua angelica est facultas expressiva conceptus, affectusve mentis: per signa quædam spiritualia. Activa*

477. *Illuminatio angelica est angeli locutio doctrinalis. Siue, est angelica veritatis explicatio, facta alteri Angelo, vel homini Veritatis, inquam, in Deum ordinatæ, aliàs minus notæ in rebus naturæ, gratiæ vel gloriæ. Itaque*

478. *Illuminatio, est veritatis, in Deum ordinata manifestatio, facta ignorantibus. Et Illuminare est manifestare veritatem ignorantibus. Angelica missio est duplex: interior, & exterior.*

479. *Angelica missio interior est angeli delegatio, ad illuminandum*

illuminandum alium; angelum, vel hominem. DELEGATIO facta diuino mandato, immediato vel mediato.

480. *Angelica missio exterior est angeli delegatio, ad exhibendum Deo ministerium circa temporalia.*

481. Quod omnes omninò angeli mittantur missione interiori & exteriori, est conformius scripturæ Isaia. 6. Danielis 10. Matth. 25. Heb. 1. *Nonne omnes sunt administratorii spiritus, in ministerium (Dei, non hominum) missi, propter eos, qui beatitudinem capient salutis?*

482. Angeli assistentes & ministrantes iidem sunt: quia ministroium est assistere Domino, paratos ad exequendum illius mandata: eique ministrandum. Quod etiam constat ex oratione Ecclesiæ, in festo S. Michaëlis.

Adam primus homo fuit conditus in iustitiâ originali. *Quæ.*

483. *Iustitia originalis est perfecta rectitudo totius hominis.* IUSTITIA ORIGINALIS, sic dicta, quia infusa homini, in origine suâ. RECTITUDO, omnimoda conformitas ad rectam rationem, legemque æternam. Nam per iustitiam originalem, hominis mens erat perfectè subdita Deo; & menti appetitus sensitivus, corpusque immortale & incorruptibile. Vnde iustitia originalis non erat vnicus habitus supernaturalis, nec vnicum donum diuinum: sed complexio plurium, v. g. In essentiâ animæ, gratiæ habitualis: in intellectu, fidei & prudentiæ: in voluntate, spei, charitatis, religionis, &c. in appetitu sensitivo, diuersorum habituum, subdentium illum rationi: in corpore, qualitatibus illud præseruantibus à morbo, & morte. Et consequenter eiusdem iustitiæ originalis erant tres effectus, antè insinuati: primò omnimoda subiectio rationis, ad Deum: secundò, appetitus sensitui, ad rationem: tertio, corporis incorruptibilis, ad eandem.

484. *Mundus est vniuersum, constans partibus suis creatis, visibilibus & inuisibilibus. Siue, est vniuersa*

machina ornata, ambitu cali contenta, partes visibiles & invisibiles complexa. ORNATA : Nam *mundus*, & muliebris, & vniuersa, significat ornatum, concinnum, politum.

485. *Creatio est productio entis ex nihilo.* Hæc autem.

486. *Productio est actio, quâ ens perducitur à non esse, ad esse, cum sui inceptione, & essendi nouitate.* ENTIS totius, & secundum totam rationem entitatis, & dependentiæ in esse suo : ita vt à solo producente, & à nullo alio dependeat in quocunque genere causæ. ENTIS, inquam, per se subsistentis : quia illi soli competit fieri, & esse. *Ex nihilo*, ex nullo præsupposito, tanquam materiâ, substantiâ de quâ, vel ex quâ, vel subiecto, à quo dependentiam habeat. *Ex nihilo* inquam : nam quemadmodum quod fit ens hoc, fit ex non ente hoc : ita quod secundum se totum, de nouo fit ; ex eo quod nihil est, fit. Vnde *Ex* denotat habitudinem negatæ causæ materialis, & dependentiæ à subiecto. Itaque ens quod creatur, est independens à subiecto : & consequenter est ens per se subsistens ; vel saltem existens ad modum subsistentis. Quo posteriori modo existeret accidens, si miraculosè produceretur separatim à subiecto : quod modò conseruatur in Eucharistiâ. Et tunc creari videretur, quia haberet existentiam, similem subsistentiæ.

487. *Concreatio est entis unius, cum alio simultanea eademque productio ex nihilo.* ENTIS, per se non subsistentis completè : scilicet partium totius essentialium, aut integralium ; aut accidentium subiecti. CVM ALIO ente, per se subsistente. Eiusmodi enim partes concreantur ; & accidentia (iuxta modum loquendi quorundam) increantur, quando vnâ eademque actione, cum toto, vel subiecto substantiali, simul producantur ex nihilo. SIMULTANEA EADEMQUE PRODUCTIO : si enim foret simultanea productio, non per eandem actionem : v. g. creatio Luciferi & Adæ, cum simultaneâ infusione gratiæ, per distinctam actionem ; non esset concreatio. Propriè enim,

488. *Concreari dicitur, quod cum eo, quod creatur, eadem actione producitur. v. g. intellectus & voluntas, cum animâ rationali.*

489. *Conseruatio est continuatio rei in suo esse. Siue, est continuatio existentia rei. Est aliquando ipsamet actio productiua rei permanens, & non interrupta; connotans ipsammet actionem præcessisse, sub ratione productionis.*

490. *Annihilatio est rei in nihilum reductio. Hæc fit, non per actionem, sed per actionis cessationem: scilicet per influxûs conseruatiui subtractionem. Dupliciter autem sumitur Annihilatio: primò est desitio rei, secundum se, & quodlibet sui: etiamsi rei succedat alia res positiua. Secundò, est desitio rei, secundum se, & quodlibet sui: cum negatione successionis entitatis positiua. Transsubstantiatio non est substantia perantis annihilatio, secundo modo; quamuis sit primo.*





BREVIARIUM THEOLOGICI

PARS PRIMA SECVNDÆ.

1. **R**IMA. secundæ obiectum est Deus, quatenus finis hominis, acquirendus per media: scilicet actus humanos, iustificationem, gratiam, merita, leges, virtutes, fugamque peccatorum.

2. Quia verò Deus est hominis finis ultimus, ideo homo ex præcepto debet se, suæque omnia in eum referre actualiter, vel virtualiter: iuxta Apostolum 1. Cor. 10. *Siue comeditis, siue bibitis, siue quid aliud facitis; omnia ad honorem Dei facite.* & Coloss. 3. *Omne quodcumque facitis, in verbo, aut in opere; omnia in nomine Domini Iesu Christi.*

De fine.

3. **F**INIS vnus est *qui*, siue *diuus*, & obiectiuus: alius est *quo*, siue *formalis*: alius *cui*. Item finis non ultimus, & ultimus: finis operis, & operantis, &c.

4. *Finis qui est bonum per se, quod sui gratiâ appetitur.* FINIS, sic dictus, quia finit. & terminat appetitum ultimatè, aut saltem in certâ serie intentionis. EST BONUM PER SE, verum vel apparens.

5. *Bonum per se est ens conueniens, ob intrinseca.*

suam perfectionem appetibile. Tale est bonum honestum, & delectabile: non autem utile. Quod quâ tale, est tantum bonum per extrinsecam bonitatem finis: & propter eam tantum amatur, licet aliàs intrinsecè bonum.

6. *Medium est quid utile ad assequendum finem, & bonum per se.* Hoc medium ex naturâ suâ subordinatum fini, est bonum, vel malum; pro ratione finis boni, vel mali: secus est, si medium sit merè arbitrium.

7. *Finis cuius, est id, cuius gratiâ aliquid fit.* Siue, est bonum per se, cuius obtinendi gratiâ eligitur medium. Imò, est id, cuius gratiâ omnia alia fiunt. Omnia inquam respectuè: id est omnia media, subordinata assequendo fini, etiam non ultimo. Vel omnia absolute, si definitio restringatur ad finem ultimum ultimarum.

8. *Finis obiectiuus, est bonum per se, quod est obiectum intentionis:* ad quod scilicet terminatur desiderium efficax finis, per media assequendi.

9. *Finis quo, est apprehensio boni per se.* Idem vocatur finis formalis.

10. *Finis formalis, est possessio finis obiectiui.* Siue, apprehensio, quâ finis obiectiuus possidetur. Sic Deus est hominis finis obiectiuus: beatifica visio Dei, est finis formalis.

11. *Finis cui, est suppositum, cui bonum per se appetitur,* tanquam quid ei conueniens. Talis est proximus, cui sanitas, sanctitas, & beatitudo desideratur. Imò finis qui, non ultimus appetitur gratiâ finis cui: & ad illum, tanquam finem refertur. Non ultimus inquam, nam ultimus non potest sic appeti præposterè, sine grauissimâ inordinatione. Quando autem ordinate appetitur, & sub formalitate finis ultimi; tunc appetens, se, suam formalem beatitudinem, & omnia sua refert in illum.

12. *Finis propinquus, est is, qui ita intenditur, ut in executione, ad eum proximè deueniatur.*

13. *Finis remotus, est is, qui ita intenditur, ut in*

86 *Breniary Theologici Pars I. II.*

executione ad eum ultimò deueniatur.

14. *Finis non ultimus, est is, qui ità intenditur, ut in ulteriorem finem referatur, ex intentione operantis.*

15. *Finis ultimus est is, qui ità intenditur, ut in eo sistatur; nec in ulteriorem finem referatur, ex intentione operantis: quamvis fortassè possit, & debeat referri.*

16. *Finis respectiuè ultimus est is, qui ità intenditur, ut in certâ serie intentionis, ulterius non referatur. Absolutè ultimus, siue*

17. *Finis ultimus est is, qui ità intenditur, ut ulterius non referatur: quia est irreferibilis aliò. Siue, est id, cuius gratiâ omnia fiunt.*

18. *Finis operis est obiectum intrinsecum, ad quod suapte naturâ terminatur opus.*

19. *Finis operantis est id, cuius gratiâ fit opus ab operante. Est aliquid operi extrinsecum, ad quod assequendum, operans refert opus, tanquam medium.*

20. *Causalitas finis in actu primo, est vis cauſandi: & virtus, quâ bonum per se, siue finis, constituitur potens ad mouendum, & attrahendum appetitum. Et hæc virtus, est bonitas verè vel putatiuè competens rei, quæ denominatur finis. Causalitas finis in actu secundo, siue causatio est actualis motio metaphorica, quâ attrahit & mouet appetitum ad sui amorem. Conditio sine quâ non causat finis, est illius cognitio: nam ignoti nulla cupido: positâ autem cognitione finis, siue boni per se, sequitur illius attractio, motioque realis: quæ vocatur metaphorica, habito respectu ad causam efficientem, ad quam spectat motio propriè dicta.*

Omnes creaturæ habent Deum pro fine ultimo: sed solæ rationales possunt illum perfectè assequi, & possidere, eoque beari.

De Beatitudine.

I*V**xta D. Augustinum l. 5. de ciuit. c. 1.*

21. *Felicitas est omnium rerum expetendarum plenitudo. In genere*

22. *Beatitudo est summi boni possessio, perfecta, vel imperfecta.*

Hæc beatitudo potest diuidi in naturalem, & supernaturalem: in imperfectam, & perfectam: inchoatam, & consummatam: viæ & patriæ: obiectiuam & formalem: essentialem & accidentalem.

Iuxta Boëtium, à Theologis receptum, perfecta

23. *Beatitudo est status omnium bonorum aggregatione perfectus.* STATUS, vitæ conditio stabilis, permanens, & immobilis. OMNIUM BONORUM, expulsi omnibus malis, AGGREGATIONE PERFECTUS, hoc ipso, quo possidetur summum bonum, quod est omne bonum, Exodi 33. Beatitudo formalis dicitur status omnium bonorum aggregatione perfectus, causaliter: quia est causa cur beatus sit in statu, omnium bonorum aggregatione perfecto. Est etiam formaliter status, quia est omnium bonorum possessio, stabiliter & immutabiliter æternum perseverans.

24. *Beatitudo naturalis est ea, quæ haberi potest viribus naturæ creatæ integræ.* Siue, est status omnium bonorum naturalium aggregatione perfectus. Bonorum autem naturalium nomine intelliguntur ea, quæ viribus naturæ creatæ haberi possunt; eique integræ quodam modo debita sunt. Cuiusmodi bona naturalia sunt, plenitudo scientiæ, assensus veri, affectus boni; subordinatio appetitûs sensitiui ad rationalem, rectitudo omnium potentiarum animæ, absentia omnis miseriæ. Hanc beatitudinem naturalem habuit angelus viator, & homo ante lapsum.

25. *Beatitudo supernaturalis est ea, quæ non potest haberi viribus naturæ creatæ, etiam integræ*

26. *Beatitudo supernaturalis inchoata, est gratia, virtutumque supernaturalium eximiarum aggregatio; singulariter disponens ad affecutionem æternæ beatitudinis.* Vocatur etiam beatitudo euangelica: de quâ n. 670.

27. *Beatitudo supernaturalis consummata est intuitiva visio beatifica, redundans in corpus gloriosum.*

28. *Beatitudo via est ea, quâ præditus viator, re-*

Et tendit ad aeternam beatitudinem.

29. *Beatitudo patria est celestis visio beatifica.*
30. *Beatitudo obiectiva est Deus, ut summum bonum, cuius possessione, plenè satiatur animus.*
31. *Beatitudo formalis est possessio summi boni.*
32. *Beatitudo essentialis est visio fructioque beatifica.*
33. *Beatitudo accidentalis est gaudium, essentiali accedens, & accedens. ESSENTIALI, gaudio provenienti ex visione beatificâ.*
34. *Beatitudo imperfecta est aggregatio bonorum, non omnium. Siue, est status bonorum aggregatione dotatus, sed non plenè perfectus.*
35. *Beatitudo perfecta est status omnium bonorum aggregatione perfectus: vti habetur n. 23.*
36. *Beatitudo perfecta essentialiter, est solius anima visio fructioque beatifica.*
37. *Beatitudo perfecta completè, est rerum expetendarum plenitudo secundum animam, & corpus.*

De Dotibus.

Generaliter accepta

38. *Dos est perfectio corporis, aut animi: naturalis, vel supernaturalis: corporalis, vel spiritualis. v. g. ingenij subtilitas, memoriæ vivacitas, pulchritudo, sanitas: gratia, virtutes infusæ, & acquisitæ, &c.*

Specialiter accepta

39. *Dos est donum, sponsæ nubenti datum. Beatitudinis*

40. *Dos est ornatu animæ & corporis, in habitudine æternum perseverans. Siue, est supernaturale donum. animæ beatæ, Christo in æternum nubenti collatum. Est duplex: animæ, & corporis.*

41. *Dos animæ est supernaturale donum, collatum animæ beatæ, tanquam Christi sponsæ.*

42. *Dos corporis est supernaturalis qualitas, ab animâ beatâ dimanans in corpus unitum; ad illius perpetuam gloriam, & quandam spiritualitatem. DIMANANS ab animâ, ut causâ meritoriâ; & probabiliter effici-*

ente secundariâ. IN CORPVS VNITVM, vt illud red-
datur gloriosum : & iuxta Apostolum 1. Cor. 15.
quadantenus spiritale, & cœleste: id est, perfectè
subiectum animæ in operationibus spiritualibus; im-
passibile, subtile, agile, clarum.

43. Anima beata habet vnâ totalem dotem
exurgentem ex tribus partialibus : quæ respondent
tribus virtutibus theologicis ; suntquæ visio respon-
dens fidei, comprehensio spei, fruitio charitati.

44. Corpus beatum habet quatuor dotes glorio-
sas, impassibilitatem, subtilitatem, agilitatem, cla-
ritatem; comprehensas nomine *Isac*, & his versiculis:
Clari, subtile, agile, impassibileque,
Omnes quadruplici pollebunt dote beati.

Eadem dotes significantur ab Apostolo 1. Cor. 15.
Seminatur in corruptione, surget in incorruptione, im-
passibilitate. Seminatur in ignobilitate, surget in gloriâ,
claritate. Seminatur in infirmitate, surget in virtute,
agilitate. Seminatur corpus animale, surget corpus spi-
ritale, subtile.

45. *Impassibilitas est qualitas supernaturalis, dima-*
nans ab animâ beata, & inherens corpori glorioso,
excludens ab eo omnem passionem corruptiuam, non
autem perfectiuam. Iuxta illud Apostoli, 1. Cor 15.
Oportet corruptibile hoc induere incorruptionem: & mor-
tale hoc induere immortalitatem. Hæc autem

46. *Passio corruptiua est receptio formæ disconuenien-*
tis, cum abiectiōe conuenientis.

47. *Passio perfectiua est receptio formæ conuenientis*
absque abiectiōe alicuius perfectionis.

48. *Sublitas est qualitas supernaturalis, dimanans ab*
animâ beatâ in corpus gloriosum, reddensque illud alte-
rius corporis penetratiuum, & cum eo coëxistens ei-
dem loco. Per hanc dotem corpus gloriosum, pro-
hibitu animæ, deponit retinetque quantitatis saxe mo-
dum, loci repletium, & aliorum corporum ex-
clusiuum. Per eandem, Christi corpus resurrexit
clauso sepulchro, ostia clausa, cæloque penetrauit.

49. *Agilitas est qualitas supernaturalis, dimanans*

90 *Breuiarij Theologici Pars I. II.*

ab animâ beatâ, in corpus gloriosum, reddensque illud imperceptibili tempore celerrimè mobile, in omnem positionum differentiam. Iuxta illud Sapientiae 3. Sicut scintilla in arundineto discurrent: & Isaia 40. Assument pennas sicut aquile, volabunt, &c. IMPERCEPTIBILI TEMPORE, non tamen in instanti: aliàs deberet corpus motum, eodem instanti esse in termino à quo, ad quem, & in omnibus locis intermedijs. Potest quidem Deus sic replicare corpus; sed tunc immotum ibidem consisteret, absque motu. Quia Motus localis est coëxistentia rei successiva, & continua diuersis locis, sine quiete media.

50. *Claritas est qualitas supernaturalis, dimanans ab animâ beatâ in corpus gloriosum. reddensque illud luminosum, & diaphanum, simile vitro mundo, & ad instar densæ crystalli: per quam videatur mirabilis harmonia interiorum corporis. Per hanc dotem fulgebunt iusti, sicut sol, Matth. 13. Christo reformante corpus humilitatis nostra, configuratum corpori claritatis suæ. Philip. 3. Claritas ista particulariter afficiet beatorum facies, cicatrices, & membra passa pro Deo.*

De anima, Eiusque potentijs, & sensibus.

51. **A** Nima est actus primus, perfectioque prima corporis naturalis, potentiâ vitam habentis: & talis planè, ut partes eius sint instrumenta. EST ACTVS PRIMVS, forma substantialis, dans esse præcipuum & primarium composito. PERFECTIOQUE PRIMA, independens ab alijs, quæ è diuerso dependent ab eâ, CORPORIS NATVRALIS, materiæ præditæ tribus dimensionibus, longitudine, latitudine, profunditate. POTENTIA VITAM HABENTIS, potentiâ propinqua potens exercere operationem vitalem. ET TALIS, &c. Corporis habentis partes integrales, non homogeneas, similes in complexionem & figurâ: sed heterogeneas & instrumentales, habentes diuersam complexionem qualitatum, diuersum situm, figuram, & functionem. Itaque breuiter,

52. *Anima est forma corporis organici, potentiâ vitam habentis. Siue, Anima est id, quo viuimus, sentimus, & intelligimus primò, Id est, principium intrinsecum, quo viuens vegetatur, sentit & intelligit tanquam causâ effectiua principali. Vegetatur tantum, anima vegetatiuâ: vegetatur, & sentit, animâ sensitivâ: vegetatur, sentit, & intelligit, animâ rationali.*

53. *Anima rationalis est actus primus corporis organici, potentiâ vitam vegetatiuam, sensitivam, & intellectuam habentis. Id est, forma corporis humani, quâ tanquam principio intrinseco principali, viuens vegetatur, sentit, & intelligit.*

54. *Anima pars superior est anima rationalis, quâ rationalis.*

55. *Anima pars inferior est anima rationalis, quâ vegetatiua, & sensitiva.*

56. *Anima potentia est naturalis facultas agendi, vel patiendi. Siue; est principium primum actionis, vel passionis, ad quam natura sua institutum est. PRINCIPIUM PRIMUM accidentarium, non supponens aliud accidentarium prius, tanquam concausam influentem: supponens tamen aliud substantiale, nempe ipsum suppositum, præditum potentiâ: quâ mediante agit, vel patitur. ACTIONIS, VEL PASSIONIS, quoad substantiam eius, non solum quoad modum, quo benè, vel malè fit: quomodo habitus influit in actionem, illamque afficit. Item*

57. *Potentia naturalis est qualitas, à naturâ insita, qua subiectum redditur potens ad aliquid faciendum, vel suscipiendum. Qualitas, inquam, secundæ speciei. Est autem duplex potentia naturalis, actiua & passiva.*

58. *Potentia actiua est principium proximum actionis.*

59. *Potentia passiva est principium proximum passionis, siue receptionis formæ. Eadem potentia naturalis potest esse actiua, & passiva. Sic voluntas amans, quatenus producit amorem, est potentia actiua: quatenus eundem amorem sibi immanentem recipit, est passiva.*

92 *Breviary Theologici Pars I. II.*

60. *Sensus est potentia naturalis organica, quâ animal fit potens ad res cognoscendas, mediantibus speciebus sensibilibus.*

61. *Sensus internus est ille, cuius organum in animali est interius latens. Siue, est ille, in quem objecta externa non agunt immediate, per suas species; sed tantum mediatè.*

62. *Sensus externus est ille, cuius organum in animali, est exterius & visibiliter patens. Siue, est ille, in quem objecta externa agunt immediate per suas species.*

63. *Sunt quinque sensus externi, & probabiliter totidem interni, scilicet sensus communis, phantasia, imaginatiua, æstimatiua, & memoratiua sensitiva. Sed quia probabilius est phantasiam, & imaginatiuam, esse eandem potentiam; ideo sunt tantum quatuor.*

De appetitu, & instinctu.

64. **A**ppetitus est cuiusque rei inclinatio ad prosequendum bonum, & fugiendum malum. INCLINATIO habitualis: & tunc est ipsa potentia appetitiva: vel actualis, & tunc est potentia appetitivæ actus. Appetitus actu conuersivo fertur in sibi conueniens: auersivo refilit à disconueniente.

Appetitus est triplex: naturalis, sensitivus, & rationalis.

65. *Appetitus naturalis est cuiusque rei inclinatio in id, quod est naturæ suæ conueniens, absque propria cognitione. NATURALIS, quia ab authore naturæ est rebus omnibus, cum naturâ impressus. Aliquantum distinguitur ab instinctu naturali: quia hic instinctus est tantum actualis, estque vehemens, impressus rebus sensibilibus tantum: appetitus autem naturalis est etiam habitualis, rebusque omnibus impressus, nec dicit semper vehementiam.*

66. *Instinctus est actualis vehemens inclinatio, rebus sensibilibus impressa, ad agendum aliquid, vel non agendum. Generalis, &*

67. *Naturalis instinctus est actualis vehemens motus, à naturâ impressa rebus sensibilibus; ad prosequendum sit*

bi conueniens, sine propria cognitione. A NATURA, id est, ab authore naturæ, dirigente omnia creata in finem suum. Vnde dicitur, quod opus naturæ, est opus intelligentiæ.

Instinctus particularis est triplex : diuinus, angelicus, & diabolicus. Duo primi semper sunt ad bonum, tertius semper ad malum.

68. *Instinctus diuinus est actualis vehemens motio, qua creatura intellectualis, à Deo mouetur ad bonum salutare. Est synonyma inspirationi diuinæ. Nam*

69. *Inspiratio diuina est actualis vehemens incitatio, qua quis à Deo instigatur ad boni salutaris uolitionem, & executionem. Spectat ad gratiam præuenientem.*

70. *Instinctus angelicus est actualis vehemens motio, quâ quis ab Angelo bono instigatur ad bonum salutare.*

71. *Instinctus diabolicus est actualis vehemens motio, quâ quis à damone instigatur ad malum.*

72. *Appetitus sensitivus, sine animalis, est potentia anima prosequens bonum sensibile, iuxta apprehensionem imaginationis. ANIMÆ vegeto-sensitiuæ. SENSIBILE, bonum sensibus commodum & conueniens. PROSEQUENS: & consequenter fugiens malum sensibile dolorosum. IMAGINATIONIS referuantis species, acceptas à sensibus externis. Huic appetitui sensitiuo synonyma est sensualitas : nam*

73. *Sensualitas est naturalis facultas animæ, inclinans ad boni sensibiles appetitionem. Aliàs accipitur pro appetitûs sensitui corruptione : & hoc modo accepta*

74. *Sensualitas est inordinata pronitas appetitûs sensitui, in bonum sensibile, disforme rectæ rationi. PRONITAS, actualis, & habitualis : in actu primo, & secundo.*

Appetitus sensitivus est duplex : concupiscibilis, & irascibilis.

75. *Appetitus concupiscibilis est potentia animæ, prosequens bonum sensibile, delectabile, iuxta apprehensionem imaginationis. SENSIBILE DELECTABILE, quid conueniens sensibus, iisque adferens quietem, voluptatem, & complacentiam.*

87. *Passio est appetitus sensitivi motio, immediata efficiens extraordinariam corporis transmutationem.* Passio, sic dicta, quia ab eâ patitur corpus extraordinariâ sui alteratione. Est motio deliberata, vel indeliberata, conformis, vel difformis rectæ rationi; vel indifferens in ordine ad illam. *TRANSMUTATIONEM*, extraordinariam corporis alterationem, eidem convenientem, vel disconvenientem: v. g. cordis dilationem, aut constrictionem: feruorem, aut frigus, tremorem, pallorem, ruborem, &c. Nam cor feruet irâ, friget timore; dilatatur lætitiâ, constringitur tristitiâ: facies rubet pudore, pallet metu &c.

88. *Affectio est appetitus rationalis motio, absque immediatâ transmutatione corporali.* Immediatâ inquam, nam voluntas motione suâ potest esse mediata causâ transmutationis corporalis: scilicet per suum imperium, & redundantiam in appetitum sensitivum: qui motione suâ immediate transmutat corpus.

De Voluntatis actibus varijs.

89. **I**Nter actus voluntatis primus est amor simplex, siue voluntas actus: deinde desiderium, spes &c. Potest autem actus humani molimen, & progressus explicari hoc ordine: primò voluntas simplici volitione, & amore inefficaci afficitur bono per se. 2. illud absens desiderat, & anhelat. 3. Si sit arduum, sperat illud adipisci, 4. intendit illud efficaciter obtinere per media, 5. imperio voluntatis, intellectus deliberat de medijs conducentibus ad bonum per se, finemque assequendum; eorum proportionem æstimando, & ponderando, 6. factâ deliberatione, intellectus assentitur, fertque iudicium resoluens hoc medium esse vtilius reliquis, vel plura esse æquè vtilia. Imò per iudicium suum ultimò practicum, determinat voluntatem, præscribens illi Hic, & nunc faciendum hoc 7. intellectus per sententiam intimat voluntati iudicium suum 8. voluntas

tas consentit intellectui, concordatque cum eo & acceptat sibi propositum. 9. voluntas efficaciter eligit certum medium, ad bonum per se, finemque assequendum. 10. voluntas imperat sibi, alijsque potentijs, applicando eas ad vsum. 11. bono adepto, voluntas eo delectatur, & fruitur.

90. *Amor est boni per se, simplex affectus.* Siue, est appetitus mera complacentia in bono per se. APPETITVS, tam sensitivi quàm rationalis: quo modo etiam accipitur appetitus in definitionibus sequentibus. MERA COMPLACENTIA, & simplex affectus boni; inefficax, & absque resolutione illius assequendi. BONI, per se. Hic amor simplex, est synonymus voluntati actui: quæ

91. *Voluntas est potentia voluntatis primus actus, quo ineffaciter afficitur bono per se.* Quo modo potentia intellectiue primus actus, versans circa primò-vera, vocatur intellectus principiorum.

92. *Desiderium est actus appetitus: tendentis in bonum absens: ad illud aspirando, & anhelando.*

93. *Desiderium inefficax est actus appetitus, aspirantis ad bonum absens, cum mera velleitate: absque resolutione eligendi medijs, ad bonum assequendum.* Et hæc.

94. *Velleitas est affectus, effectum destitutus, seposita impedimento.* Item, *Desiderium inefficax est absentis boni affectus, quo posito, non sequitur effectus, secluso impedimento.*

95. *Desiderium efficax est actus appetitus, intendens finem, per electionem mediorum, ad assecutionem illius ordinatorum.* Siue, est absentis boni affectus, quo posito sequitur effectus, secluso impedimento.

96. *Spes est actus appetitus, tendentis in bonum absens arduum, cum fiducia illius obrinendi.* APPETITVS, tam sensitivi irascibilis, quàm rationalis.

97. *Desperatio est actus appetitus diffidentis fugientis, quo assecutionem boni ardui absentis, tanquam impossibilis adeptu, aut nimis difficilis: & consequenter apprehensa sub ratione incommodi, & mali.*

98 *Breviary Theologici Pars I. II.*

98. *Intentio est desiderium efficax finis, per media assequendi. Siue, est actus appetitus, tendentis & aspirantis ab obtinendum bonum per se: cum resolutione impendendi media, ad hoc ordinata. Hæc intentio finis, est causa electionis mediorum: & bona intentio, est causa bonæ electionis. Secus est de intentione boni finis, quæ potest esse causa malæ electionis. Quo casu est boni finis mala intentio: utpote includens respectum ad indebita media: per quæ (tanquam per circumstantiam *Quibus auxilijs*) finis bonus assequendus desideratur.*

99. *Medium est quid conducent ad affectionem finis. Siue, est bonum utile ad assequendum bonum per se.*

100. *Deliberatio est actus intellectus, inquirentis & ponderantis media, eorumque proportionem ad finem. Aliiter vocatur Consilium, seu Consultatio; estque de mediis eligendis.*

101. *Assensus est actus intellectus, adhaerentis vero, saltem æstimato tali. In hoc molimine actus humani,*

102. *Iudicium est actus intellectus, decernentis medium certum esse assequendo fini aptius, aut plura equalia. Hoc iudicium sequitur præviā deliberationem.*

103. *Sententia est intellectus acceptatio alterius partis contradictionis: quæ in deliberatione versabatur. Est conclusio præconsiliati.*

104. *Iudicium ultimò practicum est intellectus dictamen, intimans voluntati particulare quid esse agendum, hic & nunc: dicendo fac hoc: ne facias. DICTAMEN, non despoticum: nam potest voluntas imperare intellectui, ut amisso priore suo iudicio, formet aliud.*

105. *Consensus est actus voluntatis, cum intellectu idem sentientis. Siue, est acceptatio complacentiæque voluntatis in eo, quod ab intellectu proponitur.*

106. *Electio est actus voluntatis, acceptantis medium, propter finem assequendum. Acceptantis inquam vnum præ alio: aut vnum propter aliud, id est bonum utile, propter bonum per se. Nam*

107. *Eligere est vnum propter aliud appetere. Electio proponit præviā intellectus consultationem: ideo-*

que Arist. Ethicorum. 3. dicit quod electio est appetitus praconsiliati.

108. Imperium est actus voluntatis, se aliasque potentias mouentis ad agendum. Sæ ad amandum, sperandum, &c. Intellectum ad deliberandum, auditum ad auſcultandum, &c. Actiuus

109. Vſus est actus voluntatis, se aliasque potentias actualiter applicantis ad executionem mediorum, pro fine consequendo.

110. Delectatio est appetitus quies; & complacentia in bono possessio, sineque adepto. QUIES vitalis. Fruitio generaliter accepta identificatur delectationi: strictiori autem modo accepta

111. Fruitio est appetitus quies in fine ultimo adepto. Siue, complacentia in bono summo possessio. ULTIMO ultimato, non ordinato in finem ulteriorem.

112. Gaudium est appetitus complacentia in bono adepto: saltem sic apprehenso. Gaudio synonyma est lætitia: illud tamen potius spectat ad appetitum rationalem, ista ad sensitiuum concupiscibilem: delectatio ad utrumque.

113. Iubilum est animi gaudium ineffabile: quod ore, signisque externis aliquatenus exprimitur, sed non sufficienter. Siue, est gaudium immensum, quod animo non potest contineri, nec ore sat exprimi.

114. Odium est actus appetitus, disconueniens auersantis, absens præsensue, verum vel apprehensum. Aliàs iuxta Ciceronem, & Augustinum, Odium est ira inueterata: sed tunc restringitur ad odium inimicitiae: quod

115. Odium inimicitia est actus voluntatis, personam auersantis, malumque optantis, ut ei malè sit.

116. Odium abominationis est actus appetitus, detestantis aliquid, tamquam malum proprium, vel amati.

117. Fuga est actus appetitus, malum absens auersantis, & ab eo resistentis.

118. Abominatio est actus appetitus, malum absens auersantis, arcensque, ne appropinquet, & præſens fiat. Est actus, desiderio oppositus.

119. *Zelus est fervens amor, satagens amoliri aduersantia amato, amorisne ipsius reciproco.* Potest esse ordinatus, & bonus: item, inordinatus, & malus. Nam Zelus Dei, & domus ipsius comedit Christum, satagentem tollere omnia aduersantia Deo, & honori ipsius. Apostolus etiam æmulatus fuit fideles, Dei æmulatione. Imò ipse Deus est Zelotes, valde nos amans, & vicissim volens à nobis amari ex toto corde; ita ut ipse solus sit obiectum formale nostræ dilectionis. Zelus excessu vitiatu degenerat in Zelotypiam: nam

120. *Zelotypia est amor inordinatus, impatiens consortis: quo amans vult à personâ amatâ solus redamari: nec rivali paritur, suspicionum plenus.*

121. *Tristitia est actus appetitus rationalis, malum præsens auersantis, & sub eo succumbentis.* Siue, est affectio voluntatis, consequens apprehensionem obiecti disconuenientis præsentis. **ABIECTIO**, displicentia & inquietudo voluntatis. **APPREHENSIONEM** rationis, siue intellectus.

122. *Dolor est actus appetitus sensitivi, malum sensibile præsens auersantis, & sub eo fatiscentis.* **SENSIBILE**, sensu externo perceptibile, & læsiuum corporis. Siue, *Dolor est passio appetitus sensitivi, consequens apprehensionem obiecti disconuenientis præsentis.* **APPREHENSIONEM** imaginationis. Hic rigor loquendi sæpè confunditur: & accipiuntur ut synonyma, dolor, & tristitia: & ille transfertur, ad appetitum rationalem, hæc ad sensitium.

123. *Audacia est actus appetitus irascibilis, fidenter agredientis malum arduum imminens, cum persuasionem illius superandi.*

124. *Ira est appetitus vindictæ.* Siue, est appetitus exacerbatio, & ad vindictam concitatio. **APPETITVS**, rationalis, & sensitivi irascibilis. **EXACERBATIO**, & vlciscendi libido, orta ex perturbatione vaporationeque fellis, & secuto furore sanguinis circa cor. **VINDICTAM**, repensionem mali pœnæ, pro malo culpæ, vero vel imaginariæ. Iuxta Ciceronem, Ita

*est libido puniendi eius, qui videatur lasse iniuriâ. Me-
tus, siue*

125. *Timor est actus appetitus, medium arduum im-
minens auersantis. ACTVS, anxietas & inquietudo.
APPETITVS rationalis, & sensitiui irascibilis. MA-
LVM absens, apprehensum vt imminens, & difficile
cuiatu. infra 178.*

De libertate, & arbitrio libero.

126. **P**otentiarum animæ sola voluntas est libera
formaliter, per in hærentem sibi libertatem,
tanquam formam intrinsecam. Aliæ potentie habent
libertatem participatam à voluntate, cuius imperio
subsunt: non tamen perfecte appetitus sensitiuus:
nullatenus autem tres potentie animæ vegetatiuæ, sci-
licet nutritiuæ, augmentatiuæ, generatiuæ. Intellectus
verò dicitur liber, & habere libertatem originaliter,
& radicaliter: quia est dux cæcæ voluntatis, ei pro-
ponens obiectum appetendum, vel fugiendum: & sic
concurrrens ad liberos actus voluntatis, tanquam con-
ditio sine quâ non posset exercere libertatem suam.

127. *Potentia libera est voluntas prædita libertate es-
sentiali, vel accidentali: vocaturque liberum arbi-
trium: maximè quatenus eadem voluntas est electiua
mediorum, ad finem assequendum secundum D. Tho-
mam: qui ideo p. 1. q. 83. a. 4. & alibi, liberum arbi-
trium vocat vim electiuam. Naturalis, &*

128. *Essentialis libertas est perfecta suisque potens
spontaneitas. Siue, est voluntatis facultas se mouendi
duce ratione. Secundum D. Prosperum libro contra
Collatorem,*

129. *Liberum arbitrium est vni sibi placite spontaneus
appetitus. SPONTANEVS APPETITVS perfectus, quo
voluntas sponte propriâ seipsam duce ratione mouet:
& non ab extrinseco violentè cogitur; neque ab in-
trinseco, effreni impetu præcipitatur: vti fit in moti-
bus brutorum, quin & hominum motibus primò-pri-
mis, deliberationem præuenientibus, voluntariquo*

repugnantibus. De quibus Apostolus Rom. 7.

Voluntatis, liberique arbitrij libertas accidentalis, est duplex; vna contrarietatis, quoad specificationem: altera contradictionis, quoad exercitium. Quoad specificationem

130. *Libertas contrarietatis est voluntatis facultas, quâ potest circa idem obiectum exercere actum huius, aut contraria species, v. g. amare, odire, &c. Quoad exercitium,*

131. *Libertas contradictionis est voluntatis facultas, quâ potest agere, & non agere. Siue, est voluntatis indeterminatio, quâ positis omnibus ad agendum prærequisitis, potest agere, & non agere. Consequenter hac contradictionis libertate præditum*

132. *Liberum arbitrium est potentia actiua, quæ positis omnibus, ad agendum prærequisitis, potest agere, & non agere. POTENTIA, nam liberum arbitrium non est actus; cum seclusâ operatione, maneat in agente libero. Non est etiam habitus, quia ille tanquam principium agendi, determinat potentiam ad certum actum, & nullatenus ad oppositum: è diuerso liberum arbitrium significat indeterminationem, & indifferentiam ad actus diuersorum, imò contrariorum habituum. ACTIVA, quia libertas non potest esse potentia passiuæ, vt passiuæ est: cum non sit in potestate illius, vt talis, non recipere, quod ei communicatur. Hæc autem potentia actiua, est ipsa voluntas: vnde Concilia & Patres vocant *liberum voluntatis arbitrium*. POSITIS OMNIBVS AD AGENDVM: quia indeterminatio quæ in potentia, vel supposito reperitur, antequam habeat omnia necessaria ad agendum; illa inquam indeterminatio, est insufficientia ad agendum, non libertas. PRÆREQUISITIS, quorum vnum est iudicium vltimò practicum. Prærequisitis inquam ex parte potentia actiua, non autem simpliciter requisitis: quia sunt quædam requisita ad actionem, illam necessariò concomitantia, ipsique intrinseca v. g. influxus & emanatio, quâ quid procedit ab agente: quibus positis, necessariò ponitur actio. POTEST*

AGERE, ET NON AGERE: quia de ratione libertatis contradictionis est, quod possit agere, & actum suspendere. Non quod cum solis iisdem ad agendum prærequiritis, possit non agere, nullo alio posito: sed ad non agendum prærequiritur mutatio iudicii ultimò practici: & loco primi, dictantis *Fac hoc*, substituendum est secundum contradictorium, *Ne feceris hoc*. Cuiusmodi iudicium potest voluntas imperare intellectui, etiam in procinctu agendi, & in ipso molimine actionis: eoque iudicio posito, potest voluntas suspendere actionem.

133. Per peccatum Adami, liberum arbitrium minime fuit extinctum; fuit tamen viribus attenuatum & inclinatum: ipseque secundum corpus, & animam, fuit in deterius commutatus; totaque natura humana fuit corrupta, & vitiata: uti constat ex Conciliis Arausicano 2. can. 1. 2. 13. 25. & Tridentino sess. 5. can. 1. & 2. item sess. 6. de iustificatione, cap. 1. & can. 5. *Viribus*, inquam, *attenuatum* destitutumque, quas ei sufficiebat iustitia originalis: & *inclinatum*, propensumque in vitia, & præcepta ad peccata. Adamus enim peccans (& in eo genus humanum) fuit spoliatus donis supernaturalibus, & graviter vulneratus in naturalibus: uti Ambrosius, Augustinus, Fulgentius, Beda, aliique Patres, & Scripturæ interpretes ajunt, explicantes parabolam Lucæ 10. Verum quidem est, quod post lapsum, naturalia eatenus manserunt integra in homine; quia nulla eius pars essentialis, aut integralis, aut potentia naturalis operatiove sublata fuit: interim reuera fuerunt vulnerata naturalia, quia subversa fuit tota naturalis harmonia partium inferiorum ad superiores: & subiectio appetitus sensitiui, ad rationalem; quam exigebat natura humana non tantum iustitiâ originali

134. prædita; sed & natura integra. * Fuerunt inquam vulnerata, & quidem quatuor vulneribus notabilioribus: quorum primum est, in intellectu *ignorantia*, priuatioque scientiæ rerum necessary: difficultas in assequendâ veritate: inconsideratio,

prunitas ad falsitates, & errores. Secundum est, in voluntate *malicia*, prunitasque malè agendi scienter contra dictamen rectæ rationis. Tertium, in appetitu sensitivo concupiscibili est *concupiscentia*, propensioque habitualis & actualis ad bona sensibilia, difformia rationi, legique æternæ. Quartum est in irascibili *infirmitas*, id est, ignavia, & defectus fortitudinis in bono arduo prosequendo, maloque superando.

135. *Agens liberum est suppositum prædictum libertate,*

De actu, humano, voluntario, libero, spontaneo, &c.

136. **A**ctus est operatio suppositi, mediante potentia, habituque, ut plurimum in operatione naturali, semper in supernaturali, nisi actuale auxilium diuinum suppleat vicem habitus: uti fit in actu fidei, spei, & charitatis, ante illorum habituum infusionem.

Actus voluntatis est duplex: velle & nolle, siue volitio & nolitio.

137. *Volitio est actus voluntatis, acceptantis aliquid ut conueniens.*

138. *Nolitio est actus voluntatis, fugientis aliquid ut disconueniens.*

139. *Actus humanus est actus voluntarius, vel emissivus eius. Siue, est actus procedens ab hominis voluntate deliberatâ. VOLUNTATE, tanquam principio proximè eliciente, vel imperante. DELIBERATA, prævio rationis iudicio directâ. Hic actus humanus, est moraliter bonus, quando procedit ex solo dictamine rectæ rationis, & concursu Dei generali. Est salutaris, quando procedit à peccatore pœnitente, ex speciali auxilio Dei mouentis. Est de condigno meritorius, quando procedit à iusto, ex motiuo supernaturali, & speciali auxilio Dei inhabitantis.*

140. *Actus voluntarius est is, cuius principium est intrinsecum, cum cognitione finis. Est duplex, elicitus & imperatus.*

141. *Actus voluntatis elicitus est is, qui immediatè procedit à voluntate, tanquam principio actus. v. g. amor, spes, &c.*

142. *Actus voluntatis imperatus est is, qui immediatè producitur à potentiâ, motâ ad agendum imperio voluntatis. A POTENTIA, ipsâ scilicet voluntate, sibi nec imperante: & tunc est voluntatis actus imperatus & elicitus: vel aliâ potentiâ & tunc est voluntatis actus imperatus tantum; elicitus autem ab aliâ potentiâ.*

143. *Actus immanens est is, qui ab agente ita emanat, ut eidem immaneat subiectivè. v. g. volitio, intellectio.*

144. *Actus transiens est is, qui ab agente ita emanat, ut transeat in effectum, exterioremque materiam. v. g. ædificatio, quâ producitur domus: calefactio, quâ calor exit ab igne, & transit in aquam.*

145. *Actus liber est is, qui procedit à potentiâ liberâ, ut tali. LIBERA, libertate essentiali, vel contrarietatis, vel contradictionis.*

146. *Actus spontaneus est is, cuius principium est ab intrinseco, ex inclinatione agentis, particularia cognoscens, obiectum, scilicet & circumstantias actus.*

147. *Spontaneum est id, cuius principium est ab intrinseco, ex inclinatione agentis, cum cognitione finis. Ut hoc spontaneum sit perfectum, debet esse expeditum à coactione intrinsecâ, & extrinsecâ. Nam*

148. *Spontaneitas perfecta est voluntatis facultas agendi, immunis à coactione extrinsecâ, & intrinsecâ.*

149. *Coactio extrinseca est externa violentia, remittenti illata. Hæc est propriè dicta coactio. Datur alia impropriè dicta coactio intrinseca: & hæc*

150. *Coactio intrinseca est effrenis natura impetus, præcipitans voluntatem in actus indeliberatos. EFFRENIS NATURÆ IMPETUS, vehemens & inordinatus appetitus naturalis, & sensitiui motus; excusso freno rationis, & imperio voluntatis, eam PRÆCIPITANS, & absque consideratione, secum abripiens INACTVS INDELIBERATOS, & motus primò primos, prævenientes omnem omninè deliberationem. Hæc*

est improprie dicta coactio, & violentia: nam id censetur coactum & violentum, quod fit contra inclinationem voluntatis, tanquam vniuersalis appetitus hominis: licet sit secundum inclinationem intrinseci appetitus naturalis, & sensitiui, aliarumue potentiarum. Sic voluntarius ascensus sursum, non est coactus, nec violentus; licet sit contra hominis grauitatem intrinsecam: & inuoluntaria præcipitatio deorsum, est coacta & violenta; licet sit ab intrinsecâ grauitate. Itidem homini intrinsecæ concupiscentiæ motus, contra actuale inclinationem voluntatis possunt dici coacti, & violenti: innuente id ipsum Apostolo Rom. 7. dum ait: *Non quod volo bonum, hoc facio: sed quod nolo malum, hoc ago. Si autem quod nolo, illud facio; iam non ego operor illud, sed quod habitat in me peccatum*-----*Video aliam legem in membris meis, repugnantem legi mentis mee, & captiuantem me in lege peccati.*

De Voluntario.

151. *Voluntarium est id, cuius principium est intrinsecum, cum cognitione finis.* VOLUNTARIUM generaliter sumptum, & sic dictum à voluntate lato modo accepta, comprehendente appetitum non tantum rationalem; sed & sensitiuum, & naturalem. EST ID, actio, passio, vel omissio. CUIUS PRINCIPIVM productiuum est agenti *intrinsecum*: scilicet ipsa voluntas, generaliter sumpta. CVM COGNITIONE FINIS, perfectâ vel imperfectâ. Vnde est duplex voluntariam, perfectum & imperfectum: quod secundum reperitur etiam in brutis, voluntate rationali destitutis; sed præditis sensitiuâ ac naturali, identicâ appetitui sensitiuo ac naturali.

152. *Voluntarium perfectum est illud, quod habet deliberationem cognitionemque finis perfectam.*

153. *Voluntarium imperfectum est illud, quod habet deliberationem cognitionemque finis imperfectam.*

154. *Deliberatio perfecta est actus rationis, plenè discernentis inter bonum, & malum; verum & falsum.*

Perfecta inquam & plena : nam semiplena , est imperfecta.

155. *Cognitio finis est actus intellectus , vel imaginationis , quo cognoscitur bonum per se , & propter se appetibile.*

156. *Perfecta cognitio finis est cognitio boni , sub ratione finis , id est , boni per se , assequendi mediis , ad hoc proportionatis. Itaque perfecta cognitio finis , inuoluit tria : 1. cognitionem boni per se : 2. cognitionem habitudinis illius ad media : 3. cognitionem proportionis mediorum ad illud assequendum.*

157. *Imperfecta cognitio finis est notitia rei , quæ est finis : sed non sub ratione finis , id est , cognitio boni per se , sed non cum habitudine illius ad media ; mediorumque ad illud assequendum.*

158. *Voluntarium directum est quid expresse à voluntate elicitum , vel imperatum. Siue , est quid , in se expresse volitum , ut quo , vel quid. Eiusmodi est ipsum velle , & nolle : & quodcumque obiectum volitum & nolitum , per voluntatis actum elicitum , vel imperatum.*

159. *Voluntarium indirectum est quid , in alio volitum , non expresse in se. In ALIO , in quo continetur , vel ex quo sequitur. Primo modo est indirectè voluntarium sacrilegium furanti calicem consecratum : item voluntarius incestus ei qui concupiscit feminam , sciens eam sibi consanguineam , &c. Secundo modo est voluntarium homicidium , commissum ab ebrio , sciente se esse rixosum in ebrietate , pronumque ad verbera , & cædes. Item homicidium commissum à duellantibus , quos quis poterat , & debebat impedire , &c.*

160. *Vt omissio sit voluntaria directè , vel indirectè , requiritur primò intellectus aduertentia , saltem virtualis : 2. quòd voluntas possit agere : 3. quòd omitat agere. Vt autem eadem omissio sit peccaminosa , requiritur 4. quòd voluntas debeat agere. Similiter ex eiusmodi omissione secutus effectus , tunc demum dicitur voluntarius , quando omitteus impedire , repperat ad impediendum illum : aliàs effectus dicitur*

tantum permissus, & non voluntarius. Sic ommissio impediendi peccata, est Deo voluntaria: nullatenus autem sunt voluntaria peccata, ex illâ omissione secuta.

161. *Involuntarium negativè est quid non volitum.* Sic est mihi involuntarium fratricidium Cain, Ægypti adulterium. Troianum incendium.

162. *Involuntarium positivè est quid nolitum, & displicens voluntati.* Hoc est duplex, directum & indirectum.

163. *Involuntarium directum est quid, expresso actu voluntatis amersuo reiectum.* Sic Iosepho, & Susannæ fuit involuntarium adulterium.

164. *Involuntarium indirectum est quid nolitum, non expressè in se; sed implicite in alio, in quo continetur, aut unde sequitur.* Sic primo modo est involuntarium matrimonium, contrahenti illud, & nolenti consentire. Secundo modo est involuntaria salus, nolenti observare mandata diuina.

165. *Involuntarium simpliciter est quid absolute repudiatum à voluntate, omnibus consideratis.* Eiusmodi est adulterium, ut illatum conjugatæ renitenti illecebris, promissis, & minis.

166. *Involuntarium secundum quid, est id, quod voluntas repudiat in se consideratum; acceptat circumstantiis vultum.* Eiusmodi est proiectio mercium, facta à mercatore, metu naufragij: quæ in se considerata displicet: quatenus autem est evasiva naufragij, & saluatiua vitæ propriæ, placet.

De violento, coacto, necessario.

167. **V**olentum est id, cuius principium est ab extrinseco, nullam conferente vim passo. **NVL-
LAM CONFERENTE VIM**, non merè negativè (aliàs illuminatio aëris, & iustificatio paruulorum foret violenta) sed quasi contrariè: id est, passo renitente in contrarium, actualiter, aut virtualiter.

168. Itaque, *Violentum est actio, vel passio, cuius principium est ab extrinseco, in contrarium renitente passo*, per intrinsecam inclinationem, & contrarium appetitum innatum, aut elicited.

169. *Violentia est motio, cuius principium est ab extrinseco, in contrarium renitente passo*. Si passum renitatur pro viribus, erit violentia absoluta, causans inuoluntarium simpliciter: sin minus, erit tantum violentia secundum quid; relinquens voluntarium morale, & indirectum. Quale reperitur in violenta constupratione feminae, non modò illius, quæ vi adacta, positiuè componit se ad perpeffionem alienæ libidinis: sed & illius, quæ interiùs sufficienter renititur; sed non exteriùs, quantum potest, & debet, clamando, repugnando, &c. vbi abest vitæ periculum. Quod si subesset, & abesset periculum consensûs; tunc non deberet exteriùs reniti. Quo casu, foret ei voluntaria omiffio externi renisûs: sed non voluntarius effectus, inde secutus: ob causam. n. 160, datam: quia scilicet eiusmodi effectum non tenetur impedire, cum periculo vitæ.

170. Violentum & violentia latiùs patet coactio & coactione: quia illa inferuntur etiam insensibilibus: hæc propriè tantum præditis cognitione. Vnde

171. *Coactum est id, cuius principium est ab extrinseco, renitente in contrarium passo, cognitione prædito*. Coactio synonymum est inuitum.

172. *Coactio est vis externa, illata cognitione prædito, renitenti*. Voluntario opponitur inuoluntarium, & violentum; spontaneo coactum, libero necessarium.

173. *Necessarium est id, quod aliter se habere non potest*.

174. *Actus necessarius est is, qui aliter se habere non potest*. Siue, est is, qui procedit à potentia, necessariò agente.

175. *Necessitas est status rei, qua aliter se habere, non potest*.

176. *Necessitas naturalis est status rei, naturæ suæ determinata ad unum*.

177. In voluntate potest considerari duplex indeterminatio : prima est naturalis , quâ ab intrinseco est indeterminata ad unum : secunda est indeterminatio actualis , quâ scilicet voluntas necdum se reduxit ad actum , nec actu se determinavit. Prima est essentialis libertati voluntatis , secunda nullatenus. Primam illam semper retinet voluntas , etiam quando se determinat , eamque Deus prædeterminat , quia nullâ necessitate naturali est determinata ad agendum. Secundam indeterminationem non retinet voluntas : nullum tamen inde fit præiudicium libertati ipsius : quia eiusmodi indeterminatio non est de essentiâ libertatis.

De Metu.

Secundùm Vlpianum,

178. *Metus est futuri, & instantis periculi causâ, mentis trepidatio.* **FRVXI**, quia de præsentis malo est tristitia. **INSTANTIS**, quia de malo, etiam certò futuro, non est metus ; nisi apprehendatur ut imminens, & cervici impendens. Instantis inquam personæ metuenti ; vel alteri, ipsi arctè coniunctæ per consanguinitatem, affinitatem, coniugium, aut singularem amicitiam. **PERICULI CAUSA**, ratione mali ardui, apprehensi ut imminenti. **MENTIS**, voluntatis, siue appetitus rationalis. **TREPIDATIO**, inquietudo, perturbatio, & è statu suo dimotio. Et hæc metaphorica mentis trepidatio, sæpè causat veram corporis trepidationem, membrorumque tremorem.

179. *Periculum est salutis discrimen, & periculi proclivitas : iuxta Ecclesiasticum c. 3. Qui amat periculum, peribit in illo. Item Periculum est verisimilitudo mali imminenti : &c, articulus punctumque mali impendentis : imò, imminentiâ ipsam mali instantis.* Metus dividitur in leuem & gravem : & hic subdividitur in gravem absolutè, & respectivè.

180. *Metus levis est inquietudo voluntatis, leve malum imminens avergens.* **LEVE**, parvique momenti :

quod non est tanti, ut metui debeat, sed contemni. Hic metus levis, aliquatenus coincidit cum vano. In-
terim timor, &

181. *Metus vanus est suapte inconstantis mentis tre-
pidatio* Siue, est inquietudo voluntatis, absque causâ
persuasa malum arduum sibi imminere: cum reuerà non
immineat: aut non sit graue, nec arduum, difficileue
euitatu, aut superatu. Eiusmodi timor vanus, vocatur
etiam *terror panicus*: quo perculsi, *trepidauerunt timo-
re, ubi non erat timor*. Psal. 13. & 52.

182. *Metus grauis est mali ardui instantis causâ,
mentis trepidatio*. Siue, est inquietudo voluntatis, ma-
lum arduum imminens auersantis. Idem vocatur metus
iustus, licet sit iniuste incussus. Nam

183. *Metus iustus est mentis trepidatio, iuste meri-
tòque concepta*, ratione grauis arduique mali instantis.

184. *Metus absolute grauis est ardui mali, verè in-
stantis causâ, mentis trepidatio*. Ad eum tria requirun-
tur: 1. ut malum sit graue. 2. ut arduum, & euitatu
superatue difficile. 3. ut moraliter certò immineat.
Hic metus absolute grauis, vocatur cadens in virum
constantem: nam

185. *Metus cadens in virum constantem est mentis tre-
pidatio, quâ vir constans merisò percellitur*, ratione mali
ardui impendentis.

186. *Metus respectiue grauis est mentis trepidatio,
quâ particularis metuens, merisò percellitur*. Est inquam
mentis trepidatio, causâ intentati mali, constantem
non percussuri; meritò tamen hic & nunc percellen-
tis personam, cui intentatur: utpote meticulosam,
non planè sui compotem, apprehensione præoccupatam, &c.

Metus aliquando tantus est, ut reddat hominem sui
impotem, & tunc omninò tollit voluntarium: aliàs,
metus causat voluntarium absolutum, & ordinariè
involuntarium secundùm quid. Nam qui metu per-
cussus agit, ferè habet hunc voluntatis actum con-
iunctum, Nisi malum mihi immineret, nollem hoc
agere: quia in eo secundùm se considerato, nullam

rationem boni video, præter mali imminentis evasionem.

187. Ferè inquam, & ordinariè: nam hoc non est vniuersaliter verum: vti patet in attritione salutari, conceptâ metu damnationis æternæ: aliàs foret infructuosa. Iraque quod metû fit, tunc demum est secundûm quid inuoluntarium, habetque actualiter, aut virtualiter conditionatam nolitionem voluntatis annexam, quando metus solus est totale motuum actûs: & hic actus nullam habet rationem boni, in se appetibilem, præter mali imminentis evasionem: secûs est, quando aliam rationem boni habet. Vti reuera habet attritio dicta, scilicet conformitatem ad rectam rationem, ad legem æternam, ad iustitiam, mandata diuina, &c. Ideoque non est censenda inuoluntaria secundûm quid: nisi eliciatur voluntas non poenitendi, si abesset gehennæ metus.

De Concupiscentia.

PRO appetitu sensitivo sumpta.

188. *Concupiscentia est anima sensitiua potentia, præsequens bonum sensibile, & fugiens simile malum, iuxta apprehensionem imaginationis. BONVM SENSIBILE, sensu externo perceptibile, eique delectabile, abstrahendo à conformitate, & difformitate ad rectam rationem. SIMILE MALVM, sensibus inconueniens, & dolorosum. IMAGINATIONIS, quæ est dux cæci appetitûs sensitivi.*

Hæc concupiscentiæ potentia nullatenus est in se vitiosa: sed quatenus destituta iustitiâ originali, dicitur inordinationem, & pronitatem habitualement aut actualement ad obiecta difformia rectæ rationi Quo sensu

189. *Concupiscentia habitualis est proxima dispositio appetitus sensitivi, ad actus rectæ rationi repugnantes. APPETITVS SENSITIVI, tam concupiscibilis, quam irascibilis.*

190. *Concupiscentia actualis est appetitus sensitivus motus, rectæ rationi repugnans. Hæc concupiscentia actualis*

actualis est duplex, vna antecedens, alia consequens.

191. *Concupiscentia antecedens est appetitus sensitivus motio, alliciens voluntatem ad motionem, suae conformem. MOTIO* indeliberata inordinataque. *AD MOTIONEM* deliberatam. *SUAE* motioni. *CONFORMEM*; sed difformem rectæ rationi. Vocatur *antecedens*, quia antecedit voluntatis actum internum, & externum; ad quem allicit.

192. *Concupiscentia consequens est appetitus sensitivus motio inordinata deliberata, orta ex pravo actu voluntatis.*

193. Concupiscentia antecedens minuit liberum; quoad exercitium: quia inclinando in vnam partem contradictionis, minuit indifferentiam, & indeterminationem ad vnum. E diuerso auget voluntarium, quia intendit conatum & impetum voluntatis.

Concupiscentia consequens non est causa voluntarij interni: quia non potest esse causa causæ suæ: potest tamen esse partialis causa voluntarij, in actu externo reperti: quia respectu illius, est antecedens.

194. Cæterum vitiosa concupiscentia, iuxta sacræ scripturæ sensum, non tantum dicit inordinationem appetitus sensitivi; sed & intellectus, ac voluntatis, destitutorum iustitia originali: quâ inordinatione mouentur auersivè, vel conuersivè in objecta difformia rectæ rationi, legique æternæ. Sic generaliter sumpta vitiosa

195. *Concupiscentia est appetitus sensitivus, intellectus, & voluntatis propensio ad actus, rectæ rationi repugnantes. APPETITVS SENSITIVI* concupiscibilis & irascibilis, ad objecta sensibilia illicita. *INTELLECTVS*, ad errores, hæreses, iudicia temeraria. *VOLUNTATIS*, ad odium, invidiam, superbiam. *PROPENSIO*, pronitas, & inclinatio, tam habitualis in actu primo; quam actualis in actu secundo. Consequenter hæc

196. *Concupiscentia habitualis, est proxima dispositio potentiarum anime, ad actus, rectæ rationi repugnantes;*

POTENTIARVM, scilicet appetitûs sensitiui, intellectûs, & voluntatis.

197. *Concupiscentia actualis est potentiarum anima morio indeliberata; recta rationi repugnans. INDELIBERATA, inquam, & præueniens iudicium rationis: nam agitur hic de concupiscentiâ, ad mentem Apostoli; vitiosâ quidem, sed non peccaminosâ. Qui eam appellat peccatum, non quod verè & propriè in renatis peccatum sit; sed quia ex peccato est, & ad peccatum inclinat, ait Tridentinum sess. 5.*

De ignorantia.

198. **I**gnorantia est scientia carentia in subiecto capaci. CARENTIA, merè negatiua, vel priuatiua. SCIENTIÆ, non tantum habitûs demonstratiui, sed cuiuscumque notitiæ. Ignorantia est multiplex: negatiua. priuatiua: iuris, facti, &c.

199. *Ignorantia negatiua est carentia scientia, non debita inesse subiecto capaci. NEGATIVA, dicta etiam puræ negationis, & nescientia.*

200. *Ignorantia priuatiua est carentiâ scientia debita inesse subiecto capaci.*

201. *Ignorantia prauæ dispositionis est habitus, vel dispositio, contraria scientia. HABITVS, si sit difficulter à subiecto amouibilis, ratione impressionis, pertinaciæ, &c. DISPOSITIO, si sit assensus infirmus, absque pertinaciâ. Hæc prauæ dispositionis ignorantia coincidit cum errore: qui*

202. *Error est actus intellectus, assensientis falso, vel dissensientis vero. FALSO, æstimato vero: VERO, æstimato falso.*

203. *Ignorantia habitualis est carentia habitus scientia, in subiecto capaci. CARENTIA negatiua, vel priuatiua.*

204. *Ignorantia actualis est inaduertentia, admittens secum scientiam habitualement.*

205. *Inaduertentia est defectus considerationis, &*

applicationis animi ad aliquid.

206. *Ignorantia iuris est carentia scientia eius, quod lege constitutum est.* LEGE, vel consuetudine, vim legis habente. Hæc ignorantia iuris, vel est iuris diuini, vel humani: diuini inquam, naturalis vel pœctiui: humani, ecclesiastici, vel ciuilis.

207. *Ignorantia facti est carentia scientia facti particularis, circumstantiæ illius, à quâ tanquam obiecto, moralis actio dependet.* v. g. ignoro me iactu lapidis læsisse hominem, eumque clericum, exinde mortuum. Si autem à circumstantiâ non dependeat actio in genere moris, quia eiusmodi actioni non adferri conformitatem, vel difformitatem ad rectam rationem; tunc circumstantia illa est impertinens ad hoc negotium v. g. ignoratur an præfatus læsus, sit læsus in manu dextrâ, an sinistrâ. &c.

208. *Ignorantia inuincibilis physicè, est carentia scientia eius, quod nullatenus fieri potest.* v. g. quot sint atomi in aëre, arenæ in mari, &c.

209. *Ignorantia inuincibilis moraliter, est carentia scientia, quam quis assequi nequiuit, præmissâ diligentia debita.* Siue, est ea, quam quis superare non potest, adhibitâ diligentia debita hic, & nunc. Hæc est inuoluntaria, & inculpabilis: & à Iurisconsultis vocatur iusta, & probabilis.

210. *Ignorantia vincibilis physicè, est carentia scientia eius, quod sciri potest, etiamsi non doceat.*

Ignorantia culpabilis, siue moraliter accepta

211. *Ignorantia vincibilis est carentia scientia eius, quod potest, & tenetur quis scire.* Hæc ignorantia vincibilis, vna est strictè vincibilis, alia affectata, & crassa: item vna est directè voluntaria, alia indirectè. Strictè accepta

212. *Ignorantia vincibilis est carentia scientia eius, quod debuit potuitque sciri, si foret adhibita maior diligentia, quam fuit.* Ignorantia supina, siue

213. *Ignorantia crassa est priuatio scientia eius, quod facile potuit debuitque sciri.* Est indirectè intentata in magnâ negligentia dñce ndi.

214. *Ignorantia affectata est scientia privatio, expressè insensata quia piget laboris discendi : vel quia est voluntas patrandi operis, cum maiori libertate, vel cum minori contemptu.*

215. *Ignorantia directè voluntaria est, scientia carentia, expressè volita in se.*

216. *Ignorantia indirectè voluntaria est, scientia carentia, volita in negligentia discendi, aut animaduertendi: non autem volita in se.*

217. *Ignorantia antecedens est ea, quæ causat voluntatis actum, aliàs non futurum. ACTVM* internum, vel externum *CAUSAT* per accidens, & tanquam remouens prohibens : scientiam videlicet, aut animaduersionem : quæ si adforet, actum voluntatis prohiberet. Talis fuit ignorantia Iacob, concumbentis cum sibi obtrusâ : quam putabat esse Rachelem : non facturus, si sciuiisset esse Liam.

218. *Ignorantia concomitans est ea, quæ ita comitatur actum voluntatis. ut non sit causa illius : qui equidem fieret, si ignorantia abesset. Eiusmodi ignorantiam habet is, qui hostem occidit, ratus esse feram ; habitualiter ita dispositus, ut quamuis sciuiisset esse hostem, nihilominus occidisset.*

219. *Ignorantia consequens est ea, quæ sequitur præuium actum voluntatis, directè vel indirectè intendentis ignorare, ut aliquid faciat. Eiusmodi ignorantiam habet is, qui volens comedere carnes, affectat ignorantiam ieiunij.*

220. *Ignorantia antecedens causat simpliciter inuoluntarium negatiuè : concomitans habet se imperatiner ad actum, quem relinquit talem, qualis est in se consideratus absque ignorantia. Consequens causat simpliciter voluntarium.*

221. *Est subinde peccatum ipsa ignorantia : habitualis quidem, propter negligentiam sciendi id, quod potest, debetque sciri: actualis autem, siue inaduertentia, quia est omissio actus præcepti, v.g. ieiunij, Missæ, &c.*

*De voluntate, & bono, illius obiecto,
item de malo.*

222. **V**oluntas est rationalis appetitus boni in uni-
uersali. RATIONALIS APPETITVS, non
naturalis appetitus, sequens directionem extrinse-
cam auctoris naturæ: neque sensitivus, sequens in-
trinsecam apprehensionem imaginationis, sed ratio-
nalis, sequens intrinsecum dictamen rationis. BONI,
non restricti ad bonum naturæ, vti in appetitu natu-
rali: neque ad bonum sensibile, vti in appetitu sensiti-
uo: sed IN VNIVERSALI. Licet enim voluntas fera-
tur in bonum particulare, id facit tamen sub ratione
vniuersali, non restrictâ ad hoc, vel illud particulare
bonum. Itaque humana.

223. *Voluntas est anima rationalis potentia natura-
lis, prosequens bonum in vniuersali, iuxta apprehensio-
nem intellectus, apprehendentis obiectum, non tan-
tùm sub ratione veri, aut falsi sed sub ratione boni,
aut mali: & sic proponentis illud voluntati. Vnde vo-
luntatis obiectum, circa quod versatur, in quod actu
conuersiuo tendit, & in quo vltimatè terminatur, est
bonum: obiectum autem, à quo fugit, actu auersiuo,
est malum. Vide suprâ n. 79. 80. & 81.*

224. *Voluntas efficax est ea, quâ posita sequitur actus,
impedimento secluso.*

225. *Voluntas inefficax est ea, quâ posita non sequitur
actus, impedimento secluso.*

226. *Bonum est ens conueniens sibi, alteriue; appeti-
tui proprio, vel alieno.*

227. *Bonum per se, est ens conueniens, propter intrin-
secam suam perfectionem. Siue, est ens, sui, non alterius
gratiâ appetibile.*

228. *Bonum propter aliud, est ens non sui, sed alterius
gratiâ appetibile. Quod est appetibile, non propter in-
trinsecam bonitatem suam: sed extrinsecam alterius.
Quod scilicet est vtile ad assequendum bonum per se.
Est synonymum bono utili: quod*

229. *Bonum utile est ens, conduens ad obtinendum bonum per se.*

230. *Bonum honestum est ens, conforme recte rationi. Siue, est ens conueniens natura rationali, quâ talis. Non quâ natura est: quomodo est ei bonum esse, viuere, conseruari; habere potentias & perfectiones naturales. Non etiam quâ natura animalis est: quomodo est ei bonum sanam, pulchram esse. Sed quâ rationalis est: quomodo est ei bonum virtuosam, Deoque gratiosam esse. Hoc bonum honestum, aliter vocatur, bonum morale. Quod*

231. *Bonum morale est quid conforme recte rationi.*

232. *Bonum delectabile est ens conueniens, quia delectationem adferens. DELECTATIONEM, voluptatem sensûs, vel gaudium animi.*

233. *Bonum verum est ens, habens à parte rei, eam conuenientiam & perfectionem, à quâ dicitur bonum. Eiusmodi est bonum virtutis.*

234. *Bonum apparens tantum, est illud, quod à parte rei non habet eam conuenientiam & perfectionem, à quâ dicitur bonum. Eiusmodi sunt voluptates carnales, diuitiæ, honores.*

Malum est secundarium obiectum voluntatis; quod auersatur, & fugit. Materialiter & denominatiue sumptum

235. *Malum est ens priuatum perfectione debita. Siue, est ens sibi alterinè disconueniens, Formaliter sumptum malum, siue*

236. *Malitia est priuatio conuenientia, & perfectionis debita inesse.*

237. *Malitia moralis est priuatio conformitatis ad rectam rationem. Siue, est disformitas ad rectam rationem. Item, est dissentaneitas & disconuenientia ad naturam rationalem. ut sic.*

238. *Malum inhonestum est ens disforme recte rationi. Siue, est quid dissentaneum natura rationali, quâ tali.*

De intellectu.

239. **I**ntellectus est anima rationalis potentia cognoscitiva spiritualis: id est, effectiva cognitionis spiritualis obiectorum sensibilium, & insensibilium; adhærens vero per assensum, & resiliens à falso per dissensum.

240. Intellectus mouet voluntatem quoad specificationem: ipsa se, & illum quoad exercitium.

241. Mouere est reducere ad actum id, quod est in potentia. Siue, est applicare ad operationem.

242. Mouere quoad specificationem est ad actum certa speciei determinato agens, aliàs indifferens ad vtramlibet partem contrarietatis.

243. Mouere quoad exercitium est intrinsecè applicare agens ad operationem, aliàs indifferens ad vtramlibet partem contradictionis.

De Causis.

244. **C**ausa est principium influens esse in aliud. Siue, est id, ad cuius esse, sequitur aliud.

245. Causatum est quid dependens ab alio, donante ipsi esse.

246. Sunt quatuor causæ: materialis, formalis, efficiens, & finalis. Duæ priores sunt intrinsecæ composito, & de essentiâ illius: duæ posteriores sunt extrinsecæ.

247. Materia est id, ex quo quippiam fit, ita ut insit.

248. Forma est ratio quidditatis: id est, complementum essentiæ compositi.

249. Finis est id, cuius gratiâ aliquid fit.

250. Causa efficiens est principium primum productiui effectus.

251. Effectus est quid emanans ab alio, tanquam principio productiui. AB ALIO, distincto saltem numericâ essentiâ.

252. Causa potentiâ est quid, habens vim causandâ.

Siue, est virtus causativa.

253. *Causa actu est quid exercens causationem.*

254. *Causalitas in actu primo, est vis causandi: Siue, est virtus, quâ quid constituitur potens ad causandum.*

255. *Causalitas in actu secundo, est causatio activa. Et hæc*

256. *Causatio activa est influxus principij, dantis esse alteri, naturâ distincto.*

257. *Causatio passiva est dependentia unius ab alio, tanquam principio influente esse. Efficiens*

258. *Causa prima est ea, quæ producit effectum, independenter ab aliâ superiore efficiente: & omnes aliæ dependenter ab eâ. Siue, Causa prima est ea, quæ non est causata ab aliâ causâ: & à qua omnis alia est causata. Item, est ea, quæ omnes causas secundas applicat ad operationem.*

259. *Causa secunda est ea, quæ producit effectum dependenter ab aliâ superiore efficiente.*

260. *Causa efficiens principalis est ea, quæ producit effectum, per propriam formam extrinsecam. Siue, est ea, cuius virtus est sufficienter proportionata effectui producendo.*

261. *Causa efficiens instrumentalis est ea, quæ producit effectum, non per propriam formam; sed per motionem alterius mouentis. Siue, est ea, cuius virtus sola est insufficiens effectui producendo: Ideoque ad hoc eleuatur à causâ principali.*

Causa instrumentalis unita, siue.

262. *Instrumentum coniunctum est illud, quod reali unione adheret causæ principali. Ita humanitas adhæret Verbo, calor igni, manus homini.*

263. *Instrumentum separatum est illud, quod unione reali non adheret causæ principali. Ita in causatione gratiæ, sacramentum est Dei instrumentum separatum: in scriptione, calamus, &c.*

Ex parte causæ, efficiens

264. *Causa totalis est ea, quæ producit effectum, solo suo influxu, absque adminiculo concausæ, eiusdem ordinis. Itidem*

265. *Causa partialis est ea, qua producit effectum, non solo suo influxu; sed cum adminiculo concausæ, eiusdem ordinis.*

Ex parte effectûs, efficiens.

266. *Causa-totalis est ea, qua producit totum esse effectus, Itidem*

267. *Causa partialis est ea, qua producit partem ipsius esse effectus.*

268. *Causa efficiens uniuoca est ea, qua producit effectum eiusdem secum speciei.*

269. *Causa æquinoca est ea, qua producit effectum, diuersa à se speciei.*

270. *Causa physica est ea, qua per se, reali influxu influit esse in effectum.*

271. *Causa moralis est ea, qua non reali influxu influit in effectum: sed causam physicam liberam mouet ad eiusmodi effectum producendum. Mouet inquam, sui positione, suo suasu, consilio, imperio, precibus: quin & omissione impedimenti, quando potest, & debet impedire.*

272. *Causa immediata est ea, quâ positâ, omnibus alijs deficientibus, ponitur effectus: & quâ non positâ, omnibus alijs positâ, non ponitur effectus.*

273. *Causa immediata immediatione causa est ea, interquam, & effectum, non mediat alia causa.*

274. *Causa immediata immediatione effectus, est causa potens producere effectum, sine alio effectui prauis mediante. Vnde ignis producit ignem, mediante calore; non est causa immediata ignis, immediatione effectus.*

275. *Causa per se est ea, qua propriâ vi producit effectum à se intentum.*

276. *Causa per accidens est ea, qua producit effectum, à se non intentum.*

277. *Causa per accidens ex parte effectus, est ea, qua producit effectum intentum; alium non intentum, casu coniunctum producit.*

De Effectibus.

278. **E**ffectus per se, est is qui à causâ efficiente, directè vel indirectè est intentus. DIRECTE, in se, & expressè. INDIRECTE, ratione connexionis per se, cum intento.

279. Effectus per accidens est is, qui à causâ efficiente non est intentus; sed intento annexus contingenter, & fortuitò.

Gentilium falso sensu,

280. *Fortuna est Dea, habens liberam dispositionem bonorum temporalium, & eventuum casualium.* Aliàs

281. *Fortuna est causa per accidens in hisce, qua per electionem, alicuius gratiâ fiunt.* Siue, est causa liberè agens, producens effectum non intentum, sed intento casualiter annexum: præter agentis intentionem directam, & indirectam.

Fortuna accipitur subinde pro effectû per accidens, & fortuito, bono vel malo: & tunc

282. *Effectus fortuitus est is, qui à causâ efficiente liberâ, non est intentus; sed intento casualiter annexus.* NON EST INTENTUS, directè nec indirectè.

283. *Casus est causa per accidens in hisce, qua per naturam alicuius gratiâ fiunt.* Siue, est causa naturaliter & necessario agens, producens effectum extraordinarium, annexum contingenter effectui productò naturaliter. Pro effectû acceptus

284. *Casus est effectus extraordinarius, contingenter annexus effectui naturaliter productò.*

285. *Effectus contingens est is, qui ad esse cause, non sequitur necessariò.* Quia causa est impedibilis, ne causet effectum: vel quia libera est, positisque ad agendum, prærequisitis, potest agere, & non agere. Frustra, siue

286. *Frustraneum est quid non efficiens illud, cuius, gratiâ erat, & aptum erat.* Siue, est adhibitum medium, aptum fini assequendo, non tamen assecuto. Si non erat

aptum fini assequendo, non dicitur frustraneum; sed inutile, & futile.

287. *Primus motor est actus purus reducens ad actum id, quod est in potentia: Causalitate suâ, prius naturâ mouens illud ad operationem. Nam mouens, est naturâ prius mobili.*

288. *Primum agens est id, quod alia agentia applicat ad agendum.*

289. *Prædeterminatio est motio diuina, applicans causas secundas ad operationem. Vnde omnis determinatio causæ secundæ pendet à primæ causæ prædeterminatione, naturâ priore.*

De Actus humani bonitate, & malitia.

290. **A**ctus humanus accipit bonitatem, & malitiam specificam ab obiecto suo: quia obiectum est causa cur sit huius, aut illius speciei moralis. Ideoque ratione obiecti, actus dicitur esse bonus, aut malus; mortalis, aut venialis ex genere suo, id est, ex specie suâ: quomodo species humana dicitur genus humanum.

291. *Actus humani obiectum est id, in quod naturâ suâ tendit: vel ratio, sub quâ tendit. Priori parte definitur obiectum materiale actûs; posteriori formale.*

292. *Actûs obiectum materiale est id, in quod naturâ suâ tendit: circa quod versatur, & in quo ultimâ terminatur actus agentis; potentia quoque, & habitus.*

293. *Actûs obiectum formale est ratio, sub qua in obiectum materiale tendit actus, potentia, & habitus.*

294. Vtrumque hoc parziale obiectum, efficit vnum totale: & vtriusque bonitas adesse debet, vt illam impartiat actui. Quia iuxta D. Dionisium de diuinis nominibus c. 4. *Bonum est ex integrâ causâ, malum autem ex quouis defectu.* Vnde si actûs obiectum materiale sit bonum, formale autem malum; actus erit malus. v. g. eleemosyna, & subleuatio miseræ alienæ, facta ad vanam gloriam. Idem esto iudicium, si obiectum formale sit bonum; materiale au-

tem malum. v.g. furtum commissum intentione dandæ eleemosynæ. Si autem obiectum materiale actûs foret indifferens in specie moris, & formale bonum; tunc actus esset bonus: vti constat ex manducatione, potatione, &c. factâ ad honorem Dei.

295. Similiter omnes actus humani, habentes idem obiectum formale, sunt eiusdem speciei, licet habeant diuersa obiecta materialia. v.g. duo actus charitatis, quibus diligitur Deus propter se; & proximus propter Deum. E diuerso, actus habentes idem obiectum materiale, diuersum formale, distinguuntur specie. v.g. actus fidei, spei, & charitatis, habentes idem obiectum materiale Deum, sub diuersâ ratione formali, scilicet fides Deum, vt primam veritatem reuelantem: spes vt summum bonum nostrum: charitas vt summum bonum suum.

296. Itaque actus humanus accipit bonitatem, vel malitiam essentialem ab obiecto, accidentalem à circumstantiis. Interim vices mutantur, quando circumstantia transit in ra-

tionem obiecti. * Tunc autem circumstantia (præcipuè *cur*, siue finis operantis) transit in rationem obiecti actûs, quando ad illam terminatur voluntas, tanquam ad obiectum materiale parziale; item quando ex motu circumstantiæ: v.g. finis, voluntas terminatur ad obiectum suum materiale. Tunc enim finis transit in obiectum formale actûs: & illius obiectum materiale transit in circumstantiam quibus auxiliis. Hoc sensu, iuxta Aristotelem, qui furatur, vt mœchetur, potius est mœchus, quàm fur, Quin & actus ipsius quadantenus est mœchia, potius quàm furtum.

298. *Actus humanus ex obiecto bonus est ille, qui tendit, & terminatur ad obiectum honestum.*

299. *Actus moraliter bonus est actus voluntarius, recte rationi conformis, nullâ circumstantiâ vitiatas.*

300. *Actus moraliter malus est actus voluntarius, habens obiectum, vel circumstantiam difformem recte rationi.*

301. *Actus moraliter indifferens est actus voluntarius, ex naturâ suâ non conformis, neque difformis rectæ rationi.* Eiusmodi est manducatio, facta ad satisfaciendum merè necessitati naturali; ambulatio ad obtinendum sanitatem, &c.

302. *Non datur eiusmodi actus humanus deliberatus, indifferens in indiuiduo: quia homo deliberatè operans, debet præcepto diuino naturali, & positiuo, operati conformiter ad rectam rationem: imò actu, vel virtute referre omniâ in finem vltimum. Præcepto inquam diuino naturali, quo iubetur operari vt rationalis, eo ipso, quo inditum est ei dictamen rectæ rationis. Positiuo autem, quo iubetur Deum diligere ex toto corde, &c. Matth. 22. Deut. 6. Omnia in gloriam Dei facere. 1. Cor. 10. & Coloss. 3. Non dicere verbum otiosum. Matth. 12.*

303. *Actus humani entitas naturalis, est essentia illius, producta à potentijs viribusque naturalibus.*

304. *Actus humani entitas supernaturalis, est essentia illius, producta à principio superante vires naturæ, versusque circa simile obiectum formale,*

305. *Actus humani entitas moralis, est essentia illius, certo ordine directi ad dictamen rectæ rationis.*

306. *Bonitas actus est illius plenitudo essendi. Siue, est conuenientia resultans ex complemento requisitorum actus.*

307. *Bonitas moralis actus, est conformitas ipsius ad rectam rationem. Siue, est complementum requisitorum ipsius, in specie moris. Requisite autem sunt, obiectum, finis, & circumstantiæ honestas.*

308. *Bonitas naturalis actus est complementum requisitorum ad entitatem ipsius. Siue, est conuenientia, resultans ex complemento eiusmodi requisitorum.*

309. *Bonitas supernaturalis actus est complementum requisitorum ipsius, in ordine superante naturam. Hic autem requisite sunt, principium productiuum supernaturale habituale, vel actuale: obiectum formale itidem supernaturale: & conformitas ad legem Dei æternam.*

De recta ratione, & lege aeterna.

310. **V**T actus humanus sit moraliter bonus, debet esse conformis rectæ rationi, & legi æternæ. Illius enim regula proxima, & secundaria, est recta ratio, remota autem, & primaria, est lex æterna: quia est regulæ regula, & exemplar rectæ rationis.

311. *Recta ratio est iudicium intellectus, conformiter se habentis ad obiectum conueniens naturæ intellectuali, quæ tali.* CONFORMITER, id est, verè iudicantis aliquid esse conueniens naturæ intellectuali, quæ intellectualis est; meritòque ab eâ prosequendum: vel disconueniens, ideoque fugiendum.

312. *Recta ratio speculativa est actus intellectus, iudicantis esse honestum, vel turpe, quod verè est tale.*

313. *Recta ratio practica est actus intellectus, prudenter iudicantis aliquid esse honestum, vel turpe; licitum aut illicitum: etiamsi ex inuincibili ignorantia erret.*

314. *Lex æterna est intellectus diuini dictamen indicans aliquid esse conueniens, vel disconueniens naturæ intellectuali, quæ tali.* LEX ÆTERNA, generaliter accepta, & non restricta ad præceptiuam: vti restringitur in definitione peccati, n. 398. INTELLECTVS DIVINI DICTAMEN æternum, abstrahendo

315. ab actu voluntatis diuinæ præcipientis. * NATURÆ INTELLECTUALI, QUA TALI: cui duo sunt conuenientia: bonum voluntati, & verum intellectui: duo itidem inconuenientia, malum & falsum. Interim hæc lex æterna non præcipit omnia, quæ iudicat conuenientia v. g. opera consilij: neque vetat omnia disconuenientia. v. g. omnem ignorantiam, assensus falsos omnes. Iudicat tamen illa meritò esse prosequenda, hæc fugienda.

De circumstantijs.

316. **C**ircumstantia est actus humani moralis, accidens ; ipsum moraliter afficiens. CIRCUMSTANTIA sic dicta quia actui non inest, essentiae illius intrinseca : sed extrinseca, illum circumstat. EST ACCIDENS accidentis, actus scilicet humani : quomodo albedo est accidens musicæ, iuxta Aristotelem 5. metaphysicorum cap. ultimo. EST ACCIDENS, quid extrinsecum entitati actus : quod potest abesse, illâ eâdem manente. Vnde res sacra, vel locus sacer, est circumstantia furti : sed non sacrilegij furtivi, aut furti sacrilegi ; cuius est differentia constitutiva. Et consequenter potest abesse à furto, manente eâdem entitate furti (scilicet acceptione alieni, inuito domino) non autem à furto sacrilego. ACTVS HUMANI, voluntarij & deliberati, interni & externi. MORALIS, in certâ specie moris constituti, per rectæ rationis conformitatem, aut difformitatem : quam si primum det, non erit circumstantia ; sed obiectum actus, quâ moralis. Vti v. g. honor Dei, ad quem refertur comestio, ambulatio, similisue actus, aliàs indifferens in specie moris. MORALITER AFFICIENS, modificans actum in conformitate vel difformitate ad rectam rationem : & ideo conferens ipsi aliquid bonitatis, vel malitiæ accidentalis. Sin minus, poterit esse circumstantia actus humani, quâ physicus est, sed non quâ moralis : vti v. g. in eleemosynâ, factâ in auro, ære : manu dextrâ, vel sinistrâ ; per se, vel per famulum, &c.

317. Actus humani circumstantiæ sunt septem, contenta hoc versiculo :

Quis, quid, ubi, quibus auxilijs, cur, quomodo, quando,

318. **Q**UIS, denotat operantis qualitatem, per accidens ipsi coniunctam ; conferentem aliquid bonitatis, vel malitiæ actui humano morali. v. g. quod operans sit religiosus ; ordine, vel voto obstrictus : be-

beneficiarius, coniugatus : ex officio, vel iustitiâ obligatus, &c.

319. *QVID*, denotat obiecti qualitatem, aut quantitatem accidentariam; conferentem aliquid bonitatis, vel malitiæ actui humano morali. v. g. quod res furtiva sit sacra; magnæ, aut parvæ quantitatis: quod cæsus, sit parens, aut clericus: quod luxuriæ complex, sit voto castitatis, matrimonio, consanguinitate, affinitateve obstricta: quod ex furto, vel detractione, sit damnum secutum: quod res furto sublata, erat pauperis, &c.

320. *VBI*, denotat loci accidentariam conditionem, conferentem aliquid bonitatis, vel malitiæ, actui humano morali. v. g. quod in loco sacro sit peccaminosè fusus sanguis, aut semen: quod in eodem loco sacro, sit accepta res, illius tutelæ demandata: quod loco publico sit scandalosè peccatum: quod in loco profano, vel profanato sit celebrata Missa: quod infans sit domi baptizatus, extrâ Ecclesiam, & sacros fontes, &c.

321. *QVIBVS AUXILIIS*, denotat accidentaria media, & instrumenta actûs humani moralis; illi conferentia aliquid bonitatis, vel malitiæ. v. g. quod aliquid sit patratum magis ope dæmonis, aut malefici: veneno, instrumento prohibito, aut periculoso: Quod celebrata Missa absque Missalis canone, absque calice consecrato: cum ornamentis non benedictis: quod furtum commissum sit, complicibus inductis, compulsis, &c.

322. *CVR*, denotat non intrinsecum finem operis; sed extrinsecum operantis, conferentem actui humano morali, aliquid bonitatis, vel malitiæ. v. g. quod elemosyna data sit, ad vanam gloriam: quod verba iocosa directâ fuerint ad luxuriam: quod commissum furtum, ad mœchandum, &c.

323. *QVOMODO*, denotat actûs humani moralis accidentarium modum, conferentem ei aliquid bonitatis, vel malitiæ. v. g. quod actus sit commissus in-
tensè;

tensè, remisè: spontè, coactè: ignoranter, scienter: mala intentione, motu primo, vel secundò-primò: plenâ, vel semiplenâ deliberatione: clâm, palâm: insidiosè, violentè: cum scandalo, contemptu: modo habente singularem deformitatem: contra dictamen conscientia, &c.

324. *QUANDO*, denotat accidentariam temporis conditionem, conferentem actui humano morali, aliquid bonitatis vel malitiæ. v. g. quòd aliquid omis- sum, vel factum tempore festi, Missæ, ieiunij, inter- dicti, induciarum, prohibitionis, duplicis obligatio- nis, &c.

325. Aliqui addunt octauam circumstantiam, contentam hoc versiculo:

Quis, quid, ubi, per quos, quoties, cur, quomodo, quando?

Sed reuera *quoties*, siue numerus, non est indiuidui actûs humani circumstantia; quasi similis actus secun- dus, foret circumstantia primi, &c. sed est indiuiduo- rum actuum similium multiplicatio.

Circumstantiarum quædam est mutans speciem, alia aggrauans, minuens, &c. Generaliter sumpta

326. *Circumstantia mutans speciem est ea, quæ actui humano morali addit, vel adimit bonitatem vel mali- tiam, specie distinctam à substantiâ actûs.* GENERA- LITER, inquam, sumpta, comprehendens etiam eam mutantem speciem, quæ non est necessariò confitenda. MORALI, in specie moris constituto, secundum dicta n. 216. ADDIT. v. g. in eleemosynâ, factâ ad resti- tuendum; circumstantia *cur*, addit bonitatem iusti- tiæ, specie distinctam. VEL ADIMIT, v. g. in homi- cidio commisso ex motu primo, vel cum moderamine inculparæ tutelæ, circumstantia *quomodo* adimit to- tam malitiam homicidij. Item in adulterio coniugati, inuincibiliter ignorantis complicem esse sibi cognata- tam; eadem circumstantia *quomodo*, adimit partialem malitiam incestûs. Insuper ADDIT MALITIAM, etsi tantum venialem: qualis foret circumstantia *cur*, in duello commisso ad vanam gloriolam, causâ ostentan-

dæ peritiæ digladiandi.

Strictè, ad mentem Conc. Tridentini sess. 14. cap. 5. & can. 7. accepta, & necessariò confitenda.

327. *Circumstantia mutans speciem, est ea, quæ addit malitiam mortalem, specie distinctam à substantiâ actûs.*

MORTALEM, quia si addat malitiam tantùm venialem, specie distinctam, non erit mutans speciem, ad mentem Conc. Tridentini; nec erit necessariò confitenda: vti patet in dato exemplo duelli, commissi ad vanam gloriolam. **SPECIE MORALI DISTINCTAM**: vel absolutè, vel saltem demeritoriè: vti ostendemus n. 329. **A SUBSTANTIA ACTVS**: addit inquam malitiam, specie distinctam à naturâ, & entitate morali ipsius actûs humani. Non dico autem cum quibusdam, *addit malitiam malitia*, vel, *addit malitiam distinctam à malitiâ actûs*; quia hoc dici non debet: quandoquidem detur circumstantia mutans speciem, quæ actûs humani bonitati obiectivæ addit malitiam. v.g. circumstantia *cur*, in eleemosynâ datâ puellæ, ad corrumpendam pudicitiam eius, &c.

328. Itaque potest statui triplex circumstantia mutans speciem, necessariò confitenda. Prima, quæ actum ex obiecto bonum, efficit peccatum mortale: vti in allegato exemplo eleemosynæ. Secunda, quæ ex peccato veniali, vel mortali vnius speciei, efficit mortale alterius speciei. Ex veniali inquam, vti in verbo otioso, directo ad fornicationem: ex mortali autem v. g. in furto, directo ad ebrietatem. Tertia, quæ ex peccato veniali, efficit mortale, eiusdem speciei moralis absolutæ; sed alterius speciei moralis demeritoriæ. Exempli gratiâ, in reuelatione alieni mendacij officiosi occulti; cum intentione graviter infamandi proximum. coram

329. multis. * Licet enim infamatio venialis, & mortalis, non differant specie physicâ, nec morali absolutâ; differunt tamen specie morali demeritoriâ. Nam infamatio mortalis meretur priuationem gratiæ, & gloriæ: non autem venialis. Idem est de furto mortali, & veniali; aliisque similibus. Generaliter sumpta

330. *Circumstantia non mutans speciem, est ea qua non addit vel admittit bonitatem, vel malitiam, specie distinctam à substantiâ actûs humani. Sive, qua non habet specialem conformitatem, vel difformitatem ad rationem, specie distinctam à substantiâ actûs: sed augendo, vel minuendo, afficit obiectum actûs, sub eâdem ratione, quâ bonum, vel malum est. Sic intensio, remissio, quantitas, duratio, diuersimodè afficiunt obiectum actûs, relictî in suâ specie.*

Strictè ad mentem Conc. Trid. sess. 14, c. 5. & can. 7. sumpta

331. *Circumstantia non mutans speciem, est ea, qua actui humano non addit malitiam mortalem, ab eo specie distinctam. Specie inquam morali absolutâ, vel demeritoriâ; vti supra n. 319.*

332. *Circumstantia notabiliter aggrauans est ea, qua peccati malitiam mortalem, in eâdem specie, plurimum augeat, faciens æquivalere vnicum peccatum pluribus mortalibus. MORTALEM, quia non est notabiliter aggrauans circumstantia, nisi adferat augmentum præsuppositæ malitiæ mortali. Nam si illud adferat veniali, intra limites suos relictæ; erit quidem aggrauans, sed non notabiliter. v.g. intentio furandi quatuor asses, in furto totidem obolorum. Si autem adferat augmentum, transferens malitiam extra limites peccati venialis; erit mutans speciem. v. g. intentio furandi tres aureos, in furto totidem assium. IN EADEM SPECIE: quia si in distinctâ, foret circumstantia mutans speciem. v.g. blasphemia annexa iræ.*

333. *PLURIMUM AUGET, ita vt ex vno peccato actû, efficiat plura mortalia virtute: ratione quantitatis materiæ, exorbitantis modi, durationis, aut intensificationis. Ratione quantitatis materiæ: vti mille aurei, in furto. Ratione exorbitantis modi: vti in homicidio, lenta cædes per repetitam confossionem, & mutilationem. Ratione durationis: vti in delectatione morosâ continuatio illius ad plures horas. Ratione exorbitantis intensificationis: vti in odio inimicitie proximi, tam intensa auersio, vt optetur illi æterna damnatio.*

110. FACIENS ÆQUIVALERE VNICVM PECCATVM PLVRIBVS MORTALIBVS, vt minimum duobus : quia si non multiplicet, & vt minimum reduplicet malitiam mortalem ; non erit circumstantia notabiliter aggrauans. Vti intentio furandi octodecim asses, in furto decem assium : supposito quòd præcisè materia decem assium, sit demum mortalis. **VT MINIMUM duobus**, inquam : quia potest efficere, vt æquiualeat centum, imò mille mortalibus.

334. *Notabile aggrauamen est peccati mortalis, in sua specie relictæ augmentum tale, ut unicum æquiualeat pluribus : vt minimum duobus mortalibus eiusdem speciei.*
Generaliter sumpta

335. *Circumstantia minuens est ea, qua adimit aliquid de gravitate peccati, in sua specie relictæ, vel ab eâ mutati.*
Propriè

336. *Circumstantia minuens est ea, qua adimit aliquid de gravitate peccati, in sua specie relictæ. v. g. magna tentatio, timor, inaduertentia, & ignorantia inuincibilis, &c.* Impropriè

337. *Circumstantia minuens est ea, qua adimit de gravitate peccati, ita ut mutet illius speciem : faciendo de peccato mortali veniale, nullumue peccatum : vel subducendo vnā malitiam, relictā aliā. v. g. primò, in homicidio levis excessus moderaminis inculpatæ tutelæ : secundò, inaduertentia inuincibilis in eodem : tertio, inuincibilis ignorantia cognitionis, in complice voluntariæ fornicationis.*

De habitibus naturalibus.

IN animâ rationali sunt quidam habitus naturales. In genere

338. *Habitus est prima speciei qualitas, firmiter inherens, quâ subiectum benè vel malè disponitur, secundum se, vel ad operationem.* PRIMÆ SPECIEI QUALITAS, condistincta contra dispositionem. FIRMITER INHÆRENS, perfecta, permanens, & difficulter à subiecto amouibilis. *QVÀ SUBIECTVM*, hac quali-

tate informatum suppositum. **BENE**, VEL **MALÉ**, tanquam qualitate bonâ vel malâ, naturaliter vel moraliter. v. g. sanitate, morbo; virtute, vitio. **DISPONITVR**, conuenienter vel disconuenienter afficitur. **SECUNDVM SE**, habitu essendi, non operatiuo: vti gratiâ habituali, sanitate, pulchritudine. VEL AD **OPERATIONEM**, tanquam concausâ, & comprincipio illius operationis, præsupponente aliud accidentarium: scilicet potentiam, cui superadditur ad illius operationem facilitandam, vel alius eleuandam, ad ordinem supernaturalem.

339. *Prima species qualitatis est forma accidentaria, difficulter, vel facile à subiecto amouibilis: quâ suppositum benè vel malè disponitur ad se, vel ad operationem.* Habitus quidam est infusus, alius acquisitus, alius naturalis.

340. *Habitus naturalis est is, qui humana natura est concreat, eique in sui conditione, à Deo inditus.* Is duplex est, scilicet intellectus principiorum, & synteresis.

Intellectus n. 239. definitus, diuerso respectu vocatur practicus, & speculatiuus.

341. *Intellectus practicus est is, qui à se cognitum ordinat ad praxim, & operationem: apprehendendo verum, tanquam bonum prosequendum: & falsum, tanquam malum fugiendum.*

342. *Intellectus speculatiuus est is, qui à se cognitum non ordinat ad praxim: sed sistit in nudâ veritatis cognitione.*

343. *Intellectus principiorum est habitus naturalis, quo intellectus dirigitur circa principia speculabilia.* Id est, circa propositiones, ex terminis notas, non ordinatas ad operationem. v. g. *Quodlibet est, vel non est: Omne totum est maius sua parte.*

344. *Synteresis est habitus naturalis, quo intellectus dirigitur circa principia agibilia.* Id est, circa propositiones ex terminis notas, ad operationem ordinatas. Eiusmodi principia agibilia, siue prima principia practica sunt duo: *Bonum est prosequendum, & Ma-*

134 *Breniary Theologici Pars I. II.*

lum est fugiendum. Siue, Declina à malo, & fac bonum. Psal. 36. Ex quibus sequitur tertium, Matth. 7. Omnia quaecunque videris, ut faciant vobis homines, & vos facite illis.

345. *Principia speculabilia sunt propositiones, ex terminis notæ, ad operationem non ordinata.*

346. *Principia agibilia sunt propositiones, ex terminis notæ, ad operationem ordinata*

Humana potentia intellectiva vocatur *intellectus*, quatenus apprehendit obiectum suum intelligibile simpliciter absque discursu: vocatur *ratio*, quatenus ex vno colligit aliud. Vnde

347. *Intelligere est veritatem simpliciter apprehendere.*

348. *Ratiocinari est ex vno intellectu, aliud colligere, per discursum.*

349. *Ratio superior est intellectus considerans res supernaturales: aut ex ijs accipiens sui directionem.*

350. *Ratio inferior est intellectus considerans res naturales: aut ex ijs accipiens sui directionem.*

Actus humani proxima regula, est iudicium rationis, & conscientia.

De Conscientia.

351. **C**onscientia est intellectus actuale iudicium, dictans particulare agibile esse faciendum, quia bonum: vel fugiendum, quia malum. CONSCIENTIA sic dicta, quia est cum scientiâ synteresis, illiusque applicatio ad particulare agibile. INTELLECTVS practici. ACTUALIS, non quod debeat esse actu præsens: sufficit enim, quod præcesserit, & voluntati præscripserit quid esset agendum, & sic virtute permaneat. Dicitur ergo conscientia esse actuale iudicium; quia non est potentia, nec habitus; sed actus. IUDICIUM, lato modo sumptum, comprehendens assensum firmum, & infirmum: iundè etiam dubitationem; uti constat ex conscientiâ probabili, dubiâ, & scrupulosa. DICTANS, per modum directionis. PARTICU-

DARE AGIBILE ESSE FACIENDVM: quia iudicium de prosequendo, vel fugiendo agibili, concepto sub ratione generali boni, vel mali; spectat ad synteresim. **QVIA BONVM** præceptum, sumendo strictè conscientiam. Latè autem illam sumendo, *quia bonum* præceptum, vel consultum. **VEL FUGIENDVM,** **QVIA MALVM** prohibitum, peccaminosum, sumendo strictè conscientiam: latè autem sumendo illam, *quia malum* prohibitum, vel simpliciter disconueniens naturæ intellectuali: vti ignorantia, & assensus falsus. *Strictè* inquiebam, sumendo conscientiam, quomodo ordinariè sumitur: nam est peccatum agere contra conscientiam: quod non foret, nisi esset de agibili præcepto, vel prohibito.

352. Conscientiæ iudicium de particulari agibili, bono vel malo, vocatur *fides* ab Apostolo, Rom. 14. *Omne, inquit, quod non est ex fide, peccatum est.* Id est, Omne quod non procedit ex dictamine conscientiæ, censentis illud licitum esse; sed fit contra eiusmodi dictamen; peccatum est. Et Ecclesiastici 32. *In omni opere tuo, crede ex fide anima tua: hoc est enim conseruatio mandatorum.* Hæc autem conscientiæ

353. *Fides est intellectus iudicium, quod particulare agibile sit licitum, aut illicitum; faciendum, vel fugiendum.*

Conscientia vna est recta, alia erronea: certa, probabilis, &c.

354. *Conscientia recta est intellectus practici, de particulari agibili dictamen, conforme rectæ rationi: benè collectum ex principio practico, veroque subsumpto. RECTÆ RATIONI, speculatiuæ, & practicæ. v. g. Bonum præceptum est faciendum: atqui dare eleemosynam extremè indigenti, est bonum à Deo præceptum: ergò hic &c nunc est faciendum.* In quo syllogismo practico, assumptum est synteresis, conclusio est conscientia recta.

Conscientia recta est duplex: vna conformis rectæ rationi speculatiuæ, & practicæ simul; estque iam definita: altera est

355. *conformis rectæ rationi practicæ tantum: & * est intellectus practici, de particulari agibili dictamen, conforme rectæ rationi practica, & non speculatiuæ. v. g. Est licitum, coniungi petenti, reddere debitum: atqui hac petens debitum, est consuetudo mea: ergo est mihi licitum hic & nunc reddere ipsi debitum. Supponendo quod subsumptum procedat ex ignorantia inuincibili: uti contigit Iacob, cognoscenti Liam, pro Rachele. Genes. 29.*

356. *Conscientia certa est intellectus practici iudicium, de particulari agibili, indubia veritatis.*

357. *Conscientia firma est de particulari agibili iudicium, absque formidine de opposito. Sæpè confunduntur inter se certum, & fir-*

*358. mum: reuera tamen * Iudicium certum est illud, quod*

*359. versatur circa obiectum infallibilis veritatis. Ex * Iudicium firmum est illud, quod fit absque oppositi formidine. Itaque certitudo tenet se, ex parte obiecti: firmitas ex parte assensus. Conscientia opinabilis, siue*

360. Conscientia probabilis est de particulari agibili, intellectus practici dictamen infirmum: cum oppositi formidine, nixâ rationibus probabilibus: ut distinguatur contra conscientia scrupulosa futilem formidinem. Est autem probabilis conscientia dictamen infirmum, quia sequitur causæ suæ partem debiliorem, scilicet subsumptum opinatiuum. v. g. in hoc syllogismo practico. Licitum est inire contractum iustum: sed hic contractus est iustus: (demonstrando talem probabiliter tantum) ergo licitum est mihi hunc inire. Quod si conclusio formaretur ex aliis præmissis, hoc modò. Licitum est operari secundum sententiam, practice probabilem: sed hac sententia est practice probabilis: (supponendo verè talem) ergo licitum est mihi, hic & nunc operari secundum eam; tunc foret conscientia certa: quia ambæ præmissæ, & conclusio sunt certæ.

361. Conscientia erronea est de particulari agibili, intellectus practici iudicium falsum, & difforme rectæ rationi: collectum ex principio practico, falsoque sub-

facto : aut vero quidem ; sed per consequentiam vitiosam. Primi membri exemplum est : *Bonum est faciendum : atqui mendacium officiosum , pro salute proximi , est bonum ; ergo est faciendum*. Secundi exemplum est : *Bonum est faciendum : atqui adulterium est bonum delectabile : ergo adulterium est faciendum*.

362. Conscientia erronea est duplex : vincibilis , & inuincibilis : pro ratione similis ignorantia , aut inaduertentia . Quamdiu perseuerat , vtraque obligat nos negatiue , vt non agamus contra eam : imò positiue vt agamus secundum eam : ita tamen vt obligemur ad deponendam vincibiliter erroneam . Obligat inquam positiue : quia conscientia , licet erronea , vtrumque dicit : scilicet . Ne faciamus contra eam , & Vt faciamus secundum eam . Itaque semper facimus contra eam , quando non facimus secundum eam .

363. Conscientia dubia , siue incerta , est triplex : suspensa , suspiciosa , & assentiens .

364. *Conscientia dubia suspensa est intellectus practici hesitatio de particulari agibili*. HÆSITATIO , intellectus indeterminatio ; neutri parti contradictionis assentientis , nec in alteram magis inclinantis : quia pro neutra parte habet rationes : vel pro vtrâque pares . v. g. *Ex precepto Ecclesia debet natus annos viginti & unum ieiunare quadragesimam : ego dubito an complenerim illos : ergo dubito an modo debeat ieiunare quadragesimam*.

365. *Conscientia dubia suspiciosa est intellectus practici propensio in unam partem , particularis agibilis , neutri tamen determinatè assentientis*. v. g. *Suscipere semel Confirmationem , est bonum ; bis , malum : atqui dubito an illam semel susceperim : ergo ambigo num debeat illam suscipere : propendo tamen in illius abstinentiam , ne sacrilegium committam*.

366. *Conscientia dubia assentiens est intellectus practici dictamen , quod particulare agibile sit dubij moris , incertaque praxis*. Quia scilicet iudicat , vel opinatur non posse certò , aut probabiliter definiri , an particu-

lære agibile sit moraliter bonum, vel malū; licitum, vel illicitum. v. g. *Malum est inire contractum usurarium: sed ego dubito an contractus emptionis minoris iusto, ob anticipatam solutionem, sit usurarius: ergo iudico, vel opinor dubium esse, num liceat mihi modo sic contrahere.*

Conscientiæ erroneæ species est scrupulosa conscientia, ex scrupulis formata. In genere autem

367. *Conscientia scrupulosa est de particulari agibili, intellectus practici iudicium, futili ratione nixum, aut prædictum. NIXVM, uti fit in conscientia formatâ ex scrupulis. PRÆDICTVM, uti fit in conscientia agitâ scrupulis. Est enim duplex conscientia scrupulosa: una ex scrupulis formata, alia scrupulis agitata.*

Ex scrupulis formata

368. *Conscientia scrupulosa est de particulari agibili intellectus practici dictamen falsum, ex futili ratione formatum. v. g. Qui est sine ministro intentione baptizatus, ille est rebaptizandus: atqui ego sum fortè sic baptizatus: quia me baptizans, erat homo indoctus: ergo ego sum rebaptizandus. Scrupulis agitata*

369. *Conscientia scrupulosa est intellectus practici dictamen rectum, vanâ formidine, & anxietate prædictum. v. g. Qui attentè legit horas canonicas, non debet illas repetere: ego fui comatus legere illas attentè: ergo illas non debeo repetere. Tamen quia non memini lectarum, anxius sum: & ad securitatem volo illas repetere.*

Nunquam licet agere contra conscientiam scrupulosam: sed oportet eam deponere, & agere contra scrupulum.

Propriè scrupus, &

370. *Scrupulus est lapillus asper, pedem lædens, gressumque impediens. Metaphoricè autem*

371. *Scrupulus est anxietas animi. Vnde Cicero, pro Sexto Roscio. Hunc mihi ex animo scrupulum euellere, quod me dies noctesque stimulat, ac pungit. Hæc anxietas animi, oritur aliquando ex causâ iustâ, aliquando ex vanâ. Priori sensu accipitur 1. Reg. 25. Non erit tibi hoc in scrupulum cordis, quod effuderis sanguinem*

innocentium. Et hoc sensu,

372. *Scrupulus est conscientia iustus remorsus consequens peccati commissionem.* Posteriori sensu, à Theologis passim usurpato,

373. *Scrupulus est animi anxietas, futili ratione nixa.*

374. Ad scrupulum tria concurrunt: 1. futilis ratio, cuius non apparet solutio. 2. inde orta vana formido de peccato, obligatione, inhabilitate, defectu, aliâue re simili. 3. inquietudo animi, & remorsus.

375. *Scrupulus est triplex: antecedens, concomitans, & consequens; pro ratione ordinis, quem habet ad actum humanum.*

376. Scriptura, eamque subinde secuti Theologi, improprie accipiunt conscientiam pro animâ, & voluntate: quæ peccato inquinatur, & sanguine Christi, gratiâque emundatur: iuxta illud ad Titum. 1. *Inquinata sunt eorum mens, & conscientia.* Heb. 9. *Sanguis Christi emundabit conscientiam nostram.* Nihilominus accipiendo proprie conscientiam, poterit dici, quod 1. ad Timoth. 1. v. 1. & 19.

377. *Conscientia bona est intellectus practici dictamen, rectè iudicans in actibus proprijs non subsusse peccatum, aut esse remissum.* Et ad Titum 1. v. 13.

378. *Conscientia inquinata est intellectus practici dictamen, iudicans ex peccatorum sordibus, animam propriam esse contaminatam.* Et 2. ad Timoth. 4. v. 2.

379. *Conscientia cauteriata est intellectus practici dictamen, falsò iudicans malum esse bonum; & bonum esse malum: absque ullo sensu, & remorsu.* Sapientiae autem 17. v. 11.

380. *Conscientia perturbata est intellectus practici dictamen, iudicans in actibus proprijs sana latere, desperationemque sibi imminere.* Et 1. Cor. 8. v. 10.

381. *Conscientia infirma est intellectus practici dictamen, falsò iudicans aliquid esse peccatum, exemploque alieno esse committendum.*

382. *Conscientia laxa est, intellectus practici dictamen, gravia peccata affirmans parvis; & parva nihil. Estimans*

trabem, esse festucam; & festucam nihil.

383. *Conscientia pharisaica est intellectus practici dictamen, falsò iudicans certa speciei peccata parva, esse magna; & alterius magna, esse parva. Culicem scilicet colans, & camelum glutens Matth. 23.*

384. *Conscientia perplexa est intellectus practici dictamen, iudicans in particulari agibili subesse peccatum, sine agatur, sine omittatur. Talem videtur habuisse Herodes: qui ante Baptistæ cædem, imaginabatur sibi necessariò patrandum periurium, aut homicidium.*

De sententia probabili.

385. **I**N actibus humanis licet operari secundum sententiam, & conscientiam verè probabilem.

386. *Sententia probabilis est propositio falsa non certis, sed gravibus rationibus auctoritatibusque fide dignis. Fide dignis, inquam: quia viri docti subinde habent sua paradoxa, opinionesque temerarias, & erroneas quas præfidenter obtrudunt sequacibus: maximè in Theologiâ, cuius non minimam partem dissecant in pseudoprobabiles sententias,*

387. *Sententia probabilior est propositio falsa non certis, sed maioribus rationibus, auctoritatibusque; quàm opposita: quæ respectivè est minùs probabilis.*

388. *Sententia improbabilis est propositio, non certò falsa tamen destituta bonis rationibus, auctoritatibusque.*

389. *Sententia tuta est propositio, in cuius sequelâ nullum est erroris, peccatiue periculum. In speculatiuis nullum erroris, in practicis nullum peccati periculum.*

390. *Sententia improprie tutior, sine minùs periculosa, est propositio, in cuius sequela, est periculum minoris erroris, aut peccati, In speculatiuis, erroris; in practicis, peccati.*

391. *Sententia probabilis speculativè est propositio, habens vero similem conformitatem ad rem enunciata.*

Quòd scilicet sit vera, vel falsa, prout enunciatur,
 392. *Sententia probabilis practicè est propositio, nixa
 bonis rationibus authoritatibusque, de agibili licito, vel
 illicito.* Vnde fit, quòd quædam sententiæ sint pro-
 babiles speculatiuè, non tamen practicè. v. g. est
 speculatiuè probabilis sententia, quæ tenet Baptismum
 collatum *in nomine Genitoris, Geniti, & Spiritus*, esse
 validum: item. Medicinam hanc dubiam, esse valdè
 salutarem. Sententia tamen tenens licere ijs vti passim,
 non est probabilis.

De peccatis

Peccatum in genere, variè potest definiti. Secun-
 dùm D. Ambrosium,

393. *Peccatum est diuina legis prauaricatio, & cale-
 stium inobedientia mandatorum, affirmatiuorum, &
 negatiuorum.* Secundùm D. Augustinum,

394. *Peccatum est auersio ab incommutabili bono, &
 indebita conuersio ad commutabile bonum.* Siue, est auer-
 sio à Deo, & inordinata conuersio ad creaturam. Pec-
 catum est duplex: habituale, & actuale.

395. *Peccatum habituale est priuatio rectitudinis de-
 bita inesse.* PRIVATIO habitualis, per modum qua-
 litatis permanentis. RECTITVDINIS, conformitatis
 ad rectam rationem, & legem Dei æternam. Secun-
 dùm D. Augustinum,

396. *Peccatum actuale est dictum, factum, vel con-
 cupitum contra legem Dei æternam.* Id est actualis lo-
 cutio, operatio, vel concupiscentia, contra legem
 Dei æternam, Tria hæc, *dictum, factum, concupitum*
 ponuntur distinctè, quòd clarior sit definitio: aliàs
 sub *facto*, reliqua duo possunt comprehendi: quia
dicere, & concupiscere, est quoddam *facere*. Huius
 actualis peccati materiale, est positiua entitas actus
 vel omissio illius: formale, est priuatio rectitudi-
 nis, siue conformitatis ad rectam rationem, æter-
 namque legem. In præfatâ actualis peccati definitio-
 ne, sub affirmatione intelligitur negatio; scilicet non

dictum, non factum, non concupitum: id est omnis pravaricatio præceptorum affirmatiuorum. CONTRA LEGEM DEI ÆTERNAM: perfectè contra legem Dei, peccatum mortale, quod evertit charitatem, finem legis; & violat amicitiam legislatoris: imperfectè peccatum veniale,

397. quod neutrum facit * Hic autem in definitione peccati, lex æterna restrictiùs accipitur, quam suprà n. 314. & 315. Nam hic.

398. *Lex æterna est dictamen æternum divinæ mentis, quo iudicat creatura intellectuali aliquid esse conueniens, & decernit faciendum; vel disconueniens, & fugiendum.* DICTAMEN ÆTERNUM, non temporale, vti in lege positiuâ diuinâ: sed æternum. Quamuis autem ab æterno non fuerit creatura intellectualis, cui Deus actus præciperet; in eo tamen fuit voluntas & decretum præcipiendi suo tempore. DIVINÆ mentis, comprehendentis intellectum, & voluntatem.

Peccatum actuale est duplex: commissionis, & omissionis.

399. *Peccatum commissionis est pravaricatio præcepti negatiui. Siue, est dictum, factum, vel concupitum, contra legem Dei æternam.* DICTUM v. g. periurium, blasphemia, mendacium, detractio, &c. FACTUM, v. g. furtum, homicidium, adulterium, &c. CONCVPTUM, v. g. concupiscentia vxoris, bonorumque alienorum.

400. *Peccatum omissionis est pravaricatio præcepti affirmatiui, Siue, est dicti, facti, vel concupiti omisio contra legem Dei æternam.* OMISSIO eius, quod secundum legem Dei, debeat dici, fieri, aut concupisci. *Omissio dicti.* v. g. omisio Horarum canonicarum, confessionis peccatorum, correptionis fraternæ, &c. *Omissio facti,* v. g. ieiunij, solutionis debiti, restitutionis alieni, &c. *Omissio concupiti,* v. g. accidia, & torpor animi, cessantis ab amore, & desiderio spiritualium, quando potest, & debet: item quæuis cessatio spiritûs, omittentis concupiscere aduersus carnem vti monet Apostolus Galat. 5. Rom. 7.

& alibi. Secundum quem, Spiritus

401. *Concupiscentia bona est actus voluntatis appetentis bonum virtutis, & motus concupiscentia comprimantis,*

402. Omissionis peccatum internum incurritur tunc, quando expresse vel implicite quis vult omittere id, quod potest, & debet facere. Externum autem, quando adest tempus operis præcepti faciendi: & tamen non fit. *Implicitè* inquiebam: quomodo vult omittere is, qui voluntarie reddit se impotentem adimplendi munia sua, & opera præcepta: quæ propinquæ, & non ita remotæ, & per accidens veniunt facienda. Vnde si quis voluntarie inebrietur, indeque sequatur omissio hōrarum, omissionem illam indirectè, & implicite voluisse censendus est. Secus erit, si ex ebrietate sequatur morbus, & ex morbo omissio Missæ, ieiunij, &c.

Peccatum aliud est cordis, oris, & operis.

403. *Peccatum cordis est peccatum, naturā suā tale, ut interius in animā perficiatur.* v. g. invidia, odium, hæresis, desperatio &c.

404. *Peccatum oris est peccatum naturā suā tale, ut locutione perficiatur.* v. g. detractio, mendacium, periurium &c.

405. *Peccatum operis est peccatum naturā suā tale, ut opere externo perficiatur.* v. g. furtum, homicidium, adulterium, &c.

406. Præfata diuisio peccati potest etiam ita intelligi, ut membra diuisionis accommodentur ad inchoationem, progressum, & consummationem eiusdem peccati, tanquam gradus illius: v. g. homicidij, quando quis corde irascitur fratri: ore dicit ei *Fatue*; opereque occidit. Item adulterij, quando quis corde concupiscit uxorem proximi; ore sollicitat ad peccatum; & opere consummat illud.

Peccatum aliud est contra Deum, proximum, & peccantem.

407. *Peccatum contra Deum est peccatum, quo directe evertitur virtus, bene disponens creaturam intella-*

eternalem, erga Deum. v. g. hæresis, quâ fides euertitur: odium Dei, quo charitas: blasphemia, quâ religio.

408. *Peccatum contra proximum, est peccatum directe euertens virtutem, bene disponentem creaturam intellectuales, erga proximum. v. g. furtum, homicidium, detractio, &c.*

409. *Peccatum contra peccantem, est peccatum directe euertens virtutem, erga se bene disponentem creaturam intellectualem. v. g. intemperantia, gula, ebrietas, luxuria. &c.*

Peccatum aliud est ex passione, ignorantia, & malitia.

410. *Peccatum ex passione est peccatum procedens ex antecedente concupiscentia, aliâque passione minuente libertatem. Vocatur peccatum ex infirmitate, diciturque esse in Patrem: cui omnipotentia tribuitur.*

411. *Peccatum ex ignorantia est peccatum procedens ex antecedente ignorantia vincibili, strictè tali: minuente voluntarium, grauitatemque offensæ. Vocatur peccatum ex ignorantia, diciturque esse in Filium: cui sapientia tribuitur. Strictè inquam vincibili: quia si ex vincibili affectatâ; foret peccatum ex malitia, & non ex ignorantia. Si autem esset ex inuincibili, tolleretur voluntarium, & peccatum,*

412. *Peccatum ex malitia est peccatum, ex plenâ voluntate libertateque commissum, absque ignorantia passioneque antecedente. Dicitur esse in Spiritum-Sanctum: cui bonitas tribuitur; malitiæ contraria.*

413. Cæterum dicitur peccatum esse in Patrem, &c. non quòd sit offensuum Patris, & non Filij, & Spiritus-Sancti: & è diuerso: aut quòd peccatum vnum terminetur obiectiue ad vnâ personam & non ad alias: nam trium personarum diuinarum est vnica essentia, & consequenter peccatum, quod est contra vnâ personam, est etiam contra alias. Sed quia (vti monuimus) hoc, aut illud peccatum est contra certas perfectiones, particularibus personis diuinis attributas.

Peccatum vnum dicitur spirituale, aliud carnale.

414. *Peccatum spirituale est peccatum, pro obiecto habens inordinatam delectationem spirituales, & in ea consummatum. v. g. superbia, vana gloria, hæresis, præsumptio, &c. Hic autem*

415. *Delectatio spiritualis est inordinata complacentia appetitus, in bono presente, absque immutatione gustus & tactus: qui inter omnes sensus sunt maxime carnales. APPETITVS, tam sensitiui, quam rationalis.*

416. *Peccatum carnale est peccatum, pro obiecto habens inordinatam delectationem carnalem, & in ea consummatum. Hic autem*

417. *Delectatio carnalis est inordinata complacentia appetitus in presente bono sensibili gustus, vel tactus, Peccatum vnum est mortale, aliud veniale.*

418. *Peccatum mortale est peccatum, ex se infligens peccanti spirituales mortem, & constituens secundam rem. MORTALE, infligens mortem. Ex se, quantum est ex ipsa malitia peccati. Quomodo dicitur vulnus mortale, quod inflictum est cordi hominis, etiam mortui: qui si viuis esset, ex eo moreretur. Sic etiam dicitur peccatum mortale, quod natum est inferre mortem spirituales; etiamsi contingat peccantem incurrisse iam mortem antea. INFLIGENS PECCANTI, angelo vel homini: utrique immortalis quidem secundum substantiam suam spirituales, quæ non destruitur: sed mortali secundum vitam spirituales, quâ priuatur. SPIRITUALEM PRIMAM MORTEM, priuationem gratiæ sanctificantis. ET CONSTITVENS SECUNDAM REM, reddens obnoxium damnationi æternæ.*

419. *Ex Apocalypsis 2. 20. & 21. constat esse spirituales mortem primam, & secundam: utramque infligit peccatum mortale: primam actu, secundam reatu.*

420. *Prima mors spiritualis est priuatio gratiæ habitualis.*

421. *Secunda mors spiritualis est priuatio æternæ beatitudinis.*

422. *Peccatum mortale ex genere suo, est peccatum,*

cuius malitia ex obiecto sumpta, est ex se gravis. EX GENERE, ex specie suâ morali. EX OBIECTO, præcipuè formali. EX SE, ex naturâ suâ, absque accessorio malitiæ alterius speciei. GRAVIS, notabiliter repugnans charitati; ita ut eam tollere nata sit: nisi aliunde minuatur, per materiæ paruitatem, vel ac-

423. tûs imperfectionem. * Nam peccatum mortale ex genere suo, potest fieri veniale ex duobus capitibus: primò ex defectu plenæ deliberationis: secundò ex paruitate materiæ. Et quidem omne omnimò mortale, fit veniale ex primo capite: sed non ex secundo: uti patet in odio Dei, periurio, blasphemia, reuelatione sigilli confessionis, &c. Quia in eiusmodi peccatis, irrogatur semper gravis iniuria diuinæ maiestati,

424. *Peccatum veniale est levis offensa Dei.* Siue, est peccatum actuale, cuius venia facile obtinetur: tum ex parte offensæ, quæ levis est, & quadantenus digna veniâ: tum ex parte offensi, cuius amicitia non perditur: tum ex parte offendentis, qui retinet charitatem, principium intrinsecum ad obtinendam veniam. Item,

Peccatum veniale est peccatum, ex se non infligens peccanti mortem spiritualem, primam, nec secundam.

425. Propriè dictum peccatum veniale est triplex: primò ex genere suo. 2. ex paruitate materiæ. 3. ex defectu plenæ deliberationis.

426. *Peccatum veniale ex genere suo est peccatum, cuius malitia sumpta ex obiecto, est naturâ suâ levis* 3 quia non repugnans notabiliter charitati: v. g. verbum ociosum, mendacium iocosum, & officiosum, &c.

427. *Peccatum veniale ex paruitate materia est peccatum naturâ suâ mortale; sed per accidens veniale, ratione exiguitatis materiae.* v. g. furtum pomi, oboli: delectatio in re parui momenti, &c.

428. *Peccatum veniale ex defectu plena deliberationis, est peccatum naturâ suâ mortale; sed per accidens*

veniale, quia fit cum semiplena deliberatione. v. g. luxuria pueri, necdum habentis plenum vsum rationis: item semidormientis: motus secundò-primus odij, homicidij, &c.

429. *Improprie dictum peccatum veniale, est peccatum reuera mortale, aliquatenus dignum venia, aut est remissibile. Illud est duplex: ex causâ, & ex euentu.*

430. *Peccatum veniale ex causâ, est peccatum mortale, cuius causa est aliquatenus digna venia. Quia scilicet peccatum commissum est ex deceptione, metu, ignorantia, passione minuente peccati prauitatem. Sic D. Ambrosius lib. de paradiso c. 15. dicit peccatum Eva visum esse Deo veniabile, propter astutiam serpentis. Et Apostolus 1. ad Timoth. 1. Eui blasphemus, & persecutor: sed misericordiam Dei consecutus sum, quia ignorans feci.*

431. *Peccatum veniale ex euentu, est peccatum mortale, cuius venia obtinetur actu, vel obtineri potest: per poenitentiam, Deique misericordiam. Sic idem D. Ambrosius citato libro, cap. 14. dicit omnia peccata fieri venialia per poenitentiam.*

432. *Peccatum veniale ex genere suo, potest fieri mortale ex sex capitibus. Primò quando in veniali constituitur ultimus finis, directe vel indirecte. Et quidem in peccato veniali constituitur ultimus finis*

433. *Directe, quando peccatum veniale censeatur esse summa felicitas. v. g. gula eorum, quorum Deus ventus est; Philip. 3. In eodem peccato veniali constituitur ultimus finis*

434. *Indirecte, quando committens veniale, est paratus offendere mortaliter, potius quam ab illo abstinere. PARATVS actualiter, aut virtualiter transgredi præceptum obligans sub mortali, potius quam abstinere à veniali. v. g. omittere sacrum die dominicâ, potius quam abstinere à confabulatione otiosâ. Pluris enim tunc fit peccatum veniale, quam Deus, qui est ultimus finis hominis: & consequenter constituitur indirecte ultimus finis in peccato veniali. Secundò ve-*

niale ex genere suo, fit mortale ratione finis: quando scilicet peccatum veniale refertur ad finem mortalem. v. g. verbum ociosum dictum feminæ, vt illa inducatur ad committendum adulterium. Tertio ratione conscientie erronee: quando committens veniale, iudicat illud esse mortale. v. g. quando proferens mendacium iocosum, iudicat illud esse mortale. Quarto ratione contemptus, quando scilicet committens peccatum veniale, facit hoc vt ostendat se nihili facere legem, aut legislatorem Deum, aut superiorem, hoc vetantem. v. g. immodestè ridens in Ecclesiâ, ex formali contemptu. Quinto ratione periculi, quando veniale est occasio proxima peccati mortalis: quia *qui amat periculum, peribit in illo*, Ecclesiastici 3. v. 18. collusio inordinata adolescentis cum puellâ, animaduertentis, vel animaduertere debentis, quod se, & illam exponat periculo impudicitie. Sexto ratione scandalali, quando quis committit factum, vel dictum, venialiter minus rectum, præbens proximo occasionem ruinæ spiritualis. v. g. puellæ vanus ornatus, præbens scandalum iuuentuti, verba otiosa Pastoris, præbentia scandalum parochianis. Proprie

435. *Occasio est rei gerenda opportunitas, casu oblata.*
In genere,

436. *Occasio est rei gerenda opportunitas, casu oblata, sponteue quasita.*

437. *Occasio peccati est res, ex naturâ suâ, vel circumstantiis, ad peccatum inducens propinquè, vel remote.* EX NATURA SUA, de se nata inducere ad peccatum. v. g. aspectus & tactus impudicus, lectio obscœna, inordinata familiaritas personarum diuersi sexûs, &c. VEL CIRCUMSTANTIA temporis, loci, personarum, &c. quibus res aliâs indifferens, potest esse occasio peccati. PROPINQUE VEL REMOTE, vnde est duplex occasio, propinqua & remota.

438. *Occasio propinqua peccati est res ex naturâ suâ vel circumstantiis, propinquè inducens ad peccatum, mortale vel veniale,*

439. *Occasio remota peccati est res, ex naturâ suâ, vel circumstantiis, remotè inducens ad peccatum.*

De Peccato Originali.

440. **P**eccatum originale est iustitiæ originalis, mentem Deo subsistentis, voluntaria privatio: orta in posteris Adami, ex eo quod in ipso peccaverunt. PECCATUM habituale, mortale. ORIGINALE, homini inexistens ob origine, & sui animatione: ducens originem ab Adamo, humani generis origine. EST IUSTITIÆ ORIGINALIS, infusæ Adamo, in sui origine, & creatione. MENTEM DEO SUBSISTENTIS, per gratiam sanctificantem, annexosque habitus supernaturales.

441. Quatenus autem iustitia originalis subiciebat corpus, & appetitum sensitivum rationi, eatenus privatio illius, non est peccatum originale, sed eiusdem effectus: habetque

442. rationem pœnæ, potius quàm culpæ. * Cœterum uti (iuxta Tridentinum sess. 6. cap. 7.) unica formalis causa iustificationis, est Dei iustitia, quâ nos iustos facit; ita è diverso peccati originalis habitualis, causa formalis, est eiusdem iustitiæ privatio. Et quemadmodum mors corporalis, est privatio vitæ; ita peccatum originale, quod est mors animæ, est privatio iustitiæ, siue gratiæ iustificantis. VOLUNTARIA:

443. quia omne peccatum debet esse voluntarium: & peccatum originale tale est, non propriâ cuiusque voluntate actuali; sed voluntate Adami: quæ morali æstimatione, erat voluntas omnium posterorum ipsius. Quemadmodum enim illorum omnium caro, erat in lumbis Adami, secundum seminales rationem; ita eorundem voluntas erat in ipsius voluntate, secundum moralem æstimationem; usque ad completam primam transgressionem. PRIVATIO:

444. quia omne peccatum formaliter consistit in

priuatione : peccatum actuale , in priuatione rectitudinis actualis : habituale (cuiusmodi est originale) in priuatione rectitudinis habitualis. *Priuatio* inquam : quia hic carentia iustitiæ originalis , non est pura negatio ; sed carentia illius , debitæ ineffe , secundum humanæ naturæ primam à Deo institutionem.

ORTA IN POSTERIS ADAMI, &c.

445. quia non potest intelligi habituale peccatum, propriè dictum, quale est originale, sine respectu ad actuale: quod hic non reperitur, nisi Adami, *in quo omnes peccauerunt.* Rom. 5. Vnde Augustinus ait lib. 2. de nuptijs c. 26. *Voluntarium peccatum hominis primi, originale est causa peccati.*

446. Materiale peccati originalis, est concupiscentia habitualis. Sicut enim actualis peccati materiale, est actualis conuersio ad bonum commutabile: formale autem, est actualis auersio à bono incommutabili; ita & peccati habitualis (cuiusmodi est originale) formale, est auersio habitualis à Deo: & materiale, est conuersio habitualis ad bonum creaturæ: & consequenter est ipsamet concupiscentia habitualis, id est intellectus, voluntatis, & appetitus sensitui proxima dispositio, ad actus rectæ rationi repugnantes.

447. Peccati originalis effectus primus, & immediatus, fuit subtractio iustitiæ originalis: deinde ignorantia in intellectu, malitia in voluntate, concupiscentia in appetitu sensituo concupiscibili, infirmitas in irascibili: ira Dei, captiuitas sub potestate diaboli: in corpore, fames, sitis, morbus, mors: reatus poenæ damni, & sensus.

448. Quæ originalis peccati poena sensus probatur ex Matth. 3. *Permundabit aream suam: & congregabit triticum suum in horreum: paleas autem comburee igne inextinguibili.* Et c. 13. *Exibunt angeli, & separabunt malos de medio iustorum: & mittent eos in caenum ignis.* Et c. 25. *Dicet his, qui à sinistris erunt: Ite maledicti in ignem aeternum. Ibunt hi in supplicium aeternum.* Apocalypsis 20. *Qui non inuentus est in libra*

vita scriptus, missus est in stagnum ignis. Eodem inclinant Concilia, Palestina apud Augustinum epistolâ 106. Carthagenense & Mileuitanum apud eundem epistolâ 90. 92. & 93. Item Florentinum sess. ultimâ definiens, *illorum animas, qui in actuali mortali peccato, vel solo originali decedunt, mox in infernum descendere: pœnis tamen disparibus puniendas.* Idem constanter affirmant Augustinus, Fulgentius, Prosper, Gregorius, Anselmus, Isidorus, & alij. Confirmatur, quia peccatum originale, in hac vitâ puni-
tur pœnâ sensûs, scilicet morte corporali: ergo multo magis in futurâ vitâ, tempore retributionis, & vindictæ. Deinde peccatum originale dabit habitualem auersionem à Deo, cui respondet pœna damni: & inordinatam conuersionem ad creaturam, cui respondet pœna sensûs.

449. Peccati causa efficiens est voluntas creata, illiusque defectus: ideo autem potest deficere, & peccare, quia est potentia intrinsecè libera, quæ non est suamet regula, nec suæ

450. regulæ inuariabiliter coniuncta. * Diuina autem voluntas, quia est prima regula omnis rectæ operationis, & seipsam negare non potest, nec à se deficere; ideo peccare non potest. Nec obstat, quòd concurrat ad omnem operationem creaturæ, etiam peccantis: quia concurrit tantum ad materiale peccati, id est ad positiuam entitatem actûs, vel omissionem illius; non autem ad formale peccati, id est ad priuationem rectitudinis, & conformitatis ad rectam ratio-

451. nem, legemque æternam. * Nam priuatio formæ, à duabus causis producendæ, solum tribuitur illi causæ, per quam stat, quo minus forma producat: atqui peccatum est priuatio rectitudinis: & causa per quam stat, quò minus illa, rectitudo producat, est sola voluntas creata, non Deus: iuxta illud Qsec 13. *Perditio tua ex te Israel: tantummodo in me auxilium spum: ergo, &c.* E diuerso, in fornace Babylonis, priuatio combustionis, à Deo & igne producendæ, soli Deo

tribuitur: quia per eum, non per ignem stetit, quò minus illa produceretur.

452. Præter voluntatem creatam, primariam causam peccati, sunt & aliæ secundariæ. v. g. concupiscentia per motus suos; dæmon & mundus per tentationes, &c.

De motibus animæ, & concupiscentiæ.

453. **M**otus animæ est actualis propensio potentiarum animæ, in obiectum suum.

454. Motus concupiscentiæ aliquando restringitur ad inordinatam operationem appetitûs sensitivi; aliquando latius patet. Priori modo

455. *Motus concupiscentiæ est inordinata actualis propensio appetitûs sensitivi in obiectum sensibus conveniens.*

Posteriori modo

456. *Motus concupiscentiæ est potentiarum animæ inordinata operatio.* POTENTIARVM, iustitiâ originali destitutarum. ANIMÆ rationalis, quâ talis; & quâ sensitiva est. POTENTIARVM inquam trium; scilicet appetitûs sensitivi, intellectûs, & voluntatis, INORDINATA OPERATIO, priuata debito ordine ad rectam rationem, legemque æternam. Hæc potentiarum animæ operatio, & actus, vel est plenè deliberatus: vel semiplenè, vocaturque motus, siue actus secundo-primus: vel est indeliberatus: vocaturque primò-primus. Itaque generaliter acceptæ concupiscentiæ

457. *Motus primò-primus est potentiarum animæ actus indeliberatus, rectæ rationi repugnans.* POTENTIARVM ANIMÆ, scilicet appetitûs sensitivi, intellectûs, & voluntatis. INDELIBERATVS, præueniens omnimodam deliberationem, plenam scilicet, & semiplenam: actualem, & virtualem.

458. *Motus secundo-primus est potentiarum animæ actus, rectæ rationi repugnans, præueniens plenam deliberationem, non autem semiplenam.* Hic

459. *Deliberatio est rationis aduertentia super qualitate actuum anime* : scilicet bonitate, malitiâ, & indifferentiâ. Hæc deliberatio, & aduertentiâ rationis, subinde est actualis, aliquando tantum virtualis; manens virtute præhabitæ actualis; vel contenta implicite in negligentia aduertendi, quando quis potest, & debet advertere.

De tentatione, & gradibus illius.

460. **T***entatio est sollicitatio ad malum, siue peccatum.*

Sunt tres gradus tentationis: suggestio, delectatio, consensus. Tentationis gradus primus,

461. *Suggestio est res illicita propositio, facta voluntati, alliciens eam ad acceptationem.* Rei inquam illicitæ propositio, & præsentatio, facta per mundum, carnem, & dæmonem mediatè; immediatè autem per intellectum. *Per mundum*, illiusque diuitias, honores, & illecebras. *Per carnem*, illiusque appetitum sensitivum, & concupiscentiam habituales, & actuales. *Per dæmonem*, illiusque ministros. Tentationis gradus secundus,

462. *Delectatio est complacentia appetitûs sensitivi, & imperfecti voluntatis, in re illicitâ.* COMPLACENTIA, quietatio & fruitio in bono præsentem, saltem sic apprehenso. Complacentia inquam perfecta, vel imperfecta APPETITVS SENSITIVI, aliarumque potentiarum subditarum voluntati. ET IMPERFECTA complacentia VOLUNTATIS. Imperfecta inquam, quia non est perfecta aduertentia intellectûs, sed tantum semiplena deliberatio: vel quia est imperfecta acceptatio voluntatis. Tentationis gradus tertius,

463. *Consensus est voluntatis deliberata acceptatio rei illicitæ, ab intellectu propositæ.* CONSENSVS, sic dictus, quia est cum alio sensus: voluntatis scilicet cum intellectu immediatè; & mediatè cum appetitu sensitivo. DELIBERATA, plenâ deliberatione, actuali, vel virtuali. Generalius accipitur consensus suprà n.

105. Quo generaliori modo acceptus consensus, vana est perfectus, alius imperfectus. Et ille consensus plenus, siue

464. *Consensus perfectus est actus deliberatus voluntatis, aliquid acceptantis, cum plenâ approbatione. Aliquid, licitum, aut illicitum. Hic consensus requirit duo: primò intellectûs aduertentiam, & deliberationem, saltem virtualement: secundò voluntatis plenam approbationem. Consensus subreptitius, semiplenus, siue*

465. *Consensus imperfectus est actus voluntatis, aliquid acceptantis, absque perfectâ deliberatione, vel approbatione. Consensus explicitus, siue*

466. *Consensus expressus est actus voluntatis, directè in se aliquid acceptantis. Consensus implicitus, siue*

467. *Consensus interpretativus est actus voluntatis, indirectè aliquid acceptantis. Non directè in se, sed indirectè in alio, in quo continetur, aut vnde sequitur, vel in negligentia repellendi. Hic consensus interpretativus æquivalet expresso, in moralibus.*

468. *Delectatio morosa est complacentia in re malâ, sine voluntate illius faciendâ. Siue, delectatio morosa est directâ, vel indirectâ complacentia deliberata voluntatis, in anima motibus inordinatis, circa obiectum illicitum, non patrandum. DELECTATIO MOROSA, sic dicta quia voluntas, licet momentaneè, ei immoratur; estque in morâ illius repellendâ, quando potest, & debet. EST DIRECTA, per expressum, & explicitum consensum. VEL INDIRECTA, per implicitum & latentem affectum, interpretativumque consensum; qui subest in tolerantia, conniuentiâ, & permissione motuum inordinatorum; quos potest, & debet compescere voluntas, tanquam regina, & moderatrix facultatum animæ. COMPLACENTIA, approbatio, & quietatio in re præsentē conueniente. DELIBERATA, per intellectûs aduertentiam actualem & explicitam: aut saltem virtualement, remanentem ex præcedente actuâli; implicitamue in voluntariâ inaduertentiâ, negli-*

469. *gentiâue aduertendi. VOLUNTATIS: ** quamvis enim delectatio in genere, sit actus appetitûs, tam sensitiui, quàm rationalis, siue voluntatis; tamen hæc delectatio, morosæ & peccaminosæ rationem non habet, nisi voluntatis consensus accedat ad sensum appetitûs sensitiui. In potentiarum ANIMÆ MOTIBVS, actibus intellectûs, appetitûs sensitiui, & rationalis, INORDINATIS, difformibus rectæ rationi, legique æternæ repugnantibus. In quibus sibi complacere, saltem indirectè censetur voluntas, per suam conniuentiam.

470. Secus foret, si eiusmodi motus merè permitteret, absque periculo consensûs, ex iusta causâ necessitatis, vel utilitatis operis cogitationisue, cui insistitur: vel quia renitentia ipsa (vti subinde contingit) est grauiorum motuum irritatio CIRCA OBIECTVM ILLICITVM, in quod, subditæ voluntati, potentia, directè feruntur; ipsa quoque voluntas subinde: aliàs saltem indirectè, & interpretatiuè. Quia ergo obiecto illicito saltem latenter afficitur, ab eodem inficitur. Secus foret, si complacentia voluntatis ferretur in meram cognitionem obiecti illiciti, præcisè quâ noui, admirandi,

471. *rari, subtilis, astuti, artificiosi, &c. * NON PATRANDVM:* nam delectatio morosa excludit voluntatem patrandi operis: aliàs esset verè internum peccatum, illius speciei (v. g. adulterij) ad quam spectat obiectum delectationis. Quale reuera non est peccatum morosæ delectationis: sed tantum reductiue pertinet ad eandem speciem.

De effectibus peccati.

Effectus peccati sunt *macula, offensa, reatus, & pena.*

472. *Macula peccati est habitualis prunatio nitris spiritalis,* moraliter voluntaria in actu peccati, non retractato, nec remisso. HABITVALIS, quia macula est quid permanens, & condistinctum contra malitiam

actûs peccaminosi : quæ est actualis priuatio rectitudinis. **PRIVATIO**, quia macula non est quid positivum: cum possit oriri ex pura omissione,

473. quæ nihil positivum post se relinquit. * Non est etiam mera negatio, & absentia nitoris : sed carentia illius debiti inesse ; iuxta primam institutionem naturæ rationalis: & quidem, probabiliter, inesse immediate ipsi essentia animæ : & consequenter eidem inest macula, quæ est priuatio

474. nitoris. * Priuatio inquam totalis, & nihil relinquens formæ oppositæ, siue nitoris ; quando est macula peccati mortalis. Quando autem est macula peccati venialis, tunc non est totalis priuatio nitoris : uti nec ægrotudo, totalis priuatio sanitatis. **NITORIS SPIRITVALIS**, quia peccati macula dicitur metaphoricè, translatione factâ à corporibus mundis, & nitidis: quæ dicuntur tunc maculari, quando perdunt mundiciem, nitoremque suum, ex contactu alterius corporis sordidi. Sic anima inordinate adhæ-

475. rens obiectis turpibus, maculam contrahit. * **MORALITER VOLUNTARIA IN ACTU**, &c. quia hæc priuatio censetur volita, eadem volitione, quâ volitus fuit actus peccaminosus: ad quem dicit respectum essentialem. Vnde & ipsa priuatio tandiu perseverat: quamdiu actus peccaminosus non retractatur, nec remittitur: qui si remittatur, tunc macula deletur.

476. *Nitor animæ est illius mundicia splendorque spiritualis, ab irradiante diuino lumine.* **NITOR** metaphoricus, complectens mundiciam, & emicantem splendorem. Quidquid enim non sordet, non continuo nitet, & splendet. Est **ANIMÆ mundicia**, ab omni sorde, & coinquinatione peccati; non solum mortalis, sed & venialis. **SPLENDORQUE**, ad instar radij reflexi, siue luminis à corpore opaco polito, superficiem recepti, & versus originem suam repercussi. **SPIRITVALIS mundicia & splendor.** **AB IRRADIANTE DIVINO LUMINE**, procedens à Deo, spiritali sole, mittente diuinæ gratiæ suæ radios, mundan-

res animam, & pellentes tenebras peccatorum; reddentesque eam totam luminosam, splendidam, fulgidam, & radiantem; ad instar mundi speculi, sole irradiati. Ex parte offendentis,

477. *Offensa est iniusta alienae dignitatis, auctoritatis, vel amicitiae violatio.* Ex parte offensi,

478. *Offensa est iusta indignatio persona, iniuriâ affe-
cta, contra offendentem.* Peccato fit Deo iniuria: & hæc diuina

479. *Iniuria est violatio divini iuris:* quo obligamur Deum diligere super omnia, & plusquam creaturam quamcunque.

480. *Reatus culpa est obligatio reparanda iniuria, Deo per peccatum illata.*

481. *Reatus pena est obligatio subeunda punishmentis, peccato promerita.* OBLIGATIO, inuoluntaria quidem secundum se, uti & pœna: utraque tamen est voluntaria in causâ, scilicet peccato. PUNITIONIS æternæ, vel temporalis. Propriè dicta

482. *Pœna est malum punitivum, inflictum ad vindicandam culpam, reo intrinsecam.* POENA vindicatoria. EST MALVM PUNITIVVM, afflictivum, & pœnosum: quod est malum secundum quid, quia scilicet priuat patientem, bono utili, vel delectabili: est autem bonum, quatenus est obiectum iustæ punishmentis: quæ est actus iustitiæ vindicatiuæ. INFLECTVM AD VINDICANDAM CULPAM, quia pœnæ rationem non habebit malum, inflictum citra respectum ad culpam. v. g. ad patientiæ virtutisque exercitium: aut susceptum ad medelam, vel contra recidivum. REO INTRINSECAM: quia pœna propriè dicta, habet essentialem respectum, ad culpam; in præsentem, vel præterito intrinsecam luenti. Cui si sit extrinseca, non infligitur pœna simpliciter, sed pœna fideiussoria, aut satisfactoria pro altero.

483. Cæterum pœnæ malum, est positivum, aut privativum: voluntati, aut naturæ contrarium. POSITIVVM, inquam, aut privativum: quia utrumque habet rationem pœnæ, quando quis scilicet punitur

pœnâ positiuâ temporali, vel æternâ: item quando priuatur gratiâ, charitate, visione beatificâ. VOLUNTATI non semper actuali, sed ei quam quis actu haberet, si rem ipsam rectè perpenderet. Vnde obstinato peccatori, gratiam Dei non curanti, nihilominus priuatio gratiæ est pœna. AUT NATVRÆ CONTRARIUM: quia ad rationem pœnæ, non requiritur simpliciter repugnantia voluntatis (vti patet in operibus pœnalibus, voluntariè à pœnitente susceptis) sed sufficit quòd commoditati naturæ aduersentur, sintque afflictuæ illius.

484. *Pœna vindicatoria est quid afflictuum, punitum culpa intrinsece luenti.*

485. *Pœna satisfactoria est quid afflictuum, toleratum ad reparandam iniuriam, offenso illatam, per luentem, eamue pro quo luitur.*

486. *Pœna medicinalis est quid afflictuum, toleratum ad cautelam recidui, virtutisue profectum: vel inflictum ad emendationem rei.*

487. *Pœna spiritualis est subtractio gratiæ, in peccato punitioem. GRATIA* habitualis & actualis, virtutum, donorum, & subsidiorum spiritualium.

488. Idem defectus potest esse pœna diuersimodè: sic mors est pœna vindicatoria in non baptizato: pœnalitas in baptizato: pœna satisfactoria in Christo: pœna medicinalis inflicta iustificato, ne recidat in peccatum, & ne malitia mutet intellectum eius.

489. *Pœnalitas est defectus, per se ortus ex principijs naturæ, iustitiâ originali destituta. PœNALITAS*, sic dicta, quia habet pœnæ similitudinem & affinitatem: non veritatem & proprietatem. Quia etiam dicit indirectum respectum, ad peccati originalis pœnam directam & primariam: scilicet ad subtractionem iustitiæ originalis. EST DEFECTVS, prauus affectus, & vitium naturæ. v. g. fames, sitis, morbus, mors. PER SE, suapte naturâ, ORTVS EX PRINCIPIIS NATVRÆ, profluens ex humanæ naturæ temperamento, alterato per actionem caloris primigenij,

in humidum radicale; & primarum qualitarum, in se mutuo. IUSTITIA ORIGINALI DESTITUTA, per priuationem, vel per meram negationem. Vnde hic defectus, sine vilo peccato fuisset in homine, condito in statu puræ naturæ.

490. *Multa est pœna pecuniaria, iudicis arbitrio inflata, non lege constituta.*

De Legibus.

491. **L***Ex est rationis practica ordinatio, obligans ad agendum iuxta bonum commune; promulgata ab eo, qui habet curam communis. EST RATIONIS, &c.* Est in superiore politico, siue legislatore, intellectus practici dictamen, ordinans subditis aliquid agendum, vel omittendum, in ordine ad bonum commune: intimansque idipsum, per promulgationem. Vnde lex continet tres actus legislatoris: primò iudicium intellectus practici, quo censet esse expediens bono communi, vt subditi faciant aliquid, vel ab eo abstineant. 2. est actus voluntatis, quo vult subditos obligare ad obseruandum illud ipsum. 3. est actus præcepti, quo per promulgationem, subditis intimat voluntatem suam: & obligat eos, vt secundum eam agant. Itaque

492. *Lex est præceptum superioris politici, stabile, communitati impositum, in bonum commune ordinatum, & promulgatum.* PRÆCEPTUM, quod est genus definiti, latius patens lege: quia omnis lex est præceptum superioris, non è diuerso. Hoc autem

493. *Præceptum est intimatio voluntatis superioris, facta inferiori, cum obligatione, vt secundum illam agas.* SUPERIORIS POLITICI, habentis iuris dicendi potestatem, & politicam iurisdictionem. Eiusmodi enim superioris est, curare bonum commune: & nemo potest condere legem, nisi habens subditos, & iurisdictionem in eos: insuper vim coactiuam ad executionem legis; punitiuam quoque transgressorum: quæ soli superiori politico competunt. STABILE: quia ve-

ra lex dicit durationem, non tantum ad aliquot dies, aut usque ad mortem legislatoris; sed durationem stabilem, & aliquam perpetuitatem: donec abrogetur materiæ desitione, superioris reuocatione, vel contrariæ consuetudinis præscriptione. **COMMUNITATIS IMPOSITVM**, quia lex est præceptum commune, perfectæque communitati impositum; condistinctum contra præceptum priuatum, & æconomicum, familiæ, imperfectæque communitati impositum. **IN COMMUNE ORDINATVM**, proximè, vel remotè. Nam lex est regula communis, dirigens totam communitatem, ad finem communem, qui est bonum communitatis. **ET PROMVLGATVM**, quia officium legis est obligare, & dirigere subditos: quod facere non potest, nisi per promulgationem cognoscatur.

494. *Communitas perfecta est hominum inter se coniunctorum multitudo, sub gubernatione præsidis, potestatem politicam habentis.* Eiusmodi est Ecclesia vniuersalis, regnum, prouincia, ciuitas, municipium, ordo religiosus, vniuersitas.

495. *Iurisdictio est legitima potestas iuris dicendi: id est, decernendi cuique quod suum est.* Potestas, siue

496. *Iurisdictio politica est legitima potestas gubernandi subditos, iusdicendo, ferendo leges, coercendo refractarios, & puniendo transgressores.* Item

497. *Potestas politica est auctoritas legitima, ad perfectam communitatis gubernationem ordinata; habens vim coactiuam inobedientium, & punitiuam transgressorum.*

498. *Promulgatio est legis publica denunciatio: quâ superior politicus suum præceptum intimat, & denunciat communitati.*

Lex diuiditur in diuinam, & humanam: diuina in legem æternam, naturalem, & positiuam. Lex æterna est definita n. 398.

499. *Lex diuina naturalis est ea, quam Deus natura intellectuali indelebiter impressit, quâ dirigitur in agibilibus.* Aliter vocatur *lumen natura*, & *dictamen recta*

Lex rationis. In genere

500. *Lex positiva est ea, quæ legislatoris liberâ voluntate posita est, & non indita simul cum naturâ.*

501. *Lex positiva divina est ea, quæ naturalis legi superaddita est, ex liberâ Dei voluntate. Hæc est duplex: Mosaïca, & Evangelica.*

502. *Lex Mosaïca est lex divina positiva, data populo Iudaico, per Angelum, mediatore Moyse. PER ANGELUM, legatum Dei, illiusque personam gerentem, in assumpto corpore: uti constat ex Act. 7. Galat. 3. & Heb. 2. MEDIATORE MOYSE: nam lex fuit ordinata per angelos, (Galat. 3.) in manu mediatoris: Moyse scilicet, qui Deut. 5. ait: Ego sequester, & medius fui inter Dominum, & vos.*

503. *Legis Mosaïcæ erant triplicia præcepta: moralia, ceremonialia, & iudicialia.*

504. *Præcepta moralia sunt legis natura principia prima: vel ex ijs conclusiones educta, immediatè, vel mediatè.*

505. *Præcepta ceremonialia sunt legis Mosaïcæ præcepta ordinantia ritus divini cultus.*

506. *Præcepta iudicialia sunt legis Mosaïcæ præcepta æquitalis, & iustitiæ, inter Iudæos servanda.*

507. *Lex Evangelica est lex divina positiva, univèrsis hominibus data, per Christum legislatorem: præceptorum moralium, & fidei explicatorem; & institutorem sacrificij, sacramentorumque novorum.*

508. *Præceptum affirmativum est præceptum imperans actionem positivam. v. g. Honora patrem, & matrem, &c.*

509. *Præceptum negativum est præceptum prohibens actionem positivam. v. g. Non furtum facies. &c.*

510. *Lex humana est lex positiva superioris ecclesiastici, vel civilis, legi naturali conformis: & ex eâ educta, probabili ratiocinatione.*

511. *Ut lex humana sit iusta, requisita sunt quatuor primò ut feratur à legitimâ potestate, limites suos non excedente. 2. ut spectetur finis debitus, scilicet bonum commune. 3. ut versetur circa materiam de-*

bitam : non præcipiendo malum per se, neque prohibendo bonum. 4. vt habeat formam conuenientem, iustitiæ distributiue consonam.

§12. Lex humana obligat cum periculo vitæ, in duobus casibus tantum : primò quando violatio illius, inuoluit aliquid intrinsecè malum : v. g. contemptum fidei, potestatis superioris, &c. Secundò quando violatio eiusdem, cedit in detrimentum Reipublicæ.

Ius accipitur aliquando vt synonymum legi : quo sensu,

§13. *Ius naturale est id, quod recta ratio dicat natura intellectuali.*

§14. *Ius gentium est id, quod communi nationum consensu introductum est.*

§15. Ius naturale conuenit naturæ rationali, in se priuatim considerata : Ius gentium, eidem in societate constitutæ.

Secundum, Iuriconsultos.

§16. *Ius naturale est id, quod natura docuit omnia animalia, v. g. conseruatio sui, & speciei. Secundum eodem,*

§17. *Ius gentium est id, quod natura docuit omnes homines v. g. Quod tibi non vis fieri, alteri ne feceris. Item Decalogus totus.*

§18. *Ius ciuile est quod particularis populi consensu introductum est, ad socialis vite finem naturalem.*

§19. *Ius municipale est quod ciuitas quaque sibi proprium constituit.*

§20. *Lex affirmatiua est ea, quæ præcipit actum positium.*

§21. *Lex negatiua est ea, quæ prohibet actum positium. Siue, quæ præcipit abstinentiam ab actu positiuo.*

Lex affirmatiua obligat semper, sed non ad semper : negatiua obligat semper & ad semper. Quia quouis tempore tenemur abstinere ab omni malo : non tamè facere omne bonum. Lex affirmatiua non præcipit omnes actus bonos : negatiua autem prohibet omnes actus malos.

§22. *Lex purè moralis est ea, quæ præcipit, aut prohibet aliquid ; nullâ penâ temporali appositâ violatori.*

§23. Lex pœnalis est lex præcipiens, vel prohibens aliquid; pœnâ temporali appositâ violatori. Præcipiens inquam, vel prohibens, saltem implicite. Secundum quosdam Theologos,

§24. Lex purè pœnalis est lex lata de re aliâ indifferente, non obligans ad culpam, sed tantum ad pœnam. Verùm tùm omnis lex sit præceptum superioris; & illud obliget in conscientia ad culpam; ideo (salvo meliore iudicio) non videtur isto sensu; eiusmodi lex purè pœnalis admittenda. Itaque.

§25. Lex purè pœnalis est lex, implicite tantum aliquid præcipiens, aut prohibens: & violatori pœnam expresse statuens. IMPLICITÈ, & non expresse: uti liquet ex hac lege, purè pœnali, Exodi 24. Qui maledixerit patri suo, vel matri, morte moriatur. Nam sensus est: Nemo maledicat patri suo, vel matri: & qui maledixerit, morte moriatur.

§26. Lex pœnalis mixta est lex, expresse aliquid præcipiens, aut prohibens; violatorique pœnam constituens. v. g. Genes. 2. De ligno scientiæ boni, & mali, ne comedas: in quocumque die comederis ex eo, morte morieris.

§27. Lex pœnalis mixta copulatiuè, est lex, expresse aliquid præcipiens, aut prohibens: & per coniunctionem, copulatiuam, violatori constituens pœnam. v. g. Civis coquens cerevisiam, in singula vasa pendat arario publico unum florenum: & qui fraudarit, luat quinquaginta. COPULATIVAM, copulatiuè acceptam. Coniunctio autem copulatiua &, ac, atque, aliaque æquivalens, sumitur copulatiuè, quando connectit plures enunciationes expresse, vel implicite. Sumitur autem copulativam, quando connectit tantum plures partes subiecti, vel prædicati; & non plures enunciationes.

§28. Lex pœnalis mixta disiunctiuè, est lex, expresse aliquid præcipiens, aut prohibens: transgressorique constituens pœnam conditionatè per particulam disiunctivam. v. g. Nemo frumentum exportet provinciam: vel si exportarit, luat centum. DISIUNCTIVAM, disiunctiuè acceptam. Particula autem disiunctiva aut, vel, aliaque æquivalens, sumitur disiunctiuè, quando disiungit plures enun-

ciationes expresse, vel implicite. Sumitur autem disiunctum, quando disiungit tantum plures partes subiecti, vel prædicati; & non plures enunciationes.

529 Omnis vera lex, etiam pœnalis, obligat in conscientia, & sub peccato: quia iure diuino naturali, & positivo, præceptum superioris sic obligat. Itaque tamen ut lex pœnalis mixta disiunctiue, obliget non determinate ad præstandum id, quod lege exprimitur: (aliàs indifferens, nullâque aliâ lege prius præceptum, aut prohibitum) sed ad alterutram partem disiuncti. Vera, inquam, lex: nam aliud est de constitutionibus pœnalibus, quarum latores intendunt non obligare ad culpam, sed tantum ad pœnam; eamque non proprie dictam: quia illa supponit culpam: itaque tantum ad opus pœnale. Et quidem ad illud ipsum per modum directionis tantum, non præcepti, strictæque obligationis: aliàs eatenus foret lex, obligans in conscientia ad opus pœnale subeundum. Proinde à lege distinctum statutum siue

530. *Constitutio est superioris ordinatio, sine intentione precipiendi, strictæque obligandi.* ORDINATIO, per modum directionis præscribens subditis, quid ab illis agendum sit. Apud Iurisperitos.

531. *Constitutio est quicquid principi placuit ut vim legis habeat.*

532. Legibus constitutæ pœnæ aliquando sunt latæ sententiæ, aliàs ferendæ.

533. *Dispensatio legis est relaxatio obligationis illius facta personæ particulari, abs habente potestatem; ex causâ, quæ sola non sufficeret obligationi tollendæ: alias foret interpretatio legis.*

534. *Irritatio legis est illius necdum perfectè obligantis abolitio, facta ab eo, cuius est illam habere ratam.*

535. *Abrogatio legis est illius perfectè obligantis abolitio, per materiæ debitæ defitionem, superioris reuocationem, vel contrariæ consuetudinis præscriptionem.*

536. *Derogatio legis est illius quoad partem sublatio, alterâ manente in vigore suo. Eiusmodi derogatio vi-*

Actur accidisse legi sanctificationis festorum minorum, in quibusdam Dioccesibus; sublatâ cessatione operum servilium, & manente obligatione Missæ audiendæ.

537. *Interpretatio legis est illius explicatio, quâ declaratur hic & nunc non obligare.* EXPLICATIO facta â superiore, vel alio quocumque prudente. Hæc interpretatio legis est duplex; vna verbalis, altera per epikeiam.

538. *Interpretatio verbalis legis est explicatio verborum illius, conformiter ad mentem legislatoris, quam actu habuit in illâ ferendâ.* v. g. *Non occides*, scilicet iniuste, priuatâ authoritate, extra casum necessariæ defensionis, *Ne accipias alienum*, scilicet dominò rationabiliter invito.

539. *Interpretatio legis per epikeiam est declaratio habitualis intentionis legislatoris, contraria verbis legis.* Siue, *est declaratio, quâ decernitur hic & nunc agendam contra verba legis, secundum habitualem mentem legislatoris.* HABITUALEM MENTEM, quam legislator in condendâ lege, actu non habuit; tamen habuisset, si particularem casum prævidisset. v. g. sit lex: *Nemo mœnia civitatis transfiliat, sub pœnâ capitis*: contra verba huius legis impunè ager civis, exclusus civitate, confcius hostilium insidiarum, transfiliens mœnia, ut eas aperiat, & ab imminente excidio patriam servet.

540. *Privilegium est ius privatum, indultum à principe, contra ius commune.* Hoc privilegium supponit concessionis suæ iustam causam: & quamvis proximè cedat bono privato, remotè tamen debet redundare in bonum commune.

541. *Leges humanæ possunt abrogari, contrariæ consuetudinis præscriptione.* Et hæc

542. *Præscriptio est novi iuris introductio, per contrariam legis consuetudinem, renitente superiore.* Hæc autem

543. *Consuetudo est continuata frequentatio actuum humanorum eiusdem rationis, cum intentione ut in ius transeat.* CONSUETUDO, prout est novi iuris non

scripti causa efficiens. CVM INTENTIONE, &c., quæ inducendi iuris intentio si absit, fiatque eiusmodi frequentatio, ex merâ libertate; nullatenus habebit vim legis. v. g. consuetudo fidelium sumendi aquam benedictam, audiendi Missam quotidianam. &c.

Sumpta pro iure non scripto

544. *Consuetudo est ius non scriptum, moribus introductum*: habens vim legis, ex longo & continuo usu Hic autem

545. *Vsus est eiusdem facti crebra continuataque repetitio*. Aliter vocatur *mos*.

546. *Non usus legis est mera negatio observationis legis*, non occurrente occasione illius seruandæ.

547. *Dissuetudo legis est continuata omisio observationis legis*, ex neglectu, in casibus & occasionibus observandæ.

548. *Consuetudo legi contraria est continuata frequentatio actuum legi oppositorum*, in casibus illius observandæ. Hæc abrogat legem, per superioris conniventiam: & absque eâ, per præscriptionem. Hæc autem

549. *Conniventia est dissimulatio superioris*, scienter tolerantis subditorum actus, legi contrarios: non puniendo transgressores, cum facile possit.

550. *Consuetudo rationabilis est ea, quæ est conformis rectæ rationi*, potestque lege statui. Cuiusmodi est ea, quæ est utilis bono communi; nec repugnat legi diuinæ æternæ, naturali, aut positivæ.

551. *Consuetudo bona est ea, cuius actus frequentati, sunt boni*; ex parte obiecti, operantium, & circumstantiarum.

552. *Abusus, & corruptela est continuata frequentatio actuum peccaminosorum, contra legem*.

De Gratia.

Generali significatione accepta.

553. *Gratia est donum diuinum, creatura intellectus gratis datum*. GRATIA, sic dicta, quia gratis, liberaliter, &

554. *gratuitò data.* * *Donum, est bonum alicui proprium, liberaliter alteri collatum, vel conferri aptum, & donabile.* *Donum* inquam, increatum vel creatum; supernaturale, vel naturale. *DIVINUM*, à Deo donatum. *CREATURÆ INTELLECTUALI*, angelo, & hominī. *GRATUITO*, liberaliter, absque debito, meritoque rigido. *DATVM*, actu donatum. Hæc generaliter accepta gratia, una est increata, alia creata.

555. *Gratia increata est Deus, creatura intellectuali gratuitò se donans; eiusque æterna beneuolentia erga eandem.* *Deus*, non modò Spiritus-Sanctus, qui est donum personale; sed etiam Pater, & Filius: quia tres personæ diuinæ gratuitò se donant creaturæ intellectuali, ad illam gratificandam: id est gratiam sibi faciendam. Itaque Deus est gratia increata, & signanter Verbum, gratuitò se uniens humanitati Christi, est gratia substantialis. *ÆTERNA BENEVOLENTIA* gratuita, siue *propositum gratia Dei*, ut loquitur Apostolus Rom. 4. & Ephes. 1. *Prædestinauit nos in laudem gloria sue*, in laudem gloriosam diuinæ suæ beneuolentiæ: *in quâ gratificauit nos*, per quam gratiam fecit nos sibi gratos, *in dilecto Filio suo*, per merita Christi, Filij sui. Eodem sensu, B. Maria dicitur Lucæ 1. *inuenisse gratiam apud Deum*: item Noë, Genesis 6. & Moyfes Exodi 33. *Gratiam* inquam, id est beneuolentiam diuinam.

556. *Gratia creata est donum diuinum creatum, intellectuali creatura gratuitò datum.* *CREATVM*, à Deo causatum, effectum, & productum, etiam aliâ productione, quàm ex nihilo. Hæc gratia creata potest diuidi in naturalem, & supernaturalem.

557. *Gratia naturalis est donum diuinum, naturale, creatura intellectuali gratuitò datum.* *NATURALE*, ipsa natura creata, & quod non excedit naturæ facultatem. v. g. corpus & anima, cum suis potentijs, & operationibus; habitibus inditis, & acquisitis. Iuxta hanc impropriam gratiæ acceptionem loquitur Synodus sexta, actione 11. dicens: *Angeli, & anima, Dei gratiæ*

sunt immortales : per naturam scilicet suam, gratis à Deo productam. Item D. Hyeronimus epistolâ 139. *Gratia Dei est, quod homo creatus est.* D. Augustinus epistolâ. 95. *Non improbandâ ratione dicitur gratia Dei, quod creati sumus, ut non nihil essemus.* Et D. Bernardus de libero arbitrio, *Ipsum ut esset, creans gratia fecit.* Hoc eodem improprio sensu accipiebat gratiam Pelagius, quando illam agnoscebat; scilicet pro libero arbitrio; à Deo dato homini gratuito: uti constat ex Augustino, præfatâ epistolâ 95. & 105.

Propriè dicta gratia, siue

558. *Gratia supernaturalis est donum diuinum supernaturale, internum, vel externum; creatura intellectuali gratuito datum, ad salutem æternam ordinatum.* SUPER-NATURALIS: quia gratia propriè dicta excedit omnem naturæ creatæ facultatem: & EST DONUM SUPERNATURALE. Subinde tamen gratia dicitur esse naturalis, quia Angelo & primo homini, cum natura data fuit, quia etiam naturæ intellectuali creatæ valde conueniens est, illiusque perfectiua. AD SALUTEM ORDINATUM, datum ad hoc, ut iuuet creaturam intellectualem ad consecutionem salutis, finisque sui supernaturalis.

Hæc gratia supernaturalis est duplex: externa, & interna.

559. *Gratia supernaturalis externa est donum diuinum externum, creatura intellectuali gratuito datum, ad salutem æternam ordinatum.* EXTERNUM, extra creaturam constitutum. Cuiusmodi incarnatio Verbi, passio, euangelij prædicatio, sacramentorum institutio, miraculorum patratio, &c

560. *Gratia supernaturalis interna est donum diuinum internum, creatura intellectuali gratuito datum, ad salutem æternam ordinatum.* INTERNUM, creaturæ ipsi inhærens, vel per modum qualitatis permanentis, & tanquam quid habituale: uti fides, spes, charitas, & aliæ virtutes infusæ, dona Spiritûs-Sancti, gratia gratum faciens, & quædam gratiæ, gratis datæ. Vel per modum qualitatis transeuntis, & tanquam quid

Quale : vti auxilia supernaturalia , quibus Deus præuenit , & iuvat creaturam intellectualem , ad finis sui supernaturalis assecutionem. **GRATVITO DATVM**, & merè liberaliter ei , qui illud non est meritus , nec demeritus ; qui illo non est dignus , nec indignus : quomodo data est gratia angelis & primis hominibus , in sui creatione. Vel ei , qui est positivè indignus , illudque donum est demeritus : quomodo homini lapso data est gratia , per merita Christi. **AD SALVTEM**, vel directè ad salutem propriam accipientis : quomodo ordinatur gratia gratum faciens : vel directè ad alienam salutem proximi : quomodo ordinatur gratia gratis data.

561. Gratia supernaturalis interna diuidi potest in gratiam gratis datam tantum ; & in gratiam gratum facientem : nam gratia gratum faciens , est etiam gratis data ; & non ex debito rigorofo , orto ex meritis , tanquam merces. Nam vt ait Apostolus Rom. 4. *Ei qui operatur , merces non imputatur secundum gratiam , sed secundum meritum.* Et cap. 11. *Si autem gratia , iam non ex operibus : alioquin gratia , iam non est gratia.*

562. Gratia gratis data est supernaturale donum diuinum , homini gratis donatum , ad proximi salutem directè ordinatum. **PROXIMI SALVTEM**, &c : nam vt habetur 1. Cor. 12. *Vnicuique datur manifestatio Spiritus ad utilitatem*, proximorum scilicet. Et 1. Petri 4. *Vnusquisque sicut accepit gratiam , in alterutrum illam administrantes.*

563. Hæc gratia gratis data diuiditur ab Apostolo 1. Cor. 12. in sermonem sapientiæ , scientiæ , fidem , gratiam sanitatum , operationem virtutum , prophetiam , discretionem spirituum , genera linguarum , interpretationem sermonum , ministrationem , opitulationes , & gubernationes.

564. *Sermo sapientiæ est diuinitus data facilitas explicandi altiora fidei mysteria ; eorumque ordinem , modum , ac rationem , secundum causas supremas , apto sermone ad persuadendum.*

565. *Sermo scientiæ est diuinitus data facilitas explican-*

dives fidei, & morum, apto sermone, ad captum rudium, per exempla, rationesque humanas. Hic sermo scientiæ, ab Apostolo Heb. 5. comparatur paruulorum lacti; sermo autem sapientiæ, adultorum solido cibo: *Facti, inquit, estis, quibus lacte opus sit, non solido cibo. Perfectorum autem est solidus cibus.*

566. *Fides est diuinitus data excellens intelligentia rerum fidei certa que fiducia impetrandi miracula*, omniaque à Deo petita. FIDUCIA nixa veritate promissioneque diuinâ. De quâ Apostolus 1. Cor. 13. *Si habnero omnem fidem, ita ut montes transferam, &c.*

567. *Gratia sanitarum est diuinitus data facultas curandi morbos*, etiam sine fidei excellentiâ magnâ.

568. *Operatio virtutum est diuinitus data potestas parandi miracula maiora*, à potentiâ naturali remotiora, & à morborum sanitate distincta.

569. *Prophetia est diuinum donum prædicendi futura, cognoscendiue occulta*, vel explicandi sacram scripturam.

570. *Discretio spirituum est diuinum donum penetrandi intentiones cordis alieni*, illarumque originein: quod scilicet illæ procedant ab instinctu diuino, dæmonis, aut naturæ.

571. *Genera linguarum est diuinum donum loquendi diuersis linguis.*

572. *Interpretatio sermonum est diuinum donum faciliè exponendi ea, quæ ab alio prolata sunt linguâ peregrinâ, aut vernaculâ obscurâ.* Ministerium, siue

573. *Ministratio est diuinum donum ritè ministrandi sacramenta, muniaque ecclesiastica*: quin & corporalia fidelibus necessaria; pro ratione episcopatus, presbyteratus, alteriusue gradus ecclesiastici.

574. *Opitulatio est diuinum donum iuuandi hilariter egros, pauperes, peregrinos, & hospites.*

575. *Gubernatio est diuinum donum, benè regendi fideles, ex officio suo.*

Gratia sanctificans, siue generaliter sumpta

576. *Gratia gratum faciens est donum diuinum super-naturale internum, creatura intellectus gratuito datum, ad reddendum illam sanctam, Deoque gratam. AD REDDEN-*

GRATIA, & c. efficienter, vel formaliter. *Efficienter* quidem, vti facit gratia actualis primò dispositiue, quia gratia actualis disponit ad sanctitatem. 2. conseruariue, quia eadem gratia conseruat sanctitatem. 3. directiue, quia eadem dirigit ad opera sanctitatis. *Vel formaliter*, absolute quidem, vti gratia habitualis gratum faciens: Completè autem, vti virtutes theologicæ, & morales infusæ: quæ iunctæ gratiæ habituali, complent sanctitatem.

577. Hæc gratia sanctificans, & gratum faciens, generaliter sumpta, subdiuiditur in habitualē, sanctificantem formaliter, & actualem sanctificantem efficienter. Gratia gratum faciens, & sanctificans formaliter absolute, siue

578. *Gratia habitualis est donum diuinum, reddens subiectum suum formaliter Deo gratum. Siue, est donum diuinum supernaturale, internum, creatura intellectuali gratuito collatum permanentemente; reddens eam diuinæ naturæ consortem, formaliter sanctam, Deo gratam, & ad vitam æternam acceptam.* **GRATIA**, sic dicta, quia gratis data, & quia gratum facit. **HABITUALIS**, primæ speciei qualitas permanens. **SUPERNATURALE**, naturæ vires superans. **INTERNUM**, infusum animæ, eamque informans. **CREATURÆ INTELLECTUALI**, angelo, & animæ rationali. **GRATUITO**, liberaliter, absque debito, ex proprijs meritis Christi. **PERMANENTER**, tanquam qualitas perfecta, stabilis, & fixa. **COLLATVM** per infusionem. **REDDENS EAM DIVINÆ NATURÆ CONSORTEM**, iuxta illud 2. Petri 1. *Pretiosa nobis promissa donauit, ut per hac efficiamini diuines consortes natura.* Vnde gratia est specialis participatio diuinæ naturæ: non quidem particula illius, eiusdem cum illâ substantiæ; sed qualitas supernaturalis, à naturâ diuinâ deriuata, habens singularem cum illâ similitudinem, & conuenientiam: quam etiam tribuit animæ, dum eam informat, & dat esse diuinum. Sicut autem charitas est specialis participatio diuinæ voluntatis, & amoris: & fides visioque beatifica, diuini intellectus & cognitionis; ita gratia

sanctificans est specialis participatio diuinæ naturæ. FORMALITER, tanquam forma inhærens, reddens animam SANGTAM, mundam ab omni peccato mortali. DEO GRATAM, dilectam & gratiosam: quia gratia, tanquam qualitas perfecta denominat suum subiectum simpliciter quale, id est gratum & gratiosum. ET AD VITAM ÆTERNAM ACCEPTAM, pro eo statu, beatitudinis æternæ certam & infallibilem hæredem, utpote Dei filiam: *Si autem filij, & hæredes.* Rom. 8.

579. Quamuis gratia habitualis in communi, secundum D. Thomam in 3. p. q. 62. a. 2. habeat se ad gratiam primam, & secundam; sacramentalem, & extrasacramentalem, tanquam genus ad species; tamen reuera habitualis est specie infima. Habitualis

580. *Gratia prima est ea, qua creaturam intellectualem, ex non iustâ reddit formaliter iustam.* EX NON IUSTA, merè negatiuè: cuiusmodi fuit prima gratia angelorum, & primorum hominum. Vel *ex non iustâ* priuatiuè, carente iustitiâ debitâ in esse, id est, *ex iniustâ*: cuiusmodi est prima gratia peccatoris iustificati.

581. *Gratia secunda est ea, qua creaturam intellectualem iustam reddit iustiores, intensiuè Deo gratiores, & magis acceptam ad vitam æternam.* Hæc licet meritis acquiratur, tamen gratis datur; quia absque debito rigoroso, meritoque nostro: debitum enim illud est fundatum in radice gratiæ primæ, & gratuitâ Dei promissione: & meritum nostrum, non est ex nobis, quasi ex nobis. Nam meritum hoc nostrum, gratia est; utpote gratuito donatum: ipsumque augmentum gratiæ, quod meremur, gratia est. *Et sic nuncupatur non ob aliâ, nisi quia gratis datur; nec ideo quia meritis non datur, sed quia data sunt & ipsa merita, quibus datur,* ut ait D. Augustinus epistolâ 105. de gratiâ consummatâ, siue vitâ æterna.

582. Gratiæ habitualis causa efficiens principalis est Deus; instrumentalis, sacramentum; meritoria. Christus; finalis, gloria Dei: formalis nulla est, quia

ipsa est forma simplex : materialis in quâ , est animæ essentia: ex quâ componatur, aut naturaliter educatur, nulla est.

583. Gratiæ habitualis, fidei, spei, charitatis, & aliarum formarum, seu qualitarum supernaturalium productio, in rigore loquendi, non est creatio, nec concreatio, nec educatio è potentia naturali, vel obedientiali animæ; sed est infusio.

584. Non est creatio, quia non est entis ex nihilo productio. Entis inquam (uti diximus in 1. p. n. 486.) per se subsistentis : & totius, siue secundum totam rationem suæ entitatis, & dependentiæ in suo esse; ita scilicet, quod ens creatum, à solo creatore, & à nullo alio dependeat, in quocunque genere causæ. Gratia autem, aliæque formæ supernaturales, non sunt entia per se subsistentia, sed accidentia : quæ propriè non habent esse, sed subiecto tribuunt esse, in genere causæ formalis : ita ut per illa, subiectum sit in tali esse determinato. Insuper eadem formæ accidentales habent esse dependens ab alio, quàm à Deo, scilicet à subiecto, in genere causæ materialis : sine quo subiecto uti non possunt inesse, ita nec esse : nisi miraculosè, uti in Eucharistiâ.

585. Non est etiam concreatio, quia non est gratiæ, cum alio simultanea productio ex nihilo : prout diximus in 1. p. n. 487. Quando enim gratia produci- tur, nec ipsa, nec subiectum ipsius anima creatur : saltem physicâ creatione, secûs est de morali. De quâ ait D. Th. 1. 2. q. 110. a. 2. ad 3. *Secundum hoc gratia dicitur creari, ex eo quod homines secundum ipsam crean- tur: id est, in nouo esse constituuntur ex nihilo, id est, non ex meritis.* Quemadmodum enim subiectum sub- stantiale creatur, quando accipit esse substantiale, ex nullo præsupposito naturæ : ita etiam de nouo crea- tur, quando accipit nouum esse gratiæ, ex nullo me- rito præsupposito.

586. Non est quoque educatio è potentiâ naturali animæ, quia gratia superat vires naturales animæ, & cuiuscunque agentis naturalis. Nec est educatio è

potentiâ obedientiali animæ: quia deberet in animâ præexistere quædam inchoatio gratiæ, illiusque aliquod esse imperfectum; quod ab agente supernaturali inde educeretur ad esse perfectum. Eductio enim è potentiâ subiecti, vel materiæ, illud ipsum significat; scilicet quòd res ante sui educationem, habeat in materiâ vel subiecto, concreatum aliquod esse potentiale imperfectum. Secundùm fidem autem, nullum esse potentiale gratiæ, est concreatum animæ. Nec refert, quòd gratia dicatur educi, non è potentiâ naturali animæ, sed obedientiali: quia hæc potentia obedientialis animæ, est ipsamet entitas naturalis illius; formaliter dicens subiectionem ad Deum; & obedientiam ad recipiendum supernaturales formas, supra ordinarias naturæ vires.

§87. Itaque quamvis aliquo sensu, gratiæ productio possit dici creatio, concreatio, & eductio è potentiâ obedientiali animæ, à quâ in fieri, esse, & conservari dependet; tamen propriè loquendo, est infusio; conformiter ad scripturam Rom. 5. & Conc. Trid. sess. 6. cap. 7. Hæc autem

§88. *Infusio est productio formæ, dependentis à materiâ, vel subiecto; in cuius potentiâ non continetur, nec inde educitur. FORMÆ, tam accidentalis, quàm substantialis; tam naturalis, quàm supernaturalis. DEPENDENTIS in genere causæ materialis, à MATERIA, VEL SVBIECTO, sine quo forma accidentalis non potest esse, absque miraculo. IN CVIVS POTENTIA NON CONTINETVR, secundum esse potentiale, & imperfectum. NEC ab agente naturali, vel supernaturali INDE EDUCITVR, ad esse actuale, & perfectum.*

§89. *Eductio formæ è potentia subiecti, est forma contenta in potentia subiecti, productio; dependenter ab eo sustentante. FORMÆ, accidentalis, vel substantialis naturalis. CONTENTÆ, inexistentis secundum suum esse inchoatum, potentiale, & imperfectum, concreatum subiecto. IN POTENTIA obiectivâ, siue potentialitate naturali, vel obedientiali SVBIECTI, præexisten-*

is tempore, vel naturâ. **DEPENDENTER** à subiecto concouante in genere causæ materialis, & **SUSTENTANTE** formam.

Vnde patet quòd eductio non definiatur plenè, nec sufficienter, dicendo :

590. *Eductio forma de potentiâ materia, vel subiecti, est productio forma, dependenter à materiâ, vel subiecto, eam sustentante.* Nam ista definitio competit productioni animæ rationalis, dependentis à materiâ, sustentante informationem illius : quæ tamen non continetur in potentiâ materiæ, neque ex eâ educitur. Itaque ad propriè dictam educationem formæ, è potentiâ materiæ, vel subiecti, requiritur præfata dependentia : & insuper continentia passiva formæ, in materiâ, vel subiecto : ita vt ab agente naturali vel supernaturali inde extrahatur ab esse potenciali & imperfecto, ad esse actuale & perfectum.

591. Gratia habitualis, per peccatum mortale, destruitur moraliter, & demeritorie : quin & efficienter physicè, iuxta sententiam probabilem. Quæ est D. Thomæ 2. 2. q. 24. a. 10. *Peccans, inquit, mortaliter, effectiuè expellit gratiam, hoc ipso, quo effectiuè introducit in animam, actum peccati mortalis : cum quo non potest consistere gratia. Sicut qui effectiuè introducit nigredinem in subiectum, expellit ab eo effectiuè albedinem.*

De gratia actuali.

592. **G**ratia actualis, varijs modis potest definiri, & describi, ex Augustino l. 1. ad Simplicianum. q. 1. & l. 4. ad Bonifacium c. 5. aliisque locis. Item ex Conciliis Cartaginiensi, Mileuitano Arausicano, & Tridentino. Itaque priuò

593. *Gratia actualis est illuminatio, & inspiratio Spiritus-Sancti, dantis suauitatem, siue dilectionem, & delectationem, concupiscentiæ victtricem; quâ agere delectat, quod agendum est.* Ex Augustino lib. 2. de peccat. meritis c. 19. & lib. 2. ad Bonifacium cap. 9. & alibi : ex Concilio Arausicano 2. can. 7. Tridentino sess. 6. cap. 5.

594. Secundò, *Gratia actualis est adiutorium cognitionis, quo ea qua facienda sunt, nouimus: & inspiratio dilectionis, ut bona cognita, sancto amore faciamus* Inspiratio, inquam; dilectionis, qua propriè gratia est; inquit Augustinus l. 4. ad Bonifacium c. 5.

595. Tertiò, *Gratia actualis est adiutorium, quo aperitur intelligentia mandatorum, ut sciamus quid appetere, quid vitare debeamus: & quo praestatur, ut quod facendum cognouerimus, etiam facere diligamus, atque valeamus.* Ex Augustino, Concilio Cartaginienfi, & Mileuitono can. 4.

596. Quartò, *Gratia actualis est supernaturale Dei donum, creatura intellectualis, ad salutem aeternam gratisdò datum, per modum actûs transeuntis.* DONVM illuminans intellectum, & inspirans voluntatem.

597. Quintò, *Gratia actualis est virtus motioque diuina gratuita, libero arbitrio impressa, illud reducens de potentia ad actum supernaturalem; eundemque cum illo operans, tanquam principium effectiuum, vel tanquam influxus supernaturalis GRATIA, quia data gratis, & ad reddendum gratum. ACTVAEIS, quia est diuinus actus momentaneus, & qualitas transiens vnâ cum opere, ad quod efficiendum datur: estque similis Aristotelicæ patibili qualitati, v.g. rubori in pudente, pallori in timente: cuiusmodi qualitas euanciscens non denominat subiectum suum simpliciter quale: & consequenter gratia actualis. non denominat gratum, nec gratiosum. EST VIRTUS DIVINA, Dei vis, & efficacia creata. MOTIOQUE Dei mouentis. v.g. illustratio intellectûs, & inclinatio voluntatis in bonum salutare; transeunter data, & subiectata in libero arbitrio moto. Hac autem motio distinguitur ab actu creato supernaturali, cui producendo datur; tanquam illius principium effectiuum, cum deest habitus supernaturalis, illius vicem supplens, eleuansque potentiam ad actûs supernaturalis productionem. GRATVITA, data liberaliter, absque debito orto ex proprijs meritis, sed Christi. LIBERO ARBITRIO IMPRESSA transeun-*

ter, quâ Deus tanquam instrumento suo, virtutem
sui

huius principalis agentis, intentionaliter continente, operatur velle, & perficere, pro bonâ voluntate ILLUD arbitrium creatum REDUCENS DE PO-

598. **TENTIA AD ACTVM.** Quemadmodum enim causa secunda non potest exire in actum naturalem, sine concursu generali causæ primæ, reducentis eam de potentiâ ad actum; & cum eâ operantis eundem actum: neque in actum moraliter bonum, sine auxilio generali; ita neque in actum supernaturalem, sine auxilio speciali, & gratiâ actuali: quâ Deus liberum arbitrium actuât, & facit ut bonum supernaturale velit, & perficiat. **SVPERNATVRALEM** secundum substantiam, v. g. actum fidei, spei, charitatis, &c. vel secundum modum, v. g. confessionem, potationem, locutionem, relatum ad honorem Dei, finemque supernaturalem. **EVNDEMQVE CVM ILLO OPERANS:** Nam præter habitus infusos: quibus liberum arbitrium eleuatur, & fit potens ac habile actu primo, ad eliciendos actus supernaturales; eget insuper auxilio speciali, quo tanquam ultimo actûs primi complemento (iuxta Thomistas) exeat in actum secundum: vel (iuxta alios) quo tanquam influxu causæ primæ, in ordine gratiæ, operetur eisdem actus supernaturales.

Hæc gratia actualis identificatur auxilio diuino speciali. In genere

599. *Auxilium est id, quo quis iuuatur ad aliquid faciendum, quod solus facere non posset, vel non nisi difficulter.*

600. *Auxilium diuinum est virtus & efficacia, à Deo creatura data, ad faciendum id, quod absque eâ, sola facere non posset. Nam, sine me, nihil potestis facere, inquit Christus, Ioannis 15.*

601. *Auxilium diuinum speciale est virtus diuina, motioque actiua realis, creatura intellectuali transeunter inherens: quâ redditur in actu secundo potens ad producendam operationem supernaturalem. Siue, est donum diuinum supernaturale actuale, quo creatura intellectualis, ad salutem eternam transitorie iuuatur. Iuuatur inquam, Nam per gratiam habituales, aliosque habitus infu-*

fos, liberum arbitrium eleuatur vt sit potens in actu primo, ad operationes supernaturales: sed vt actualiter eas operetur, & exeat de potentiâ in actum secundum, eget auxilio speciali mouente ad agendum, & secum operante.

Operatio supernaturalis est duplex: quoad substantiam, & quoad modum.

602. *Operatio supernaturalis quoad substantiam, est ea, quæ secundum entitatem suam, superat vires naturæ: ita vt fieri non possit per facultatem arbitrij creati, cum solo concursu generali, naturæ debito. v. g. actus fidei, spei, charitatis, &c.*

603. *Operatio supernaturalis quoad modum est ea, quæ secundum entitatem suam non superat vires naturæ, sed tantum secundum sui relationem in finem supernaturalem. Eiusmodi est ambulatio, locutio, &c. relata ad maiorem Dei gloriam.*

604. Ad vtramque hanc operationem bonam supernaturalem, adiuuat nos Deus, non tantum concursu suo generali; sed auxilio speciali. Adiuuat, inquam, nos, non quod nobis proprias vires, propriamque actionem ad opus adhibentibus; suas etiam vires & actionem adiungat ad idem opus: sed adiuuat nos Deus in toto opere salutari, tanquam prima causa secundam: id est, totum nos operari facit; ita vt tota nostra bona operatio sit à Deo, in nobis operante: quin & ad eam applicante voluntatem nostram; facienteque eam facere operationem bonam.

605. *Concursus generalis est actualis influxus causa primæ, influentis esse in effectum, cum causâ secundâ, Siue, est causa primæ coëfficientia entitatis effectus causa secundâ.*

606. Conformiter ad D. Fulgentium, epistolâ 6. cap. 9. & Concilium Trid. sess. 6. cap. 16. dicens: *Christus Iesus, tanquam caput in membra, & tanquam vitis in palmites, in ipsos iustificatos iugiter virtutem influit. Quæ virtus, bona eorum opera semper antecedit, comitatur, & subsequitur, &c. potest diuidi gratia actualis in antecedentem, comitantem, & subsequentem.*

607. Antecedentis nomine comprehenditur *præueniens, operans, præoperans, excitans, vocans, præparans, inspirans, inspirans, inchoans, dux, ducens, conuertens, strahens, compellens, &c.*

608. Comitantis nomine comprehenditur, *comes, concomitans, cooperans, dirigens, gubernans, protegens, prosequens, adiuvans; etiam subsequens, cum respectu ad gratiam antecedentem, siue præuenientem: & ad ineram operis salutaris volitionem. Sic gratiam subsequentem accipit Fulgentius ad Monimum dicens: Præuenit Deus, & donat homini bonam voluntatem: deinde subsequitur bonè volentem, operando in illo boni operis facultatem. Aliàs subsequens dicitur cum respectu ad comitantem, & cooperantem; imò ad iusti opus bonum, & salutare; cuius efficacem volitionem operata est gratia præueniens, siue antecedens: & perfectionem cooperata est gratia concomitans: uti constat ex citatis verbis Conc. Trid. Itaque*

609. Subsequentis nomine comprehenditur *prosequens, finiens, consummans, confirmans, corroborans, consolidans, &c.* Hoc sensu

610. *Gratia antecedens est gratia actualis, inspirans boni salutaris velle; siue volitionem.*

611. *Gratia concomitans est gratia actualis, dans perficere bonum salutare. Siue, operans boni salutaris voliti executionem. Deus est enim, qui operatur in vobis & velle, & perficere, pro bonâ voluntate. Philip. 2.*

612. *Gratia subsequens est gratia actualis, dans boni salutatis perseverantiam. BONI SALVTARIS per gratiam antecedentem voliti, per concomitantem perfecti, confirmationem, consolidationem, & perseverantiam. Itaque*

613. *Gratia antecedens est gratia actualis, præcedens excitansque boni salutaris volitionem. PRÆCEDENS prioritate naturæ, & præueniens liberi arbitrij desiderium, conatum, & omne initium bonæ operationis. EXCITANSQUE, tanquam actuale principium effectuum. BONI SALVTARIS, non merè moralis, sed ad salutem æternam conducentis, de condigno,*

vel congruo, VOLITIONEM *sine velle*, vt loquitur Apostolus Philip. 2.

614. Gratia antecedenti synonyma est *præueniens*, *operans*, &c: quæ agnoscenda est contra Semi-Pelagianos, tribuentes Deo consummationem salutaris operationis; initium autem libero arbitrio. Sed à nobis auertat Deus hanc amentiam, vt in donis eius, nos priores faciamus, posteriorem ipsum, ait Augustinus l. 2. ad Bonifacium cap. 9.

615. Gratia præueniens est gratia actualis, præoccupans liberum arbitrium, vt incipiat velle bonum salutare.

616. Idem esto iudicium de gratiâ aspirante, qua aspirando præuenit boni salutaris volitionem: de inspirante, qua inspirat boni salutaris volitionem, de inchoante, &c.

617. Gratia operans est gratia actualis, efficiens sola boni salutaris volitionem, in libero arbitrio, præuiè id non desiderante, conante, aut merente: sed subinde de merente, auerso, & repugnante. SOLA, conformiter Augustino, libro de gratiâ, & libero arbitrio c. 5. Non quòd creata voluntas in eiusmodi boni salutaris volitionem non influat; imò verò influit, cùm sit actus vitalis: sed quia eam non operatur præuiò merito, conatu, aut imperio: ideoque non est actus imperatus. Quo etiam sensu idem Augustinus eodem libro c. 17. dicit de Deo, *Vt velimus, sine nobis operatur*. Sine nobis scilicet, præuium actum elicientibus; quo ad boni salutaris volitionem nos excitemus, eam desideremus, aut increamur. Non tamen sine nobis, boni volitionem actiue liberèque elicientibus. In illâ enim primâ boni volitione, voluntas liberè vult: non tamen præuiâ deliberatione, aut imperio facit se velle; sed solus Deus, per gratiam operantem: quam *præoperantem* vocat Prosper, in epistolâ ad Augustinum.

618. Gratia operantis effectus, est actus voluntatis, non tantum vt subiecti; sed vt causæ elicientis velle: nam effectus, est *velle*, iuxta Apostolum Philippenfium 2. & citatum Augustinum, dicentem, *Vt velimus operatur*.

619. *Gratia cooperans est gratia actualis, opus salutare operans non sola; sed simul cum libero arbitrio operante, per cuiusmodi operis salutaris præuium desiderium, & aliquale meritum: & non tantum per simultaneum influxum in opus salutare: Sic enim operatur etiam cum gratiâ operante.*

Gratiæ cooperantis effectus, est *perficere* opus salutare volitum. Nam

620. *Gratia operans est illa, quâ fit ut bonum salutare velle incipiamus.*

621. *Gratia cooperans est illa, quâ fit ut bonum salutare, quod volumus, perficiamus.* Secundum D. Thomæ 1. 2. q. III. a. 2. sensum, Augustino consonum,

622. *Gratia operans est ea, in cuius effectû, mens est à Deo mota, & non mouens.* Non quod mens physicè nil agat, & merè passiuè se habeat; cum eliciat volitionem vitalem. Non etiam, quod moraliter nil agat, per modum mentis; sed eliciat tantum volitionis actum primò-primum naturaliter, & necessariò: Deus autem illum operetur, tanquam causa efficiens. Quomodo Apostolus Rom. 7. agens de concupiscentiæ motibus primò-primis dicit, *Non ego operor illud, sed quod habitat in me peccatum*: quia scilicet hi motus concupiscentiæ, quamuis elicti physicè ab homine; non procedunt tamen ab eo, liberè operante. Non pariformiter pij motus, per gratiam operantem excitati, Deo attribuuntur, & non voluntati motæ, quasi voluntas vitaliter in illos influat,

623. non tamen liberè, sed necessariò. * Non inquam illa est mens D. Thomæ, quando dicit, quod in effectû gratiæ operantis, voluntas nostra est mota, & non mouens: sed quod boni salutaris volitionem liberam, voluntas non eliciat, per aliquod suum præuium imperium, quo seipsam ad cuiusmodi volitionem moueat; sed à solo Deo mota. Consequenter

624. *Gratia cooperans est ea, in cuius effectû, mens est à Deo mota, & mouens.* Tunc autem mens, siue voluntas est à Deo mota, & se mouens, quando per

gratiam operantem diuinitus præmota, elicit per se, vel potentiam sibi subditam, actum salutarem, à se imperatum.

625. Præfata diuifio gratiæ in operantem, & cooperantem, iuxta mentem D. Augustini, & scripturas, Isaïæ 26. Rom. 8. & Philip. 2. ab eodem citatas, potest aptari increatæ gratiæ, Deo; immediatè per se operanti, & cooperanti. Potest insuper aptari gratiæ habituali: quo modo secundum D. Thomam

626. *Gratia operans est gratia habitualis, quatenus dat esse diuinum creaturæ intellectuali, eamque formaliter sanctificat.*

627. *Gratia cooperans est gratia habitualis, quatenus est meriti principium, libero arbitrio cooperans, ad illud producendum. MERITI PRINCIPIVM: licet enim gratia habitualis sanctificans sit habitus essendi, & non operatiuus immediatè; tamen reuera est operationis meritoriae principium radicale; & originale. Quemadmodum enim anima est radicale principium operationis vitalis, mediantibus potentijs; ita gratia habitualis est operationis meritoriae principium radicale; charitate, alijsque virtutibus mediantibus, tanquam principijs immediatis. Et sic gratia habitualis operatur formaliter, & cooperatur efficienter.*

628. *Gratia excitans est gratia actualis, quæ mens excitatur à somno peccati, vel torpore spirituali. Excitatur, inquam, à morte peccati, ad vitam gratiæ: vel à torpore spirituali, quo cessat ab operatione salutari, incitatur ad illam: item à simili torpore, quo tepidè, & remissè operationem salutarem exercet, incitatur ad illius intensiorem, & feruorem.*

629. *Gratia adiuuans est gratia actualis, mentem excitatam roborans, in boni voliti executione.*

Gratiæ excitantis effectus est mentis spiritualiter mortuæ resuscitatio: illiusue cessantis, aut torpentis incitatio ad boni spiritualis volitionem, per virium ministrationem.

Gratiæ adiuuantis effectus est corroboratio volitionis boni, & cum libero arbitrio cooperatio ad illius voli-

ti executionem.

630. DD. Augustinus, Prosper, Fulgentius, & alij, agentes contra Pelagianos, de iustificatione peccatoris, à lapsu; restrictius hic loquuntur. Vnde iuxta eundem D. Augustinum, libro de gratiâ & libero arbitrio cap. 5.

631. *Gratia operans est ea, qua sola efficit primam boni salutaris volitionem in homine averso. Similiter*

632. *Gratia excitans est ea, qua mentem Deo mortuam excitat; & in eâ aversa, conversionis volitionem efficit.*

Contra comitantem, siue adiuuantem condistincta.

633. *Gratia subsequens est gratia actualis, mentem adiutam confirmans, & in opere salutare constantem perseverantemque reddens.*

634. *Gratiæ subsequenter effectus, est perseverantia, & confirmatio in gratiâ.*

635. Gratia antecedens siue præueniens subdividitur in gratiam sanitatis, siue naturæ integræ, ante lapsum; & in gratiam medicinale[m] Christi redemptoris, à lapsu,

636. * Siue, iuxta D. Augustinum libro de correptione & gratiâ cap. 11. & 12. & alibi sæpè, in adiutorium sine quo non, & adiutorium quo. Vnde allegato cap. 12. ait: *Adiutoria distinguenda sunt aliud est adiutorium, sine quo aliquid non fit: & aliud est adiutorium, quo aliquid fit.* Itaque sensu Augustiniano,

637. *Adiutorium ante lapsum est illud sine quo bonum salutare non fit; & non quo fit.*

638. *Adiutorium post lapsum est illud, sine quo bonum salutare non fit, & quo fit.* Consequenter iuxta D. Augustini sequaces,

Gratia sanitatis, ante lapsum; siue

639. *Gratia natura integra est gratia actualis præueniens, dans menti posse elicere actus supernaturales, si velit: non autem ut velit.*

Gratia medicinalis Christi redemptoris, siue

640. *Gratia natura lapsa est gratia actualis, operans velle, & perficere, pro bonâ voluntate Dei. Philipp. 2. Humanum arbitrium reddens verè liberum: illud à*

concupiscentiæ dominatione liberans ; & ab ignorantia infirmitateque sanans. Vnde naturæ integræ gratia expectabat nutum liberi arbitrij, vt cum eo concurreret ad boni salutaris volitionem, & operationem; naturæ lapsæ gratia liberum arbitrium viribus attenuatum & inclinatum determinat ad actum salutarem; operans in eo velle, & perficere.

Iuxta sequaces D. Thomæ, explicans D. Augstinum,

641. Gratia sanitatis ante lapsum, siue
Gratia natura integra est gratia præueniens, in creaturâ integrâ operans volitionem boni salutaris. IN CREATVRA intellectuâli, negatiuè immeritâ.

642. Gratia medicinalis Christi redemptoris, siue
Gratia natura lapsa est gratia præueniens sanatiua, in creaturâ corruptâ operans volitionem boni salutaris. SANATIUA vulnerum spiritualium naturæ humanæ, corruptæ per peccatum. Vide n. 234.

643. Horum D. Thomæ sequacium ratio est, quia Deus, tam ante, quàm post lapsum, est prima causa, primusque motor : ideoque intimè & immediatè operatur omnes causarum secundarum motiones, volitiones, & operationes : non ab illis determinationem suæ operationis accipiens ; sed ipse causas omnes ad agendum determinans. Præcipuè liberum arbitrium, per diuinam suam gratiam : *comitante, non ducente ; pedissequâ, non præuiâ voluntate*, vt loquitur D. Augustinus epistola 106. Ne scilicet *in donis Dei, nos priores faciamus, posteriorem ipsum*, ait idem lib. 2. ad Bonifacium cap. 9. Vnde verificantur etiam in homine integro, ante lapsum, Scripturæ Rom. 2. *Ex ipso, & per ipsum, & in ipso sunt omnia.* 1. Cor. 4. *Quis te discernit? quid autem habes, quod non accepisti?* & cap. 12. *Qui operatur omnia in omnibus.* & Philip. 2. *Dens est, qui operatur in vobis & velle, & perficere, pro bonâ voluntate.*

Iacobi 1. *Omne datum optimum, & omne donum perfectum, desursum est, descendens à patre luminum.*

644. Eadem gratia antecedens, siue præueniens, potest etiam subdiuidi in sufficientem tantum, & effi-

facem. Istam sufficientem, & quidem proximè sufficientem quidam agnoscunt tantum in statu naturæ integræ: alij in statu etiam naturæ lapsæ eam agnoscunt, vñà cum remotè sufficiente. Ista autem

645. *Gratia sufficiens proximè est gratia præueniens, cuius virtute voluntas redditur proximè potens ad volendum bonum salutare, quod non vult. REDDITVR, &c.* Sufficiens ex parte diuini principij actiui, antecedenter necessarij, voluntas creata redditur vltimè & completè potens ad producendam actualitatem volitionis salutaris.

646. *Gratia sufficiens remotè est gratia præueniens, cuius virtute voluntas redditur in actu primo potens ad volendum bonum salutare: non tamen in actu secundo: sed insuper est opus alio diuino principio actiuo, scilicet gratiâ efficace. In actu secundo*

647. *Gratia efficax est gratia præueniens, physicè determinans voluntatem, ad boni salutaris volitionem.* PRÆVENIENS, antecedens, excitans, operans, cum reliquis suis synonymis. PHYSICÆ, reali influxu, non naturali necessitate,

648. * DETERMINANS VOLUNTATEM, ad operationem applicans illam, fortiter, & suauiter; ita vt non lædat illius libertatem. Nam *Deus attingens à fine, usque ad finem fortiter, ac disponens omnia suauiter,* Sapientiæ 8. attemperat motionem suam causis secundis, à se motis. Vnde mouens liberum arbitrium, relinquit illi libertatem suam, & facultatem, quâ possit non agere. Vnde Prosper libro 2. de vocatione gentium cap. 27. & 28. ait: *Quod Deus voluit eos velle, voluerunt, qui ad obediendum sibi, ipsum velle sic donat, ut a perseverantibus, illam mutabilitatem, qua potest nolle, non auferat.* AD BONI SALVTARIS, cui volendo datur, & ad quod proximè à Deo ordinatur, absolutâque voluntate, ab eo intenditur: non autem semper ad boni vltioris volitionem, ad quod gratia efficax remotè vltimè ordinatur, tum ex se, tum ex Dei voluntate antecedente, Augustinus libro de

correctione & gratiâ cap. 12. vocat *Adiutorium quo fit* propter quod datur. Vnde evenit quod gratia sit efficax v. g. conuersionis ad fidem; non autem obseruationis mandatorum diuinorum, nec perseverantiæ: quorum respectu est inefficax, vacua, & in vacuum recepta.

649. *Gratia efficax in actu primo, est ea, que prius naturâ, quàm voluntas eliciat boni salutaris volitionem; habet in se virtutem faciendi ut velit.*

650. *Efficacia gratiæ est virtus diuina realis, impressa voluntati, ipsam determinans ad boni salutaris volitionem: eandemque cum ipsâ operans, tanquam principium effectiuum. REALIS, & non moralis tantum, internè suasoria, alliciens, & congrua, cum præuisione secuturi consensûs voluntatis, in indifferentiâ suâ relictæ. Cùm enim volitio boni salutaris, sit effectus physicus, & realis; requirit causam efficientem realem per se, & habentem ad hunc effectum, vim sufficientem: qualem voluntas creata non habet.*

Ex definitione Concilij Palæstini, contra Pelagium, actualis

651. *Gratia datur ad singulos actus salutare: quales sunt, non tantum actus iustorum, vitæ æternæ meritorij; sed & pœnitentium, disponentes ad iustificationem. Non sufficit itaque iusto gratia habitualis ad operandum: sed est ei insuper opus gratiâ actuali, quâ moueatur ad salutariter operandum.*

652. D. Augustinus epistolâ 107. ad Vitalem, inter duodecim propositiones, & sententias capitales, de quibus catholica fides non dubitat, ponit in primis tres sequentes.

Scimus gratiam Dei, non omnibus hominibus dari, Et scimus, eis quibus datur, misericordiâ Dei gratuitâ dari.

Et scimus eis quibus non datur, iusto iudicio Dei, non dari.

653. Axioma illud, *Faciendi quod in se est, Deus non deest; nec denegat gratiam*, est catholicum, intelle-

Aum hoc primo sensu, Iusto facienti, per auxilium divinum actuale, quantum est in se; Deus non deest in ijs, quæ sunt necessaria ad perseverantiam. Quia (vbi post scripturam 2. Paralip. 15. & Psal 36. & Augustinum lib. de naturâ, & gratiâ cap. 26. ait Tridentinum sess. 6 cap. 11.) *Deus suâ gratiâ semel iustificatos non deserit, nisi ab eis prius deseratur.* Item intellectum hoc secundo sensu, facienti quod in se est, per gratiam actualem, Deus non denegat habitualement.

654. Idem axioma, alio duplici sensu intellectum, est falsum. Primò, Facienti quod in se est, per solas naturæ vires, Deus certâ lege, infallibiliter dat gratiam actualem, aut habitualement, intuitu eiusmodi operum. Et hic sensus est Pelagianus. Secundò, Facienti quod in se est, per solas naturæ vires, Deus certâ lege, infallibiliter dat gratiam, ex misericordiâ, & merâ liberalitate suâ; ad positionem eiusmodi operum, tanquam ad conditionem sine quam non. Et hic sensus est etiam falsus.

655. *Facere quod est in se, est facere tantum, quantum quis potest, iuxta latitudinem virium, quas habet, naturales aut supernaturales.*

656. *Status pura naturæ est conditio naturæ humanæ, considerata in meris suis naturalibus, abque gratiâ, & peccato.* CONSIDERATAE, & ex suppositione, sic creatæ quoad corpus & animam.

657. *Status naturæ integræ est conditio naturæ humanæ, cum iustitiâ originali creatæ.*

658. *Status naturæ lapsæ est conditio naturæ humanæ, iustitiâ originali privata, & Adami peccato vitiatæ.*

659. *Status naturæ reparatæ est conditio naturæ humanæ, iustitiâ per Christum restitutæ.*

De Donis Divinis.

Generaliter loquendo,

660. *Donum divinum est quid naturale, vel supernaturale, liberaliter à Deo datum.*

Donum divinum latius patet virtute: nam gratia ha-

bitualis, & actualis, & gratiæ gratis datæ, sunt donâ Dei, & non sunt virtutes.

661. *Donum Spiritûs-Sancti est habitus supernaturalis, cum Charitate infusus anima, ut instinctum divinum promptè sequatur. Siue, est qualitas supernaturalis, quâ homo benè disponitur ad extraordinariam inspirationem divinam promptè recipiendam, & exequendam. EXTRAORDINARIAM excellentioris actûs INSPIRATIONEM.*

662. Sunt septem præcipua dona Spiritus-Sancti: Spiritus sapientia, & intellectûs: Spiritus Consilij, & fortitudinis: Spiritus scientia, & pietatis, & timoris Domini. Isaia II. Spiritus, siue

663. *Donum sapientia est quo divina æternaque contemplamur; & secundum ea, de rebus omnibus iudicamus.*

664. *Donum intellectûs est quo fidei, scripturaque sacra æterna mysteria penetramus.*

665. *Donum scientia est quo temporalia, ad salutem nostram conducentia cognoscimus.*

666. *Donum consilij est quo prudenter deliberamus & resolvimus quid sit optimum factu, in rebus, Dei gloriam salutemque nostram concernentibus*

667. *Donum fortitudinis est quo firmatur animus in periculis mortis, alijsque rebus terribilibus.*

668. *Donum pietatis est quo Deo tanquam patri exhibetur cultus, ipsi debitus.*

669. *Donum timoris est quo averſamur offensam Dei, ut patri; omnemque illius irreverentiam. TIMORIS filialis, & reuerentialis.*

670. *Beatitudo evangelica est virtutis opus eximium, conferens in presenti inchoatam beatitudinem; & singulariter disponens ad æternam. Eiusmodi beatitudo numeratur octuplex apud Matt. c. 5.*

671. *Fructus Spiritûs est actus humanus supernaturalis, delectabilis, auxilio Spiritûs-Sancti productus. Eiusmodi fructus numeratur duodenarius ab Apostolo Galat. 5.*

672. *Donum perseverantia est speciale auxilium divinum, dans iusto actualem, sine interruptione, continuatio-*

nem iustitia, usque in finem vita.

673. *Perseuerantia est actualis continuatio in iustitiâ, absque interruptione, usque in finem vita.* ABSQUE INTERRUPTIONE: unde Perseuerantiæ terminus à quo, non est semper primo-prima hominis iustificatio: sed illa, à quâ deinceps non excidit iustus.

674. Hæc Perseuerantia coincidit cum generaliter sumptâ confirmatione in gratiâ; quâ *confirmat iustos Dominus*, Psal. 36. Specialiter autem sumpta confirmatio, superaddit perseuerantiæ, quandam inflexibilitatem ad peccatum. Itaque.

675. *Donum confirmationis in gratiâ est auxilium diuinum, reddens iustum in gratiâ stabilem; & absolute, aut secundum quid impeccabilem.*

676. *Confirmatio in gratiâ est corroboratio iusti in iustitiâ suâ; & ad peccandum inflexibilitas, absoluta, vel secundum quid.*

677. Hæc confirmatio in gratiâ est duplex: vna à principio intrinseco, quâ quis ita firmatur, vt non possit omninò peccare: scilicet ab vnione hypostaticâ, & visione beatificâ. Alia est partim à principio intrinseco, scilicet à perfectione gratiæ, virtutumque infusarum: partim ab extrinseco, scilicet ab auxilio diuino, assistentiâque particulari continuâ. Quod vtrumque fuit in Beatissimâ Mariâ, quoad peccata mortalia, & venialia: etiam in animabus Limbi, & Purgatorij. Quoad mortalia autem fuit in Apostolis, post Pentecosten.

678. Sunt quatuor gradus impeccabilitatis: primus ex naturâ propriâ, soli Deo competens: secundus ex supposito diuino, competens Christo, ratione vnionis hypostaticæ: tertius ratione statûs beatifici, competens beatis: quartus ratione confirmationis in gratiâ, competens viatoribus, eiusmodi dono præditi.

679. Sine reuelatione diuinâ, nemo potest certitudine fidei scire se gratiam Dei esse consecutum, se prædestinatum, se perseueraturum, se in gratiâ confirmatum: vti constat ex Trid. sess. 6. cap. 9. 12. & 13. Secus

est de certitudine morali.

680. *Revelatio divina est obscura veritatis manifestatio, à Deo facta creatura intellectuali,*

681. *Certitudo est infallibilitas assensus, conformiter se habentis ad rem intellectam*

682. *Certitudo fides est infallibilitas assensus, circa obiectum indubie veritatis, propter auctoritatem primæ veritatis revelantis.*

683. *Certitudo absoluta est infallibilitas assensus, verantis cir-*

684. *cà obiectum indubie veritatis. INFALLIBILITAS* firmitasque assensus, absque oppositi formidine: nam ordinarie sic accipitur certitudo, ut inuoluat firmitatem; & ut teneat se primario ex parte intellectus, assentientis obiecto firmiter, & absque formidine oppositi. Unde D. Th. in 3. dist. 26. q. 2. a. 4. ait: *Certitudo est firmitas adhesionis virtutis cognitiva ad suum cognoscibile.*

685. *Certitudo moralis est assensus infallibilitas, probabiliter asfirmata: ob auctoritatem, rationemve prægnantem; ita ut non subsit verisimilitudo dubitandi de veritate obiecti.*

De Iustificatione.

686. **I***ustificatio est iustitia acquisitio. Siue, est mutatio, quæ quis fit iustus. IUSTIFICATIO* passiva, receptioque iustitiæ. *MUTATIO*, id transitus entis ab uno termino in alium. *QUIS*, angelus, vel homo, *FIT IUSTUS*, per gratiæ primæ infusionem, vel per infusæ intensionem.

687. *Iustificatio* habet duos terminos: unum à quo alterum ad quem: & pro solito more mutationis, denominatur non à termino à quo, sed ad quem; & ab acquisitione novæ formæ: uti & calefactio, dealbatio, &c. Itaque iustificatio pro termino à quo habet vel iustitiæ privationem, uti iustificatio peccatoris: vel meram & simplicem negationem iustitiæ absolutè, uti iustificatio angeli, & primi hominis: vel nega-

tionem iustitiæ intensioris, vti iustificatio secunda. Pro termino ad quem habet iustitiam, eamque primam, vel secundam.

688. *Activa iustificatio est actio, quâ Deus iustam facit creaturam intellectualem: angelum vel hominem reddit iustum formaliter, per gratiæ habitualis infusionem: vel efficienter, per gratiæ actualis motionem.*

689. *Passiva iustificatio est iustitia receptio.*

690. *Iustificatio prima est infusio iustitiæ in subiectum, eâ carens, per meram negationem, vel priuationem.*

691. *Iustificatio secunda est infusa iustitia intensio.* Hæc secunda, æquè ac prima, vocatur Iustificatio: quia formæ admittentes gradus intensificationis, habent incrementa homogenea: & earum intensio sortitur idem nomen, cum ipsâ introductione.

692. Iustificationis primæ species est iustificatio peccatoris, siue sit à solo peccato originali, siue ab actuali solo, siue ab utroque.

Itaque à solo peccato originali, cumulatouè actualibus,

693. *Iustificatio impij est translatio hominis, à statu ira, in quo nascitur filius primi Adæ, in statum gratiæ, & adoptionis filiorum Dei, per secundum Adam Iesum Christum, saluatorem nostrum, inquit Trident. sess. 9. cap. 4. Impij autem adulti, ratione vtentis*

694. *Iustificatio est peccatorum remissio, & sanctificatio, & renouatio interioris hominis, per voluntariam susceptionem gratiæ, & donorum: vnde homo ex iniusto fit iustus; & ex inimico amicus; vt fit hæres, secundum spem, vitæ æternæ: inquit idem Trident. sess. 6. cap. 7. Cæterum generaliter loquendo,*

695. *Iustificatio impij est mutatio, quâ quis ex iniusto fit iustus.* Iustificatio quatenus est gratiæ infusio, fit in instanti, quatenus autem est impij dispositio præuia ad iustitiæ infusionem, ordinariè est successiua. Hoc posteriori sensu, sancta synodus Tridentina declarat ipsius iustificationis exordium, in adultis, à Dei per Christum Iesum praueniente gratiâ, sumendum esse. Sess. 6. cap. 5.

696. *Huius iustificationis* (eâdem sess. 6. cap. 7.) : *unica formalis causa, est iustitia Dei: non quâ ipse iustus est; sed quâ ipse nos iustos facit.* Hæc verò iustitia, quâ præcisè constituitur quis formaliter iustus, est simplex & vnicus habitus gratiæ sanctificantis : vti innuere videtur Trid. eâdem sess. 6. can. 11. Quâ autem constituitur completè iustus, est complexio plurium habituum; scilicet virtutum theologicarum, & moralium infusarum, ac donorum, constituentium vnicam completam formam iustificationis. Gratia quidem dando esse diuinum; virtutes autem, ordinando animæ potentias ad operationem meritoriam. Et hoc est conforme Tridentino eâdem sess. 6. cap. 7.

De Merito.

Generaliter acceptum

697. *Meritum est opus, præmio supplicionè dignum.*

Propriè acceptum

698. *Meritum est opus bonum, præmio dignum, ex iustitiâ, vel decentiâ.* PRÆMIO, siue retributione, commensâ ad æquivalentiam operis meritorij. EX IUSTITIA, vti meritum de condigno : VEL DECENTIA, vti meritum de congruo. Nam meritum diuiditur in meritum de congruo, & de condigno : & hoc subdiuiditur in meritum de condigno rigorosum, & ordinarium.

699. *Meritum de congruo est opus bonum, retributione diuinâ dignum, ex decentiâ, & gratuita liberalitate: non ex obligatione iustitiæ.* RETRIBUTIONE: per quam partem, meritum de congruo distinguitur à nuda oratione, & petitione obtinente effectum petitum; qui illius intuitu conceditur per modum meræ impetrationis, & non retributionis, compensationis, aut præmij liberalis: vti fit in merito de congruo. Quo, inter cætera, peccator pœnitens potest primam gratiam sanctificantem, & peccatorum remissionem mereri sibi; iustus etiam alteri. EX GRATVITA LIBERALITATE, &c. quâ parte distinguitur à merito de condigno.

700. *Meritum*

700. *Meritum de condigno rigorosum est opus bonum, cui merces debetur ex perfecto rigore iustitiæ.* Cui, ex ipsius operis, operantisque dignitate, MERCES DEBETUR. Eiusmodi est meritum Christi, quod ex dignitate operis & operantis, absolutè habet æqualitatem ad mercedem; absque ullâ gratiâ merenti factâ. Quæ factâ quidem fuit humanitati Christi, non tamen supposito merenti: quod erat diuinum, & cuius erant actiones. Ordinarium

701. *Meritum de condigno est opus bonum, cui ex sua, operantisque dignitate, merces debetur ex iustitiâ:* non tamen ex illius rigore perfecto. Nam origo meriti provenit à gratiâ habituali, & actuali. Eiusmodi merito iustus meretur vitam æternam.

702. Ad hoc meritum de condigno requiruntur & sufficiunt duæ conditiones: prima, ut opus ex se, & ex operante habeat dignitatem, mercedi commensam: secunda, ut sit conuentio soluendæ mercedis, sub præstatione operis. His enim positis, oritur in operante ius ad mercedem: & in pa-

703. ciscente, obligatio illius persoluendæ. * Interim maioris explicationis gratiâ, duæ præfatæ conditiones possunt resolui in quinque. Primo, ut opus sit bonum, Deoque obsequiosum: 2. ut sit voluntarium, & liberum: 3. viatoris: 4. factum ex gratiâ actuali, & ab existente in habituali: 5. ut præcesserit diuina promissio de mercede retribuendâ. Itaque 1. *opus bonum, Deoque obsequiosum.* Opus inquam, id est voluntatis actus elicitus, vel imperatus. Vnde ad concupiscendum tentati, omissio concupiscentiæ, non erit meritoria; nisi directè vel indirectè sit voluntaria. *Bonum* ex obiecto, nullâ circumstantiâ vitiatum: ex obiecto saltem formali siue ex fine operantis. Cuiusmodi est comestio, ambulatio, similisue operatio indifferens in specie moris, relata ad honorem Dei. *Deoque obsequiosum*, factum ad Deum demerendum & deuinciendum. Nam ad meritum etiam de congruo, requiritur ut opus fiat expressè, vel implicitè in obsequium illius, à quo expectatur retributio: aliàs deforet vel appareat

prætextus illius expectandæ ab eo, cui demerendo nihil præstitum sit. 2. *Voluntarium, & liberum* à coactione, & naturali necessitate: id est, spontaneum, & liberum quoad exercitium. 3. *Viatoris*, personæ tendentis ad terminum æternitatis. Qualis est homo viuens in corpore mortali, conditione mortali; vnde per priorem partem excluduntur existentes in purgatorio: per posteriorem, Enoch & Elias; qui viuunt absque labore, concupiscentiâ, cibo, somno, & eiusmodi conditione mortali: ideoque habent suspensionem meriti, vsque in aduentum Antichristi. 4. *Factum ex gratia actuali*, vt opus meritorium ab eâ participet condignitatem ad mercedem: & *ab existente in habituali*, vt operans sit filius Dei, & filiationis dignitas reddat opus, condignum mercede. 5. *Vt præcesserit diuina promissio de mercede retribuenda*: quia hoc meritum de condigno, parit iustitiæ debitum: quo non potest Deus, seclusâ promissione, obligari creaturæ suæ: quæ se, suæque omnia ei debet, titulo creationis, redemptionis, & seruitutis: à quo etiam vires merendi habet gratuito acceptas: cui nihil dare potest, quin ab eo acceperit; & in eius dominio manserit.

704. *Merces est quid commensum, & ex iustitia re-
pensum operi meritorio.*

705. *Mercenarius est operans principaliter intuitu
mercedis.*





BREVIARIUM THEOLOGICI

PARS SECUNDA SECUNDÆ.

1.



SECUNDÆ secundæ obiectum est Deus, quatenus finis hominis, acquirendus per media: scilicet per virtutes theologicas, cardinales, religionem, sacrificium, contractus legitimos, &c.

De virtute.

Virtus potest variè definiri.

2. *Virtus est dispositio perfecti ad optimum.* DISPOSITIO, qualitas perfecta, benè disponens suum subiectum, & inclinans ad actum optimum. Itaque Virtus est habitus operatiuus, benè dispositiuus PERFECTI, suppositi intellectualis, potentijs & facultatibus naturalibus completè instructi.

3. * AD OPTIMUM, ad actum bonum: qui respectiue est quid optimum: respectu inquā potentiæ, & habitûs. Nam potentia est quid bonum, habitus est quid melius, actus ab iisdem elicited, est quid optimum, in genere causæ finalis. Actus enim est finis, & complementum potentiæ, & habitûs operatiui: cum vtraque ordinentur ad actum: & habitûs operatiuus non dicatur bonus, nisi quia inclinatur ad actum bonum. Quamuis ergo potentia, & habitus, in ratione principij, & causæ

efficientis præcellant actum; ipse tamen præcellit in genere causæ finalis: secundum quam consideratur ratio bonitatis.

4. Itaque hic *dispositio* non est qualitas distincta contra habitum: siue, non est primæ speciei qualitas imperfecta, facile à subiecto amouibilis: sed est habitus, & qualitas perfecta. Idque conformiter Aristoteli, Metaph. c. 20. dicenti.

5. * *Habitus est dispositio, qua aliquid bene, aut male se habet ad se, vel ad aliud, ad operationem scilicet. Bene ad se, v. g. sanitas, pulchritudo, gratia habitualis, & quicumque bonus habitus essendi. Male. v. g. morbus, turpitudine, macula peccati. Bene ad operationem. v. g. iustitia, charitas, & quicumque habitus bonus operativus. Male. v. g. intemperantia, omnesque habitus vitiosi.*

6. Quod attinet ad *optimum*, id est suppositi intellectualis actum bonum imò optimum; ille est duplex: unus est veri cognitio certa & firma: alter est boni honesti affectio constans, & perfecta, Secundò

7. *Virtus est habitus bonus mentis, quo bene vivitur, & quo nemo male utitur.* HABITVS determinans potentiam ad actum, & reddens habilem ad eum. BONVS, bene disponens subiectum ad se, & ad operationem, rectæ rationi conformem: reddens habentem bonum, ipsiusque actum. MENTIS, animæ rationalis, quæ talis: quatenus scilicet est prædita intellectu & voluntate. Nam virtus superadditur his potentijs ad perficiendum earum operationes; intellectionem, inquam, & volitionem: ut sit veri cognitio certa, & firma: & boni honesti affectio constans & perfecta.

8. Itaque subiectum immediatum virtutis est intellectus & voluntas; mediatum, anima rationalis, quæ talis; non quæ vegetativa, vel sensitiva. Vnde non potest esse subiectum virtutis, imaginatio secundum se: quia non potest solido iudicio discernere verum à falso; neque honestum à turpi. Similiter appetitus sensitivus non potest affici bono, sub ratione honesti: quia non potest ferri extra proprium obiectum, quod est

conueniens sensibus ; præscindendo ab ordine ad rectam rationem. Secundùm autem quòd potentiæ illæ inferiores subsunt motioni intellectûs & voluntatis : sic possunt esse subiecta virtutis : vnde eatenûs temperantia acquisita est in appetitu concupiscibili , & fortitudo in irascibili. QVO , tanquam principio proximo & immediato, BENE VIVITVR , vitâ secundâ : exercentur inquam operationes vitales , conformes rectæ rationi , & legi æternæ. Quâ parte , à virtutis definitione excluditur habitus essendi , vti gratia habitualis : quæ est radicale & remotum bonæ operationis principium mediantibus virtutibus infusis , quæ fluunt ab essentiâ ipsius. Et QVO , tanquam principio elicitivo operationis NEMO MALE VTITVR : imò omnis habens eum , eodem inclinatur ad bonum vsum , & actum. Tertiò

9. *Virtus est mentis bonus habitus operatiuus , reddens subiectum suum , actumque illius bonum.* OPERATIVVS , non merus essendi habitus , benè disponens subiectum , secundùm se tantùm : sed insuper inclinans ad actum bonum. Quarto iuxta Tullium , ab Augustino approbatum ,

10. *Virtus est animi habitus , natura , modo , atque rationi consentaneus.* NATVRÆ CONSENTANEVS , conueniens naturæ intellectuali ; eique adferens perfectionem. MODO , & mensuræ actuum humanorum consentaneus : tenens modum illum ; non deficiendo ab eo , neque excedendo eum , Nam

Est modus in rebus : sunt certi denique fines :

Quos ultra , citràque nequit consistere rectum , Ideoque *Virtus est medium vitiorum , utrimque reductum.*

RATIONI consentaneus : conformis rectæ rationi naturali : quæ est immediata regula actuum humanorum , eos rectificans.

11. Virtus potest diuidi in diuinam , & humanam. Diuina potest subdiuidi in theologiam , & in moralem infusam , siue christianam , veram , formatam , perfectam. Humana in moralem acquisitam , & intellectualem ; in heroicam , philosophicam , imperfectam , &c.

198 *Breniarij Theologici Pars. II. II.*

12. *Virtus divina est virtus, divinitus infusa, inclinans ad operationem, conformem legi aeternae; ordinansque ad beatitudinem supernaturalem. Eiusmodi est virtus theologica, & moralis infusa.*

13. *Virtus humana est virtus acquisita, inclinans ad operationem rectae rationi conformem.*

14. *Virtus acquisita est virtus, actuum frequentatione parata, viribus naturæ.*

15. *Virtus infusa est virtus à Deo producta, anima que indita: & non acquisita viribus naturæ. Item*

16. *Virtus infusa est bonus habitus mentis, quò rectè vivitur, & quò nullius malè usitur: quem Deus in nobis, sine nobis operatur. SINE NOBIS causantibus & producentibus: non autem sine nobis adultis consentientibus, & disponentibus.*

Virtus infusa est duplex: vna per se, alia per accidens.

17. *Virtus infusa per se est virtus, naturâ suâ postulans à Deo produci, animæque donari: non acquisibilis viribus naturalibus, per actuum frequentationem. Item*

18. *Virtus infusa per se, est ea, quæ non potest aliter haberi, quàm à Deo eam infundente: quia non potest educi è potentiâ subiecti, ab agente naturali. Eiusmodi est virtus theologica, quæ à Deo est producta in animâ, dependenter ab eâ, tanquam subiecto sustentante: non tamen esteducta è potentiâ illius. Nam hæc virtutis*

19. *Infusio est productio virtutis, non contenta in potentiâ subiecti, nec indeeducta; sed eidem necessario inexistens.*

20. *Virtus infusa per accidens est virtus à Deo producta, anima que donata; viribus illius acquisibilis, non tamen acquisita. Eiusmodi foret virtus moralis, inclinans ad operationem merè conformem rectæ rationi naturali; si divinitus infunderetur: quæ etiam non differret specie, ab acquisitâ: uti non differt visus, divinitus donatus cæco, à visu aliorum videntium.*

21. *Nihilominus virtutes morales infusæ, probabiliter specie distinguuntur ab iisdem acquisitis: quia habent obiectum formale, specie distinctum. Nam infusæ morales pro obiecto habent bonum honestum,*

conforme rationi supernaturali, legique diuinæ; ordinatum ad finem supernaturalem. Eadem acquisitæ, pro obiecto habent idem bonum honestum, conforme rectæ rationi naturali; ordinatum ad finem naturalem. Vnde licet utræque habeant idem obiectum materiale; illud tamen respiciunt sub diuerso motiuo honestatis, & sub distinctâ ratione formali.

22. *Virtus moralis est virtus inclinans voluntatem, ad constantem boni honesti prosecutionem; iuxta præscriptum rectæ rationis.* VOLUNTATEM, siue appetitum rationalem: ideoque vocatur virtus *Appetitus*, ab hoc appetitu rationali, non à sensitivo: qui per se non potest esse subiectum virtutis, vti diximus num. 8. AD BONI HONESTI PROSECUTIONEM: & consequenter ad mali inhonesti fugam. RECTÆ RATIONIS, naturalis; & tunc est moralis infusa, coinciditque cum virtute vera, christiana & perfecta. Eiusmodi virtus moralis est iustitia, temperantia, fortitudo, &c.

23. *Virtus intellectualis est virtus inclinans intellectum, ad veri assensum & firmum; iuxta præscriptum rectæ rationis.* AD VERI ASSENSUM, & consequenter ad falsi dissensum. RATIONIS, naturalis; & tunc est virtus intellectualis acquisita: vel rationis supernaturalis; & tunc est infusa. Eiusmodi est prudentia, & sapientia,

Virtus intellectualis eatenus reuocatur ad moralem, quatenus ad sui perfectionem requirit imperium voluntatis: in quâ subiectionatur moralis, & intellectualis in intellectu.

24. *Virtus philosophica est virtus inclinans ad actum, rectæ rationi naturali conformem: sistendo in merâ illâ conformitate.*

25. *Virtus christiana est virtus infusa, inclinans ad actum, rationi supernaturali conformem; cumque dirigens ad æternam beatitudinem.*

26. *Virtus vera est virtus, habens statum perfectæ virtutis, inclinansque ad actum, vite æternæ meritorium.* Virtus autem habet statum perfectæ virtutis, quando facit promptè, & delectabiliter operari.

200 *Breviary Theologici Pars II. II.*

27. *Virtus informis est virtus destituta gratiâ habituali, & charitate; tanquam sui formâ extrinsecâ*
Virtus formata est virtus, gratiâ habituali, & charitate
informata: id est, habens illas sibi iunctas, in eâdem
animâ.

28. Est enim gratia habitualis, & charitas, omnium virtutum theologicarum, & moralium infusarum forma: non intrinseca (cùm virtutes sint habitus formeque simplices, & vnus habitus non possit esse subiectum alterius) sed extrinseca: quâ scilicet cæteræ virtutes formantur in ratione veræ, christianæ, perfectæque virtutis; earumque actus fiunt meritorij vitæ æternæ. Itaque gratia est forma virtutum, tanquam illarum origo, è quâ fluunt; & à quâ accipiunt condignitatem meriti ad vitam æternam. Charitas etiam est forma virtutum, quia inclinationi illarum ad suum particulare bonum, superaddit ordinationem ad summum bonum, & finem vltimum: quod est proprium charitatis obiectum. Insuper charitas adiuncta cuicumque virtuti, dat ei statum perfectæ virtutis. Et cùm virtus sit dispositio perfecti ad optimum, singulari ratione charitas dat illam dispositionem; cuiusque virtutis actum bonum referendo actualiter, virtualiter, aut habitualiter in Deum optimum, finemque vltimum: & sic reddens illum meritorium æternæ beatitudinis.

Virtus potest dici imperfecta tribus modis, & totidem perfecta. Primo modo

29. *Virtus imperfecta est virtus informis, destituta gratiâ & charitate.*

30. *Virtus perfecta est virtus, gratiâ & charitate formata. Secundo modo*

31. *Virtus imperfecta est ea, quæ inclinât ad actum bonum; sed habentem non reddit simpliciter bonum. v. g. prudentia, sapientia.*

32. *Virtus perfecta est virtus efficiens habentem, actumque ipsius, bonum. Siue, est ea, quæ se habentem coniungit vltimo fini. Tertio modo*

33. *Virtus imperfecta est virtus inclinans ad actum bo-*

num; firmansque animum contra tentationes tantum contrarias sibi: sed non contra quascumque alias. v. g. communis & ordinaria castitas, firmans animum habentis, contra tentationes luxuriæ; sed non metus, infamiæ, turpis lucri, &c.

34. *Virtus perfecta est virtus inclinans ad actum bonum perseveranter continuandum; firmansque animum contra quascumque tentationes irruentes, etiam virtuti non contrarias. Hæc perfecta virtus includit perseverantiam: quæ*

35. *Perseverantia est virtus inclinans ad operis boni continuationem, non obstantibus quibuscumque tentationibus.*

Hoc tertio modo accepta virtus perfecta, quadantenus coincidit cum virtute heroicâ: quæ interim superaddit virtuti perfectæ excellentiam actûs. Nam virtus existens in gradu heroico, siue

36. *Virtus heroica est virtus perfecta, obiecto suo inexpugnabiliter inhærens, producensque actus excellentes. INEXPUGNABILITER, habens scilicet firmum & inexpugnabile propositum inhærendi obiecto suo; ita ut commodis & incommodis omnibus contrariis illud præferat; nec impelli possit ad illud violandum.*

37. *Virtus cardinalis est virtus principalis inter morales, earumque cardo.*

38. *Virtus theologica est virtus infusa, pro immediato obiecto habens Deum, supernaturaliter cognitum. THEOLOGICA, diuina strictè dicta, condistincta contra diuinam moralem. Vocatur autem theologica, siue diuina, primò quia habet Deum pro immediato obiecto: 2. quia à solo Deo infunditur. 3. quia per hanc virtutem, peculiariter efficimur diuinæ consortes nature. 4. quia hac tanquam principio supernaturali, dirigimur ad assequendum Deum, finem nostrum supernaturalem. EST VIRTUS, quia est bonus habitus operatiuus, reddens habentem, actumque ipsius bonum, imò est præcipua virtutum omnium. INFUSA per se, non acquisita, nec acquisibilis per actuum frequentationem, viribus naturalibus. Diuinitus in-*

quam *infusa*, à Deo producta, animæque indita. PRO IMMEDIATO OBJECTO, ad quod directè & terminatiuè tendit; illud attingens immediatè actu suo interno.

39. * HABENS DEUM, pro objecto materiali; & diuinam perfectionem, Deo identificam, pro objecto formali v. g. fides habet Deum, vt primam veritatem reuelantem: spes Deum, vt summum bonum nostrum: charitas Deum, vt summum bonum suum. Vnde virtutes omnes theologicæ habent idem objectum materiale, Deum; distinctum autem formale; ideoque distinguuntur inter se: quia vnitas, & distinctio habituum desumenda est ab objecto formali. SUPERNATURATITER COGNITVM, Deum consideratum tanquam finem supernaturalem, assequendum virtutibus theologicis, tanquam medijs ad hoc directis.

40. Sunt tres virtutes theologicæ, iuxta Apostolum 1. Cor. 13. *Nunc autem manent fides, spes, charitas, tria hæc: maior autem harum est charitas.*

De Fide.

41. **F**ides est virtus theologica, quæ creatus intellectus firmiter assentitur omnibus reuelatis à Deo, tanquam primâ veritate. QUA, tanquam principio emanante intellectum, & cum eo producente assensum supernaturalem. CREATVS INTELLECTVS, angelicus & humanus, FIRMITER ASSENTITVR: nam primæ veritati reuelanti debet adhiberi assensus firmus, absque vllâ oppositi formidine. Quæ formido si deliberatè misceatur assensui, euerteret fidem theologicam, & relinqueret tantum opinionem humanam. OMNIBVS quia si reuelatorum vni, cum pertinaciâ dissentiat intellectus amittet fidem omnium: quia amittet fidei rationem formalem. Id est, desinet assentiri creditis, ideo quia reuelata sunt à Deo, tanquam primâ veritate. Nam si assentiretur ijs, ideo quia reuelata sunt à Deo; etiam assentiretur discredito, quia & illud reuelatum est. Ergo creditis assentit, discredito dissentit, quia sic ei lu-

bet : & quia ex cerebri proprij persuasione iudicat illa esse à Deo reuelata, hoc non. REVELATIS, internâ, vel externâ Dei locutione, intimatis simpliciter, & obscure : id est, sine probatione, & absque euidentiâ. PRIMA VERITATE : eatenus enim Deus est formale obiectum fidei, & ratio credendi : utpote in quam fit vltima resolutio assensûs fidei. Item

42. *Fides est donum Dei, ac lumen, quo illustratus homo, firmiter assentitur omnibus, quæ Deus reuelauit, & nobis per Ecclesiam credenda proposuit : siue in sacris literis illa scripta sint, siue non sint.* DONVM DEI. munus diuinum, superans vires nature, eique indebitum, datumque gratuito. AC LVMEN spirituale, emanans à sole diuino : quo creatus intellectus illustratur, & ad credendum reuelata iuuatur : uti lumine corporali oculus illustratur, & ab videndum colorata iuuatur. QVO lumine spirituali, *tanquam lucerna lucente in caliginoso loco*, in intellectu humano, igitantia tenebris obscurato, ILLUSTRATVS HOMO : generaliter quidem angelus & homo : sed hic particulariter definitur fides, infusa homini. QVÆ DEVS REVELAVIT, internâ vel externâ, immediatâ vel mediatâ reuelatione. ET NOBIS PER ECCLESIAM CREDENDA PROPOSUIT : nam Ecclesia, columna & firmamentum veritatis, proponit credenda, omnibus communia ; illisque applicat rationem formalem fidei catholicæ, & vniuersalis : de quâ hic agitur, non de particulari priuatæ personæ, cui fit reuelatio diuina. SIVE SCRIPTA SINT, in veteri nouoque testamento ; SIVE NON SINT, sed merè contenta in verbo Dei tradito. Item terciò, iuxta Apostolum Heb. 11.

43. *Fides est sperandarum substantia rerum, argumentum non apparentium.* Id est, Fides est habitus infusus, rebus speratis tribuens subsistentiam in animâ credentis ; faciensque illius intellectum, autoritate diuinâ motum, perinde ac demonstratione clarâ conuictum, firmiter assentiri reuelatis obscu-

44. *rè, & non apparentibus.* * Itaque in sensu causali *Fides est sperandarum substantia rerum*, quia

res speratas, futuras licet, nondumque existentes, exhibet tanquam præsentes; dando illis hypostasim in mente fidelium: qui eas tam certas habent, quàm si reipsâ præsentes existerent. Est etiam elenchus, siue *argumentum*, ostensio, demonstratio, & conuictio *non apparentium*: fides enim nixa reuelatione authoritateque diuinâ, in seruitutem redigit omnem intellectum; & conuincit illum ad assentiendum reuelatis à Deo: non secus quàm si euidenti demonstratione ostenderentur.

45. Obiectum materiale fidei, quatenus fidei est, non potest esse visum, neque scitum: quia fides habet ineuidentiam, & obscuritatem: nam *Fides est argumentum non apparentium*. Heb. 11. & 2. Petri 1. comparatur *Lucerna lucenti in caliginoso loco*. Hic autem

46. *Visum est quid, sensu exteriori perceptum: aut euidenter cognitum, tanquam primo verum.*

47. *Scitum est quid euidenter, cognitum per demonstrationem: per ratiocinationem, procedentem ex primo veris.*

48. *Dogma fidei est illius articulus, vel punctum.* Ab articulo distinctum.

49. *Punctum fidei est propositio diuinitus reuelata, non habens in fide principij rationem, nec ab omnibus explicitè credenda.*

50. *Articulus fidei est propositio catholica, principij rationem in fide habens, specialemque difficultatem; ab omnibus explicitè credenda.* PROPOSITIO CATHOLICA, spectans ad fidem vniuersalem, communem omnibus fidelibus. PRINCIPII, &c. pertinens ad præcipua fidei capita, è quibus educuntur conclusiones, & puncta fidei. SPECIALEMQUE DIFFICULTATEM habens: v. g. hoc dogma fidei, *Christus est passus*, specialem difficultatem habet, distinctam ab hoc, *Resurrexiss à mortuis*: ideoque est distinctus articulus passionis, ab articulo resurrectionis. Sed quòd sit *passus*, *mortuus*, & *sepultus*, non habet nisi vnâ & eandem difficultatem, ac ineuidentiam: ita vt primo puncto suscepto, non sit intellectui difficile assentiri alijs: ideoque

tria ista puncta pertinent ad vnum articulum.
EXPLICITE in se, & expressis terminis suis CRE-
DENDA.

51. Articulus fidei dicitur ad similitudinem articuli corporalis. Quemadmodum enim corpus diuiditur in membra, & artus: hi autem subdiuiduntur in minores artus, siue articulos; ita fides diuiditur in mysteria, & dogmata: & hæc partitè subdiuiduntur in articulos.

52. Porro corporis articulus accipitur dupliciter: primò pro quacumque corporis parte indiuisibili in alias partes, nomine distinctas: secundò pro particulari eiusmodi parte indiuisibili. Primo modo, corporis

53. *Articulus est corporis pars, indiuisibilis in ulteriores partes, nomine vsuque distinctas.* Secundo modo

54. *Articulus est digitus manus.* Hoc sensu accipitur ab authoribus profanis, & à Daniele capite 5. & 10.

55. *Fides formata est fides, gratiâ habituali, & charitate informata, tanquam sui formâ extrinsecâ: habens illas sibi iunctas in eâdem animâ, secundum dicta n. 28.*

56. *Fides informis est fides, gratiâ habituali, & charitate destituta.*

57. *Fides visa est fides, que per charitatem operatur, Galat. 5. Siue, est ea, que producit opera viua, & æterna, vita meritoria.*

58. *Fides mortua est fides operibus charitatis destituta* Nam vt ait Iacobus c. 2. *Fides, si non habeat opera charitatis, mortua est in semetipsâ. Sicut enim corpus, sine spiritu, mortuum est; ita & fides sine operibus, à charitate profectis, mortua est.* Ex quo scripturæ loco conuincitur esse eundem specie, & numero habitum fidei, modò informis, & antea formatæ: quo modo est idem numero corpus, quod modò mortuum est, & ante viuum fuit.

59. *Fide credere est certò & firmiter assentiri obiecto, propter authoritatem primæ veritatis reuelantis.*

60. *Assentiri certò est intellectu adharere obiecto in dubia veritatis.*

61. *Assentiri firmiter est intellectu adharere obiecto, æstimato vero expulsa oppositi formidine.*

62. *Assensus est adhesio intellectûs, ad obiectum verum: saltem æstimatum tale.*

63. *Assensus certus est adhesio intellectûs, ad obiectum indubie veritatis.*

64. *Assensus firmus est adhesio intellectûs, ad obiectum, æstimatum verum, expulsa oppositi formidine.*

65. *Assensus verus est adhesio intellectûs, conformis obiecto; vti à parte rei se habet.*

66. Ex præfatis constat quòd certitudo assensûs propriè se teneat ex parte obiecti, quod est dubiæ veritatis. Firmitas autem se teneat ex parte intellectûs assentientis intrepidè, & absque vllâ oppositi formidine. Nihilominus certitudo assensûs, sæpè ita accipitur, vt inuoluat firmitatem: vti notauimus I. 2. n. 684.

67. *Formido de opposito est intellectûs hesitatio, mixta assensui opinatiuo. HÆSITATIO*, quâ intellectus expressè, aut virtualiter dubitat ne fallatur, & oppositum sit verum. Interim cum formido & metus pertineat ad appetitum, & voluntatem; probabiliter poterit dici, quòd

68. *Formido de opposito est actus voluntatis, timentis ne assensui intellectûs subsit falsum.* Ne scilicet verum sit contradictorium propositionis, cui assentitur intellectus.

69. *Credere aliquid explicitè est ei assentiri in se, & in terminis expressis.*

70. *Credere aliquid implicitè, est ei assentiri non in se, & in terminis expressis: sed in præparatione animi; vel in alio, explicitè credito: in quo continetur, tanquam particulare in vniuersali: vel tanquam instrumentum in causâ principali: vel medium in fine: vel figuratum in figurâ: vel assensus discipuli, in sensu magistri fidei. IN PRÆPARATIONE ANIMI*, quâ quis ratione fidei habitualis, & propriæ dispositionis,

est in animo suo paratus aliquid expresse credere. Sic tenens B. M. V. esse conceptam in peccato originali, paratus tamen credere contrarium, vbi Ecclesia id definierit ; implicita credit eiusdem à peccato originali præseruationem. Similiter qui explicitè credit omnia reuelata à Deo, idem implicitè credit mysterium Sanctissimæ Trinitatis, *tanquam particulare contentum in uniuersali*. Et qui explicitè credit, in nouâ lege Deum esse iustificatorem ; idem implicitè credit Baptismum, *tanquam instrumentum, contentum in causa principali*. Item explicitè credens beatitudinem æternam esse finem vltimum, adulatorumque mercedem ; idem implicitè credit exercitium bonorum operum, *tanquam medium, contentum in fine*. Et qui explicitè credit agnum paschalem, idem implicitè credit Christum, *tanquam figuratum, contentum in figura*. Et catechumenus aut parochianus explicitè credens esse vera, quæ in materiâ fidei sentit suus catechista, aut parochus ; idem, implicitè credit articulos fidei, per *assensum discipuli, contentum in sensu magistrifidei*.

71. *Catechumenus est discipulus fidei, voce tradita. Siue, est Baptismi candidatus.*

72. *Christianus est baptizatus, Christi fidem doctrinamque tenens.*

73. *Catholicus est baptizatus, uniuersalem fidem christianam profitens.*

74. *Orthodoxus est is, qui rectam doctrinam tenet.*

75. In omni statu naturæ humanæ, integræ, lapsæ, & reparatæ, fuit adultis, necessitate præcepti, & mediij. necessaria fides explicita aliquorum articulorum. Heb. 11. *Sine fide impossibile est placere Deo. Credere enim oportet, &c.* Marci 16. *Qui verò non crediderit, condemnabitur.*

76. *Fides explicita est assensus circa obiectum, in se, terminisque suis creditum : propter authoritatem primæ veritatis reuelantis.*

77. *Fides implicita est assensus circa obiectum, non in se, sed in alio creditum ; vel in præparatione animi : vti explicauimus supra num. 70.*

De necessario ad salutem.

78. **N**ecessarium necessitate mediij ad salutem est illud, sine cuius concursu & causalitate, salus haberi non potest.

79. Necessarium necessitate præcepti ad salutem est illud, sine quo non potest caueri peccatum, salutis impedimentum.

80. Inter necessarium necessitate mediij, & præcepti ad salutem, est multiplex discrimen. Primò necessarium necessitate mediij ad salutem, concurrit ad illius assecutionem directè, positiuè, & effectiuè: necessitate autem præcepti necessarium, concurrit indirectè, & negatiuè; amolendo scilicet impedimentum salutis, peccatum: & consequenter efficiendo ne iustificatio impediatur, vel amittatur. Secundò, inuoluntaria & inculpabilis omissio necessarij necessitate mediij, causat iacturam salutis: secus est de omissione necessarij necessitate præcepti tantum. Tertiò, omissio necessarij necessitate mediij, potest esse sine peccato: secus est de omissione præcepti: quæ formaliter loquendo, semper est peccatum. Quartò, in adultis, ex necessitate mediij oritur necessitas præcepti, respectu eiusdem obiecti, existentis in illorum potestate: non è conuerso. Quintò, necessarium necessitate præcepti, semper est in nostrâ potestate, saltem remotè: & si desinat esse in nostrâ potestate, consequenter desinit esse necessarium necessitate præcepti: secus est de necessario necessitate mediij. Sexto, necessarium necessitate mediij, concernit omnes absolutè: secus est de necessario necessitate præcepti: quod tantum concernit vtentes ratione.

81. Est duplex necessarium ad salutem, necessitate mediij: vnum absolutè, alterum hypotheticè, & ex suppositione

82. Absolutè necessarium necessitate mediij ad salutem, est quid, ad eam assequendam, diuinitus ordinatum; ita ut sine illo reipsâ habito, ea obtineri non possit, secundum legem Dei ordinariam: quantum libet illo careat quis, absque

absque culpâ suâ. Eiusmodi est fides, spes, charitas, gratia habitualis. Dixi, secundum legem Dei ordinariam; quia secundum absolutam Dei potentiam, salus posset obtineri, absque eiusmodi medio: hoc enim non implicat contradictionem. Non absolutè, sed

83. *Hypotheticè necessarium necessitate medij ad salutem, est quid, ad eam assequendam, diuinitus ordinatum; ita ut sine illo, in se, vel æquiualehti habito, ea obtineri non possit, secundum legem Dei ordinariam: quantumlibet illo careat quis, absque culpâ suâ. Eiusmodi est Baptismus fluminis, cuius æquiualehts est baptisus fluminis, & sanguinis.*

84. *Necessitate præcepti, necessarium ad salutem, est quid, positiuo præcepto diuino requisitum, ad eam assequendam: nisi omissionem illius, excuset causa rationabilis. Sic ad salutem necessaria est. v. g. restitutio alieni: cuius omissionem excusat impossibilitas, iusta compensatio, & damnificati remissio.*

85. *Absoluta necessitas medij ad salutem, est obligatio habendi alicuius, ad eam assequendam, diuinitus ordinati; ita ut sine illo, actu habito, ea obtineri non possit, secundum legem Dei ordinariam: quantumlibet quis inculpatè eo careat. Vide n. 82. Non absoluta, sed*

86. *Hypothetica necessitas medij ad salutem, est obligatio habendi alicuius, ad eam assequendam, diuinitus ordinati; ita ut sine illo, in se, vel æquiualehti habito, ea obtineri non possit, secundum legem Dei ordinariam. Vide n. 83. Vocatur hæc necessitas hypothetica, & præfato n. 83. hypotheticè necessarium; scilicet supposito quòd non habeatur æquiualehts medio necessario: & sic est necessitas ex hypothesi.*

87. *Necessitas præcepti ad salutem est obligatio habendi alicuius, ad cauendum præuentionis peccatum, salutis impeditum: nisi omissionem illius excuset causa rationabilis. v. g. impossibilitas, ignorantia vel inaduerterentia inuincibilis, metus mortis, &c. OBLIGATIO promanans à præcepto Dei, vel creati superioris. HABENDI, per actionem, vel passionem.*

88. *Potest statui triplex necessitas alicuius ad salutem*

tem. Prima, *medi tantum* : exempli causâ , gratiæ prævenientis , quæ non est in potestate adulti. Secunda, *præcepti tantum* , v. g. restitutionis alieni. Tertia, *medi & præcepti* . v. g. pœnitentiæ , in adulto peccatore.

89. Præceptum assensûs , internique actûs fidei obligat per se , quando obligatio illius eliciendi oritur directè & immediatè ex ipsâ fide , non aliundè. Idque primò , quando primâ vice fides proponitur sufficienter. Secundò in susceptione Baptismi : & quotiescunque est facienda externa fidei professio : quæ sine interno assensu fieri non potest. Tertiò aliquoties per vitam : & quidem toties , quoties opus erit ad cauendum ne omissio eiusmodi assensûs , censeatur interpretatiuus fidei contemptus. Quartò , quando vrget vehemens tentatio contra fidem ; ita vt sit periculum consensûs , nisi tentatus resistat fortis in fide.

90. Præceptum assensûs fidei obligat per accidens , quando obligatio illius eliciendi oritur , non directè & immediatè ex fide ; sed ex præcepto alterius virtutis obligantis : ad cuius exercitium est necessarius fidei assensus , saltem virtualis. v. g. præcepto pœnitentiæ , orationis , sanctificationis sabbati , &c. Item quando vrget vehemens tentatio alia , quàm contra fidem : cui succumbendi est periculum , nisi eliciatur assensus fidei.

Actus externus fidei est confessio. *Quæ*

91. *Confessio est interni assensûs fidei externa manifestatio.*

92. Præceptum confessionis fidei obligat per se , in susceptione Baptismi : & quando quis interrogatur de fide , ab autoritate publicâ , siue iure , siue iniuriâ. Per accidens obligat ratione aliarum virtutum v. g. obedientiæ , si legitimè imperetur à superiore , in susceptione episcopatûs , pastoratûs , canonicatûs , gradûs academici , &c. Ratione religionis , si ex fidelis taciturnitate , honor & cultus Dei periclitetur. Ratione charitatis , si immineat scandalum , vel periculum salutis proximi. Ratione veracitatis , si aliàs immineat periculum mendacij.

Fidei opposita peccata sunt infidelitas, apostasia, hæresis, &c.

93. *Infidelitas negativa est fidei carentia simplex, in eo, cui fides non est annunciata saltem sufficienter ut credere possit, & debeat.*

94. *Infidelitas privativa est carentia fidei, debita inesse ei cui fides est annunciata sufficienter ut credere possit, & debeat.*

95. *Infidelitas prava dispositionis est error in fide, cum pertinaciâ.*

96. *Error in fide est assensus falsi, in materiâ fidei; vel dissensus veri. ASSENSUS FALSI, æstimati veri: vel DISSENSUS VERI, æstimati falsi. In hac fidei materiâ,*

97. *Apostasia est recessio à christianismo; totâque fide catholicâ; per acceptionem iudaismi, atheismi, turcismi paganismi.*

98. *Hæresis est pertinax error in fide. Siue, est hominis christianismum profitentis erronea assertio pertinax, contra aliquod dogma fidei. CHRISTIANISMVM PROFITENTIS, ut excludatur error illius, qui per apostasiam deseruit christianismum: & includatur error non modò baptizati; sed etiam catechumeni, & illius, qui ex paganismo, aut iudaismo, immediatè transit ad hæreticos, non baptizantes, saltem validè. ERRONEA, quia hæresis est error in fide. ASSERTIO, quia furtum, fornicatio, simileve factum contra fidei veritatem, non est hæresis: nisi quis asserat illa non esse peccata. PERTINAX, & obstinata: nam si sit præparatio animi ad murandam sententiam, eamque subiiciendam iudicio Ecclesiæ, non erit hæresis. CONTRA ALIQUOD DOGMA FIDEI: nam error in alia materiâ, quàm fidei, non est hæresis: & si foret contra omnia dogmata, esset apostasia. Hic*

99. *Pertinacia est obstinata persistentia in sententiâ contra fidem, post sufficientem veritatis manifestationem.*

De Pontifice.

100. **P**ontifex est potens facere. Siue, est persona habens legitimam potestatem faciendi, id est sacrificandi.

101. Pontifex quâ talis, habet directè potestatem spirituales in totam Ecclesiam; & indirectè temporales. Quia scilicet potestas ipsius extendit se ad temporalia, quatenus sunt media ad finem supernaturalem: & quia finis potestatis temporalis subest fini spirituali, quem Pontifex debet ex officio curare.

102. Christi vicarius primus, & Ecclesiæ visibile caput fuit B. Petrus: cuius successor est Pontifex Romanus: qui legitimè electus, accipit immediatè à Deo potestatem suam, & est superior Concilio generali omnium orbis vniuersi Episcoporum; utpote totius Ecclesiæ caput.

103. Pontificis ex cathedrâ definientis iudicium de rebus fidei & morum, est infallibile, iuxta illud Lucæ 22. *Ego rogaui pro te, ut non deficiat fides tua. Et tu aliquando conuersus, confirma fratres tuos.* Similis infallibilitas est in pontificiâ canonizatione Sanctorum. Quæ

104. *Canonizatio est solennis declaratio sanctitatis, & beatitudinis defuncti.* Siue, est hominis defuncti relatio in canonem sanctorum, numerum & catalogum. Itaque Canonizatio est publicum Ecclesiæ testimonium, de sanctitate & beatitudine defuncti; & decretum de exhibendis ei Sanctorum honoribus.

105. *Pontifex definit ex cathedrâ, quando ut Pontifex proponit Ecclesiæ, in materiâ fidei, & morum, aliquid tenendum, sub penâ anathematis.* EX CATHEDRA, non Moyfi, sed Christi: id est, ex supremâ autoritate Ecclesiam docendi, acceptâ à Christo. Ut PONTIFEX, non ut priuata persona. PROPONIT ECCLESIAE vniuersali, non dubitanter; sed assue- rante, & certò. IN MATERIA FIDEI, tanquam reuelatum à Deo. ET MORVM, tanquam agibile,

moraliter per se bonum, aut malum; virtuosum, vel vitiosum.

106. Itaque Pontifex ex cathedrâ definiens, non potest errare in qualificatione propositionum fidem concernentium; decernendo v. g. propositionem esse hæreticam, erroneam, &c.

107. *Propositio hæretica est propositio fidei contraria: & opposita dogmati fidei.*

108. *Propositio erronea est propositio, opposita propositioni fidei proxima.*

109. *Propositio temeraria est propositio opposita communi prudentium iudicio, in materiâ fidei; destituta solido fundamento.*

110. *Propositio male sonans est propositio opposita circumspecto sermoni, in argumento controuerso cum hæreticis.*

111. *Propositio periculosa est propositio, ex quâ facile possunt deduci consequentia contra fidem.*

112. *Propositio errorem sapiens est propositio, quæ non potest excusari à falsitate in fide, nisi futile euasione.*

113. *Propositio scandalosa est propositio nata inducere infirmos in errorem fidei, & ruinam spiritualem.*

114. *Propositio piarum aurium offensiva est propositio, aduersans cultui Dei, sanctorumque.*

De Ecclesia.

IN genere sumpta

115. *Ecclesia est cætus angelorum & hominum, Dei cultu coadunatus, sub Christo capite. ECCLESIA comprehendens militantem, triumphanrem, & patientem. EST COETVS multitudo adunata, & vocatorum congregatio ordinata. ANGELORVM viatorum, beatorumque, ET HOMINVM viuentium fidelium; defunctorum, in limbo vel purgatorio existentium; & in cælo beatorum. DEI veri CVLTV legitimo COADVNATVS. Omnia enim membra Ecclesiæ, vnius veri Dei cultu patriæ, tanquam spirituali compâge, inter se uniuntur. SVB CHRISTO CAPITE mystico. Nam*

Deus Pater proposuit instaurare omnia in Christo, quæ in calis, & quæ in terra sunt. -- Et ipsum dedit caput suum, pro omnem Ecclesiam, quæ est corpus ipsius. Ephes. 1. Ipse est caput corporis Ecclesia. Colos. 1. Est caput omnis principatus, & potestatis. Colos. 2.

Ecclesia militans accipitur duobus modis; latè, & strictè. Latè accepta comprehendit omnes fideles legis naturæ, veteris, & novæ. Sic accepta,

116. *Ecclesia militans est cætus hominum eiusdem veri Dei cultu, fideique professione coadunatus, sub capite Christo, legitimisque superioribus, sacramentis, sacrificijs, ac cæremonijs. MILITANS, spiritualiter pugnans contra salutis suæ hostes, mundum, carnem & dæmonem; auxilioque diuino eos vincere satagens. LEGITIMISQUE SUPERIORIBVS, &c. quamvis diuersis. Nam superiores, sacramenta, sacrificia, & cæremoniæ erant diuersa in lege naturæ, Mosaicâ, & Euangelicâ. Huiusque ecclesiæ militantis membra erant, non tantum Iudæi (stante etiam lege Mosaicâ) sed & Melchisedech, cum suâ familiâ; Iob cum filiis numerosâque progenie; aliarumque gentium fideles, non agnoscentes pro religionis superiore Pontificem synagogæ; nec usurpantes cæremonias iudaicas.*

Strictè sumpta, novæque legis

117. *Ecclesia militans est cætus hominum, eiusdem Dei cultu, fideique professione coadunatus, sub Christi vicario, Pontifice Romano. FIDEIQUE eiusdem, quoad dogmata, sacrificium, & sacramenta, PROFESSIONE, tanquam spirituali compagne COADVNATVS. SVB CHRISTI semper viventis, supremumque ac sempiternum sacerdotium habentis VICARIO; Christi vices gerente, non successore.*

118. *Ecclesia patiens est cætus animarum fidelium, sub Christo capite, patiens pœnam damni tantum, vel sensus simul. COETVS veri Dei cultu, fideque coadunatus. ANIMARVM corpore solutarum. FIDELIVM, præditarum habituali actualique fide, necdum euacuata per visionem beatificam, quam sperant. PATIENS, & propriè satisfaciens, toleransque pœnam promeritam*

adæquatam. Patiens inquam, vel PŒNAM DAMNITANTVM, non sensus inflictam ab igne, alioue externo cru-

119. ciente. * Qualem pœnam damni, animæ existentes in limbo, & sinu Abrahæ patiebantur, ex carentiâ visionis beatificæ; & ex illius dilatione affligebantur, tolerabantque hos inferni dolores, vt loquitur Actor. 2. D. Petrus. Sed (iuxta Lucæ 16.) missos consolatione futuræ beatitudinis, cum perfectâ subiectione voluntatis suæ, ad diuinam. Patiebantur inquam, donec eò descenderet Christus; & *solutis do-*

120. *loribus inferni*, eos bearet. * Huic Patrum cœtui accensendus venit exiguus numerus animarum Purgatorij, nullam amplius patiens pœnam sensus; sed in vestibulo Paradisi consistens. VEL SENSVS SIMVL, quam pœnam damni & sensus, animæ Purgatorij ordinariè patiuntur.

121. *Ecclesia triumphans est cœtus angelorum, hominumque beatorum, Dei cultu condunatus in cœlo, sub capite Christo.*

122. *Schisma est baptizati discessio ab unitate Ecclesie, retentâ christianæ fidei professione.*

123. *Schismaticus est baptizatus, separans se ab unitate Ecclesie: capitis scilicet, aut membrorum.*

124. Iuxta Clementem Alexandrinum, & Augustinum, Ecclesia est instar humani corporis animati. Illius anima est fides, spes, charitas, & dona Spiritus-Sancti: corpus est externa professio fidei, communio Sacramentorum, agnitio Romani Pontificis, tanquam capitis. De animâ tantum, sunt catechumeni, habentes votum Baptismi, fidem, spem, & charitatem. De corpore tantum, sunt hæretici occulti. De corpore & animâ sunt baptizati iusti.

125. Ab Ecclesiâ nouæ legis excluduntur primò omnes infideles, turcæ, iudei, hæretici aperti, & apostatæ: quia non habent fidei christianæ professionem. Secundò catechumeni, & excommunicati; quia non habent eorundem sacramentorum communionem: ad quæ isti non sunt admissi: hi sunt dimissi. Tertio scis-

216. *Breniary Theologici Pars II. II.*

matici, quia non subdunt se Romano Pontifici absolute, vel non cum hierarchicâ subiectione ad legitimos sub eo episcopos: vti fecerunt Donatistæ, deficientes à Cæciliano Carthaginensi.

126. Sunt quatuor præcipuæ notæ Ecclesiæ nouæ legis: *vna, sancta catholica, & apostolica.*

127. *Nota Ecclesiæ est signum externum, quo vera Christi Ecclesiæ dignoscitur, & à profanis cæribus distinguitur.*

128. *Vna*, in se indiuisa: quia membra illius sunt inter se, & cum capite vnita. Item *Vna*, vnica: quia non sunt plures Ecclesiæ, neque permanentes, neque successiuæ: est enim à tempore Christi, imò ab initio mundi, vsque ad finem, idem ecclesiæ corpus cõtinuum; per partes, absque interruptione, sibi succedentes.

129. *Sancta*, quia caput ipsius Christus, est sanctus sanctorum: quia fides, doctrina, eique conformes mores; sacrificium, sacramenta sunt sancta: in eâ solâ est vera sanctitas: omnes qui in eâ sunt, vocati sunt sancti; id est, vocatio omnium illorum est ad sanctitatem.

130. *Catholica*, vniuersalis vniuersitate temporum, locorum, & hominum. *Temporum*, quia à sui institutione, vsque ad mundi consummationem, omni tempore durat. *Locorum*; quia est per totum orbem successiuè dispersa. *Hominum*, quia complectitur omnis nationis homines,

131. *Apostolica*, quia apostolorum prædicatione fundata, illorum fidem doctrinamque inuiolatam tenet: quia apostolorum principi Petro, eiusque legitimo successori Romano Pontifici, continuâ successione adhæret.

De conciliis.

132. **C**oncilium est congregatio præsulum ecclesiasticorum, legitimâ authoritate conuocatorum, ad tractandum de rebus Ecclesiæ grauioribus.

133. *Concilium œcumenicum est congregatio episcoporum vniuersa Ecclesiæ, à Pontifice conuocatorum, grauioris rei tractanda causâ: eodem Pontifice, per se, vel legatos, præidente.*

134. *Concilium nationale est congregatio episcoporum totius regionis, à patriarchâ, vel primare convocatorum.* REGIONIS, regni scilicet, aut nationis; continentis plures episcopos, & archiepiscopos.

135. *Concilium provinciale est congregatio episcoporum, & pralatorum unius provincie, à metropolitano convocatorum.* PROVINCIAE rectè ab vno archiepiscopo, siue metropolitano.

136. *Concilium diocesenum est congregatio pralatorum & presbyterorum unius diœcesis, ab episcopo convocatorum.* Vtimur hic terminis Concilij nationalis, provincialis, & diocesani, ad sensum nomenclaturæ modernæ: antiquitûs fuit nonnulla in illis variatio.

De traditione.

Generaliter, & indistinctè sumpta
137. *Traditio est doctrina, ab uno alteri communicata, vivâ voce, vel scripto.* Sic accipitur 2. Thessal. 2. *Tenete traditiones, quas accepistis, siue per sermonem, siue per epistolam.* Et Actor. 6. *Mutabit traditiones, quas tradidit nobis Moyses.*

Distinctè, contra doctrinam scriptam, sumpta

138. *Traditio est doctrina, vivâ voce communicata, & in posteros transfusa.*

139. *Habitâ ratione materiæ, potest in novâ lege statui triplex traditio; fidei, rituum, & morum.*

140. *Traditio fidei est viva vocis doctrina fidei, in posteros transfusa.*

141. *Traditio rituum est viva vocis doctrina caeremoniarum Missæ, sacramentorum, & sacramentalium, in posteros transfusa.*

142. *Traditio morum est vive vocis doctrina festorum, ieiuniorum, & observantiarum salutarium; in posteros transfusa.*

Conformiter explicandæ sunt traditiones legis naturæ, & Mosæicæ.

143. *Habitâ ratione authorum, iterum est triplex traditio: divina, apostolica, & ecclesiastica.*

Traditio diuina est ipsum verbum Dei traditum, & non scriptum. Siue

144. *Traditio diuina est fidei doctrina, diuinitus hominibus reuelata, & ab ijs viuâ voce transfusa in posteros: absque scripto authoris hagiographi. Eiusmodi traditio fuit remedium, diuinitus institutum, contra peccatum originale, in lege naturæ pro omnibus; & in Moisaicâ, pro femellis,*

145. *Hæc traditio diuina est duplex: vna externa, altera interna; pro modo reuelationis, exterius vel interius factæ: significante id ipsum Concilio Trid. sess. 4. in decreto de canonicis libris scriptis, & sine scripto traditionibus: qua ab ipsius Christi ore, ab Apostolis accepta; aut ab ipsis Apostolis, Spiritu-Sancto dictante, quasi per manus tradita, ad nos usque perueniunt. Et infra ait se suscipere Traditiones, tum ad fidem, tum ad mores pertinentes, tanquam vel ore tenus à Christo, vel à Spiritu-Sancto dictatas, & continuâ successionem in Ecclesiâ catholicâ conseruatas. Itaque*

146. *Traditio diuina externa est fidei doctrina, ore Christi exterius reuelata apostolis; & ab ijs, viuâ voce fidelibus transfusa, absque scripto authoris hagiographi. Eiusmodi est doctrina de materiâ, formâ, ministro quorundam sacramentorum: de numero illorum: de baptismo infantium, &c.*

147. *Traditio diuina interna est fidei doctrina, à Spiritu-Sancto interius dictante reuelata apostolis; & ab ijs, viuâ voce transmissa fidelibus, absque scripto authoris hagiographi. Eiusmodi est doctrina de inuocatione Sanctorum: de cultu sacrarum Imaginum: de perpetuâ virginitate B. Mariæ, &c.*

148. De utrâque hac traditione diuinâ ait Apostolus 1. Thess. 2. *Cum accepissetis à nobis verbum auditus Dei, accepistis illud, non ut verbum hominum; sed (sicut est verè) verbum Dei.*

149. *Traditio apostolica est obseruantia sacra, vel salutaris, ab Apostolis viuâ voce transmissa fidelibus; ad ritus religiosos, moresque fidelium formandos. Prioris membri exemplum sunt cæremoniæ Missæ, Sacramentorum,*

&c. Posterioris, est observatio diei dominicæ, quadragesimæ, &c.

150. *Traditio ecclesiastica est observantia salutaris, que sensim obtinuit vim legis, vel spontanea consuetudinis.* OBSERVANTIA ab antiquis ecclesiæ prælatis, vel populo christiano introducta. OBTINUIT VIM LEGIS v. g. ieiunium quatuor temporum : observatio festorum : abstinencia à carnibus, ovis, lacticinijs, &c. SPONTANEA CONSUETUDINIS laudabilis v. g. usus & mos formandæ crucis, asperisionis aquæ benedictæ, cinerum, &c.

De Spe.

AD maiorem elucidationem spei theologicæ, præmittenda est definitio spei naturalis. Itaque

151. *Spes est efficax desiderium absentis boni, ardui, possibilis: cum fiducia illius assequendi.* Quia est efficax desiderium, differt à velleitate, & amore simplici : quia boni, differt à timore : quia absentis, à gaudio : quia ardui, ab appetitûs concupiscibilis cupiditate : quia possibilis, à desperatione. Item

Spes est motio appetitûs, bonum absens, arduum, possibile, efficaciter prosequens, cum fiducia assecutionis MOTIO,

operatio, quâ agens se reducit de potentiâ ad actum.

APPETITVS, tam sensitivi irascibilis, quàm rationalis.

BONVM per se, siue ens conueniens, sui gratiâ appetibile.

ABSENS, non adeptum, nec possessum ; ad quod

spes dicit tendentiam, & anhelationem : sicut è diuerso

gaudium, delectatio, & fruitio dicit quietem in bono

adepto, & possessio ARDVVM, difficile adeptu ; tamen

POSSIBILE adeptu, viribus proprijs, alienoue auxilio.

EFFICACITER PROSEQUENTIS, efficaci desiderio ad

illud bonum anhelantis, & cum electione medijs neces-

sarij. CVM FIDUCIA ASSECUTIONIS: aliàs sequeretur

desponsio animi, & desperatio ; si fiducia abforet.

Spes accipitur pro habitu, actu, obiecto : item pro eo,

à quo bonum speratur, tanquam principali authore,

Deo: vel merente, Christo: vel impetrante, B. Mariâ.

Cæterum infusa & diuina.

152. *Spes est virtus theologica, quâ beatitudini aeternæ, per ordinata media assequenda fiducia habetur.* VIRTUS, habitus bonus, reddens habentem, actumque ipsius bonum. THEOLOGICA, divinitus infusa, pro immediato obiecto habens Deum, ut summum bonum nostrum; cuius possessione beandi sumus. QUA, tanquam principio supernaturali, elicitiuo operationis, eleuante voluntatem ad actum supernaturalem. BEATITUDINIS AETERNÆ obiectiua: siue Dei, vltimi finis nostri, possidendi per visionem beatificam, formalemque beatitudinem. PER ORDINATA à Deo MEDIA ASSEQUENDÆ: nam hæc spes theologica est desiderium efficax finis vltimi, per media assequendi. FIDUCIA HABETUR. Quæ

153. *Fiducia est promptitudo voluntatis, orta ex persuasione assequendi boni, & superandi mali.* PROMPTITUDO, actus voluntatis, expedita à diffidentiâ, torpore, alioque impedimento. ORTA EX intellectu persuasione superandi difficultates omnes in adipiscendo bono arduo, & simili malo vitando. Item theologica.

154. *Spes est virtus diuinitus infusa, per quam certam fiduciâ, nostra salutis, & aeterna visa bona expectantur.* DIVINITUS INFUSA per se: quia non est acquisibilis viribus naturæ; nec potest aliter haberi, quam à Deo, eam infundente animæ. PER QUAM, tanquam elicitiuum principium operationis supernaturale. CERTA, certitudine non fidei, neque absolutâ; sed morali, excludente hæsitantiam, & fluctuationem inordinatam. Est autem spei theologicæ fiducia, certa ex tribus capitibus. Primò ex obiecto, quod est infallibile & certissimum. Secundò ex modo tendendi in idem obiectum: nam spes voluntatem inclinat & dirigit in rem speratam, non hæsitanter, diffidenter, & formidolosè; sed promptè, confidenter, & certò. Quemadmodum enim naus fundatur & stabilitur per anchoram; ita & sperantis animus per *spem: quam sicut anchoram habemus anima tutam ac firmam* Heb. 6. Tertiò ex suppositâ fide omnipotentiae Dei, miseri-

cordiæ, promissionis, veracitatis, & auxilij : quod iuramento pollicitus est nobis, ad assequendas res speratas : vti vrget Apostolus Heb. 6. & 11. affirmans quod *fides est sperandarum substantiarum rerum*. Vnde quod fidelis credit in comuni per fidem ; idipsum in particulari sibi applicat sperans, per fiduciam. Itaque certâ CVM FIDUCIA expeditâ promptitudine voluntatis, NOSTRÆ SALVTIS bona expectantur : scilicet gratia diuina actualis, & habitualis ; sacramenta, merita, perseuerantia, omniaque assequendæ beatitudinis media: quæ sunt secundarium spei obiectum. Et ÆTERNÆ VITÆ BONA, beatitudinis cælestis. Hæc enim beatitudo obiectiua, siue Deus, vt summum bonum nostrum, cuius possessione beandi sumus ; est primarium spei obiectum, EXPECTANTVR : ista salutis nostræ, vitæque æternæ bona, non ex proprijs viribus ; sed ex auxilio diuino obuentura spectantur. Nam

155. *Expectare est futurum quid, ex alio obuenturum spectare*. Vnde non omnis spes est expectatio : sed tantum illa, quæ est boni, auxilio alterius obuenturi. Illa autem, quæ est boni, proprijs viribus adipiscendi, non est propriè expectatio.

156. Spei theologicæ obiectum materiale primum, est beatitudo obiectiua : id est, Deus visione beatificâ possidendus, & fruendus. Secundarium autem obiectum est omne medium assequendæ beatitudinis : quod vt tale speratur propter bonitatem finis.

Eiusdem spei obiectum formale, iuxta D. Thomam, est auxilium diuinæ potestatis, & pietatis : secundum alios est increata bonitas Dei. Nam spes fertur in Deum, summum bonum nostrum, sub ratione formali bonitatis.

157. *Sperare est boni ardui obtinendi fiduciam habere*,

158. *Spes viua est spes animata gratia habituali, & charitate*.

Aliter vocatur spes formata. Hæc autem

159. *Spes formata est spes gratiâ habituali, & charitate informata* : id est, habens iunctam gratiam, & charita-

tem, tanquam sui formam extrinsecam: iuxta præcedentem n. 28. Spes enim, & quæcumque alia virtus formatur à charitate, & gratiâ: quia constituitur in esse perfectæ virtutis; & ipsius actus fit de condigno meritorius vitæ æternæ.

160. *Spes informis & mortua est spes destituta gratiâ & charitate.* Hæc spes informis, est reuera virtus: quia est habitus inclinans ad actum honestum, sub ratione honesti: & formaliter est principium actûs moraliter boni. Non est tamen perfecta virtus: quia habentem non coniungit ultimo fini.

Peccatum oppositum spei per defectum, est desperatio. Hæc autem

161. *Desperatio est actus appetitûs, fugientis bonum absens, tanquam impossibile adeptu.* APPETITVS irascibilis sensitui, vel rationalis. IMPOSSIBILE absolute, vel moraliter, id est nimis difficile adeptu: & consequenter apprehensum vt incommodum, & sub ratione mali. Spei theologicæ opposita

162. *Desperatio est diffidentia beatitudinis per media assequenda.* Siue, est diffidentia assequendi beatitudinem, mediâ autem ad illam. Itaque est duplex desperatio: vna est diffidentia versans circa ipsam beatitudinem: alia circa media, necessaria ad illam assequendam. Hæc autem

163. *Diffidentia est animi desponsio, orta ex persuasionem impossibilitatis assequendi boni, malum vitando.*

Quia Deus est spei theologicæ obiectum, tendentia in illud non potest esse excessiua; neque potest quis nimis sperare in Deo: sed modus tendendi in Deum potest esse excessiuus; quia scilicet per media inordinata. Sic spei per excessum opposita

164. *Presumptio est temeraria expectatio beatitudinis, mediis sive illius.* TEMERARIA, inconsulta, futilis, malèque fundata. Temeraria inquam, ex duobus capitibus præcipuè scilicet innitendo nimium proprijs viribus; vel innitendo inordinate diuinæ misericordiæ, & potentiae

165. *Spes fertur in Deum, amore concupiscentiæ,*

eique afficitur in commodum proprium: idque ex ordinatissimo instituto Dei, quo se nobis proposuit tãquam summum bonum nostrum, vltimumque finem. Itaque per spem non referimus Deum ad nos, tanquam ad finem; sed illum nobis appetimus, tanquam nostrum vltimum finem. Et consequenter illius adeptionem, visionem, fruitionemque beatificam, nos, nostraque omnia referimus ad ipsum: quia vltimi finis gratiã, omnia alia fiunt.

166. Præceptum spei obligat per se, quando necessitas eliciendi actûs spei, oritur directe & immediate ex ipsius præcepto, non aliunde. Vti quando quis initio vsûs rationis, vel prædicationis fidei, sufficienter illuminatur circa supernaturalem beatitudinem. Item quando vrget periculosa tentatio contra spem: & per vitam toties, vt moraliter loquendo omissio actûs spei, non censeatur esse interpretarius contemptus summi boni nostri.

167. Præceptum spei obligat per accidens, quando necessitas eliciendi actûs spei oritur non immediate, & directe ex ipso præcepto spei; sed aliunde: scilicet ex præcepto alterius virtutis obligantis, ad cuius exercitium est necessarius spei actus; saltem virtualis: v. g. præcepto contritionis, orationis, sanctificationis sabbati, &c. Item quando vrget vehemens tentatio, alia quàm contra spem; cui succumbere est evidens periculum, nisi eliciatur actus spei, ad illam superandam.

De timore.

CVM ad eandem virtutem pertineat boni prosecutio, & fuga mali contrarij; ideo ad spei considerationem spectat timor, definitus 1. 2. n. 125. & 178. Itaque

168. *Timor est motio appetitus, malum imminens auersantis* EST MOTIO, appetitûs sensitivi irascibilis passio: vel appetitûs rationalis affectio. MALVM absens, arduum, imminens, saltem apprehensum vt tale.

224 *Breniarij Theologici Pars II. II.*

Timor vnus est mundanus, alius seruilis, initialis, filialis, & reuerentialis.

169. *Timor mundanus est motio voluntatis, malum temporale fugiens, mediante peccato. Siue, est fuga temporalis mali, per offensam Dei. Nam hoc mundano timore perculsa voluntas, resoluta est offendere Deum, ad amoliendum temporale malum.*

170. *Timor seruilis est motio voluntatis: fugientis peccatum, ut pœna causatiuum. Siue, est fuga peccati, ut pœna causatus: non ut offensæ Dei.*

171. *Timor seruilis cum seruitute est fuga peccati, ut pœna causatus: cum affectu illius committendi, si hac abesset.*

172. *Timoris seruitas est astimatio pœna peccati, præ culpa: & resolutio huius committenda, si illa abesset.*

173. *Timor seruilis absque seruitute, est fuga peccati, ut pœna causatiui; sine affectu illius committendi, si hac abesset.*

174. *Timor initialis est fuga peccati, ut mali culpa; secundariò ut causatiui pœna. INITIALIS, sic dictus, quia competit incipientibus ambulare viam mandatorum Domini: qui partim ducuntur virtutis amore, partim formidine pœnæ. Et quia Institutum sapientia, timor Domini, Psal. 110. Timor castus, siue*

175. *Timor filialis est motio voluntatis, auersantis offensam Dei, ut patris, & ab eo separationem.*

176. *Timor reuerentialis est motio voluntatis, in cultu diuino indecentiam sollicitè cauentis. INDECENTIAM, agendi modum, minus decentem diuinam maiestatem & propriam colentis submissionem.*

De Charitate.

177. **C**haritas est virtus theologica, quâ Deus propter se diligitur: & proximus, propter Deum. Est VIRTUS, quia est habitus bonus, reddens habentem, actumque illius bonum. Estque perfecta virtus, quia habentem coniungit fini vltimo; datque perfectionem alijs virtutibus, tanquam illarum forma. Imò est omnium

omnium virtutum excellentissima, tam in genere naturæ, quoad physicam suam entitatem, & perfectionem in esse habitus : quàm in genere moris, quoad moralem honestatem, & bonitatem. THEOLOGICA, habens Deum, pro immediato obiecto. QUA, tanquam principio elicitiuo supernaturali voluntati superaddito. DEVS PROPTER SE, non propter bonitatem accidentalem, essentiæ diuinæ superadditam : sed propter suam bonitatem essentialem : quæ scilicet bonitas, est essentia diuina, & Deus ipse : DILIGITUR, volendo ei suum summum bonum, & complacendo in eo. Diligitur, inquam, Deus ex toto corde, ex totâ mente, ex totâ animâ, ex omni virtute. ET PROXIMVS, quævis creata persona intellectualis, particeps aut capax æternæ beatitudinis, *diligitur* complacendo in bono, quod habet ; & desiderando ei bonum quod nondum habet. Diligitur, inquam, à nobis ; sicut nos diligimur à nobis ipsis. PROPTER DEVM, propter essentialem bonitatem diuinam, participatam à proximo, & relucens in eo.

178. *Diligere aliquem, est ei velle bonum* : in eo complacendo, si adsit ; eiùs desiderando, si absit.

179. *Diligere, & amare*, passim accipiuntur vt synonyma : Ciceroni tamen, alijsque purioris Latij authoribus *Amare* est ex merâ beneuolentiâ diligere valde.

180. *Diligere Deum, est ei velle summum suum bonum*, & in eo complacere : *propter se*, propter essentialem suam bonitatem. Nam Deus est diligendus, non propter bonitatem accidentalem, essentiæ suæ superadditam : sed propter suam bonitatem essentialem : quæ scilicet est suamet essentia diuina, & Deus ipse.

181. Est insuper diligendus propter se, non propter aliud, tanquam finem ; quia ipse est vltimus finis, aliud non referibilis ; cuius gratiâ omnia alia fieri debent.

182. *Diligere Deum super omnia, est eum proponere omnibus* : amicitiam illius præferendo omnibus bonis ; & omnia mala postponendo offensæ illius.

183. *Diligere Deum ex toto corde, est eum sincere, &c.*

perfectè diligere. In verbis *ex toto corde*, includuntur verba sequentia *ex tota mente*, *ex totâ animâ*, &c: quæ adduntur maioris explicationis, & emphasis gratiâ. Si autem accipiantur vt condistincta; tunc *ex toto corde*, est idem, quod *ex totâ voluntate*: *ex totâ mente*, intellectu: *ex totâ animâ*, appetitu sentiui: *ex omni virtute*, siue *ex omnibus viribus*, siue *ex totâ fortitudine*, pro virili, ex omnibus potentijs & facultatibus interioribus & exterioribus; ita scilicet vt voluntas, intellectus, appetitus sensitivus irascibilis & concupiscibilis; omnes sensus interiores & exteriores sint Deo subditi; inque nihil ferantur, quod non sit conforme legi divinæ.

184. *Noster proximus est quavis creata persona intellectualis, æterna beatitudinis particeps, vel capax.* PARTICEPS, vt angelus, homoque beatus: CAPAX, vt anima purgatorij, homoque viator. Vnde proximus noster non est dæmon, nec damnatus: quia per decretoriam Dei sententiam vterque est à beatitudine exclusus: quam proinde illi charitate velle non possumus.

185. *Diligere proximum est ei velle bonum*, per affectum benevolentiae, & effectum beneficentiae. BONUM beatitudinis æternæ, & media ad illam: bonum illud desiderando proximo, si non habet & in eo complacendo, si habet.

186. *Diligere proximum, propter Deum, est proximo velle bonum, propter essentialē bonitatem divinam, ab eo participatam, & in eo relucētem: tanquam beatitudinis particeps, aut capax.*

187. *Diligere proximum, sicut seipsum est eum diligere ad instar sui.* Vt quis sibi benè vult, & benè facit, secundum animam & corpus; ita etiam proximo benè velit, & benè facit, secundum animam & corpus; ita etiam proximo benè velit, & benè faciat, præstando illi affectum effectumque salutarem.

188. Itaque *Sicut* hic non significat æqualitatem, sed similitudinem: & sui dilectio est exemplar & regula dilectionis proximi, non è diuerso. Et quia regula est potior eo, quod illi commensuratur; hinc

consequens est, quòd vnusquisque debeat se magis diligere, quàm proximum. Itaque in hoc præcepto implicite mandatur dilectio sui, tanquam exemplar, & mensura dilectionis proximi.

Cæterùm charitas hominis ad seipsum, non est proprie amor amicitiae, qui tendit in alterum : sed est quid amicitia maius, quod est forma amicitiae creatæ.

Quæ

189. *Amicitia est reciprocus amor benevolentia. Siue, est plurimum mutua benevolentia.* PLVRIVM, vt minimum duorum, MUTVA & reciproca BENEVOLENTIA, volitio boni, in commodum amati. Benevolentia, inquam, mutua; fundata in peculiari communione sanguinis, religionis, patriæ, ciuitatis, eruditionis, militiæ, &c.

190. Charitatis obiectum materiale est Deus, nos ipsi, & proximus noster : formale est essentialis infinita bonitas diuina : quæ est Deus ipse. Et consequenter charitas nostri, & proximi, est virtus theologica : utpote habens Deum pro immediato obiecto formali. Quod quia vnicum est, ideo est vnicus habitus charitatis : nam vnitas diuersitasque habituum desumenda est ab vnitae diuersitateque obiecti formalis.

191. Hic *bonitas diuina* non est vnicum particulare attributum diuinum; sed absolutissimum complementum omnium attributorum, & infinitarum perfectionum diuinarum. Ideoque charitas superat omnes alias virtutes, etiam fidem & spem theologicas : quia attingit Deum, sub perfectiori ratione formali. Fides enim illum attingit, sub ratione formali vnici attributi, scilicet primæ veritatis reuelantis. Spes autem sub ratione bonitatis diuinæ, complectentis quidem omnes perfectiones diuinas; non tamen vt infinitas, sed limitatas : quatenus scilicet Deus est summum bonum nostrum, limitatâ visione beatificâ possidendum.

Inter obiecta materialia charitatis, Deus est magis diligendus appetitiuè, & obiectiuè; non autem necessariò intensiuè.

192. *Diligere unum plus alio obiectivè, est ei velle maius bonum: ei desiderando illud, si absit: & in eo complacendo, si adsit.*

193. *Diligere unum plus alio appreciativè, est illud plus aestimare, & maiori in precio habere.*

194. *Diligere unum plus alio intensivè, est ei bonum velle conatu maiore, & amore ferventiore.*

195. Charitatis habitus inclinatur suppositum suum, ad diligendum Deum, magis quàm seipsum, & proximum, obiectivè, & appreciativè: non autem intensivè. Quia est simplex habitus, æquè intensus, ut respicit proximum, ac Deum: ideoque æquali pondere movet voluntatem, ad actualem utriusque dilectionem; secundum totam suam latitudinem habituales (quod clarum est in beatis, Deum & proximum sic diligentibus:) actibus tamen in perfectione disparibus, & modo utrique proportionato; ita scilicet ut Deus diligatur super omnia, & proximus ut nos ipsi.

196. Charitas est forma extrinseca omnium aliarum virtutum, quia eas format in esse veræ perfectæque virtutis, dando illud esse: imperando etiam illarum actus, referendoque ad proprium suum obiectum, Deum; reddit eos, vitæ æternæ meritorios. Est enim charitati proprium, tanquam reginæ virtutum, & versanti circa ultimum finem, imperare actus aliarum virtutum. Hoc autem

197. *Imperium charitatis est applicatio virtutum, ad eliciendos, actus, ex motivo charitatis, affectuque ultimi finis.*

198. Nihilominus inferiores virtutes possunt imperare actus charitatis, virtutumque superiorum: id est, Voluntas potest sibi, alteriusve potentiae imperare, ut eliciat actum charitatis, alteriusve virtutis superioris, ad assequendum finem virtutum inferiorum, ipsarumque virtutes inferiores. Tunc enim

199. *Virtus una imperat actum alterius, quando voluntas se, aliamve potentiam applicat ad producendum actum secundum, ex motivo primæ; ad eam assequendam, eiusque finem. v.g. castitas imperat actum religionis,*

quando volo offerre sacrificium Misse Deo, ad assequendum castitatem, eiusque finem, id est moderamen affectus voluptatum carnalium.

200. Est ordo in charitate, & inter illius obiecta materialia, vnum debet præ alio diligere. Scilicet primò Deus super omnia. 2. anima propria. 3. anima proximi. 4. vita, corpusque proprium. 5. vita corpusque proximi. 6. honor, fama, bonaque temporalia propria, exinde proximi. Vnde charitas obligat, ut proximo in extremâ necessitate spirituali constituto succurratur, cum periculo vitæ propriæ. Eidemque proximo, in extremâ necessitate corporali constituto succurratur cum iacturâ bonorum temporalium, statui proprio necessariorum, sed vitæ propriæ superfluatorum.

201. Censetur autem proximus esse in extremâ necessitate spirituali, respectu mei; quando nisi cum iuvero, certò ei imminet æterna damnatio: à quâ non potest se eripere, nec est eripiendus ab alio, quantumvis potente & debente. In eiusmodi necessitate foret infans, sine baptismo moriturus.

202. Inter proximos, illi sunt magis appretiativè diligendi à nobis, & in necessitate prius iuvandi subsidio spirituali, vel temporali; qui nobis sunt coniunctiores, coniunctione spirituali, carnali, vel civili. Iuvandi inquam, per bona spiritualia, vel temporalia, quæ tali coniunctioni respectivè debita sunt. In coniunctione quidem carnali, hoc ordine pater, mater, filius, coniux (vel, coniux, filius) consanguinei secundum gradum suum: itidem affines: amici, inimici. In coniunctione spirituali, simili ordine: pater spiritualis, filius, frater, &c. In coniunctione civili: pater, mater, filius familias, &c. Violatio huius ordinis, in casu necessitatis aliquando foret mortalis, aliquando venialis.

203. Præceptum dilectionis Dei obligat per se, quando necessitas eliciendi actus dilectionis, oritur directè & immediatè ex præcepto charitatis, non aliundè. v.g. primò quando initio vsus rationis, homo sufficienter illuminatur circa Deum, ut summum

bonum. 2. in articulo mortis. 3. quando virget vehemens tentatio odij Dei; ita vt sit periculum consensûs, nisi eliciatur actus dilectionis. 4. aliquoties per vitam; & quidem toties, vt omissio dilectionis non possit censeri interpretatiuus contemptus Dei, summè diligibilis Probabiliter singulis octiduis, conformiter ad institutionem Dei, sabbatum præcipientis, & qualibet hebdomade se coli volentis.

204. Idem præceptum dilectionis Dei, obligat per accidens, quando necessitas eliciendi actûs dilectionis, oritur non directè & immediatè ex præcepto charitatis, sed aliunde. v. g. primò quando elicienda est contritio, actuali charitate perfectâ. 2. quando ex obligatione exercendi sunt actus religionis, orationis, &c. 3. quando est evidens periculum succumbendi alteri peccato mortali, quàm contra charitatem; nisi eliciatur actus dilectionis Dei.

205. Præceptum dilectionis proximi, obligat per se, primò post vsum rationis, sufficientemque huiusce obligationis notitiam. 2. in casu necessitatis spiritualis temporalisve proximi. 3. quando proximus petit reconciliationem. 4. quando virget tentatio inimicitie proximi, cum periculo consensûs, nisi eliciatur actus dilectionis. 5. aliquoties per vitam: & quidem toties, vt omissio actus dilectionis non censeatur interpretatiuus contemptus proximi, illiusve tacitum odium.

206. Idem præceptum dilectionis proximi obligat per accidens, quando aliarum virtutum actus, sunt ex præcepto exercendi v. g. correptionis fraternæ, orationis, &c. qui sine actu dilectionis proximi, non possunt debitè exerceri.

207. Quando præceptum charitas obligat per se, tunc omissio dilectionis, est speciale peccatum contra charitatem. Secus est, quando obligat tantum per accidens: tunc enim est peccatum contra virtutem illam, cuius actus elici debebat: vel coalescit cum peccato, cuius periculo quis se exponit. Idem censendum est, de ommissione actuum fidei, spei, &c.

De misericordia, & Eleemosyna.

Charitati affinis virtus est misericordia : & hæc
208. *Misericordia est virtus inclmans voluntatem,
ad aliena miseria compassionem, & sublevationem.*

209. *Actualis misericordia est aliena miseria volun-
taria compassio, & subleuatio.* MISERICORDIA, sic
dicta à miserante corde : quia cor miseretur, constri-
gitur, & dolet de miseriâ alienâ. MISERIAE, nam
motium misericordiæ, est miseria. COMPASSIO
cum patiente passio. Hæc autem

210. *Compassio est tristitia de miseria aliena.* Nam
ratione coniunctionis, amicitiae, & charitatis, malum
alienum tanquam proprium æstimamus ; ideoque pa-
tienti compatimur.

211. *Miseria est malum, voluntati naturae contra-
rium.* MALVM, quid disconueniens, & dissentaneum.
CONTRARIVM VOLVNTATI actuali, vel ei, quam
quis haberet actu, si malum bene perpenderet NATV-
RAEVE, contrarium rectitudini, commoditatiue na-
turæ, Vnde patet quodd peccatum sit miseria, & quodd
possit esse motium misericordiæ. Quod etiam est ma-
lum inuoluntarium, ratione ignorantiae, infirmitatis,
tentationis, & reatûs poenæ æternæ.

212. *Eleemosyna est actus externus misericordiæ, subleuans
miseriam alienam,* Est actus imperatus à charitate, quin
& ab eâ mediate elicitus, immediate autem à miseri-
cordiâ.

Eleemosyna est duplex : spiritualis, & corporalis ; pro
ratione similis duplicis miseriæ proximi, quæ potest à
nobis subleuari. Vtriusque sunt septem opera, com-
prehensa his versiculis :

213. *Consule, carpe, doce solare, remitte, fer, ora
Visito, poto, cibo, redimo, tego, colligo, condo.*

214. *Extrema necessitas est eiusmodi status persona, in
quo, ex indigentia certò periclitatur de vita : nisi ei subuo-
niatur : & quidem à me, quando est extrema neces-
sitas in ordine ad me.*

232 *Breviary Theologici Pars II. II.*

215. *Gravis necessitas est eiusmodi status persona, in quo, ex indigentia notabiliter patitur in vita: ita ut xgre illam sustentet; vel sit periculum incurrendi morbi, notabilisve incommodi, morte minoris*

216. *Communis necessitas est eiusmodi status persona, in quo, ex indigentia difficulter victitat.*

217. *Bona temporalia, vita necessaria, sunt ea, sine quibus illa sustentari non potest: ita ut si quis illis careat, ipse vel sui redigendi sint ad extremam necessitatem.*

218. *Bona status necessaria sunt ea, sine quibus decorum persona servari non potest: ita ut si ijs careat, sui suorumve conditionis decentia salva esse nequeat.*

219. *Bona superflua vita, vel status, sunt ea, quae ad sustentationem vite vel status necessaria non sunt: sed eisdem superabundant. Hic*

220. *Sui sunt persona, alicui arcte coniuncta: aut alia, ad quarum sustentationem obligatur, ex iustitia vel officio. v. g. parentes, filij, coniux: pupilli respectu tutoris; alumni, &c.*

221. *In medicis, chirurgis aduocatis, &c. qui in necessitate tenentur gratis mederi pauperibus, causasve illorum suscipere, & iuvare de superfluo; illud superfluum spectandum est ex tempore abundante supra id, quod necessarium est ad acquirenda necessaria vitae & statui.*

222. *Spiritualis extrema necessitas est eiusmodi status alicuius, ut certo sit damnandus, nisi ei subveniatur, sacramento, sacrificio, oratione, correptione fraternâ, similiue auxilio spirituali.*

223. *Spiritualis gravis necessitas est eiusmodi status alicuius, ut certo sit in peccatum mortale lapsurus, nec facile ab eo surrecturus; nisi ei subveniatur.*

224. *Correptio fraterna est externus actus misericordiae, quo monitione salutari peccator ad emendationem inducitur, efficaciter, vel ineffaciter.*

225. *Corripere est monitione reprehendere peccatorem, etiam non secuto effectu emendationis.*

226. *Corrigere est efficaciter reprehendere, cum effectu emendationis.*

227. *Correctio fraterna est efficax reprehensio peccatoris, cum effectu emendationis.*

De peccatis contra Charitatem.

Varia sunt peccata contra charitatem: uti odium, invidia, &c.

Quid sit odium in genere; quid odium abominationis, & inimicitiae, videri potest in 1. p. n. 201. 203. 204. & in 1. 2. num. 114. 115. & 116.

Odium Dei, & proximi; est duplex; abominationis, & inimicitiae.

228. *Odium Dei est actus voluntatis, Deum ut disconvenientem auersantis: saltem apprehensum ut talem.*

229. *Odium abominationis Dei est actus voluntatis auersantis Deum, ut incommodum sibi, vel amato; quem aestimat tanquam alterum se.*

230. *Odium inimicitiae Dei est actus voluntatis, Deo malum optantis, ut ei male sit.*

231. Odium inimicitiae ferè oritur ex odio abominationis: qui enim auersatur aliquem, tanquam disconvenientem & incommodum sibi, vel amato; facile mouetur ut ei malè velit. Sic impius apprehendens Deum, ut sibi contrarium, per suas leges, & poenas; auersatur illum odio abominationis: quin & odio inimicitiae, volendo illi malum, & priuationem perfectionum suarum, sui que esse.

232. *Odium proximi est actus voluntatis, proximum ut disconvenientem auersantis: saltem apprehensum ut talem.*

233. *Odium abominationis proximi est actus voluntatis, auersantis proximum, ut incommodum sibi, vel amato; quem aestimat tanquam alterum se.*

234. *Odium inimicitiae proximi est actus voluntatis, proximo malum optantis, ut ei male sit.*

235. *Invidia est tristitia de proximi bono, tanquam malo proprio; excellentiaeque propriae diminutiuo.*

236. *Emulatio est tristitia de proximi bono, tanquam proprii boni priuatione: quia scilicet æmulus non habet eiusmodi bonum.*

234 *Breviary Theologici Pars II. II.*

237. *Nemesis, siue Indignatio est tristitia de bono proximi, tanquam illo indigni.*

238. *Discordia est dissensio voluntatum, aut iudiciorum.*

239. *Contentio est dissensio verborum.*

240. Odium Dei & proximi, ex genere suo est gravissimum peccatum: quia evertit excellentissimam virtutem Charitatem; illiusque rationem formalem. Quia etiam importat directè aversionem à Deo, alia autem peccata tantum indirectè, & interpretatiuè: scilicet in suâ inordinatâ conuersione ad creaturam.

De bello, & duello.

241. **B**ellum est publica armorum assumptio, rei publicae tuenda, vindicandae gratiâ. BELLUM, sic dictum per antiphrasim; quia minimè bellum. PUBLICA, facta per communitatem, & publicam auctoritatem. ARMORUM, sic dictorum ab armis humerisque, unde dependent gladius, scutum, arcus, tela. TVENDÆ, per bellum defensiuum: VINDICANDÆ, per offensiuum.

242. *Bellum defensiuum est publica armorum assumptio, rei publicae tuenda gratiâ: ne ei iniuria ab hoste inferatur.*

243. *Bellum offensiuum est publica armorum assumptio, rei publicae vindicandae gratiâ: ut iniuriâ ab hoste illatâ vindicetur, aut reparetur.*

244. Ut bellum sit licitum requiruntur tres conditiones: legitima auctoritas, iusta causa, & recta intentio. Si vna illarum desit, erit illicitum: si prima, vel secunda, erit insuper iniustum. Legitima auctoritas indicendi bellum defensiuum, est in quouis principe, & republicâ, etiam agnoscente superiorem, indicendi offensiuum, ordinariè tantum est in supremo, non agnoscente superiorem in temporalibus.

245. Bellum potest esse iniustum ex utrâque parte: si videlicet vna foueat causam iniustam, & altera in-

dicat bellum, sine legitimâ autoritate. Potest etiam bellum esse ex utrâque parte iustum formaliter, non autem materialiter.

246. *Bellum iustum formaliter tantum, est bellum legitimâ autoritate indictum; sine causâ iustâ, prudenter estimatâ tali.*

247. *Bellum iustum materialiter tantum, est bellum legitimâ autoritate causâque indictum, contra conscientiam erroneam, practicè dictantem contrarium.*

248. *Bellum iustum formaliter & materialiter est bellum legitimâ autoritate causâque indictum, iuxta rectam conscientiam.*

249. *Impignoratio, siue Repraesalia est reipublica laesa, contra ludentem vindicatio, vel compensatio. LÆSÆ, iniuriâ affectæ in se, vel in suis. VINDICATIO, repensio pœnæ, pro modo culpæ. COMPENSATIO ad æqualitatem. CONTRA LÆDENTEM rempublicam, vel lædentis subditos, etiam innoxios: quibus restitutio fieri debet à noxijs, eorumque superioribus. Monomachia, siue*

250. *Duellum est duorum paucorumque pugna ex condito. DVORVM, singulare certamen vnus cum vno: v. g. Davidis cum Goliath. 1. Reg. 17. PAUCORVMQUE, v. g. duodecim militum Abner, cum totidiem alijs sequacibus Ioab. 2. Reg. 2. Ex CONDICTO, ex pro- uocatione vnus, & acceptatione alterius.*

251. *Duellum rarò est licitum, sæpissimè illicitum. Est autem licitum, Primò quando est necessarium ad euitandam iniustam mortem, certò imminentem ab inuadente: quia ubi non superest alia via suæ iustæ defensionis, potest quis se exponere periculo mortis, vt eandem certam iniustamque euadat. Secundò quando sit promouendi iusti belli causâ. Sic eiusmodi bellum sequens miles, potest à contrariæ factionis milite oblatum duellum, acceptare; quinet offerre, ad suos animandos, hostesque deterrendos. Quia est hîc quoddam bellum parziale, habens iustitiæ causam eandem, cum bello totali; eundemque victoriæ finem: ad quam hoc duellum est quoddam præludium. Quia*

etiam priuatus potest se exponere periculo vitæ, pro boni communis promotione. *Tertio* quando fit finiendi belli causâ. Sic potest dux imparis debiliorisque exercitûs, mutare bellum, ex parte suâ iustum, in duellum acceptatum, vel oblatum, cum duce hostili; quod possit suos seruare ab internecione. Quia cum hîc habeatur ratio boni communis, quod est sufficiens causa adeundi periculi mortis; cessat malitia duelli. *Quarto* probabiliter quando duo rei, iustè condemnati, componuntur inter se; & per duellum, à iudice constituuntur mutui executores sententiæ; câ lege, vt victori donetur vitâ.

252. Sæpissimè inquiebam duellum est illicitum: illiusque malitia in eo consistit, quod vterque duellantium sese conijciat in periculum mortis, sine causâ legitimâ: quod prodigat vitam suam, & alienam: quod conetur priuatâ autoritate occidere innocentem, aut saltem indemnatum. Sunt & aliæ malitiæ accessorix, vindictæ priuatæ, tentationis Dei, &c. Vnde *Primo* est illicitum duellum, pro ostentatione virium, peritiæ digladiandi, & oblectatione spectatorum: quia finis est vanus; & medium est prohibitum præcepto diuino naturali, & positivo, *Non occides*: item humano canonico, & ciuili. *Secundo* illicitum est duellum, pro defensione honoris, & euitatione infamiæ imaginariæ; quæ alioquin contraheretur, per recusationem duelli, ab altero oblato. Quia reuera apud cordatos non est infame, sed honorificû renuere duellum, tanquam repugnans legi diuinæ, & humanæ. Accedit quod imaginaria infamia, etiam apud mundanos possit euitari, dicendo: *Nolo acceptare duellum, quia est prohibitum: sed si me inuaseris, facto senties virum.* *Tertio* illicitum est duellum, pro vindicandâ iniuriâ illatâ: quia priuata persona absolutè non potest vindicare iniuriam: *Scriptum est enim: Mihi vindicta, & retribuam, dicit Dominus.* Siue: *Mea est ultio, & ego retribuam.* Deut. 32. & Rom. 12. Publica autem persona non potest vindicare, nisi viâ iuris, aut belli vindicatiui: extra casum, tertio loco allegatum præ,

cedenti n. 251. Quorsò illicitum est duellum, pro criminis imputati conuictione, vel purgatione. Quia præter malitiam communem duelli, subest hic tentatio Dei, secluso instinctu diuino, vti constat ex cap. *Monomachiam*: subest etiam fallacia, quia duellum est fallax medium asserendæ veritatis; cum contingat innocentem in eo occumbere, vt habetur cap. *Significantibus*. Quorsò illicitum est duellum, pro tuitione bonorum temporalium: quia cum vita duorum præponderet bonis externis, non est ex condicito exponenda periculo, pro illis, absque necessitate: nam absque duello, est hîc in promptu simplex defensio, & via iuris.

Dè scandalo.

253. **E**Thymologicè *Scandalum est lapis eminens in via, scandendus, ne sit offendiculo, & causa lapsus. Est offendiculum, ad quod offendit quis pedem suum, & ruit. Est lapis offensionis, & petra scandali.* Isaia 8. Rom. 9. & 1. Petri 2.

254. Theologicè *Scandalum est offendiculum spirituale, quo quis offendit, & in peccatum ruit.* OFFENDICULUM, non lapideum, sed SPIRITUALE, datum & acceptum; vel alterutrum. QVO QVIS, dans & accipiens; vel alteruter OFFENDIT, impingendo non pedes corporis, sed animæ; Deumque ipsum offendit.

Scandalum diuiditur in actiuum, & passiuum. Et iuxta Tertullianum, libro de velandis virginibus, c. 3.

Actiuum

255. *Scandalum est rei male exemplum, edificans ad delictum.* Siue, est dictum, vel factum, minus rectum, proximo præbens occasionem ruina spiritualis. DICTVM, VEL FACTVM: item emissio dicti, vel facti. MINVS RECTVM, quod licet per se fortè non sit malum; est tamen tale, defectu alicuius circumstantiæ debet. Dicto, vel facto non additur *concupitum*, vti in definitione peccati: quia licet concupiscentiæ actu interno peccari possit; non potest tamen proximus eo scan-

dalizari, quoadiu non manifestatur externo dicto, vel facto. PROXIMO PRÆBENS, intentione expressâ, vel interpretatiuâ scandalizantis, OCCASIONE RUINÆ SPIRITUALIS, etiam si illa ruina, scandalumque passiuum non sequatur. Si prima intentio adfit, erit scandalum formale, & directum: si secunda, erit interpretatiuum. Itaque

256. *Actiuum scandalum formale, & directum, est dictum vel factum, minus rectum, quo expresse intenditur proximi ruina spiritualis, illiusque peccatum.*

257. *Actiuum scandalum interpretatiuum est dictum, vel factum, minus rectum: quo implicite intenditur proximi ruina spiritualis. IMPLICITE, eo ipso, quod dictum, vel factum, ex se vel circumstantijs tale est, ut sit natum inducere proximum in ruinam spiritualem.*

258. *Passiuum scandalum est proximi ruina spiritualis, orta ex dicto, vel facto alterius: sæpè minus recto, subinde recto, aut indifferenti: & hoc secundum tertiumque patet ex scandalo pharisaïco, & infirmorum accepto tantum.*

Scandalum passiuum subdiuiditur in acceptum datumque simul, & in acceptum non datum.

259. *Scandalum passiuum acceptum datumque simul, est proximi ruina spiritualis, orta ex alterius dicto factone minus recto,*

260. *Scandalum passiuum acceptum tantum, est ruina spiritualis, propriâ malitiâ, vel infirmitate, orta ex dicto factone alterius recto, vel indifferenti. Si ex propriâ malitiâ, erit scandalum pharisaïcum: si ex infirmitate, erit scandalum infirmorum, acceptum tantum.*

261. *Scandalum pharisaïcum est ruina spiritualis, propria malitia accepta ex dicto alterius, factone recto. PHARISAÏCVM, sic dictum à Phariseis qui suapte malitiâ accipiebant occasionem suæ ruinæ spiritualis, ex Christi dictis & factis rectissimis.*

262. *Scandalum infirmorum, siue pusillorum, est ruina spiritualis proximi infirmi, suapte fragilitate orta ex alterius dicto vel facto. INFIRMI, imperfecti & procliuvis ad peccatum, in quod facile labitur per propriam*

fragilitatem, aut ignorantiam. SVAPTE FRAGILITATE, non propriâ malitiâ, vti Phariseus; sed infirmitate aut ignorantia. EX ALTERIVS DICTO VEL FACTO; eoque recto, vel indifferente: & tunc est scandalum infirmorum, acceptum tantum: aut dicto factoue minus recto, habenteque speciem mali: & tunc est scandalum infirmorum, datum & acceptum. Itaque scandalum infirmorum potest subdiuidi in acceptum tantum, & in acceptum datumque simul.

263. *Scandalum infirmorum acceptum tantum est ruina spiritualis proximi infirmi, suapte fragilitate orta ex alterius dicto, vel facto recto, aut indifferente.*

264. *Scandalum infirmorum acceptum datumque simul, est ruina spiritualis proximi infirmi, suapte fragilitate orta ex alterius dicto, vel facto minus recto, habenteque veritatem aut speciem mali. Hoc sensu accipitur scandalum pusillorum Matth. 18. siue infirmorum 1. Cor. 8. & Rom. 14.*

265. Iure diuino naturali & positiuo obligamur ad vitandum scandalum actiuum. Ad vitandum autem passiuum, non est nobis omittendum vllum præceptum: quia tenemur magis vitare proprium peccatum, quam alienum; vbi non possumus vitare vtrumque. Tamen ad vitandum passiuum ex ignorantia, vel infirmitate, tenemur differre opus bonum, non præceptum: & opus vtile, non habens speciem mali; donec cesserit scandalum, aut monitus fuerit proximus ne scandalizetur. Si autem monitione factâ, & facti nostri redditâ ratione, scandalum perduret; erit merè acceptum, & non datum. Ad quod cauendum non tenemur omittere opus, non habens mali veritatem, nec speciem; cuius faciendi subest iusta causa:

266. *Scandalum actiuum mortale (non tantum formale, sed & interpretatiuum) est necessariò confitendum, præter actum principalem.*

De virtutibus Cardinalibus.

SVNT quatuor virtutes cardinales: prudentia, iustitia, fortitudo, temperantia: iuxta illud Sapientia

tia 8. *Sobrietatem, prudentiam docet* (sapientia diuina)
 & *iustitiam & virtutem: quibus utilius nihil est in vita*
hominibus.

267. *Virtus cardinalis est virtus principalis inter in-*
ter morales, earumque cardo metaphoricus. PRINCIPA-
 LIS, tenens primum & principem locum, saltem post
 Religionem. INTER MORALES, virtutes componen-
 tes mores hominum, iuxta præscriptum rectæ rationis.
 CARDO metaphoricus: cui virtutes.

268. morales innituntur, & in quo firman-
 tur. * Omnis enim virtus debet esse *prudens* in operando, ne
 degeneret in vitium; per inconsiderationem, aut ne-
 gligentiam. Debet esse *iusta*; vt reddat Deo, sibi, &
 proximo, quod cuique debitum est. Debet esse *fortis*,
 vt constanter recto inhæreat. Debet esse *temperans*, ne
 excedat modum, à ratione præscriptum.

De prudentia.

Iuxta D. Augustinum lib. 1 de libero arbitrio cap. 3:
 269. *Prudentia est rerum appetendarum, & fugien-*
darum scientia. SCIENTIA, certa notitia singularum
 actionum, verè honestarum, vt appetantur; & verè
 inhonestarum, vt vitentur..

Iuxta Aristotelem, *Prudentia est recta ratio agendo-*
rum: id est, notitia directiua actionum humanarum.
 Itaque

270. *Prudentia est virtus intellectus, qua scitur quid*
honestum sit, quid turpe, in quouis negotio occur-
 rente. EST VIRTUS directrix aliarum virtutum: re-
 giâ mediâque viâ eas ducens; & à dextrâ læuâque de-
 flectens, ne ad excessum defectumue exorbitent. IN-
 TELLECTVS; in eo tanquam immediato subiecto resi-
 dens; illiusque intellectionem perficiens in veri asse-
 cutione, firmoque assensu. Vnde prudentia est essen-
 tialiter virtus intellectualis: accensetur tamen morali
 virtuti voluntatis, ratione suæ materiæ, & finis: quia
 tota versatur in cognitione & directione morum:
 quorum est directiua quamvis non elicitiva per se, sed
 mediantibus

mediantibus virtutibus moralibus. *QVA*, tanquam principio elicitiuo, *SCITVR*, certò & firmiter cognoscitur *QVID* verè *honestum* sit, & agendum: *QVID* vere turpe, & fugiendum. In quouis negotio occurrente: in singulis quibusque actionibus humanis obeundis.

271. Prudentiæ sunt tria munia: *benè consultare, rectè iudicare, & benè dirigere executionem*. Sunt etiam octo functiones prudentiæ, sine quibus non habetur perfectus vsus illius. Scilicet *memoria, intelligentia, providentia, ratio, docilitas, sagacitas, siue, solertia, circumspectio, cautio*. Hic autem

272. *Memoria est recordatio præteritorum.*

273. *Intelligentia est notitia præsensum, & principiorum moralium.*

274. *Providentia est consideratio futurorum eventuum, ex actione sequi natorum.*

275. *Ratio est promptitudo ratiocinandi, & ex uno aliud colligendi.*

276. *Docilitas est affectus; & promptitudo discendi.*

277. *Sagacitas est bona coniectatio.*

278. *Solertia est subita & expedita inventio medij convenientis;*

279. *Circumspectio est attenta consideratio circumstantiarum actionis humana, ne qua requisita desit.*

280. *Cautio est cura & sollicitudo vitandis omnia incommoda.*

Prudentiæ per defectum opponitur *præcipitatio, inconsideratio, inconstantia, & negligentia*.

281. *Præcipitatio est aggressio operis, sine debita deliberatione;*

282. *Inconsideratio est omisso attentionis debita, indistinctumque de medijs, ante illorum examen.*

283. *Inconstantia est sententia mutatio, ob nullam, leuemve causam.*

284. *Negligentia est omisso diligentia in urgenda executione rei deliberata, & iudicata.*

Prudentiæ per excessum opponitur *prudencia carnis*

242 *Breviary Theologici Pars II. II.*
astutia, fraus, dolus, sollicitudo temporalium, & futu-
rum.

285. *Prudentia carnis est diligens excogitatio medio-*
rum, ad implendos instinctus nature corrupta.

286. *Astutia est ratio aliquid agendi modo subtili,*
& occulto. Hic autem Astutia est notitia pravorum
subtiliumque mediorum ad fallendum, cum affectu ea
exequendi.

287. *Fraus est astutia executio per facta, Fraude la-*
lius patens

288. *Dolus est astutia executio per dicta, vel facta.*

289. *Sollicitudo temporalium est nimia animi occu-*
patio in temporalibus conquirendis, vel conservandis:
proveniens ex inordinato habendi amore, vel amit-
tendi timore.

290. *Sollicitudo futurorum est nimia animi occupa-*
tio circa futura, cum anxietate, & diffidentia provi-
dentia divina.

De Iustitia.

IN scripturâ sacrâ, *Iustitia* accipitur tribus modis.
Primò pro complexione omnium virtutum. Sic ac-
cipitur Matth. 5. *Beati qui esurunt, & sitiunt iustitiam.*
Et Psal. 105. *Qui faciunt iustitiam in omni tempore.* Hoc
primo modo

291. *Iustitia est complementum virtutum, ada-*
quans subiectum suum ad legem aternam; reddens-
que Deo, subiecto suo, & proximo, quod cuique
debitum est.

292. Secundò *Iustitia* accipitur pro misericordiâ,
& eleemosynâ: quæ ad iustitiam & sanctitatem dis-
ponit peccatorem; & iustum de condigno cumulat iu-
stitiæ augmento. Sic accipitur Matth. 6. *Attendite ne*
iustitiam vestram faciatis coram hominibus.... Cum ergò
facis eleemosynam, &c. Et Psal. 111. *Dispersit, dedit pau-*
peribus; iustitia eius manet in saculum saculi. Hoc se-
cundo modo *Iustitia* est misericordia, definita n. 208.
& 209. siue eleemosyna, definita n. 212.

Tertiò Iustitia accipitur pro virtute, reddente alteri debitum ad æqualitatem. Hoc tertio modo

293. *Iustitia est virtus firmans voluntatem, ad perpetuè reddendum alteri debitum ad æqualitatem.* **FIRMAN**S, tanquam habitus benè disponens subiectum suum. **VOLUNTATEM** personæ priuatæ, vel publicæ: **AD PERPETVO**, non semel, aut bis, **REDDENDVM ALTERI**: nam iustitiâ benè disponit subiectum suum, in ordine ad alterum; tam priuatum, quàm communitatem. **DEBITVM, AD ÆQUALITATEM**: nam si debitum alteri reddatur non perfectè, nec ad æqualitatem; non seruabitur iustitia: quæ significat adæquationem.

Iustitia vna est *particularis*, alia *legalis*, *commutatiua*, *distributiua*, & *vindicatiua*. Iuxta Vlpianum, particularis

294. *Iustitia est constans & perpetua voluntas, in suum cuique tribuendi.* Siue, est *virtus firmans voluntatem priuati, ad perpetuè tribuendum alteri priuato debitum, ad æqualitatem.* **PRIVATI**, non personæ publicæ, communitatem repræsentantis, vti fit in iustitiâ distributiua. **Priuat**, inquam, nam hæc iustitia particularis, benè disponit priuatos inter se: vel eos, qui se habent instar priuatorum. **ALTERI**, non communitati, vti in iustitiâ legali: sed **PRIVATO**, quâ tali; non quâ parti communitatis, vti fit in præfatâ iustitiâ distributiua. **DEBITVM**, ciuile, legale, & strictâ obligatione: non laxâ morali obligatione decentiæ: quale est debitum charitatis, amicitiae, liberalitatis; gratitudinis. **AD ÆQUALITATEM**, quia iustitia importat dati tributique, ad debitum adæquationem, commensuratiōem, siue commensurationem. Ideoque excluduntur religio, & pietas, similesque virtutes annexæ iustitiæ: quarum obiectum, est debitum alteri, ita immensum, vt non possit illi satisfieri ad æqualitatem. In hac materiâ iustitiæ,

295. *Ius est iustum, & æquale, alteri debitum: ita vt habeat legitimam potestatem ad illud exigendum.* Ex hoc iure resultat aliud: quod

244 *Breviary Theologici Pars II. II.*

296. *Ius est potestas legitima persona, in re sibi obligatâ, vel ad rem sibi obligandam. Et hæc*

297. *Potestas legitima est auctoritas, divina humana, vel legi consentanea.*

Præfatum secundum ius est duplex: in re, & ad rem.

298. *Ius in re est potestas legitima in re obtenant, tanquam suâ, sibi que obnoxia. Ideoque tribuit actionem realem.*

299. *Ius ad rem est potestas legitima ad rem obtinendam, sibi que obligandam. Hoc ius non tribuit actionem realem, sed personalem.*

300. *Stricta obligatio est ea, cuius violatio constituit iniuriam.*

301. *Iniuria est alieni iuris violatio, facta sine iustâ causâ: quæ si adsit, iniuria aberit. Vti constat in gladij depositi negatione furioso repetenti: item in casu, quo priuatus spoliatur iure suo, pro bono communitalis. Itaque*

302. *Iniuria est actualis iniustitia. Ipsa autem.*

303. *Iniustitia habitualis est praua voluntatis dispositio, acquisita ex actibus iniurijs, & ad similes inclinans.*

304. *Iustitia commutativa est virtus tribuens unicuique quod suum est, seruata equalitate res ad rem. EST VIRTUS, iustitiaque particularis, benè disponens vnum priuatum, ad alium: vel eos, qui se instar priuatorum habent, quamuis sint alias personæ publicæ. SERVATA AEQUALITATE, arithmetica proportionem REI AD REM: dati ad acceptum; precij ad mercedem; mercedis ad laborem; rei restitutæ ad sublatam, &c.*

305. *Iustitia distributiva est virtus, seruans equalitatem proportionis, ad proportionem, in distributione bonorum, omniumque communium VIRTUS benè disponens communitatem, ad membra communitatis. Communitatem, inquam, vel eum qui illam repræsentat: puta principem, magistratum, superiorem. SERVANS AEQUALITATEM PROPORTIONIS rerum distribuendarum AD PROPORTIONEM qualitatis personarum, secundum quam distribuuntur. Seruans inquam proportio,*

nem geometricam. IN DIVISIONE BONORVM COMMVNIVM, officiorum, honorum, dignitatum, beneficiorum; & similium, non merè gratuitorum; sed debitorum membris communitalis. ONERVMVE incumbentium ijsdem: cuiusmodi sunt hospitia hybernaque militum, contributiones indictæ pro modo facultatum, &c.

306. Quando per iustitiam distributiuam, in plures diuiditur aliquid, stricto iure debitum. v. g. ærarium commune, fundatio publica, &c; tunc in eodem actu concurret vtraque iustitia: commutatiua, quatenus respicitur vt vnique detur æquale iuri, quod habet: distributiua, quatenus respicitur vt vnique detur secundum proportionem suæ qualitatis, respectiue ad alios. Vnde non seruando proportionem arithmetica, violatur commutatiua, & contrahitur obligatio restitutionis. Non seruando autem proportionem geometricam, violatur iustitia distributiua. Quando autem fit distributio eorum, quæ stricto iure non debentur, secundum qualitatem personarum, v. g. beneficiorum ecclesiasticorum, officiorum reipublicæ, &c; tunc non peccatur contra iustitiam commutatiuam, nec oritur obligatio restitutionis faciendæ personis.

307. *Proportio est duarum pluriumue rerum inuicem ista comparatio.*

308. *Proportio arithmetica est adæquatio numerorum & quantitatum inter se.* Quantitatis inquam vnus rei, ad quantitatem alterius rei. v. g. dati & accepti; mercis & pretij; damni & restitutionis.

309. *Proportio geometrica est adæquatio vnus proportionis ad aliam.* In iustitiâ distributiua.

310. *Proportio geometrica est adæquatio proportionis rerum distribuendarum, ad proportionem qualitatis personarum;* propter quam ijs faciendæ est distributio. v. g. in distributione bonorum communium, siis qui habet pertinentem qualitatem vt duo, accipiat sex coronatos; tunc is qui habet qualitatem vt quatuor, debet accipere duodecim. E diuerso, in distributione

onerum communium, si habens mille coronatos, contribuat centum; tunc habens quingentos, debet contribuere quinquaginta.

311. *Iustitia legalis est virtus firmans voluntatem privati, ad tribuendum republica debitum, ad aequalitatem.* LEGALIS, extendens se ad omnia, legibus statuta, pro bono communi. PRIVATI, tanquam partis ad totum, & membri ad corpus. AD TRIBUENDVM REPUBLICÆ DEBITVM, procurando bonum commune, & præponendo illud privato. Si secus fiat, privatus peccabit contra hanc iustitiam: non contrahet tamen obligationem restitutionis; nisi sit princeps, aut superior communis, cui ex officio incumbit boni publici procuratio.

312. *Iustitia vindicativa est virtus, reddens malefactori debitam poenam, culpa adaequatam.* EST VIRTUS, bene disponens principem, magistratum, iudicem, superiorem, ad alterum, scilicet malefactorem. SUPERIOREM, inquam: nam vindicta vetatur privato, & præcipitur superiori, tanquam Dei ministro, Rom. 12. DEBITAM POENAM, iuste promeritam, & culpæ congruentem: non autem debitam civili obligatione, strictoque iure; ita ut malefactori irrogaretur injuria, nisi ei infligeretur poena: quæ est malum puniendum, reo influctum, ad vindicandam culpam, ei intrinsicam CULPÆ ADÆQUATAM: nam iustitia vindicativa significat adæquationem poenæ ad culpam; & commensuram reparationem mali poenæ, pro malo culpæ: ut pro mensurâ delicti, sit plagarum modus. Sicut enim laus congruit benefactori ita poena malefactori: ut qui prolapsus est extra ordinem recti, per culpam, in ordinem reuocetur per poenam. Ut etiam fiat reparatio injuriæ, utque malefactor, eiusque exemplo alij ab inferendâ injuriâ coercerentur.

De Dominio.

In genere

313. **D**ominium est ius gubernandi subditos, disponendique de re, tanquam suâ. Siue, est pote-

ſtas legitima gubernandi ſubditos ſuos liberos; diſponendi de re, tanquam ſua, in omnem uſum, lege non prohibitum. EST POTESTAS LEGITIMA, authoritas conceſſa lege diuinâ, vel humanâ. GVERNANDI, regendi propriâ, non delegatâ facultate. SVBDITOS SVOS LIBEROS, ſui iuris, dominioque deſpotico non ſubiectos. DISPONENDI, ordinandi propriâ authoritate, & non ex commiſſione alterius. DE RE incorporeâ, vel corporali; animatâ, vel inanimi. TANQVAM ſua, propriâ, ſibiſque obnoxia. IN OMNEM VSUM, non tantum in vnum uſum determinatum. LEGE diuinâ humanâue, NON PROHIBITVM, tanquam inualidum; licet fortè prohibitum, tanquam illicitum.

Dominium in genere diuiditur in dominium iuriſdictionis, & proprietatis.

314. *Dominium iuriſdictionis eſt poteſtas legitima gubernandi ſuos ſubditos liberos.* GVERNANDI, regendi non in commodum proprium, ſed ſubditorum, & communitatis. Regendi inquam, per præcepta, prohibitiones, permiſſiones, iudicia, præmia, punitiones, &c. SV O'is, non alienos SVBDITOS, ſibi obnoxios, & patère obligatos. LIBEROS: nam ſervorum, ſiue mancipiorum habetur dominium proprietatis. Quod

315. *Dominium proprietatis eſt ius perfectè diſponendi de re, niſi lege prohibeatur.* DOMINIVM PROPRIETATIS plenum, & perfectum; continens in ſe directum, & utile. EST IVS IN RE abſolutum, & independens à nutu alieno. Omne verè dominium eſt ius in re: non è diuerſo. Nam ius in pignus, hypothecam, commodatum, uſum fructum, & mutua corpora coniugum, non eſt dominium: quia eſt ius reſtrictum ad vnum determinatum rei uſum. PERFECTE DISPONENDI de rei proprietate, & emolumentis; propriâ authoritate, & in commodum proprium; & in omnem uſum, lege permiſſum. DE RE incorporeâ. v. g. libertate, immunitate, redditu, iurepatronatûs, &c. vel corporali animatâ. v. g. iumen-

to, mancipio, &c: vel inanimi v. g. domo, agro, &c. **NISI LEGE PROHIBEATUR:** quarundam enim rerum, vero domino possessorum usus aliquis lege prohibetur: vti alienatio bonorum pupilli, fideicommissi, maioratus, & eiusmodi bonorum vinculatorum.

316. *Maioratus est maiori natu competens dominium bonorum, qua alienari grauarum non possunt. Item*

317. *Maioratus sunt bona, maiori natu competentia, qua alienari, grauarum non possunt. Sunt synonyma cum primogenitis. Quæ*

318 *Primogenita sunt bona inalienabilia, competentia primo-gensro: eoque deficiente, alijs legitimis successoribus.*

319 *Bona vinculata sunt bona habentia annexum vinculum, ut alienari grauarum non possint: sed debeant transire ad successores integra, & à grauari ne libera.*

Proprietatis dominium perfectum, à veteribus vocatur *mancipium*: quia hoc ius in re, acquiritur potissimum apprehensione manuum. Cum præfatâ definitione n 31, coincidit alia, quâ dicitur:

320. *Dominium proprietatis est potestas legitima disponendi de re, tanquam suâ, in omnem usum, lege non prohibitum. EST POTESTAS LEGITIMA, autoritas, diuinâ humanâue lege, concessa. DISPONENDI, ordinandi suapte autoritate, & non ex alienâ commissione, in commodum proprium. DE RE incorporeâ, vel corporali. IN OMNEM VSUM actualem rei: ipsam sibi reseruando, donando, vendendo, alienando, destruendo pro libitu, siue cuiusquam iniuriâ. LEGE NON PROHIBITVM, sed permissum, tanquam validum*

321. *Res sua est res propria, & ita alicui obnoxia, ut possit suâ autoritate de ea disponere, in commodum proprium. OBNOXIA ALICVI, cuius esse dicitur. IN COMMODO PROPRIVM, non alienum pupilli, alteriusque priuati, aut communis.*

322. *Usus actualis est res ad actum applicatio. RES*

integræ, saluâ ipsius substantiâ; vel mutatæ substantialiter. Vnde nomine vsus, intelligitur etiam abusus: qui

323. *Abusus est rei destructionis vsus.*

Dominium iurisdictionis diuiditur in ecclesiasticum, & ciuile, siue sæculare.

324. *Dominium ecclesiasticum est potestas legitima gubernandi subditos suos, in rebus spiritualibus, id est, spectantibus cultum diuinum, & salutem animarum:*

325. *Dominium ciuile est potestas legitima gubernandi subditos suos, in rebus temporalibus, spectantibus viuendi rationem externam, tranquillitatemque publicam.*

Dominium proprietatis diuiditur in perfectum, & imperfectum

326. *Dominium perfectum est potestas legitima disponendi de re, illiusque emolumentis, tanquam suis.*

327. *Dominium imperfectum est potestas legitima disponendi de re tantum, vel de solis rei emolumentis. DE RE TANTVM, absque vsu fructu VEL DE SOLIS REI EMOLUMENTIS, absque proprietate rei. Hoc dominium imperfectum subdividitur in directum, & utile.*

328. *Dominium directum est potestas legitima disponendi de re, tanquam suâ, absque illius usufructu. DIRECTVM tantum, & non simul utile.*

329. *Dominium utile est potestas legitima disponendi de fructibus rei, absque illius proprietate. VTILE TANTVM, & non simul directum. Itaque*

330. *Dominium directum est illud quo habetur proprietates rei, & non vsus fructus.*

331. *Dominium utile est illud quo habetur usufructus, & non proprietates rei: quamuis habeatur proprietates fructuum, & emolumentorum illius.*

332. *Dominus perfectus est is, qui habet rei proprietatem, & usum fructum.*

333. *Dominus imperfectus est is, qui habet solum rei proprietatem, vel solum usum fructum.*

250 *Breviary Theologici Pars. II. II.*

334. *Proprietas est ius in re, obnoxia alicui; ita ut sine consensu ipsius, non possit fieri alterius, extra casum præscriptionis, confiscationis, &c.*

335. *Landemium est certa pars æstimationis rei alienata, soluenda domino directo pro inuestitura, & acceptione possessionis. CERTA PARS, quinquagesima, iure communi: trigesima, consuetudine. ÆSTIMATIONIS REI ALIENATÆ. vel precij illius.*

De usu, & usu fructu.

VSUS est duplex: scilicet vsus iuris, & vsus facti.

336. *Vsus iuris est ius utendi re aliena, salva ipsius substantia. Ius, potestas legitima. Ius inquam irrevocabile ante tempus concessum à proprietario. UTENDI, rem ipsam applicandi ad actum. Utendi autem, & non fruendi, id est omnes fructus percipiendi: quamvis vsuarius fundi alieni, possit carpere poma, olera, flores, ferum, ligna cædua, ad suum usum quotidianum. RE ALIENA, cuius proprietas est penes alium. SALVA IPSIUS SUBSTANTIA: vsuarius enim debet rem integram proprietario servare; illamque usu non consumere, aut alienare.*

337. *Vsus facti est ius utendi re aliena, revocabile ad nutum concedentis. Ius dependens à nutu proprietarij, alteriusve concedentis v. g. superioris religionis. RE ALIENA, salva mutataque illius substantia. REVOCABILE quovis momento, sine iniuria vsuarij; donec ab eo res consumpta fuerit.*

338. *Vsus facti, in rebus etiam unico actu consumptibilibus, distinguitur à dominio: quia ille est ad nutum revocabilis; hoc autem dicit ius in re firmum, & irrevocabile. Unde mancipia, & conuiuæ habent usum ciborum appositorum; herus autem, & conuiuator dominium. Idem est de religiosis ratione voti paupertatis.*

339. *Vsus fructus est ius alienis rebus utendi fruendi, salva earum substantia. EST IUS, potestas legitima, irrevocabilis ad nutum proprietarij. ALIENIS REBUS,*

quarum proprietas est penes alios : quâ parte excluditur rerum propriarum vsus fructus causalis. **VTENDI**, ad actum applicandi : quâ potestate priuantur habentes depositum, pignus, aut hypothecam. **FRVENDI**, percipiendi fructus omnes : ita vt illi collecti transeant in plenum dominium vsufructuarij viuentis. **SALVA EARVM SVBSTANTIA**, rebus inuentibus proprietario integris : aliàs fieret ei iniuria.

Hic vsus fructus est duplex : legalis, & conuentionalis.

340. *Vsus fructus legalis est is, qui habetur ordinatione legis.* Talis habetur à patre in aduentitio peculio filij familias, &c.

341. *Vsus fructus conuentionalis est is, qui habetur primata conuentione :* per testamentum, pactum, stipulationem. Est insuper alius vsus fructus causalis : & hic

342. *Vsus fructus causalis est sui vtendi fruendi re propria.* **CAVSALIS**, siue causatus, & promanans naturaliter à proprietate rei.

De seruitutibus.

343. **V** Sui iuris, & vsufructui respondet in re alienâ subiectio, & seruitus ; quâ res aliena seruit ei, qui vsum, aut vsufructum ex eâ capit ; aut circa eam aliquid impedire potest. Vnde res illa aliena patitur seruitutem : ideoque potest vocari seruitus passiva. Vsuaris autem, & vsufructuarius habet ius redigendi illam rem in seruitutem, & faciendi vt ab eâ sibi seruiatur : ideoque potest dici habere seruitutem actiuam, respectu illius. Itaque

344. *Seruitus passiva est subiectio, qua res, personæ alienæ obligatur seruire alteri.* **RES**, ager, fundus, habitaculum, &c. **PERSONÆ** seruilis, & mancipium. **ALIENÆ** : nemini enim res sua propriè seruit, sed aliena tantum. Ideoque subiectio rei erga proprietarium, non est seruitus formalis ; sed potest vocari *Seruitus causalis*, conformiter n. 342. **ALTERI** rei, vel alteri personæ, quàm domino.

252 *Bruiarij Theologici Pars II. II.*

Hæc seruitus passiva est triplex : realis, personalis, mixta.

345. *Seruitus passiva realis est subiectio, qua res una immediatè alteri rei obnoxia est, & illius seruitio subiecta. Sic prædium, per quod aliud aditur, obnoxium est tanquam seruiens dominant.*

346. *Seruitus passiva personalis est subiectio, qua mancipium alienum obnoxium est alteri, quam domino: secundum dispositionem domini, ad tempus, vel in perpetuum.*

347. *Seruitus passiva mixta est subiectio, qua res aliena obnoxia est immediatè personæ, scilicet usufruario, vel usufructuario. MIXTA ex reali, & personali.*

348. *Seruitus actiua est ius re aliena fruendi, vel utendi, vel circa eam aliquid impediendi. v. g. eleuationem ædificij vicini, ne officiat meis luminibus. Ratione huius tertij membri, actiua seruitus latiùs patet usu, & usufructu.*

Hæc seruitus actiua est triplex : realis, personalis, mixta.

349. *Seruitus actiua realis est ius, quo res immediatè habet aliàm sibi obnoxiam. v. g. prædium meum habet ius vt possit adiri per alienum : & consequenter ego dominus prædij, habeo mediatè ius vt possim adire.*

350. *Seruitus actiua personalis est ius, quo persona immediatè habet alienam personam sibi obnoxiam. v. g. seruum alienum, ex concessione Domini.*

351. *Seruitus actiua mixta est ius, quo persona immediatè habet rem alienam sibi obnoxiam. v. g. usus iuris, & usus fructus.*

Seruitus actiua realis est duplex : urbana, & rustica.

352. *Seruitus urbana est ius, quo prædium urbanum habet aliud sibi obnoxium, v. g. immittendi tigni in vicinum parietem alienum : exonerandi stillicidij in arenam alienam : impediendi eleuationem ædificij vicini, &c.*

353. *Seruitus rustica est ius, quo prædium rusticum habet aliud sibi obnoxium. v. g. ius deriuandæ aquæ per fundum alienum ; agendi pecoris, vehiculi, &c.*

Secundum ius, & iurisperitos, hic

354. *Pradium urbanum est humanum habitaculum, annexuque horis, amenitatis causâ: siue sit in vrbe, siue ruri.*

355. *Pradium rusticum est quoduis pradium, abs humano habitaculo distinctum, appendiceque illius, orto amano. v. g. ager, stabulum iumentorum, horreum & quidquid constructum est, fructuum colligendorum gratiâ.*

De possessione.

356. **P**ossessio est rei detentio actualis, vel iuridica. Siue, est actus iusue detentionis rei. ACTVS, IVSVE, à quo denominatur quis possessor; & res, possessa. ACTUS detentionis vocatur possessio facti: ius detentionis vocatur possessio iuris. REI, corporalis v. g. agri, domus, &c: vel incorporeæ v. g. beneficij, census, seruitutis, &c. Cuiusmodi res incorporea, à Theologis dicitur possideri; à Iurisperitis, quasi possideri.

Possessio est duplex: facti, & iuris.

357. *Possessio facti est occupatio rei, adminiculo corporis, animi & iuris. OCCUPATIO, rei actualis apprehensio prima, vel continuata: rei in potestatem vindicatio, aut vindicatæ detentio. REI corporalis, vel incorporeæ. ADMINICULO, auxilio & adiumento CORPORIS: quia ad inchoationem possessionis actualis, res in se, vel æquivalenti, debet aliquatenus corporali apprehensione occupari, proprijs vel vicarijs manibus, pedibus, &c. Ad inchoationem, inquam, quia ad continuationem possessionis sufficit adminiculum animi. absque adminiculo corporis. ANIMI, quia ad possessionem requiritur animi intentio rem sibi vindicandi, & retinendi vt propriam. Vnde defectu huius animi, depositarius non possidet depositum, neque commodatarius commodatum, neque creditor pignus. IURIS, statuentis veritatem possessionis, non tamen semper iustitiam: vt patet in fure, rem furtivam vere, sed non iustè possidente. Defectu huius ad-*

miniculi iuris, non est vera possessio, occupatio loci sacri per laicum, &c.

358 *Possessio iuris est ius insistendi rei, tanquam sua, non prohibita possiders.* Ius verum, vel præsumptum, resultans ex possessione facti. Ius inquam verum, & potestas legitima, in foro conscientiae & civili, si oriatur ex iustâ possessione facti: præsumptum in externo foro civili, si ex iniustitiâ. *INSISTENDI rei*, perseveranter tenendi rem occupatam; & continuandi possessionem facti, in eâ se manutenendo, & tuendò se contra perturbantes. Vnde in hoc iure insistendi rei, formaliter consistit possessio iuris: sicuti dominium, in iure perfectè disponendi de re; eam sibi retinendo, alienando, &c. *REI* corporali, vel incorporeæ. *TANQUAM SUAE*, quasi propriæ, & ad se pertinentis. Vnde tutor non est possessor bonorum pupilli; sed per tutorem, pupillus. *NON PROHIBITÆ POSSIDERI*, per iuris dispositionem: per quam prohibetur possideri à privato locus publicus, & sacer a laico: prohibetur inquam possideri, non modò iustè, sed & verè.

Possessio variè potest dividi: in bonæ, & malæ fidei: in iustam, & iniustam: naturalem, & civilem, &c.

359. *Possessio bonæ fidei est occupatio rei, fundata in prudenti iudicio*, quòd sit occupantis. *OCCUPATIO* inchoata, vel continuata. *REI*, tanquam suæ.

360. *Possessio malæ fidei est occupatio rei, destituta prudenti iudicio*, quòd sit occupantis.

361. *Possessio iusta est occupatio rei, fundata in titulo legitimo.* Hæc subdividitur in varias species, pro varietate titulorum. Vnde est vna possessio rei, pro emptâ, donatâ, legatâ, &c. scilicet fundata in titulo emptionis, donationis, legationis.

362. *Possessio iniusta est occupatio rei, destituta titulo legitimo.*

363. *Possessio colorata est occupatio rei, fundata in titulo verosimili*: id est, habente aliquam veri speciem, ita ut præsumatur verus.

364. *Possessio non colorata est rei occupatio, destituta titulo vero, & verosimili.* Cuius titulus est apertè nullus.

365. *Titulus est radix & fundamentum iuris prætensi: unde oritur, & in quo fundatur possessio, dominium, aliudue ius, quod prætenditur.*

366. *Titulus verus est illo, qui à parte rei subsistit: & sufficit fundando iuri prætento. v. g. emptio valida, donatio, successio, &c.*

367. *Titulus verosimilis, siue præsumptus est ille, qui à parte rei non subsistit; prudenter tamen præsumitur subsistere. Præsumitur inquam à privato: nam si à lege, vel legislatore, illius publica præsumptio dabit verum titulum. Vti patet in casu coloni, euoluto termino manentis in conducto, domino tacente: tunc enim ius præsumit verum titulum reconductionis.*

368. *Possessio naturalis est occupatio rei, adminiculo corporis, & animi.*

369. *Possessio civilis est detentio rei, adminiculo solius animi. CIVILIS, quia fundatur in iure civili, paritque effectus civiles, scilicet vsucapionem rei, & fructuum perceptorum dominium. DETENTIO continuata rei prius apprehensæ, & occupatæ adminiculo corporis, & animi. Rei, tanquam suæ. ADMINICULO SOLIUS ANIMI: quamvis enim ad inchoandam possessionem civilem, sit opus adminiculo corporis, & animi; tamen ad illam continuandam sufficit solus animus. Vtraque possessio accipitur subinde aliter: & tunc*

370. *Possessio naturalis est detentio rei, quoad illius dominium utile: siue quoad vsum, vsumfructum, aut habitationem.*

371. *Possessio civilis est detentio rei, quoad dominium directum.*

372. *Possessio civilissima est occupatio rei, ex solâ legis civilis ordinatione: absque adminiculo corporis, & animi. Talis est inchoata & continuata possessio Maioratûs, & Primogenitorum, mortuo possessore priore.*

De peculio.

373. **P**eculium est quid proprium serui, aut filij familias. De rigore iuris, nihil habet proprium seruus; sed quidquid acquirit, domino acquirit: similiter patri acquirit filius-familias, existens sub patriâ potestate. Nihilominus vterque potest habere aliquid proprium, de domini patrisque consensu, & absque eo, ordinatione legum: & hoc vocatur peculium.

374. *Peculium castrense est quid proprium filij-familias, acquisitum intuitu militia, castrensis, aut palatinarum, siue obsequij principis: v. g. equus, arma, viaticum, stipendium, donatium, &c. Hoc proprie consistit in rebus mobilibus: extenditur tamen ad omnia, etiam prædia, ex peculio castrensi acquisita: horumque omnium filius familias habet proprietatem, usumfructum, & administrationem: id est, plenum dominium.*

375. *Peculium quasi castrense est quid proprium filij-familias; gaudens privilegio castrensi. Siue, est filij-familias clerici acquisitum ex beneficio, aut aliunde, eiusdemque laici, ex munere publico liberali, aut donatione quasi castrensi. QVASI CASTRENSE: quod reuera non est castrense, habet tamen illius privilegium. EX BENEFICIO ecclesiastico: AUT ALIVNDE, uti constat ex authent. Presbyteros, modò non sit profectitium. LIBERALI, non mechanico: ex professione artis liberalis, ex munere medici, notarij, aduocati, &c. DONATIONE QVASI CASTRENSI, liberalitate principis, aut priuati quidem, sed ut filio-familias sit quasi castrense: id est, ut habeat illius proprietatem, usumfructum, & administrationem.*

376. *Peculium aduentitium est quid proprium filij-familias; extra militiam, & beneficium, et adueniens, non intuitu patris. EXTRA MILITIAM, aliàs foret castrense: ET BENEFICIUM, aliàs foret quasi castrense. ADVENIENS ex industria propriâ, casu fortuito*
successione,

successione, &c. NON INTUITU PATRIS principaliter, aut proximè, aliàs foret profectitium. Aduentitij proprietatem habet filius, vsumfructum pater: ita tamen vt in quibusdam casibus vsusfructus coalescat cum dominio directo.

377. *Peculium profectitium est quid acquisitum filio-familias, extra militiam & beneficium; proficiscens a parente vivo. QUID ACQUISITVM: non proprium, vti in peculio castrensi, quasi castrensi, & aduentitio: nam filius-familias non habet proprietatem profectitij. EXTRA MILITIAM, ET BENEFICIUM, & sic distinguitur à castrensi, & quasi castrensi. PROFICISCENS A PARENTE VIVO, patre vel matre concedentibus illud filio, quoad administrationem: vel externis donantibus illud eidem, intuitu parentum principaliter, & proximè. Huius peculij profectitij filius-familias non habet proprietatem, nec vsumfructum; administrationem autem nonnisi in parentis vtilitatem.*

378. *Administratio est auctoritas gubernandi rem; & de eà disponendi in commodum proprium, vel alienum. Eiusmodi administrationem in commodum proprium tantum, habet dominus rei, qui est sui iuris, & non sub potestate aliena. In commodum alienum tantum habet tutor & curator, respectu bonorum pupilli. In commodum proprium & alienum habet maritus respectu dotis vxoris, & omnium bonorum comunium: quæ quia indiuisa sunt, habet omnium illorum parziale dominium cum vxore.*

De bonis variis.

379. *Clericorum bona patrimonialia sunt bona possessa ab ijs titulo civili. v. g. hæreditariâ successione, testamento, legato, industriâ, labore, &c. Eorundem*

380. *Bona quasi patrimonialia sunt bona, acquisita ratione clericatus, & non beneficij v. g. honoraria Missarum, concionum, confessionum, cantus ecclesiastici,*

258 *Breviary Theologici Pars II. II.*

&c. Paraphernalia, siue

381. *Parapherna sunt bona superaddita doti uxoris; quorum ipsa habet dominium & administrationem, à marito independentem.*

382. *Bona incerta sunt ea, quæ habent dominum, sed ignotum. Vti &*

383. *Debita incerta sunt ea, quæ alicui debentur, sed ignota.*

384. *Derelicta sunt bona, quorum dominium à se abdicauit dominus. Siue*

385. *Derelictum est id, quod dominus eâ mente abiecit, ut in numero rerum suarum esse nolit.*

386. *Thesaurus est vetus depositio pecunie, mobilisue rei preciosa, cuius non extat memoria, nec dominus. VETUS DEPOSITIO: nam si foret recens, & incerti domini, non esset thesaurus, nec fieret inuentoris: sed impendi deberet in pios vsus, vti alia bona, habentia incertum dominum. MOBILISVE REI PRECIOSÆ, cuiusmodi sunt monilia, gemmæ, vasa aurea, argentea, &c. NEC DOMINVS: qui censetur non extare, Necet sciarur à Titij maioribus, longo interuallo reconditus thesaurus. Quia quod tanto tempore defuit à quoquam possideri; defuit consequenter esse in cuiusquam dominio.*

387. *Iure naturali, & gentium, thesaurus est inuentoris: quia cum nullus sit, fit primo occupantis. Iure ciuili, inuentus in fundo proprio, totus est inuentoris: in alieno inuentus fortuito, dimidiandus est cum domino fundi; etiam ante sententiam iudicis. Si autem de industriâ repertus, sine consensu domini; illius erit totus: saltem post sententiam iudicis. Si cum consensu domini, bonâ fide obtento; totus erit inuentoris: nisi aliter conuentum fuerit. Si priuatâ scientiâ sciens latere thesaurum in fundo alieno, cum emerit; fit fundi, & thesauri dominus. Si in loco publico, vel sacro, aut religioso reperiatur; totus probabiliter est inuentoris: probabilius tamen est, dimidiandum esse respectiue cum fisco, ciuitate, vel ecclesiâ. Si thesaurus repertus sit arte magicâ, totus est fisci; saltem post*

sententiam : si tamen in fundo alieno , dimidium cedit illius domino ; alterum fisco. Cæterum hac in re seruandæ sunt leges municipales.

De præscriptione, & usucapione.

PRÆSCRIPTIO accipitur tribus modis. Primo modo
388. *Præscriptio est exceptio aduersus actorem.* Id est oppositio dilatoria, vel peremptoria, quâ reus excludit actionem, ab actore intentatam. Secundo modo:

389. *Præscriptio est exceptio peremptoria aduersus priorem dominum, fundata in possessione.* Id est, oppositio, quâ reus actionem prioris domini, omninò excludit, & illius ius reale, siue personale perimit; allegando possessionem continuatam tempore legibus definito. Tertio modo

390. *Præscriptio est dominij acquisitio, iurisue alieni elisio, per possessionem continuatam tempore legibus definito.* DOMINII ACQUISITIO rei ante alienæ, modò præscribentis. IURISVE ALIENI realis, vel personalis ELISIO, peremptio & extinctio. Hæc secunda pars disiunctiua exprimitur, maioris explicationis gratiâ: aliàs sub dominij acquisitione, latè sumptâ, comprehenditur etiam iuris alieni elisio: nam qui ius alterius perimit, libertatis suæ dominium acquirit. PER POSSESSIONEM, &c. Est autem possessionis tempus diuersimodè definitum legibus: uti patebit infra n. 398. & 399.

USUCAPIO accipitur duobus modis: primò formaliter, secundò pro effectu resultante. Primo modo.

391. *Usucapio est rei aliena possessio, continuata tempore legibus definito.* Secundo modo

392. *Usucapio est dominij acquisitio, per possessionem continuatam tempore legibus definito.* Hæc secunda usucapio ferè coincidit cum terciâ præscriptione: quâ tamen est minùs communis. Omnis enim usucapio, est præscriptio; non è diuerso. Nam iuris alieni elisio non est usucapio propriè dicta, quia non est dominij ac-

quisitio, nisi latè sumpta. Quorumdam restrictio vsucapionis ad mobilia, & præscriptionis ad immobilia, ipso iure refutatur : vnde ista duo passim accipiuntur vt synonyma.

393. Ad præscriptionem, & vsucapionem, regulariter requiruntur quatuor : scilicet titulus probabiliter præsumptus, bona fides, possessio, & eiusdem continuatio tempore legibus definito. Hic

394. *Titulus est fundamentum possessionis* : in quo scilicet fundatur iustitia possessionis. v. g. donatio, collatio, successio, emptio, permutatio, &c. Vide n. 365.

395. *Titulus probabiliter præsumptus est is, qui prudenter iudicatur esse verus*, quamvis realiter talis non sit. v. g. venditio, vel donatio rei, facta ab eo, qui bonâ fide fuit creditus dominus, vel potens alienare, &c. Hic titulus probabiliter præsumptus, determinatæ possessioni iunctus, sufficit transferendo dominio : verus autem titulus sufficit per se, absque præscriptione. Cæterum titulus præfatus requiritur ordinariè ad præscriptionem : extraordinariè tamen in longioris temporis præscriptione, non est absolutè necessarius : quia, illius obliuio tunc faciliè obrepit Vide num. 366. & 397. Hic

396. *Bona fides est actus intellectus, credentis rem esse suam nescientisve esse alienam* EST ACTVS INTELLECTVS, scilicet existimatio, persuasio, credulitas. PRVDENTER : quo excluditur persuasio procedens ex ignorantia crassâ iuris manifesti vel ex inordinatâ cupiditate habendi alieni. CREDENTIS REM ESSE SVAM, ratione præteritæ fundatæ possessionis ; vel præsentis apprehensionis rei adespotæ, quæ fit primò occupantis. Et hæc positiva bona fides requiritur ad inchoandam præscriptionem. NESCIENTISVE ESSE ALIENAM : quæ nescientia sufficit ad continuandam præscriptionis possessionem. Vide num. 359.

397. *Possessio est occupatio rei, tanquàm sua*. POSSESSIO naturalis & civilis simul, aut civilis tantum iuxta n. 370. & 371. non autem naturalis tantum, quæ ad

præscriptionem non sufficit. *TANQUAM SUA*, nam occupatio rei alienæ, vel nomine alieno, non est vera possessio: sine quâ, præscriptio non procedit. Totum enim ius præscriptionis fundatur & oritur ex possessione præscribentis. Vnde defectu huius possessionis non potest rei proprietatem præscribere fructuarius, colonus, emphyteuta, feudatarius, conductor, commodatarius, pignerator, religiosus professus: neque locum sacrum, iusue decimarum laicus, &c.

398. *Continuatio possessionis est insistentia rei occupata, tanquam sua.* Siue, est rei apprehensa; tanquam sua detentio continuata tempore legibus definito. Hoc autem usucapionis, & præscriptionis tempus, legibus definitum, varium est. Pro mobilibus, cum titulo, est triennium, sine titulo triginta anni. Pro immobilibus priuorum, cum titulo, inter præsentem, id est, habitantes, in eodem territorio, decem anni: inter absentes, id est, habitantes in diuerso territorio, viginti anni. Nam unus annus præsentis, æquiualeat duobus absentis. Sine titulo, sunt triginta anni.

399. In hac præscriptionis materiâ, *tempus longum* est spatium decem annorum, inter præsentem: viginti inter absentes. *Longissimum tempus* est spatium triginta, vel quadraginta annorum. Pro immobilibus, contra Ecclesiam Romanam, requiruntur centum anni: contra aliam Ecclesiam, monasterium, hospitale, pia loca, piasue causas, requiruntur quadraginta. Debita rerum mobilium, & immobilium contra creditores præscribuntur diuerso tempore: omnia saltem annis triginta, cum bonâ fide. Debitum pecuniarium, à debitore non præscribitur in conscientia, contra creditorem; nisi adsit possessio immunitatis à debito, cum bona fide, quâ certo temporis spacio, debitor iudicet se nihil debere.

400. Præscriptio dicitur *non procedere*, quando ob causam aliquam non potest incipere. v. g. defectu tituli, possessionis ciuilem, bonæ fidei, &c. Dicitur *dormire*, quando inchoata, cessat ad tempus; & postea vim resumat, continuaturque cum tempore cessionem

præcedente. Cessat, inquam, ad tempus belli, pestis, viduitatis Ecclesiæ, ætatis pupillaris, &c. Dicitur *interrumpi*, quando inchoata, ita cessat, ut reuiuiscens non possit cum tempore præcedente continuari, sed debeat de nouo inchoari. Quod contingit, quando interrumpitur possessio, bona fides: quando fit litis contestatio, citatio, &c.

401. Qui legitimè rem præscripsit, efficitur illius verus dominus; neque tenetur in conscientiam eam restituere, etiamsi postea constet ei fuisse alienam. Ratio est, quia leges statuunt ut per præscriptionem fiat dominij acquisitio; etiam quando nulla interuenit negligentia domini prioris. Idque pro bono communi, ne incerta maneant rerum dominia: & ut omnis litium materia tollatur. Interim aduersus præscriptionem quibusdam conceditur restitutio in integrum. Quæ

402. *Restitutio in integrum est prioris iuris redintegratio, & in pristinum statum repositio*, iudicis autoritate.

403. *Postliminium est ius amissa rei recipiende, & in pristinum statum reponenda*. Hoc ius est introductum naturalis æquitate, ut qui ab hoste detinebatur, inde ad limen suum redux, pristinas res suas recuperaret: ut etiam hostili prædatione res à nostro limine abductæ; post ad idem limen reductæ, recuperarentur.

De Variis Terminis Iuris.

404. **R**econuentio est actio, quâ reus actorem se conuenientem, de aliâ re vicissim iuridicè conuenit.

405. *Acceptilatio est imaginaria solutionis testificatio*, quâ creditor testatur se liberare debitorem à debito; & fatetur sibi satisfactum esse: quamuis realis solutio non interuenerit. Hoc fieri potest scripto, vel stipulatione, quâ creditor debitori interroganti, *Argentum, quod debeo, habes acceptum?* respondet, *Habeo acceptum*:

406. *Apocha est scriptum, quo creditor fatetur sibi esse satisfactum pecuniâ numeratâ*: non imaginariè, uti in acceptilatione, sed realiter.

407. *Antapocha est scriptum, quo debitor testatur se*

creditori obligari in certam summam.

408. *Transactio est conventio onerosa, quâ res dubia & incerta componitur inter partes. Si res certa foret, & indubium ius vnius partis; tunc pars aduersa non posset transigere per se, nec per aduocatum.*

409. *Satisfactio est actus iudicialis, quo datis fideiussoribus, vel pignoribus, de lite idoneè cauetur. Ferè coincidit cum cautione: quæ tamen latius patet. Nam*

410. *Cautio est actus iudicialis, quo dato fideiussore, pignore, vel iuramento, res cauta fit, & in tuto collocatur.*

411. *Cauere est rem cautam tutamque facere, dato fideiussore, pignore, vel iuramento.*

412. *Solutio est precij numeratio, debitiue expunctio.*

413. *Compensatio est debiti & crediti inter se contributio. Sine est rei vnius, per alteram, adæquatio, & tantidem refusio,*

414. *Satisfactio est iniuria illata, ad quandam iustitiæ æqualitatem compensatio. INIURIAE ILLATÆ, etiam absque vlllo damno. AD QUANDAM IUSTITIÆ ÆQUALITATEM, etiam si non omnimodam; dummodò parti læsæ satis fiat. Aliàs generaliter accepta satisfactio comprehendit quamcunque solutionem, compensationem, restitutionem, satis passionem,*

De restitutione.

415. **R**estitutio est rei accepta redditio, vel damni illati compensatio. Siue, est rei debita redditio, in se, vel in æquivalenti. REI ACCEPTÆ REDDITIO: nam restitutio est iterata constitutio rei in statum pristinum. REI INQUAM ACCEPTÆ iure, vel iniuriâ. Iure, in deposito, commodato, mutuo, &c. iniuriâ, in fructu, rapinâ, &c. REDDITIO in se, vel æquivalenti. VEL DAMNI, interesse, comprehendens etiam lucrum cessans: per iniuriam ILLATI, absque vllâ acceptione, vel commodo inferentis. COMPENSATIO, tantidem refusio.

416. *Restitutio est externus actus iustitiæ commu-*

tatiuz : ad quam spectat constituere æqualitatem rei ad rem. Est necessaria ad salutem, quando est possibili : aliàs serium illius propositum.

417. Restitutionis præceptum est affirmativum, quatenus illo mandatur positiva redditio rei acceptæ : & eatenus obligat semper, sed non ad semper. Est autem negativum, quatenus illo mandatur abstinencia voluntariæ detentionis rei alienæ : & eatenus obligat semper, & ad semper.

418. Sunt duo generalia capita restitutionis : scilicet *res accepta*, & *acceptio iniusta*. Res inquam accepta iniuste, vel iuste alteri debita, per contractum : ideoque sub re acceptâ intelligitur etiam contractus : & sub iniustâ acceptione, intelligitur etiam iniusta detentio, & damni illatio. Vnde vniuersim sunt quatuor capita restitutionis : scilicet *iniusta acceptio*, *damni illatio*, *res accepta*, & *contractus*.

419. *Iniusta acceptio est res aliena usurpasio, dominatio rationabiliter invito*. ALIENÆ, secundum proprietatem, quinet secundum vsum, & administrationem. Vnde ex hoc capite obligatur ad restitutionem, qui accipit rem propriam, commodatò, vel locatò, vel pignore datam, vel administrationi alienæ subditam. USURPATIO per ablationem, vel detentionem. DOMINO RATIONABILITER INVITO, aliàs non foret iniusta acceptio, si dominus sponte consentiret, vel esset irrationabiliter invitus.

420. *Damni illatio est iniusta detrimenti, irrogatio*, in bonis temporalibus, famâ, vel honore. DETRIMENTI, damni emergentis, lucrive cessantis. IRROGATIO, quâ damnum inferitur, vel illatum non refarcitur. Damnum inquam inferitur, absque vllâ acceptione, vel commodo inferentis.

421. *Res accepta est res alteri debita in se, vel æquivalenti extans*. DEBITA ex iustitiâ : v. g. equus furtivus, legatum alteri, venditum, &c. VEL ÆQUIVALENTI, in precio, vel in re permutatâ, &c. EXTANS apud alterum, separatim à domino : idque iuste, per commodatum, locatum, depositum, bonæ fidei emptio-

Breviarii Theologici Pars II. II. 265
nem, &c. vel iniuste, per furtum, rapinam, malæ fidei
emptionem, &c.

De contractibus.

422. *Contractus est ultro citroque obligatio.*
CULTRO CITROQUE, ex utraque parte:
unde excluditur semicontractus, pariens tantum in
alterutro obligationem. **OBLIGATIO** paciscentium
mutua, & reciproca; eaque iustitiæ, & stricti iuris:
non solius amicitiae, gratitudinis, decentiæ, &c.
Proprie & formaliter.

423. *Contractus est pactum, causans ultro citroque
obligationem;* quâ paciscentes, sibi mutuo debitores
constituuntur. *Obligationem* inquam personarum de
rebus, vel de personis, uti fit in matrimonio.

424. *Semicontractus est pactum, causans ultro citro-
que obligationem:* non in utroque, sed tantum in alteru-
tro paciscentium. Eiusmodi est donatio, & gratuita
promissio acceptata.

425. *Pactum est duorum in idem consensus, atque
conventio.* **DYORVM**, pluriumve: nam ad pactum re-
quiritur ut diuersæ voluntates conspirent **IN IDEM**
faciendum. **CONSENSVS** reciprocus; & in se mutuo
directus, **ATQUE CONVENTIO**, scripto, verbo, nutu fir-
miliue signo externo expressa.

*Contractus variè diuiditur: in explicitum & impli-
citum: in nominatum & innominatum, &c.*

426. *Contractus explicitus est pactum expressum, pa-
riens ultro citroque obligationem.*

427. *Contractus implicitus est pactum virtuale, pa-
riens ultro citroque obligationem; absque expressa con-
ventionem.*

428. *Contractus nominatus est is, qui habet speciale
nomen, quo distinguitur ab aliis contractibus.*

429. *Contractus innominatus est is, qui non habet
speciale nomen; sed solum genericum. Huius sunt qua-
tuor species: Do, ut des: Facio, ut facias: Do, ut fa-
cias: Facio, ut des.*

430. *Contractus stricti iuris est is, in quo iudex ad verba contrahentium adstringitur.*

431. *Contractus bona fidei est is, in quo potest ex aequo & bono iudex arbitrari aliquid, quod à contrahentibus non fuit expressum; sed bonâ fide censetur subauditum.*

432. *Contractus gratuitus, siue lucrativus est is, in quo pro dato nihil rependitur. v. g. donatio, commodatum, precarium.*

433. *Contractus onerosus est is, in quo pro dato aliquid rependitur.*

434. *Contractus nudus est is, qui in merâ paciscensiam conventionem consistit; absque ullo iuris civilis firmamento.*

435. *Contractus vestitus est is, qui præter paciscensiam conventionem, habet superadditam iuris civilis firmitatem. v. g. stipulationem, traditionem, iuramentum, &c.*

436. *Contractus irritus est is, qui iure naturali, vel positivo est invalidus, ipso facto. IURE NATURALI, vti contractus initus absque iudicio rationis. IURE POSITIVO, vti matrimonium metu contractum.*

437. *Contractus irritandus est is, qui licet sit validus, potest tamen per iudicem irritari: ratione doli, fraudis, iniuriæ illatæ, &c. Cæterum dolus, aut error dat causam contractui, quando movet absolute ad contrahendum; ita vt absque eo, non fuisset initus contractus. Non dat autem, quando error tantum incidit in contractum, aliàs incundum; sed non hoc modo*

438. *Contractus quidam transfert rei dominium: vti permutatio, venditio, mutuum. Alius transfert solum usum rei: vti commodatum, precarium. Alius solam rei custodiam: vti depositum, pignus. Quidam cedit in solius accipientis commoditatem, vt donatio, commodatum, mutuum: alius in solius dantis, vt depositum: alius in dantis & accipientis, vt locatum, pignus.*

De obligatione restitutionis.

439. **A**D restitutionem obligatur ratione iniustæ acceptionis, & damnificationis, quisquis est illius causa immediata exequens; scilicet *Capiens aliena, eiusque minister*: item qui est illius causa mediata efficaciter cooperans, scilicet *Iussio, consilium, consensus, palpo, recursus, Participans, mutus, non obstands, non manifestans.*

440. **IUSSIO**, id est iubens, præceptoque suo expresso, vel implicito, efficaciter impellens causam executricem damni; eique iniiciens quandam obligationem parendi, ita ut non possit, vel non audeat reluctari. **Præcepto**, inquam, *explicito*, id est expressis verbis, signisve æquivalentibus iubendo, & iniiciendo alteri obligationem parendi. **VEL IMPLICITO**: quale præceptum implicitum subest in incussione metûs, impellentis ad damnum; & in ratihabitione, complente illud in fieri; vel impediante restitutionem facti. Item in desiderio superioris, efficaciter intimato inferiori. v. g. dicendo. *Vtinam quis vindictæ me, de hoste meo!* &c. **EFFICACITER IMPELLENS**, &c. quia si causa executrix damni, erat illud executura propria sponte, absque iussu mandantis; tunc mandans, siue præcipiens, & iubens, non erit causa efficax damni: & consequenter non obligabitur ad restitutionem. Similiter si executor erat minus damni illaturus, & mandans amplius iussit; obligabitur probabiliter tantum ad auctarium. Idem in utroque casu sentiendum de consulente, consentiente, adulante, &c. quâ tali: qui tamen quâ mutus, non obstands, non manifestans, obligabitur in solidum.

441. Si mandans, mandati sui revocationem intimet mandatario, ante damni illationem; non tenebitur ad restitutionem: quia sublata est efficacia motionis, à se provenientis.

442. **Consilium**, id est, persuadens efficaciter damnum, consilio, hortatu, rogatu, rationum allegatio-

ne, instructione, precibus, promissis. Item dolo, vel culpâ latâ dissuadens restitutionem damni, absque suo consilio illati. Si re integrâ, consilium, aliaue ei æquiualentia reuocentur efficaciter à consultore, liberabitur à restitutione. Verùm; plus requiritur ad efficaciter reuocandum consilium, quàm mandatum. Nisi fortè quis consulisset v. g. furtum, in sui consulentis vtilitatem, vel dicendo illud esse licitum; tunc enim sufficeret reuocatio consilij, dicendo sincere nolle suo commodo furtum fieri, illudque esse illicitum.

443. Quando non superest alius modus auertendi magni nocimenti Titio imminentis, quàm consilium eidem minoris inferendi; tunc eiusmodi consilium dans, excusatur à restitutione, tanquam vtiliter gerens negotium eius. Secus foret, si consilium minoris damni inferendi, dirigeretur in alium, de quo non cogitabat nociturus.

444. Qui tenetur ex officio, iustitiâ, stipendio, professione, ad dandum consilium; si dolo, latâue culpâ dederit damnosum persuaso, tenebitur ei ad restitutionem.

445. *Consensus*, id est, dans assensum & suffragium, quod est causa efficax damni. Sin minùs, erit consensus peccaminosus, iuxta Apostolum Rom. 1. sed non restitutioni obnoxius. Inefficacia consensûs oriri potest ex futilitate consentientis, vel inutilitate ipsius consensûs: quia scilicet absque eo, damnum erat irreuocabili-ter inferendum. Secus foret, si dissensu potuisset damnum auerti.

446. *Palpo*, adulator, impellens efficaciter ad damnum adulatione, ignauiz exprobratione, laudatione damnificantis, vel patrandi sceleris.

447. *Recurfus*, recipiens damnificantem, occultans furtum, furtiue instrumenta: perfugium & securitatem præbens: protegens, apud iudicem defendens, efficaciter animans simili modo, ad inferendum damna, vel non reparandum illata.

448. *Participans*, tanquam causa partialis spontè

Cooperans iniustæ damnificationi : & hic tenetur in solidum, quia est concausa totius damni ; etiam si damnificans constituisset solus patiære totam damnificationem. Si non sic cooperetur, sed scienter acceptet partem rei ante ablata ; ad illius tantum partis restitutionem tenebitur, quatenus particeps. Si autem insuper sit mutus, non obstans, non manifestans, tenebitur in solidum. *Sponsus* inquitbam cooperans, quia si quis metu coactus, damnificanti apponat scalas, det instrumenta effractoria, abigat furtivum pecus, auehat prædam, præbeatue aliud simile auxilium indifferens, non per se malum, non tenebitur ad restitutionem.

449. Non tenebitur etiam in solidum, sed tantum ad suam partem is, qui non est cooperatus ad idem damnum indiuiduum, sed intulit distinctum, alijs eodem tempore alia damna inferentibus : nisi eis efficaciter sit cooperatus aliquo modo. Quod si omnibus perpensis, dubium sit ; & res maneat incerta, talis non erit in solidum obligandus : quia in dubio, melior est conditio possidentis libertatem suam.

450. *Mutus*, qui potest, & ex officio, vel iustitiâ debet damnificantem impedire verbis, ab inferendo damno : vel inducere ad illati restitutionem ; & tamen culpabiliter omittit.

451. *Non obstans*, qui potest, & ex officio, vel iustitiâ debet damnificantem impedire facto, corporali-que auxilio, ab inferendo damno ; vel cogere ad illati restitutionem : & tamen culpabiliter omittit.

452. *Non manifestans*, qui potest, & ex officio, vel iustitiâ debet verbali delatione ad magistratum, dominum, eumque cuius interest deferre damnificantem ; ad hoc ut damnum impediatur, aut illatum resarciatur : & tamen culpabiliter omittit.

453. Itaque ante damni illationem, in illâ, vel post illam, *Mutus* omittit operam verbalem, erga damnificantem : *Non obstans* omittit operam corporalem, erga eundem damnificantem : *Non manifestans* omittit

operam verbalem, erga magistratum, dominum, cumue cuius interest.

454. Harum nouem efficacium causarum damni sex primæ sunt positivæ : tres ultimæ sunt negativæ, Genetur autem negatiua efficax causa damni, quisquis ex officio, vel iustitiâ debet, & potest illud inferendum impedire, aut illati restitutionem procurare; & tamen omittit culpabiliter, maxime dolo, vel culpâ latâ. Vnde sequitur quòd Confessarius mutus, eiusmodi dolo, vel culpâ latâ, non impediens poenitentem, à damni illatione; vel non obligans ad illati restitutionem; ipsemet ad illam obligetur: nisi postea eundem debite monuerit obligationis suæ. Idem esto iudicium, si positivè indebito obligauit poenitentem ad restitutionem, aut ab eâ exemit. Confessarius inquam, siue ex obligatione, siue ex solâ charitate talis: quia vterque fungens hoc officio, obligatur ad munus suum debite implendum.

455. Ad restitutionem ratione rei acceptæ, obligatur ante omnes alios, quisquis illam rem habet in se; vel æquiualentem. Quia *res transit cum onere*: & consequenter res accepta, cum onere restitutionis. Imò si malâ fide eam habeat, obligatur ad restitutionem omnium fructuum illius, à se perceptorum: quin & percipiendorum aliàs à domino, etiam per meram industriam. Quam si dominus non erat adhibiturus; tunc eiusmodi meræ industriæ fructus, non erunt restituendi: & in mixtis, durante bonâ fide perceptis, expensæ erunt deducendæ. Cæterum

456. *Fructus merè naturales, sunt ij, qui naturali rei productione pronentant, absque industriâ humanâ. v. g. fœnum, poma, glandes, &c.*

457. *Fructus merè industriales sunt qui industriâ humanâ proueniunt ex re sterili. v. g. lucrum ex negotiatione pecuniæ, ex artificioso vsu penicilli, colorum, &c.*

458. *Fructus mixti sunt qui naturali productione rei proueniunt, accedente industriâ humanâ. v. g. segetes melles, &c.*

459. Si res aliena non amplius extet, & alienata vel consumpta fuerit bonâ fide, ab eo, qui ignorabat esse alienam; tunc tenebitur tantum restituere auctarium, quo factus est ditior. Si autem malâ fide, tenebitur restituere totum precium rei.

In hac materiâ damnificationis, & restitutionis,

460. *Principalis est is, qui inducit alterum ad inferendum damnum, nomine suo; vel iussu, coactione, aut fraude.* **NOMINE** suo, in sui inducentis commodum, vindictam, oblectationem, &c. **VEL IVSSU** efficace, iniiciente executori necessitatem parendi: quia scilicet procedit à personâ, cuius authoritati non est ei integrum reluctari. **COACTIONE** renitenti illatâ, vi intentâ, metuue incusso. **FRAUDE**, astutiâ, deceptione, dolo. In genere

461. *Executor damni est is, qui immediate illud infert, exequendo illud propriâ sponte, vel impulsu alieno.* **Proprie**

462. *Executor est is, qui immediate infert damnum nomine impulsus principalis, tanquam instrumentum illius.* **IMPULSVV** alienæ iussionis, coactionis, aut fraudis.

463. Ad restitutionem, ratione damni illati, obligatur primo loco Principalis: cui restituenti, executor aliaux causa secundaria non obligatur. Quia qui suo nomine vult inferri damnum implicite suscipit in se onus faciendæ restitutionis: & iubens, cogens, vel fraude inducens ad damnum inferendum; iniuste coniicit inductum in obligationem restitutionis. In defectum principalis, secundo loco obligatur executor, quâ talis; quatenus scilicet est executus damnum, nomine principalis, & tanquam instrumentum illius. Executori restituenti, aliæ causæ secundariæ positivæ vel negativæ, non obligantur; sed principalis. Vti etiam causis secundariis restituentibus, obligabitur illis executor. Tertio loco obligantur causæ positivæ: quarto, negativæ: inter quas est hic ordo, *Non obstants, minus, non manifestans*: quæ etiam probabiliter manens immunes, restituentibus positivis.

464. Quod si executor, suo & complicum nomine, intulit damnum; omnes tenentur primo loco: & ipsemet, tanquam vnus illorum: tanquam autem executor tenetur secundo loco. Quando autem plures fuerunt æquè principales, vel æquè secundariae causæ eiusdem damni; primò tenentur singuli conferre æquales portiones, ad restitutionem: Secundò in defectum complicum, quisque tenetur in solidum: Tertiò ei, qui prior totum restituit, reliqui tenentur in conscientia, pro sua parte: interim in foro externo non datur actio in socios criminis.

465. Si damnificatus condonet restitutionem obligato primariò ad eam; tunc qui secundariò in defectum illius obligantur, manent immunes. Secus est, si condonatio fiat secundario: tunc enim primarius non est immunis. Idem esto iudicium, si fiat condonatio vni eorum, qui æquè primariò, vel secundariò obligantur ad restitutionem: nam reliqui manent obligati, pro suâ quotâ.

466. *Causa efficiens damni est ea, quæ in illud influit, physico, vel morali influxu; ita vt damni illatio ab eâ dependeat.*

467. *Causa sine quâ non, est ea, ad cuius esse sequitur causa executricis effectus; aliàs non secuturus, sine ipsius, similisue cooperatione. In hac materiâ restitutionis,*

468. *Obligari in solidum, est teneri ad totius restitutionem: quo modo obligatur, qui est causa; vel con-causa totius damni. Multum autem interest, num damnum sit datum culpâ: non theologicâ, quæ peccatum est, vel iuxta D. Th. 1. 2. q. 21. a. 2 est imputatio vituperij, consequens peccatum; sed iuridicâ, siue civili: quæ civilis.*

469. *Culpa est omisio circumspectionis, & diligentis, ex quâ alius damnum sequitur. CIRCUMSPECTIONIS, quæ*

470. *Circumspectio est attenta consideratio eorum; quæ consideranda sunt, hic & nunc. ET DILIGENTIA, quæ*

471. *Diligentia est attentio animi, & sollicitudo, ad opus adhiberi debita. Ex qua omissione. ALICVI, ipsi culpabili, vel alteri: nam culpa alterutri damnosa est. DAMNUM SEQUITUR: nam culpa non potest esse obligatoria restitutionis, nisi sit damnosa alteri.*

Culpa diuiditur in latam, latiore, & latissimam: in leuem, & leuissimam.

472. *Culpa lata, est communis diligentia, à prudentibus adhiberi solita omisso damnosa. A PRUDENTIBVS eiusdem conditionis, artis, idem negotium tractantibus.*

473. *Culpa latior est communis diligentia, à prudentibus adhiberi solita omisso damnosa supina; ita ut merito præsumatur esse dolus. Itaque Culpa latior est dolus præsumptus.*

474. *Culpa latissima est communis diligentia, à prudentibus adhiberi solita omisso damnosa; ea intentione ut alter decipiat, & damno afficiatur. Itaque Culpa latissima est dolus apertus.*

475. *Culpa de se leuis, imò leuissima, potest esse lata in rebus summoperè periculosis, ubi adhibenda est communi maior, imò summa diligentia. Item in personis, quæ ad summam diligentiam obligantur ex officio, propriâ professione, stipendio lautiore, &c.*

476. *Fraus est factum, ad alterum decipiendum.*

477. *Dolus est dictum, vel factum, ad alterum decipiendum, Secundum Iurisconsultos,*

478. *Dolus est quavis calliditas, fallacia, & machinatio, ad circumueniendum, fallendum, & decipiendum, adhibita. Calliditas fit tacendo, fallacia mentiando, machinatio arte verborum, ait Glossa.*

479. *Ad restitutionem, ratione contractus, potest quis diuersimodè obligari; præcipue ubi culpa intercessit. Itaque quando contractus. v. g. commodatum, cedit in utilitatem solius accipientis; ipse tenetur de culpâ latâ, leui, & leuissimâ: excepto precario, in quo quis tenetur tantum de culpâ latâ; idque propter obligationem faciendæ restitutionis, quocunque momento, ad nutum concedentis.*

Quando contractus, v. g. locatum, cedit in vtilitatem dantis, & accipientis; ipse accipiens tenetur de culpâ latâ, & leui, non autem de leuissimâ. Quando contractus v. g. depositum, cedit in solius dantis vtilitatem; ipse accipiens tenetur tantum de culpâ latâ, non autem de leui, aut leuissimâ.

480. Quando res perit casu fortuito apud commodatarium, conductorem, &c. ipse ad nihil tenetur: nisi sit in morâ reddendi; aut culpâ suâ dederit occasionem casui fortuito; aut ad illum præstandum sese obligarit.

481. *Casus est effectus per accidens, & præter intentionem causa efficiens.* Effectus per accidens, siue

482. *Casus fortuitus est effectus, ab agente non intentus, neque intento coniunctus per se, sed contingenter.* NON INTENTVS directè, expressâque intentione volitus: NEQVE directè, INTENTO CONIUNCTVS PER SE & ex naturâ rei; atque adeo non volitus indirectè: SED intento coniunctus *contingenter*, & planè fortuito. Eiusmodi foret iactura pallij commodatitij, & equi conductitij, à prædonibus abrepti Titio, cum debitâ circumspectione, petenti Duaco Cameracum. Vide I. 2. n. 282. & 284.

483. *Effectus non fortuitus est quid directè intentum, vel sic intento, per se coniunctum.* Eiusmodi foret ebrietas illius, qui directè eam intendit. Item illius, qui expressè non intendit eam; sed voluit sine briâ, & mensurâ bibere.

De furto, rapina, detractione, &c.

484. **F**URTUM est iniusta, & occulta rei aliena acceptio. EST INIUSTA, violando ius domini, rationalibiter inuiti: quia non esset furtum, si acceptio foret iusta; v. g. in extremâ necessitate, & in occultâ compensatione, &c. Item si dominus consentiret, aut si foret irrationabiliter inuitus. ET OCCULTA, domino nesciente, saltem ex intentione accipientis: quâ parte, furtum differt à rapinâ, & acceptione iniustâ, per con-

tractum iniquum. REI ALIENÆ, proprietate, vel vſu. Vnde quamvis non ſit furtum, acceptio rei ſuæ, quatenus ſua eſt; poteſt tamen eſſe, quatenus eſt aliena vſu, aliove iuſto titulo v. g. commodari, pignoris, &c. ACCEPTIO, vſurpatio, qua res, ab accipiente ſibi vindicatur: per quam partem, furtum diſtinguitur ſaltem materialiter, à damnificatione, qua res aliena vaſtatur & deſtruitur. Sub acceptione autem comprehenditur iniuſta detenſio rei alienæ, etiam ante iuſtè acceptæ.

485. *Rapina eſt iniuſta, & violenta rei alienæ acceptio.* VIOLENTA facta domino ſcienti, & renitenti, per ſe, vel cuſtodes; ſaltem non ſponte ſcienti.

486. *Plagium eſt liberi hominis iniuſta acceptio, facta animo vindicandi illum in ſervitutem.* LIBERI, quin & ſervi, latè accipiendo plagium.

487. *Peculatus eſt furtum pecunia publica.*

488. *Abigeatus eſt pecudum iniuſta, & violata, dolosaue abductio.*

489. *Detraſtio eſt aliena fama occulta, & iniuſta denigratio.* FAMÆ OCCULTA DENIGRATIO, irrogata abſentis ſaltem ex intentione detrahentis. Quæ partè diſtinguitur à contumelia, quæ præſenti aufert honorem. ER INIUSTA, ſi enim eſſet alienæ famæ iuſta denigratio, non foret formalis detraſtio. v. g. amicus meus eccleſiaſticus vult aſſumere N. in domeſticam famulam, ratus eam pudicam, & fidelem; quam ego ſcio eſſe occultè impudicam, & furacem, ideoque moneo ne eam aſſumat, quia ei non conducatur. Nihilominus ipſe perſeuerat in reſolutione eam aſſumendi, niſi allegauiero rationes pertinentes: itaque ſub ſecreto dico ei eſſe impudicam & furacem, abſque formali detraſtione; quia abſque iniuſta famæ illius denigratione. Nam non habet ius, vt ego celem peccatum ipſius occultum, cum amici mei euidenti periculo damni ſpiritualis, & temporalis. In genere.

490. *Fama eſt multorum exiſtimatio de re aliquâ. Siue eſt rumor plurimorum, ſermoque communis de re aliqua.* Perſonæ autem.

491. *Fama eſt multorum exiſtimatio de vitâ, & mori-*

bus alicuius. EXISTIMATIO: inquam, bona, vel mala: quæ est infamia: à qua etiam dicitur famosus latro, famosa meretrix, &c. Bona.

492. *Fama est multorum existimatio de alicuius excellentiâ in virtute, probitate, scientia, &c. Secundum Iurifconsultos.*

493. *Fama est illa dignitatis status, legibus & moribus comprobatus.*

494. Detractor obligatur ad restitutionem famæ, & damnorum secutorum; etiam cum propria infamia: quin & cum vitæ propriæ periculo, si eiusmodi periculum immineat diffamato.

495. *Honor est testimonium, æstimationis propria de excellentiâ alienâ, In virtute, scientia, &c. Honor est excellentior fama, quam includit; scilicet æstimationem excellentiæ alienæ; & insuper illius testificationem. Ideoque contumelia, tollens honorem, cæteris paribus, est gravius peccatum detractio, tollente famam.*

496. *Contumelia est iniusta honoris violatio, irrogata præfenti, & scienti.*

497. Si ex contumelia, aut detractio non sit damnum secutum; vel honor & fama sit recuperata, contumeliosus aut detractor tantum tenebitur ad veniæ petitionem, & reconciliationem.

De proposito, promissione, donatione, &c.

498. **P**ROPOSITUM est mentis statutum, absque fidelitatis obligatione. Siue, est deliberata voluntas exequendi id, quod electum est ad aliud assequendum.

499. *Promissio est deliberata & spontanea fidei obligatio, de re possibili, gratuitaque promissario. DELIBERATA ET SPONTANEA, plena animaduersione deliberata, absque coactione, metu, dolo, errore, Plena, inquam animaduersione: nam si subsit tantum semiplena deliberatio, promissor non obligabitur: quia promissio est onus sponte susceptum, quod debet esse plene deliberatum. FIDELI siue fidelitatis. Secundum Cicero-*

nem lib. 1. Officiorum.

500. *Fides est dictorum, & conuentorum constantia, & veritas.* POSSIBILI: nemo enim potest obligari ad impossibile: quale quid si quis sciens promittat, non erit vera promissio, sed illusio. GRATAQUE PROMISSARIO; aliàs foret potius comminatio. Quæ

501. *Comminatio est mali dandi intentatio.*

502. *Donatio est doni gratuita collatio.* Siue, est liberalis datio. GRATVITA, & LIBERALIS, facta sine donatoris debito iustitiæ; & non ordinata ad eiusmodi debitum imponendum donatario. Secus est de debito gratitudinis: quale si subsit ex parte donatoris, erit donatio remuneratoria.

503. *Datio est donantis actio, natura sua sufficiens ad transferendum dominium rei donatæ: modò donator habeat doni dominium, cum potestate alienandi.*

504. *Donatio completa est ea, quæ fit reali traditione doni.*

505. *Donatio incompleta est ea, quæ fit solâ verbali traditione.*

506. *Donatio inter vivos est ea, quâ donator, se vivo transfert dominium rei in donatarium.*

507. *Donatio mortis causâ, est ea, quâ donator, se mortuo transfert dominium rei in donatarium.*

508. *Pollicitatio est nuda promissio, sine acceptatione promissarij.*

509. Promissio, & donatio non obligat ante acceptionem, potestque interea reuocari: nisi quid donatum promissumue sit Ecclesiæ, hospitali, ciuitati, aut vniuersitati, quia illud potest semper acceptari.

510. Iure naturæ irrita est promissio, cuius impletio est peccatum: ad quod nemo potest obligari. Iure positiuo irrita est ea, quæ est contra bonos mores ciuiles, & præbet occasionem peccandi.

511. Promissio onerosa, facta ob turpem causam, irrita est vtrunque, ante operis patratiōem: post eam tamen promissor obligatur, non tantum ex fidelitate, sed & iustitia: tum ratione contractus locati & conducti, alteriusue innominati: tum ratione voluptatis,

utilitatis, laboris, & similibus pretio æstimabili-
lium.

§12. Inter vivos donatio, etiam completa, potest
reuocari, primo ob ingratitudinem donatarij; secun-
dò ob prolem, à donatore genitam: tertio si sit inoffi-
ciosa, id est contra officium pietatis paternæ in filios.

§13. Donatio mortis causa, potest reuocari, primo
si poeniteat donatorem: secundò si mors instans euada-
tur, cuius intuitu donatio facta fuit: tertio si dona-
tarius moriatur ante donatorem.

§14. *Stipulatio est contrahendi formula, constans præ-
missâ unius interrogatione, & alterius subsequâ responsione.*
v. g. *Spondes centum? Spondeo Fideiubes? Fideiubeo.*

De testamento, codicillo, &c.

Inter donationes mortis causâ, præcipuum locum
tenet testamentum: quod

§15. *Testamentum est ultima voluntatis dispositio, di-
rectaque hæredis institutio.* TESTAMENTUM, quasi te-
stis mentis: utpote instrumentum, quo quis testatur vl-
timam suam mentem. EST ULTIMAE VOLUNTATIS,
actualis & obiectiua. Nam hæc

§16. *Ultima voluntas est rei alicuius volitio, habitua-
liter perseverans usque ad mortem; post eam mandanda
executioni.* DISPOSITIO, ordinatio, expressa verbo
alioue signo externo; & proprie scripto. Ideoque scri-
ptum continens testatoris ultimam voluntatem voca-
tur testamentum. DIRECTAQUE HÆREDIS INSTI-
TUTIO: quæ scilicet fit per verba directâ. Hæc autem
Verba directâ sunt ea quæ significatione suâ, hæredita-
tem transferunt rectâ & immediatè à testatore ad hæ-
redem, sine ministerio alieno. v. g. *Rogo te Cai, ut à
Tirio hereditatem meam accipias. Rogo te fili, ut Sæmum
hæredem facias, &c.*

§17. *Hæredis institutio est nominatio successoris, in uni-
uersum ius testatoris.*

§18. *Hæres est defuncti successor in uniuersum ius illius.*
Hæres instituitur, quòd in bonorum successionē, de-

functo ita hæret, vt personam illius representet, fictione iuris.

519. *Hæreditas est successio in uniuersum ius defuncti, quod habuit mortis suæ tempore. Imò proprie, est uniuersitas bonorum, à defuncto relictorum.* VNIVERSITAS, siue VNIVERSVM IVS, ad excludendos particulares titulos legati, donationis, &c. quibus aliquâ in parte, & titulo speciali succeditur defuncto.

520. *Codicillus est ultima voluntatis testificatio, sine hæredis institutione, testamentariaque solennitate.* CODICILLVS, paruus codex, & tabella cera illita, stylo exarari apta. TESTIFICATIO de eo, quod quis fieri vult, post mortem suam. SINE HÆREDIS INSTITUTIONE directa: aliàs foret testamentum. Itaque codicillus non fit ad instituendum hæredem: sed ad aliquid legandum, ad explicandum testamentum, substitutionem fideicommissariam faciendum, &c. TESTAMENTARIA QVE SOLENNITATE requirente septem testes, masculos, puberes, rogatos, subscribentes, &c.

521. *Fideicommissum est ultima voluntatis dispositio, quâ testator hæredis sui fidei committit aliquid, quod alteri sit traditurus.* v. g. hæreditatem, partemue illius aliquotam, &c. Item.

522. *Fidei commissum est donum particulare, à testatore alicui relictum, mediante hærede præstandum.* Siue, est id, quod à testatore, hæredis fidei committitur, substituto tradendum.

523. *Fideicommissarius est hæres indirectus, ad quem obliquè ministerio alterius deferitur hæreditas.*

524. *Legatum est testatoris particulare donum, abs hæreditate selectum, directis verbis alicui relictum.* Secundum Iustinianum est donatio quædam, à defuncto relictæ, ab hærede præstanda. Secundum Florentinum, est delibatio hæreditatis, quâ testator, ex eo quod uniuersum hæredis foret, alteri quid confert.

525. *Legare est testamento res particulares alicui relinquere: directis verbis dicendo, Titio centum do lego, &c.* TESTAMENTO, vel codicillo. RES PARTICULARES, abs hæreditate, testatorisque bonorum uniuersitate

separatas. *RELINQUERE* immediate per ipsum testatorem; non mediate per heredem.

526. *Damatio inofficiosa est liberalis & gratuita datio testatoris immoderata, contra officium pietatis, debitæ proximis, & hæredibus ab intestato, legitimâ priuatis; quide inofficioso conqueri possunt.*

527. *Legitima est successionis portio, lege debita hæredibus ab intestato, descendantibus, ascendentibus, & collateralibus. Ea erat olim quarta pars bonorum defuncti, reliqua deducto ære alieno, & impensis funeris; iam est tertia pars, quando sunt quatuor hæredes, & infra. Est autem semis, siue dimidia pars, quando sunt quinque hæredes, & supra. Vnde versus;*

Quatuor, aut infra, dant natis iura trientem.

Semissim verò dant natis quinque, vel ultra

Legitima debetur à parente filiis legitimis, ac nepotibus: ab illiberis filiis debetur parenti, & fratri, non merè vterino: à matre filio naturali, non spurio.

528. *Filius legitimus est natus ex parentibus, matrimonio legitimo coniunctis.*

529. *Filius illegitimus est natus ex parentibus, matrimonio legitimo non coniunctis. Idem vocatur nothus. Nam*

530. *Nothus est filius, natus ex non legitima uxore. Filiorum illegitimorum quidam sunt naturales, alij spurij,*

531. *Filius naturalis est natus ex parentibus, matrimonio legitimo non coniunctis, impedimento dirimente solutis, tempore conceptionis, vel natiuitatis.*

532. *Filius spurius est natus ex parentibus, matrimonio legitimo non coniunctis, impedimento dirimente impeditis, tempore conceptionis, & natiuitatis.*

Cum hoc spurio coincidere videtur natus ex complexu nefario, & coitu damnato: qualis est omnis illegitimus, excepto naturali. Nam coitus damnati nomine, videtur intelligi is, qui legibus ciuilibus damnatur, & punitur: scilicet adulterinus, incestuosus, sacrilegus, & similes, exceptâ simplici fornicatione. Secundum quosdam authores

533. *Spurius est incerto patre natus, matre vulgante corpus.* Lege Falcidiâ, testandi facultas limitatur, ne testator possit ultra dodrandem legare; ut quarta pars hæredi salva maneat. Itaque Falcidia detrahitur à legatis, Trebellianica à fideicommissis.

534. *Falcidia est hereditatis quarta pars, quam hæres potest detrabere à legatis, donationibusque mortis causa.*

535. *Trebellianica est hereditatis quarta pars, quam à fideicommissis potest detrabere hæres, cui est facta substitutio fideicommissoria.*

536. *Latè sumpta Substitutio est subrogatio alterius, in locum hæredis, legatarij vel donatarij mortis causâ.*

537. *Strictè sumpta Substitutio est secundæ hæredis nominatio, in defectum primæ. Siue, est subrogatio secundarij hæredis, in locum primarij.*

538. *Substituiere est uni alterum sufficere. Et propriè, est instituto hæredi alterum subrogare.*

539. *Substitutio vulgaris est nominatio secundæ, in eventum si primus hæres non erit. Siue, est simplex, & directæ subrogatio, quâ testator hæredi suo sufficit alterum, iure non prohibitum.*

540. *Substitutio pupillaris est subrogatio, quâ parens, proli sua, ante pubertatem decedenti, hæredem sufficit.*

541. *Substitutio exemplaris est subrogatio, quâ parens filio bonorum administratione interdicto, hæredem sufficit.*
EXEMPLARIS, inuenta ad exemplum substitutionis pupillaris. **FILIO** prodigo, amenti, surdo simul & inuito.

542. *Substitutio reciproca est subrogatio, quâ testator plures hæredes instituit, inuicemque substituit.*

543. *Substitutio fidei commissoria est ordinatio testatoris, hæredem suum gravantis, ut alteri tradat hereditatem, totam vel partem.*

544. *Substitutio militaris, siue compendiosa est subrogatio complectens plures substitutiones, quoad diuersa tempora v. g. Casum filium meum hæredem instituo; & quandoque decesserit. Titium ei substituo.*

De permutatione, & cambio.

545. **P**ermutatio est rei unius, pro aliâ datio, vltiò citròque,

546. *Cambium est permutatio, non gratuita: sed cum lucro campforis.*

547. *Speciatim, & strictè Cambium est permutatio pecunie pro pecuniâ, cum lucro collybista, siue campforis & numularij.*

548. *Cambium reale est permutatio pecunie pro pecuniâ, cum lucro legitimo, scilicet proueniente ex titulo iusto, v. g. amicitie, gratitudinis, industriæ, præstationis periculi, lucri cessantis, damniue emergentis.*

549. *Cambium siccum est permutatio pecunie pro pecuniâ, cum lucro iniusto, siue vsurario. Siccum, quod instar soli sicci, caret humore, iustoque titulo producendi lucri.*

550. *Cambium minutum, siue manuale est de manu ad manum permutatio pecuniarum diuersæ rationis, v. g. aureæ cum argenteâ, æreâ; maioris cum minutiore; vetitæ cum legitimâ; detritæ vel arrosæ cum asperâ, probâ; antiquæ cum nouâ; exteræ cum patriâ.*

551. *Cambium locale, siue per litteras, est permutatio pecunie præsentis, cum absente, mediante syngraphâ collybisticâ.*

552. *Cambium purum est illud, cui non admiscetur mutuum, similisue contractus.*

553. *Cambium impurum est illud, cui admiscetur mutuum, similisue contractus. Itaque cambium purum, idem est quod iustum; impurum est iniustum.*

554. *Negotiatio campfaria est periculosa; ob iniustitiam sæpè latentem. Proinde ad conscientiarum securitatem, obseruandæ sunt conditiones, quas Pius V. requirit in suâ Bullâ de cambijs, relatâ per Nauarum, Lessium, & Malderum.*

De redditu, siue censu.

Reditus accipitur duobus modis: primò pro pensione annuâ, secundò pro iure illius percipiendæ

potest accipi tertio modo, pro contractu.

555. Primo modo, *Reditus est pensio annua, ex re personæ alienæ perceptibilis*, PENSIO ANNUA, certa quantitas pecuniæ, reiue pecuniæ æstimabilis, solvenda quotannis. PERCEPTIBILIS, quæ actu percipitur, vel iure percipi potest.

556. Secundo modo, *Reditus est ius percipiendi pensionem annuam ex re personæ alienæ*. Reditui synonymus est census: qui tribus modis accipitur. Primò pro pensione annua: secundò pro iure illius percipiendæ: tertio pro contractu censuali.

557. Primo modo, *Census est pensio annua, ex re personæ alienæ perceptibilis*.

Secundo modo; *Census est ius percipiendi pensionem annuam ex re personæ alienæ*. ANNUAM: quia censualis pensio debet pendi soluique quotannis, & durare ad aliquod tempus. EX RE, estque census realis: PERSONÆ, & est census personalis. ALIENÆ: qua parte differt census ab emphyteusi, percipiente pensionem annuam ex re, dominio directo propria.

558. Tertio modo, *Census est contractus, quo super re personæ pensio annua reservatur, vel consignatur*. RESERVATUR, & est census reservatius: VEL CONSIGNATUR, estque census consignatius.

559. *Census reservatius est contractus, quo quis in alteram transfert rei sue dominium, reservata annua pensione, super eam*. DOMINIUM directum, & utile. Est etiam pensio, sic reservata; & ius eiusmodi pensionis percipiendæ.

560. *Census consignatius est contractus, quo quis super bonis, personæ sue consignat alteri pensionem annuam percipiendam*. SUPER BONIS, retento illorum dominio directo, & utili. Est etiam pensio, consignata; & ius illius percipiendæ, consignatario competens.

561. *Census realis est ius annuæ pensionis percipiendæ ex alterius re fructifera*. Item est ipsa pensio, & contractus censualis: similiter in sequentibus.

562. *Census personalis est ius annuæ pensionis percipiendæ ex persona alterius immediatè*. EX PERSONA UTILI

& fructifera : habente bona , in re vel in spe , ratione industriz & qualitatis suæ : & quidem tanta , quanta sufficiunt redditui soluendo.

563. *Census mixtus est ius annua pensionis percipiende, immediate ex re, personaque alterius. MIXTUS* ex reali, & personali; ita scilicet ut persona principaliter sit obnoxia pensioni, & res subsidiariè : vel è diuerso, res principaliter, persona autem cum reliquis suis bonis, accessoriè.

564. *Census fructuarius est ius annua pensionis percipiende in fructibus. v. g. frumento, vino, &c.*

565. *Census pecuniarius est ius annua pensionis percipiende in pecunia.*

566. *Census perpetuus est is, qui per se durat semper, & non terminatur certo annorum spacio.*

567. *Census temporalis est is, qui certo annorum spacio terminatur, utane certa persona, & tunc expirat. Hic dicitur vitalicius, ille ad modicum tempus; si sit decennio minus.*

568. *Census certus est ius percipiende annua pensionis determinata, in pecuniâ, vel fructibus, v. g. centum coronatos, quinquaginta tritici modios, &c.*

569. *Census incertus est ius percipiende annua pensionis indeterminata. v. g. centesimæ, quinquagesimæ, decimæ partis fructuum.*

570. *Census redimibilis est is, qui extingui potest, refusione summa pecuniaria. totaliter, vel partialiter numeratæ.*

571. *Census irredimibilis est is, qui extingui non potest refusione summa pecuniaria, totaliter, vel partialiter numeratæ.*

572. *Varium est precium censuum : quo namque precio hic & nunc potest emi res fructifera, deductis expensis valens centum florenis; eodem, minoreque precio potest iustè emi census totidem florenorum.*

De mutuo, & usura.

Mutuum accipitur duobus modis : primò pro re datâ mutuò, secundò pro contractu mu-

tuationis

573. Primò modo, *Mutuum est res fungibilis, alpe-
ri data gratis, reddenda eadem specie, non numero.*

574. Secundo modo, *Mutuum est contractus, quo
res fungibilis alteri datur gratis, reddenda eadem specie,
non numero, RES FUNGIBILIS, siue recipiens functio-
nem, ut loquuntur Iurisperiti: id est, res quæ
potest fungi vice alterius; & altera vice illius: ita ut
videatur res planè eadem dari, & reddi. Cuiusmodi
res fungibilis comprehendit rem usu consumptibilem,
& insuper aliam constantem numero, pondere, &
mensurâ contentiâ, non vlnariâ. Vnde benè defini-
tur.*

575. *Mutuum est gratuita rei, pondere, numero, vel
mensurâ constantis; reddenda similis specie, & bonitate.*
GRATUITA, quia legitimum mutuum requirit, ut res
tradatur gratis, & liberaliter; absque omni alio onere,
quàm restituendæ similis specie, & bonitate. TRA-
DITIO: quia mutuum perficitur traditione, sicut do-
natio, commodatum, depositum: secus quam vendi-
tio, & similes contractus; qui perficiuntur verbis.
Traditio inquam, facta eo animo ut res mutuarîa tran-
seat in dominium mutuatarîj: Nam per mutuum trans-
fertur dominium rei: & quando do mutuum, illud fit
ex meo tuum; secus quàm in commodato, aut depofi-
to. REI PONDERE, VEL MENSURA pari CONSTANTIS:
nam mutuum in eiusmodi re consistit: præcipuè qui-
dem in re usu consumptibili, non tamen solâ. Nam se-
cundum ius, libera æris vel argenti potest dari mutuo,
ad pondus. REDDENDÆ, aliàs foret donatio: SIMI-
LIS SPECIE, non eiusdem in individuo: aliàs foret
commodatum, vel depositum: si autem redderetur res
dissimilis specie; esset permutatio rei, pro re, diffe-
rente specie. Qualis specifica differentia non subest,
quando pro pecuniâ aureâ redditur argentea: quia
omnis pecunia, licet diuersæ materiæ, est eiusdem spe-
ciei, considerata formaliter, quatenus est mensura re-
rum vlnalium. ET BONITATE: aliàs non restituendo
rem similem & parem bonitate naturali, non seruaretur

æqualitatem, & committeret iniustitiam.

576. *Pœna conuentionalis est mulcta, contrahentium conuentione constituta.* PœNA COVENTIONALIS, sic dicta à con-

577. uentione partium : quemadmodum * *pœna iudicialis*

578. *est ea qua per sententiam iudicis est inflicta : & * pœna legalis est ea, qua lege est constituta.* EST MULCTA, pœna pecuniaria, CONTRAHENTIVM mutuo consensu, & CONVENTIONE CONSTITUTA.

Pœna conuentionalis imponitur agenti contra pactum conuentum : & sæpè interuenit contractibus, ipsique mutuo : & tunc

579. *Pœna conuentionalis est pactum mutuantis cum mutuario, ut si termino præfixo non reddat sortem; supra eam, soluat aliquid, in culpabilis suæ moræ pœnam.* Hæc pœna conuentionalis potest apponi mutuo, modo sit primò moderata, iuxta mensuram moræ, & culpæ. Vnde si nulla sit mora, aut culpa; nulla potest infligi pœna, Si autem alterutra sublit, aut vtraque; illa benignè æstimanda est : nisi interesse mutuantis, aliaue circumstantia loci, temporis, &c. exigat rigidam æstimationem. Si pars sortis tempore præfixo reddita sit, non poterit exigi tota pœna conuenta. Secundò, dummodò hæc pœna non apponatur ad fraudem vsurariam : quam remouit Dominus Deuteronomij 15. dicens : *Si unus de fratribus tuis ad pauperiam denegerit, dabis mutuum nec ages quidpiam callidè; in eius necessitatibus subleuandis.*

580. *Lex commissoria est conditio addita contractui, ut ille rescindatur, si contra pactum, aliquid committatur.* EST CONDITIO, à quâ pendet ut contractus ratus sit, vel irritus. ADDITA CONTRACTUI, de mutuo contrahentium consensu. UT ILLE RESCINDATUR, vel possit rescindi à parte stante conuentis. Hæc lex potest apponi varijs contractibus : quatenus autem appositæ in mutuo,

581. *Lex commissoria est pigneratoris mutuantis pactum cum mutuario, ut si termino præfixo non reddiderit mutuum, pignus ipsius eadat in commissum.* PIGNORA

TORIS, accepto pignore, MUTUANTIS. Pignus CADAT IN COMMISSVM, fiatque mutuantis,

582. Vt lex commissoria possit iuste apponi mutuo, requisitæ sunt conditiones pœnæ conuentionalis, num. 579. expressæ. Vnde si pignus valore suo intrinseco, fructibusue suis, longè excedat mutuum; erit iniusta lex commissoria: eoque titulo est prohibita cap. *Significante 7. de pignoribus*. Secus erit, si pignus & mutuum sint inter se commensurata: aut si arbitrio viri prudentis, excessus pignoris compensetur per mutuatore, computatis etiam fructibus perceptis. Nam legis commissoriæ æquitas in eo consistit, quòd elapso solutionis termino, pignus cedat mutuatori, tanquam emptum iusto sortis mutuatæ precio.

583. Quando pendente mutuo, mutatur valor rei mutuatæ v. g. tritici, vini, pecuniæ, &c. ambigitur quantum, & quomodo oporteat restituere? an secundum precium, quod fuit tempore mutui; an quod est tempore, restitutionis; Manendo intra limites mutui, seposito alio pacto, & suppositâ bona fide, videtur vniuersim decendum, quòd quando res ipsa fungibilis fuit data mutuo, secundum pondus, numerum, mensuram, bonitatemque suam; sine respectu (saltem primario) ad precium illius. v. g. viginti modij frumenti, centum Philippæi, &c: tunc mutuarius satisfaciet reddendo tantumdem in simili specie: siue rerum precium interea creuerit. siue decreuerit. Quando autem rei mutuatitiæ valor est primario datus mutuo, v. g. trecenti floreni, in centum Philippæis, vel mille floreni, in centum Pistollis; tunc mutuarius tempore restitutionis obligabitur ad refundendum valorem, qui fuit tempore mutationis: siue valor interea creuerit, siue decreuerit. Ad dictorum confirmationem allegantur capita *Olim*, & *Cum Canonicis*, de Censibus: & cap. *Quantum*, de Iureiurando. Usura accipitur duobus modis: primò pro lucro, secundò pro contractu.

584. Primo modò, *usura est lucrum, ex mutuo promissum*.

286 *Breviary Theologici Pars II. II.*

585. *Lucrum est acquisitio pecunie, vel rei pecuniæ æstimabilis, aliàs indebita.* PECUNIA ÆSTIMABILIS, qualis non est fauor, honor, fama, beneficium, &c. quæ sunt altioris ordinis, quàm pecunia. ALIAS INDEBITA, quia si quis mutuet alteri, vt reddat sortem, soluat debitum, desinat iniquè nocere, &c. non erit lucrum: vtpote aliundè iustè debitum. Hic

586. *Sors est summa capitalis, mutuo data.*

587. *Secundo modo, usura est voluntas capiendi lucri, vi mutui.* Vel plenius: *Usura est contractus mutui, cum obligatione capiendi lucri, vi mutui.* VSVRA inde dicta, quod pro vsu sortis, lucrum accipiat. EST CONTRACTUS MUTUI, expressi, vel impliciti. CVM OBLIGATIONE, ciuili & stricta, eaque explicita, vel tacita: quæ postrema sufficit, & subest quoties signo, nutu, modo dandi, vel loquendi, idem significatur, quod pacto expresso. CAPIENDI LUCRI, supra sortem. AUT MUTUI, ita vt lucrum ex mutuo proveniat, non aliunde. v. g. ex amicitia, spontanea gratitudine, aut inter esse damni emergentis, lucriue cessantis.

Usura vna est aperta, alia palliata: item realis, & mentalis.

588. *Usura aperta est contractus mutui, cum pacto expresso lucri, vt mutui.*

589. *Usura palliata est ea, cuius turpitudine, honesto pretextu velatur.* Hic pretextus videtur esse quadruplex, primo si mutuum pallietur titulo iusti contractus, venditionis, emptionis, cambiij, census siue redditus hypothecati, vel hypothecandi: Item titulo legitimi debiti, antapocha quotannis renouata testati; sed ultra sortem aucti denario vigesimo, decimo sexto, &c. Secundo si pactum & obligatio ciuilis pallietur titulo spontaneæ gratitudinis. Tertio si lucrum simuletur accipi, non vt mutui, sed titulo lucri cessantis, vel damni emergentis. Quarto si auctarium supra sortem pretextatur esse aliàs debitum, & non esse lucrum: vt fit quando mutuans obligat mutuatarium ad emendum merces in sua officina; ad molendum in suo molendino, &c.

590. Ceter-

590. Cæterum iuxta primum modum, constat esse
 f usuram palliatam, quando res venditur pluris riguroso
 precio, ob dilatam solutionem: vel emitur minoris in-
 fimo precio, ob anticipatam solutionem. Verbi gratia
 mercatur vlnam panni, valentem riguroso precio sex
 florenos, vendens creditò septem, virtualiter & impli-
 cite mutuatur emptori sex, vt tempore solutionis reci-
 piat septem. Similiter modium tritici valentem infimo
 precio viginti florenos, emens anticipatâ solutione
 decem; virtualiter & implicite mutuatur venditori de-
 cem, vt tempore traditionis, recipiat viginti.

591. *Vsura realis est mutuatio, acceptioque lucri, vi mu-
 tus.* ACCEPTIO QVE, saltem deducta in pactum.

592. *Vsura mentalis est mutuantis voluntas accipiendâ
 lucri, vi præsiti mutui, sine acceptione secuta, vel in
 pactum deducta.* Potest & aliter sumi: quo modo
 sumpta

593. *Vsura mentalis est interna voluntas accipiendâ lucri,
 vi mutui; absque mutuatione, & acceptione secuta, vel
 pacta.*

Quando agitur de usurâ mentali, illa prior venit intel-
 ligenda quæ etiam dicitur peccatum usuræ mentalis:
 hæc autem posterior dicitur peccatum mentale usuræ.
 Usura mentalis vna est pure mentalis, alia mixta.

594. *Vsura purè mentalis est mutuario cum voluntate
 accipiendâ lucri, vi mutui; sine acceptione secuta, vel
 pacta.*

595. *Vsura mentalis mixta est acceptio lucri, vi mutui;
 sine ullo pacto expresso, vel tacito.* Quod

596. *Pactum tacitum est plarium in idem conventio
 implicita.* Eiusmodi pactum tacitum hic subest, quoties
 mutuans modo suo agendi innuit se intendere obligare
 mutuatarium, ad præstandum auctarium ultra for-
 tem.

597. Usurarius purè mentalis peccat, sed non obli-
 gatur ad restitutionem: quia nihil accepit alieni: se-
 cus est de mixtè mentali, qui peccat, & obligatur ad
 restitutionem: quia iniustè habet alienum.

598. *Quamuis sit usura accipere aliquid ultra for-*

tem, vi mutui, non tamen ratione interesse, &c.

599. *Interesse est lucrum cessans, damnumne emergens.*

600. *Lucrum cessans est carentia acquisitionis pecunie, reine pecuniâ estimabilis, alias indebita.*

601. *Damnum emergens est rei propria detrimentum. PROPRIÆ, rei possessæ, vel stricto iure debitæ.*

Damnum à bruto illatum, in legibus 12. tab. vocatur pauperies. Et hæc

602. *Pauperies est damnum, sine iniuria facientis, datum.*

De Monte pietatis.

603. **M**ONS pietatis est cumulus rei usu consumptibilis deputatus ad mutuandum egentibus, sub idoneo pignore. VSV. CONSUMPTIBILIS, v. g. pecuniæ, frumenti, &c. AD MUTVANDVM, ad certum breue tempus.

Mons pietatis, nomini suo plenè responderet, quando mutuatarij nihil omnino dant, præter pignus: quod refusa sorte, intra annum, aut circiter; integrum ipsis restituitur. Retinet quoque pietatis nomen, quando mutuatarij, pro montis indemnitate, & necessarijs expensis; in singulos menses moderatum quid ultra sortem contribuunt, sine lucro & augmento montis: uti constat ex approbatione Pauli 2. Sixti 4. Innocentij 8. Alexandri 6. Conc. Trid. sess. 22. cap. 8. 9 & 11. Et maximè ex definitione Conc. Lateran. sess. 10. vbi sacro approbante Concilio, Leo 10. id ipsum definit, sub poenâ excommunicationis, contra docentes oppositum. Interim serio satagendum est, ne sub prætextu pietatis lateat impietas: & ne titulo iuuaminis egenorum, fiat illis grauamen, in fraudulenta subhastatione pignorum; in enormi pensitatione menstrua; in immoderato impendio ædificiorum, numero ministrorum, stipendiorum eorum, &c. Has enim expensas solvunt mutuatarij pauperes, menstruis ultra sortem pensitationibus: ideoque pauperum negotium hic fideliter vtiliterque geri debet.

De negotiatione, venditione, precio, &c.

604. **N**egotiatio est emptio rei, illius cum lucro alienanda gatis. EMPTIO, onerosaue acquisitio. ILLIUS manentis integræ, & non mutatæ. ALIENANDÆ per venditionem, aut permutationem.

Negotiatio est Iure canonico vetita Clericis, sacris Ordinibus initiatis; & vniuersum Monachis, sub anathematis interminatione.

605. *Venditio est pactio mercis, pro precio.*

606. *Emptio est pactio precii, pro merce.*

607. *Merx est res, pecunia vānalia.*

608. *Pecunia est metallum, in monetam cūsum, vt sit mensura rerum vānaliū. METALLUM, aurum, argentum, vel æs. MONETAM, numum, siue numisma.*

609. *Precium est pecunia, valori rei commensura. Aliās, est valor rei, pecunia æstimabilis, vel non æstimabilis.*

610. *Precium iustum est illud, quod valori rerum est adequatum. VALORI, siue præstantiæ physicæ intrinsecæ; vel morali, in ordine ad vsum humanum.*

Precium rerum est duplex: legitimum, & vulgare.

611. *Precium legitimum est illud quod a publica potestate taxatum est, ob commune bonum. Et quidem, si taxatum est tanquam solum iustum in indiuisibili; tunc emptor & venditor obligantur ad illud. Si autem sit taxatum, quia excessus illius est iniustus; tunc non peccabit emens infra, manendo intra terminos precij vulgaris: peccabit autem supra vendens, cui soli premium est taxatum. Si è diuerso sit taxatum, quia defectus illius est iniustus, tunc non peccabit vendens supra, manendo intra terminos precij vulgaris: peccabit autem emens infra, cui soli premium est taxatum, in fauorem vendentis: vti fit in venditione reddituum & censuum quos non licet emere minoris legitimo precio.*

612. *Precium vulgare est illud, quod communis arbitrio peritorum est æstimatum. Hoc non consistit in indiuisi-*

bili, sed habet suam latitudinem; estque triplex: summum, siue rigorosum; medium; & infimum, siue pium.

613. *Precium rigorosum est illud, quod vendens non potest excedere, sine iniustitia.*

614. *Precium medium est illud, quod existit intra latitudinem summum, & infimum. Siue, est illud, quod vendens potest augere, usque ad rigorosum; & emens minuire usque ad infimum, absque iniustitia.*

615. *Precium infimum est illud, quod emens minuire non potest, absque iniustitia.*

De monopolio, & Societate.

616. **M**onopolium est machinatio unius, pluriumve mercatorum in unum conspirantium, ut ipsi soli vendant emanque, precio libito. Hoc potest esse licitum, vel illicitum, pro ratione modi precijue, iusti vel iniusti.

617. *Societas est conventio plurium, ad negotiationem quactumque communem aliquid conferentium pecuniam, operam, industriam, &c.*

Ut hic Societatis contractus sit licitus, debet seruari æqualitas inter ea, quæ utrimque præstantur: & ut sit communio damni, uti est lucri. Interim praxis mercatorum inualuit, ut contractui Societatis annectatur secundus contractus affecurationis, quo conferens operam, fide sua absque hypotheca affecurat socij sortem capitalem. Et tertius redemptionis, quo idem redimit incertum lucrum maius, certo minore; ad tollendas difficultates rationum reddendarum, & ob alias causas. Hi tres contractus sunt aliquando per modum unius innominati. v. g. Do tibi pecuniam meam ad negotiandum, cedoque tibi totum lucrum: tu autem reddes mihi sortem, & solves quotannis in singulos centenos, decem. Sed triplicem hunc contractum, tamquam societatis leoninæ, & usurarium damnauit Sixtus V. per bullam. *De rescribitis.*

*De commodato, Precario, locato conducto,
emphiteusi, fendo, etc.*

618. **C**ommodatum est rei, quoad usum, gratuita concessio. REI mobilis, vel immobilis, non consumptibilis usu, siue non fungibilis. Rei inquam reddendæ in indiuiduo, & non tantum in specie, **Q**UOAD USUM, cumque certum, **G**RATVITA, liberalis, absque pretio **C**ONCESSIO, usque ad determinatum tempus, expresse vel implicite: ante quod non potest repeti commodatum, (in quo distinguitur à precario) nisi ad vitandum damnum commodantis.

619. Inter mutuum & commodatum sunt variae differentiae: Prima, mutuum consistit in solis rebus fungibilibus, commodatum in non fungibilibus. Secunda, in mutuo dominium proprietatis transfertur; in commodato retinetur. Tertia, in mutuo res est reddenda eadem specie, non numero; in commodato, eadem numero.

620. *Precarium est commodatum, renocabile a mutuum concedentis.* **P**RECARIVM, quia precibus obtentum. **E**ST **C**OMMODATVM ad tempus incertum, & merè pendens ab arbitrio commodantis, **R**EVOCABILIS, &c. Nam precarium est illud, quod precanti utendum conceditur, quamdiu is qui concessit, patitur Locatio siue.

621. *Locatum est contractus, quo res vel persona ad usum vel fructum, precio conceditur.* **R**ES non fungibilis. **P**RECIO, mercede, id est pecuniâ, vel re fungibili. Precio inquam commensurato usui, vel fructui. **C**ONDUCTIO, siue

622. *Conductum est contractus, quo res, vel persona ad usum vel fructum, precio comparatur,*

623. *Locator est, qui pro sui rei usu, mercedem accipit.*

624. *Conductor est, qui pro persona rei usu mercedem dat,*

Diuersimodè loquendum est in locatione operis faciendi: nam qui operam præstat, dicitur opus conduxisse:

qui dat mercedem, locallē. Et vniuersim, qui certā mercede, dat vtendum faciendumue aliquid, est locator; qui accipit, conductor.

625. *Emphyteusis est contractus, quo sub onere pensionis annue transfertur rei immobilis dominium utile, directo retento.* EMPHYTEUSIS etymologicè, est implantatio, & insitio; metaphoricè melioratio: nam fundus culturâ, seminatione, segetum insitione, arborum implantatione melioratur. SVB ONERE PENSIONIS, & canonis, ab emphyteutâ quotannis præstandi, in recognitionem domini directi. TRANSFERTVR in perpetuum, vel ad tempus decennio non minus. REI IMMOBILIS, nam res mobilis, quæ vsu non melioratur, sed deterioratur, aut consumitur, ad emphyteusim dari non potest. Huius contractus finis est, vt fundi inculti & steriles, per culturam meliorentur; & domino directo canonem annuum pendant.

626. *Feudum est contractus, quo sub onere fidelitatis, obsequiue, transfertur rei immobilis dominium utile, directo retento.* FIDELITATIS à feudatario & vasallo præstandæ directo dominio feudi; pro virili tuendo ius & authoritatem ipsius; secundum quod promisit in inuestiturâ. OBSEQUIVE personalis, quando interpellabitur. REI IMMOBILIS, vel æquipollentis. Subinde feudo additur onus pensionis, & eatenus degenerat in emphyteusim. Contractus libellaticus, siue

627. *Libellus est contractus, quo res in emphyteusim feudumue accepta, tercio traditur, ab emphyteutâ vel feudatario.* TRADITVR per subemphyteusim, vel subfeudum.

628. *Res mobilis est res corporea, quæ se loco mouere, mouerime potest.* v. g. equus, pecunia, frumentum, &c.

629. *Res immobilis est res corporea, quæ nec se mouere loco nec moueri potest.* v. g. domus, fundus, &c.

630 *Res immobilis æquipollens est res incorporea, humana dispositioni subiaccens,* v. g. ius, potestas, &c.

Iuxta ea quæ diximus præcedenti n. 500. Fides, siue

631. *Fidelitas est dictorum conuentorumque constantia*

Veritas. Sine, est affectus voluntatis, inclinans ad seruanda promissa, gratuita & onerosa: idque ad satisfaciendum obligationi, ortæ ex promissione.

De deposito, pignare, arrha, hypotheca, &c.

632. **D**epositio, siue Depositum est contractus, quo, res custodienda traditur, ut integra restituatur. Res, ordinariè mobilis: subinde tamen, quando res immobilis est controuersa, solet apud sequestrum deponi. CUSTODIENDA gratis, vel pro precio, Aliàs.

633. Depositum est res, custodia tradita.

634. Pignus est contractus, quo res mobilis traditur creditori, in affecurationem debiti. Aliàs, Pignus est res mobilis tradita creditori, in affecurationem debiti.

635. Arrha est res mobilis, data per modum pignoris, ad firmandam obligationem contractus initi.

636. Arrhabo est precij pars representata, firmandi contractus gratiâ. REPRESENTATA, ab emptore venditori numerata, per anticipatam solutionem. Nam

637. Representare est in antecessum soluere, ante cessum tempus solutionis.

638. Hypotheca est contractus, qua res immobilis, nudâ conuentione obligatur creditori pro debito. NUDÂ CONVENTIONE, absque traditione. OBLIGATUR, ita ut creditor possit ex eâ petere solutionem, differente eam debitore. Aliàs.

639. Hypotheca est res immobilis, nudâ conuentione, creditori obligata pro debito.

640. Fideiussio est aliena obligationis in se susceptio, Siue, est contractus, quo quis sine pignore, & hypothecâ, sub nudâ suâ fidelitate, se obligat accessoriè, & in defectum principalis, ad soluendum ipsius debitum.

641. Affecuratio est alieni periculi praestatio. Siue, est contractus, quo quis rei alienæ periculum in se suscipit; obligando se gratis, vel precio, ad eam compensandam, si perierit.

642. Sponsio est contractus, quo de re contendentes, mutuo aliquid spondent, quod cedit affecuto veritatem.

DE RE, de rei euentu, aut veritate. *MVTVO*, vicissim *SPONDENT*, compromittunt, & spontè dant aliquid.

643. *Ludus est pactum oblectantium animum, & in commune deponentium aliquid, cessurum victori. Siue, est certamen oblectantium animum.*

644. *Alea est ludus, qui fortunâ magis, quàm arte regitur.*

Specialiter Alea est ludus tesserarum, siue talorum.

Ludus alex est Clericis vetitus iure canonico, per Trid. sess. 22. cap. 1. innouato.

De muneribus, tributis, vectigalibus, &c.

645. *M**unera sunt onera & obsequia, à subditis principi praestanda.*

646. *Munera realia sunt obsequia principi praestanda de rebus subditorum. v. g. equis, curribus, &c.*

647. *Munera personalia sunt obsequia, principi praestanda, à personis subditorum, v. g. personalis comitatus ad venationem principis, &c.*

648. *Munera mixta sunt obsequia, principi praestanda, à subditorum personis, simulque rebus. v. g. personalis comitatus ad bellum, cum equis propriis, & expensis &c.*

649. *Tributum est pensio, imposita subditis, ad principis dignitatem, impendiaue communia sustinenda. PEN- sio soluenda iuxta cuiusque facultates, maximè prædiales. Vocatur etiam impositio, tallia, collecta, praestantia, contributio.*

650. *Vectigal est pensio, taxata super rebus, in prouinciam ciuitatemue inuectis, aut euectis. Vocatur etiam gabella.*

651. *Portorium est pensio soluenda pro transvectione mercium, per portus, pontes, ac flumina.*

652. *Pedagium seu Guidagium est pensio soluenda in transitu viarum, pro ducatu protectioneque viatorum.*

653. *Iusta tributa & vectigalia, in conscientia soluenda sunt: vti constat ex Matth. 22. Reddite ergò quæ sunt Caesaris, Caesari. Et Rom. 13. Reddite ergò om-*

De indise, & iudicio.

654. **I**udex est persona publica, habens legitimam pote-
statem iuris dicendi: id est, per sententiam defi-
niendi, quid ex præscripto legum, sit cuique subdito-
rum debitum; meritisque commensum. *Debitum* inquam
stricto iure, ita ut violatio illius, causet iniuriam. *Me-*
ritisque commensum, ita ut non satisfiat iustitiæ vindi-
caturæ, si non infligatur ei poena commerita.

655. *Arbiter est iudex ex privato litigantium consensu*
delectus. Siue, est iudex, ex disceptantium compromissione
lectus, ad controuersiam dirimendam; vel seruato iu-
ris ordine, vel non seruato, sed tantum ex æquo
& bono: & hic secundus arbiter, vocatur propriè *ar-*
bitrator: qui tanquam compositor & transactor, nul-
lo iuris ordine, nullâque iudicij figurâ; sed tantum ex
æquo & bono, secundum rationem naturalem, con-
trouersiam finit.

Arbiter vocatur subinde cum addito, *arbiter receptus*,
à partibus ligantibus: *Iudex compromissarius, Arbiter*
ex compromissione.

656. *Iudicium est legitima controuersia apud iudicem*
tractatio, & determinatio. LEGITIMA, secundum præ-
scriptum legum TRACTATIO, exacta discussio. DE-
TERMINATIO, facta per iudicis sententiam. Nam

657. *Sententia est decretum iudicis, controuersiam termi-*
nantis, per absolutionem, vel condemnationem.
Est iudicialis applicatio iuris, ad factum particulare.

658. *Res iudicata est controuersia fixa, per terminatio-*
nem iudicis, absoluentis, vel condemnantis. Itaque *res*
iudicata est res determinata, & finita per sententiam.
Quia tamen interdum prouocatione sententia suspen-
ditur; ideo tum demum

659. *Sententia transit in rem iudicatam, quando ius*
illius non potest amplius controuersi, nec appellatione sus-
pendi.

660. *Iurisdictio est publica causas cognoscendi defi-*

sciendique potestas. Item, est controuersiarum legitima cognitio, ac definitio.

661. In legitimo iudice ac iudicio requiruntur potissimum quatuor conditiones. Primò legitima auctoritas in personas, causasque iudicandas: vt scilicet personæ sint iudici subditæ; & illarum causa non sit exempta. Aliàs foret iudicium præsumptum, & usurpatum; fieretque partibus, & illarum iudici iniuria. Secundò, in cognitione causæ certitudo, saltem moralis: aliàs foret iudicium temerarium. Tertiò, æquitas & iustitia in suo cuique tribuendo: aliàs foret iudicium iniquum & iniustum. Quarto, ordo iuris, modusque procedendi, legibus præscriptus: aliàs foret iudicium peruersum & præposterum.

662. *Arbitrium est viri boni sententia, ex aequo & bono.* VIRI BONI, arbitri iudicisque electi EX Aequo, fundata in ratione & æquitate naturali, non astricta iuris dispositioni.

663. *Compromissio est litigantium mutua promissio, stando sententia arbitri, sub certâ penâ, vel cautione.* Quæ pœna multa que conuenta supplet defectum iuridicæ coactionis. SENTENTIÆ ARBITRI, quæ vocatur *arbitrium*, *compromissum*, & *laudum*.

664. *Controuersia est plurimum de re aliquâ disceptatio, & contentio.*

665. *Actor est is, qui actionem aduersus alium intentat iudicialiter aliquid ab eo petendo.*

666. *Actio est actoris petitio, siue, est iudicialis prosecutio debiti.* Item, *est ius prosequendi debitum, in iudicio.* Item, *est libellus, in iudicio propositus, continens petitionem actoris: scilicet quid, à quo, & ex suâ causâ petatur.*

667. *Reus est is, qui rei alicuius causâ conuenitur: à quo res exigitur in iudicio.* Aliàs, *Reus est criminofus, qui verè admisit crimen; siue de illo conueniatur, siue non.*

Reus agitur, qui criminis accusatur: Reus peragitur, qui criminis condemnatur.

Reatus est status reorum, eorum qui criminis causâ con-

peniuntur apud iudicem. Aliàs,

Reatus est obligatio reparanda, iniuria, pœnæ luenda.

668. *Testis est is, qui asseneratione suâ, rei fidem facit.*

669. *Testis idoneus est is, cui nihil opponi potest, quò minus fides ei habeatur. Idem vocatur testis Locuples assiduus, elasticus, integer, & omni exceptione maior.*

670. *Testis minus idoneus est, cui aliquid opponi potest, quò minus fides ei habeatur. OPPONI POTEST, vel ex naturâ rei, v. g. defectus vsûs rationis: vel iuris dispositione, v. g. periurium, &c.*

671. *Testimonium est persona asseneratio, fidem faciens.*

672. Iudex servando ordinem iuris, procedit adversus crimina, duobus modis: *ex officio, & ad instantiam partis.* Ex officio quidem, per inquisitionem: ad instantiam partis, per accusationem, vel denunciationem.

673. *Inquisitio est informatio contra criminum auctores: quâ iudex satagit deuenire ad plenam probationem, ferreque sententiam.*

674. *Accusatio est delatio rei de crimine, per actorem, spondentem se illud probaturum. DELATIO coram iudice facta, quâ reus accusatur criminis, in ordine ad vindictam publicam. SPONDENTEM, sub pœnâ talionis.*

675. *Denunciatio est delatio rei de crimine, per actorem, non suscipientem in se onus probandi.*

De Iurisconsultorum suspicione, presumptione, probatione.

676. **A** Pud Iurisconsultos *Suspicio* est tripartita: scilicet temeraria, probabilis, & violenta. Itaque illorum sensu,

677. *Suspicio temeraria est coniectura, levi argumento nixa. Siue, est notitia incerta, probabili ratione destituta.*

678. *Suspicio probabilis est animi assensus, nixus argu-*

mento, ferè plenam fidem faciente. Siue, est notitia opinativa, fulta rationibus sufficientibus ad assensum formidolosum.

679. *Suspicio violenta est notitia, nixa rationibus plenam fidem facientibus. Siue, est assensus certus, firmus & evidens.*

Apud eosdem Iurisconsultos coincidit cum suspitione præsumptio: nam illorum sensu,

680. *Præsumere est persuadere sibi aliquid verum & certum, donec probetur contrarium. Similiter*

681. *Præsumptio est persuasio de re aliquâ, tanquam verâ & certâ, donec probetur contrarium. Hæc est triplex: præsumptio iuris, liquida, & modica.*

682. *Præsumptio iuris est persuasio legis, de re aliquâ tanquam certâ & compertâ statuentis: ita ut sit res præiudicata, non admittens probationem in contrarium. PRÆSUMPTIO IURIS, sic dicta, quia est iure introducta. Dicitur etiam præsumptio de iure, quia super eâ, lex inducit firmum ius.*

683. *Præsumptio liquida est persuasio legis, de re aliquâ tanquam certâ, relevans ab onere probandi: sed non repugnans contrarij probationem; quâ positâ evertitur hæc præsumptio: iuxta regulam, Incertis non est locus coniecturis.*

684. *Præsumptio modica est coniectura verosimilis, fidem non faciens, sine aliis adminiculis.*

685. *Probatio est rei dubia, per argumenta ostensio. ARGUMENTA, quorum nomine intelliguntur etiam testes, & instrumenta.*

686. *Probatio iudicialis est actus sollemnis, quo iudici fit fides de re controversâ. FIT FIDES, per testes, instrumenta, argumenta idonea.*

687. *Argumentum est ratio, rei dubia faciens fidem.*

688. *Instrumentum est scriptura, fidem rei faciens, causamque instruens. Strictè autem sumptum*

689. *Instrumentum est scriptura publica, fidem faciens in iudicio, sine alio adminiculo. PUBLICA, à personâ publicâ confecta.*

690. *Probatio plena est ea, qua dubium omne tollit,*

¶ plenam fidem facit.

691. Probatio semiplena est ea, qua non facit fidem plenam; sed inducit probabilem opinionem.

De privato iudicio, opinione, suspitione, dubio, acceptione personarum.

692. **I**udicium est assensus firmus. Huiusce assensus firmi manifestatio exterior, vocatur etiam iudicium.

693. Assensus firmus est actus intellectus, adherentis vero, sine formidine de opposito. VERO, saltem æstimato tali.

694. Dissensus est actus intellectus, repudiantis falsum, saltem æstimatum tale.

695. Opinio est assensus infirmus.

696. Assensus infirmus est actus intellectus adherentis obiecto, æstimato vero, cum formidine de opposito.

697. Formido de opposito est intellectus hæsitatio, immixta assensui opinativo. HÆSITATIO, quâ intellectus expressè, aut virtualiter dubitat, ne fallatur. Imò cum formido & metus spectet ad facultatem appetitivam, potest dici probabiliter, quod

698. Formido de opposito est actus voluntatis, timentis ne assensus intellectus subsit falsum. Ne scilicet verum sit contradictorium propositionis, cui assentitur intellectus n. 67. & 68.

699. Suspicio est intellectus propensio ad assensum PROPENSIO, motus imperfectus intellectus, non assentientis; sed ad assentiendum inclinati: quia videt aliquâ veri speciem, sublucentem in vnâ parte, quæ in alterâ non apparet.

700. Dubium est hæsitatio intellectus, in medio suspensi: in neutram partem inclinati, sed quod se vertat ambigentis.

Dubium & dubitatio subinde latè sumitur, ita vt comprehendat suspensionem, & opinionem, omnemque assensum vacillantem & infirmum.

701. Dubium positivum est suspensio intellectus, pro

utraque parte habentis pares rationes. Tales scilicet, quæ efficerent partem suam probabilem, nisi è diuerso aliarum rationes suaderent oppositum.

702. *Dubium negativum est suspensio intellectus, pro neutra parte habentis rationes sufficientes ad assensum probabilem.*

703. *Dubium speculativum est suspensio intellectus circa veritatem propositionis, non immediatè directiva operationis. v. g. An prædestinatio sit ex præiudiciis meritis?*

704. *Dubium practicum est suspensio intellectus circa veritatem propositionis, immediatè directiva operationis. v. g. An obstrictæ voto castitatis, liceat contrahere matrimonium?*

705. *Dubium iuris est suspensio intellectus, orta ex ignorantia legis, vel consuetudinis, vim legis obtinentis. v. g. An percussio clerici si prohibita sub pœnâ excommunicationis?*

706. *Dubium facti est suspensio intellectus, orta ex ignorantia obiecti, vel circumstantia actus humani. v. g. An percussus, sit clericus; An ex percussione obierit?*

707. *Iudicium temerarium est assensus firmus, ex insufficientibus rationibus conceptus, de proximi peccato, vel infami malo.*

708. *Opinio temeraria est assensus infirmus, ex insufficientibus rationibus conceptus, de proximi peccato, vel infami malo.*

709. *Suspicio temeraria est intellectus propensio ad assensum de proximi peccato, vel infami malo, sine sufficientibus rationibus.*

710. *Dubium temerarium est voluntaria suspensio assensus de bonâ estimatione proximi, cum ille debeat positivè elici; ob rationes sufficientes: & inter cæteras hanc, Quisque habendus est bonus, donec probetur malus. Hic*

711. *Infame malum proximi, est defectus inculpabilis, vergens in contemptum illius v. g. illegitimitas, stupiditas, ignorantia, &c.*

712. *Rationes insufficientes sunt lenia argumenta, & futilia indicia, quæ non sufficiunt ad prudenter fundandum respectuè iudicium, opinionem, suspicio-*

nem, aut dubitationem.

713. *Rationes sufficientes sunt argumenta, nata generare respectuè iudicium, opinionem, suspicionem, aut dubitationem.* Et quidem rationes sufficientes ad iudicium, debent esse certæ absolute, aut moraliter: ad opinionem, probabiles: ad suspensionem aut dubitationem verosimiles.

714. De iudicio privato pariformiter censendum est, ac de forensi: ad cuius æquitatem requisitæ sunt conditiones notatæ n. 661. Vnde constat iudicium privatum sæpè esse, non tantum temerarium; sed & peruersum, iniquum, iniustum, vsurpatum, & præsumptum: & quidem præsumptione iudicandi alienum seruum, & vsurpatione potestatis diuinæ: ut ait scriptura Matth. 7. & Lucæ 6. *Nolite iudicare, & non iudicabimini: nolite condemnare, & non condemnabimini.* Rom. 14. *Tu quis es, qui iudicas alienum seruum? Domino suo stat, aut cadit.* Iacobi 4. *Tu autem quis es, qui iudicas proximum?* 1. Cor. 4. *Nolite ante tempus iudicare, quoadusque veniat Dominus: qui & illuminabit abscondita tenebrarum, & manifestabit consilia cordum.*

715. *Acceptio personarum est iniqua distributio rerum communium, facta personis, propter illarum qualitatem impertinentem.* Siue, est vitium iustitiæ distributiue oppositum, quo fit iniqua diuisio bonorum onerumque communium, habitu respectu ad personas, non ad iustas causas. EST VITIUM, ex genere suo mortale. IUSTITIÆ DISTRIBUTIUE OPPOSITUM, quia euertit proportionem geometricam, quam seruat iustitia distributiva. n. 305. & 310. QVO FIT INIQUA DIVISIO, præferendo indignum digno; minus dignum digniori: dando minus bonorum communium ei, qui respectuè ad alios, plus habere debet; vel plus onerum communium ei, qui minus onerandus erat. Quod si non fiat iniqua diuisio, non erit propriè acceptio personarum: v.g. si inter æqualiter dignos ad beneficium ecclesiasticum, præponatur cognatus, popularis, &c. HABITO RESPECTU AD PERSONAS, earumque qualitates impertinentes.

De Beneficiis Ecclesiasticis.

716. **B**eneficium Ecclesiasticum est perpetuum ius percipiendi fructus ex bonis ecclesiasticis, competens clerico, propter officium spirituale. PERPETVUM IUS, autoritate ecclesiasticâ Pontificis, vel Episcopi constitutum: sine quâ non potest institui officium spirituale, eique annecti prouentus ecclesiasticus: quod est Beneficium erigere, vel confirmare. *Perpetuum* inquam, & ex naturâ suâ tale, vt perpetuò duret. Vnde excluditur Vicaria temporalis, & pensio perpetua: quia prima non habet perpetuitatem, & secunda non habet illam ex naturâ suâ. PERCIPIENDI FRUCTVS, prouentus temporales: EX BONIS ECCLESIASTICIS, ex prædiis, redditibus, aliisque bonis, Deo dicatis, & Ecclesiæ donatis, vel ab ea acquisitis, ad sui splendorem, suorumque ministrorum sustentationem; vt soluto à curis sæcularibus animo, possint vacare Deo, rebusque diuinis. COMPETENS CLERICO, tonsurâ clericali insignito, vti constat ex Iuris canonici diuersis capitibus. Vnde per hanc partem excluduntur fundationes Canoniarum Belgicarum. PROPTER OFFICIUM SPIRITUALE: nam propter eiusmodi officium; datur beneficium: non tanquam illius premium, sed honorarium, officiantisque sustentatio.

Beneficium diuiditur in maius, & minus: in duplex, & simplex: in curatum, & sine curâ, &c.

717. *Beneficium maius est beneficium prima classis. Siue, est beneficium habens singularem præminentiam, iurisdictionemque ecclesiasticam.* Eiusmodi est Abbatia, Episcopatus, Archiepiscopatus, Primatus, Patriarchatus, Cardinalatus, Papatus.

718. *Beneficium minus est beneficium secunda classis. Siue, est beneficium, non habens præminentiam, iurisdictionemque ecclesiasticam singularem.* Eiusmodi est Capellania, Pastoratus, Prioratus conuentualis, Canonicatus, Decanatus, Archidiaconatus, Præpositura. In beneficio canonicali,

719. *Præbenda est ius percipiendi fructus temporales, ratione officii spiritualis.*

720. *Canonicatus est ius faciendi officium spirituale, in certo loco, & titulo.*

721. *Beneficium duplex est illud, quod obligationi officij diuini, habet annexam præminentiam administrationemue ecclesiasticam: cum fori externi iurisdictione, vel absque eâ. Eiusmodi est omne beneficium maius: item prælatura, dignitas, personatus, beneficium, officium, parochia.*

722. *Beneficium simplex est illud, quod obligationi diuini officii, non habet annexam iurisdictionem, præminentiam, administrationemue ecclesiasticam. Eiusmodi est capellania, canonicatus secularis, & regularis, &c.*

723. *Prælatura est beneficium, habens annexam fori externi iurisdictionem ecclesiasticam.*

724. *Dignitas est beneficium, habens annexam præminentiam, iurisdictionemque ecclesiasticam. Eiusmodi est omne beneficium maius: item præpositura, archidiaconatus, decanatus, abbatia secularis, prioratus conuentualis. Præpositura inquam est dignitas ex consuetudine, non de iure.*

725. *Personatus est beneficium, habens annexam præminentiam ecclesiasticam, absque iurisdictione. PRÆMINENTIAM, inquam, & prærogatiuam post Dignitates.*

726. *Præminentia ecclesiastica est honorificus locus in choro, capitulo, processione, suffragio dando, &c.*

727. *Beneficium-officium est beneficium habens administrationem rerum ecclesiasticarum, sine iurisdictione, v. g. thesauraria, primiceriatus, cantoria.*

728. *Beneficium cum curâ est illud, quod habet annexam obligationem regendi animas, & respondendi de illis.*

729. *Beneficium sine curâ est illud, quod non habet annexam obligationem regendi animas.*

730. *Beneficium seculare est illud, quod pro clericis secularibus institutum est, iusue annexum.*

304 *Breviary Theologici Pars II. II.*

731. *Beneficium regulare est illud, quod pro clericis religiosis est institutum, isue annexum. v. g. abbatia, prioratus, canonicatus, & pastorus, ita regularibus annexus, ut debeat per eos administrari.*

732. *Beneficium patronatum est illud, quod agnoscit fundatorem, habentem ius presentandi.*

733. *Beneficium non patronatum est illud, quod non agnoscit fundatorem, habentem ius presentandi.*

734. *Beneficium improprie dictum est pia fundatio, habens affinitatem cum vero beneficio, deficiens tamen in aliquo. Eiusmodi est femineus canonicatus Belgicus, non competens clerico: præstimonium, sine onere horarum canonicarum, institutum in subsidium studiorum, aut terræ sanctæ: canonicatus absque præbendâ: pensio ecclesiastica super beneficio: præbenda temporalis, prouisa coniugato laico, in Carnotensi ecclesiâ S. Martini: coadiutoria, vicaria.*

735. *Pensio ecclesiastica est ius percipiendi fructus ex alieno beneficio.*

736. *Ad beneficium ecclesiasticum obtinendum, requisitæ sunt decem conditiones. Primò legitimitas natalium. 2. clericatus, & subinde ordo sacer. 3. ætas quatuordecim annorum inchoatorum, & maior pro ratione beneficii obtinendi 4. cœlibatus. 5. carentia censuræ, irregularitatis, & inhabilitatis. 6. probitas morum. 7. scientia debita. 8. aptitudo corporis. 9. intentio statûs ecclesiastici. 10. carentia beneficii incompatibilis. In quibusdam particularibus beneficiis requiruntur & aliæ conditiones: scilicet nobilitas, gradus in Theologia, Iure, &c.*

737. *Beneficia incompatibilia primi generis, sunt ea, quorum unum ipso iure excludit alterum: ita ut obtentâ pacificâ possessione posterioris, vacet ipso facto prius. Eiusmodi sunt duo beneficia curata: duæ dignitates, duo personatus, duo officia: item præbendæ vniformes, sub eodem tecto. v. g. duo canonicatus, vel cappellaniæ concurrentes ad eandem functionem, in eadem ecclesiâ.*

738. *Beneficia incompatibilia secundi generis, sunt ea*

qua simul retineri non possunt: non tamen ita pugnant, ut prius ipso facto vacet, secundo obtento. NON POSSUNT, sine peccato, absque legitimâ dispensatione. Eiusmodi sunt duo beneficia, absque curâ animarum, postulanti residentiam; quorum utrumque est sufficiens ad honestam sustentationem: aut saltem primum tale est. Trid. sess. 24. cap. 17.

739. *Beneficium sufficiens est illud, cuius proventibus clericus se honestè sustentare potest: uti communiter solent timorati clerici, eiusdem conditionis. SE, & suos, ad quorum sustentationem obligatur: cuiusmodi sunt parentes, fratres, & consanguinei proximi egentes: item famuli necessarij.*

740. *Præsentatio est legitima exhibitio clerici, ad beneficium, facta habenti ius institutionis. PRÆSENTATIO, sub quâ comprehenditur etiam NOMINATIO, facta à principe ad prælaturam vacantem; & ab Universitate ad beneficia. LEGITIMA, ritè facta per patronum. HABENTI IUS INSTITUTIONIS, Papæ, Episcopo, vel Archidiacono.*

741. *Electio est persona eligibilis, præ aliis assumptio ad beneficium vacans. ELIGIBILIS, iure capacis electionis passivæ. ASSUMPTIO, per suffragia ecclesiasticorum.*

742. *Postulatio est ad prælaturam vacantem assumptio persona, aliàs non eligibilis; quia non est de capitulo, collegio, aut corpore eligentium; vel iure non est capax electionis passivæ.*

743. *Collatio libera est attributio beneficii, non dependens à iure patronatus, facta solâ potestate prælati conferentis.*

744. *Resignatio est beneficii tacita, vel expressa dimissio ad manus collatoris.*

745. *Permutatio est utroque beneficii unius ad aliud mutua præstatio.*

746. *Institutio est attributio iuris in re, in beneficio. ATTRIBUTIO per ecclesiasticam personam facta clerico, præsentato à patrono.*

747. *Confirmatio est iuris in re attributio in beneficio,*

facta clerico electo, vel postulato.

748. *Posseſſio eſt beneficii, tanquam ſui apprehenſio, vel detentio, prius apprehenſi, per ſe, vel legitimum procuratorem.*

749. *Ius patronatûs eſt poteſtas præſentandi clericum, ad beneficium eccleſiaſticum. CLERICVM instituendum. AD BENEFICIUM vacans.*

750. *Ius patronatûs eccleſiaſtici eſt poteſtas clerico competens præſentandi instituendum ad vacans beneficium. COMPETENS, ratione rectoratûs eccleſiæ, aut dignitatis; vel foundationis ex bonis eccleſiaſticis, ædificationis eccleſiæ, dotationis beneficij. Eiuſmodi eſt ius patronatus, quod quis habet, quia eſt decanus, præpoſitus, abbas, epiſcopus: vel quia pecuniâ, ex bonis eccleſiaſticis perceptâ, eccleſiam fundavit, id eſt, eidem ædificandæ fundum dedit; vel eam ædificavit, aut dotavit: vel beneficium crexit, crectumue dotavit.*

751. *Ius patronatûs laici eſt poteſtas præſentandi clericum ad beneficium, competens alicui quâ laico: quatenus ſcilicet ex bonis patrimonialibus & ſæcularibus eccleſiam fundavit, vel ædificavit; beneficiumue crexit, aut dotavit.*

752. *Ad beneficium indignus eſt is, qui ineptus eſt ad præſtandum officium incumbens; aut non eſt illud præſtiturus.*

753. *Ad beneficium dignus eſt is, qui ad officium præſtandum, ita eſt idoneus, ut ſit illud præſtiturus.*

754. *Ad beneficium dignior eſt is, qui inter idoneos eſt quibuſdam aptior, ſperaturque melius ſuncturus officio.*

755. *Ad beneficium digniſſimus eſt is, qui inter omnes idoneos aspirantes, eſt maximè idoneus: qualis æſtimatur, non qui doctiſſimus, aut ſanctiſſimus eſt; ſed qui omnibus conſideratis, optimè eſt ſatisfactorius officio, eccleſiæque futurus utiliſſimus.*

756. *Horæ canonice ſunt preces vocales, regulariter ex præſcripto canonum dicendæ ab eccleſiaſticis. HORÆ, quia certis horis nocturnis atque diurnis perſolvendæ. CA-*

NONICÆ, quia ordinatè & regulariter recitandæ: quia etiam iuxta præscriptum canonum. PRECES VOCALES, non merè mentales. AB ECCLESIASTICIS, à clericis maiorum ordinum; ab utriusque sexûs religiosiis, ad chorum professis; & à beneficiariis, quibus accensendæ sunt canonicæ Belgicæ.

757. Qui beneficiarij, post sex menses ab obtento beneficio, horas absque legitimo impedimento omittentes; pro ratâ omissionis, tenentur ad restitutionem fructuum, quos non fecerunt suos, iuxta Concilij Lateranensis, sub Leone X. constitutionem, confirmatam & renouatam Bulla Pij V. Et quidem omit- tens per vnum diem, tenetur ecclesiæ vel pauperibus restituere omnes fructus illius diei: qui matutinum, dimidiam partem: qui reliquas omnes horas, alteram dimidiam: qui harum singulas, sextam partem. Ecclesiæ, inquam, vel pauperibus; præter distributiones tamen, & similes fructus, qui debent accrescere præsentibus, officium recitantibus.

757. *Residentia est in loco beneficii, personalis commoratio, muniturque ecclesiasticorum functio.*

De Simonia.

759. *Simonia est studiosa voluntas emendi, vel vendendi precio temporali, aliquid spirituale, vel spirituali annexum. Siue, est peccatum, quo spirituale, eius annexum, precio temporali commutatur; dato, vel accepto. EST STUDIOSA, deliberata VOLUNTAS; ut includatur simonia mentalis, & excludantur motus voluntatis, non plenè deliberati, vel procedentes ex ignorantia inculpatâ. EMENDI, VEL VENDENDI: sub quibus terminis comprehenduntur omnes contractus onerosi Excluditur autem vexationis redemptio, in quâ non datur premium temporale, ad emendum spirituale; sed ut alter desistat à vexatione. PRECIO TEMPORALI: quod*

760. *Premium temporale est pecunia, eâque astimabile, commensum valori rei. Precio, inquam, temporali, per modum precij; non autem elemosynæ,*

sustentationis, honorarij, gratitudinis, liberalitatis: **ALIQUID SPIRITUALE**, quid supernaturale, ad salutem animarum ordinatum. **VEL SPIRITUALI ANNE-XVM**, temporale spiritualisatum, ob annexionem cum spirituali. Nam res merè temporalis, & profana, non est materia simoniæ.

761. Precium temporale, in simoniâ reperibile, est quintuplex. Primò precium pecuniæ, tanquam commensæ valori rei. Secundò precium muneris. v. g. equus, vestis, vinum, & cætera pecuniâ æstimabilia. Tertiò precium linguæ. v. g. laus, vituperium, patrociniū aduocati, officium erudiendi alterum. Quartò precium obsequij. v. g. ministerium famuli, œconomi, amanuensis, &c. Quintò precium obligationis resignandi beneficium alteri: quale reperitur in simoniâ confidentiæ. In hac materiâ simoniæ,

462. *Spiritualis est quid supernaturale, ad salutem animarum ordinatum.* Scilicet ipse Deus, eiusque donum supernaturale: & quidquid ad eiusmodi donum per se pertinet, tanquam illius causa, vel effectus. Itaque: *Spiritualis est triplex*: primò spirituale secundum essentiam. v. g. Deus, Christus in se, & in Eucharistiâ; Spiritus sanctus, ipsius dona, gratia habitualis, & actualis; virtutes Theologicæ, & morales infusæ, character sacramentalis. Secundò Spirituale secundum causam, quod scilicet causat aliquid supernaturale: cuiusmodi sunt sacramenta, quæ sunt causæ efficientes instrumentales gratiæ habitualis: sacrificium Missæ, causans ex opere operato præuenientes gratias actuales. Item causæ excitatiuæ, impetratiuæ, & dispositiuæ sanctificationis: v. g. sacramentalia, conciones sacræ, preces, aqua benedicta, potestas Ordinis, & iurisdictionis spiritualis, status religiosus. Tertiò Spirituale secundum effectum, quod scilicet est effectus, vel usus doni potestatisue supernaturalis. v. g. prophetare, facere miracula, administrare sacramenta, baptizare, confirmare, absoluerè, ordinare, sacrificare, excommunicare, exorcizare, dispensare, & commutare vota, benedicere ecclesias, altaria, vasa,

& ornamenta ecclesiastica.

763. *Spirituali annexum est quid temporale, contrahens spiritualitatem, ratione connexionis cum spirituali, tanquam principali, vel accessorio. Hæc connexio cum spirituali, potest fieri tripliciter: scilicet antecedenter ad illud, concomitanter, & consequenter. Antecedenter, præcedendo spirituale, tanquam quid ordinatum ad illud; Eiusmodi sunt calices, vasa, vestimenta que sacra, templa, altaria, campanæ benedictæ, quæ omnia referuntur ad sacrificium Missæ. Item ius patronatûs præsentandi clericum ad beneficium: ius sepulturæ ecclesiasticæ, quo acquiruntur sacrificia, orationes, bonaque spiritualia. Concomitanter, tanquam ipsa actio rei spiritualis, v. g. actio celebrandi Missam, baptizandi, absoluendi, concionandi, &c. Item labor intrinsecus actioni sacrae, administrationi sacramentorum, sacrificio Missæ, &c. Consequenter, tanquam quid subsequum spirituali. Eiusmodi est beneficium ecclesiasticum, præsupponens clericatum, & officium spirituale.*

764. Hæc omnia spirituali annexa, non possunt vendi precio temporali, quæ benedicta, consecrata, & spiritualisata sunt; absque labe simoniæ.

765. Interim annexa antecedenter, vendi possunt, præcisè quæ temporalia sunt, & secundum naturam suam precio æstimabilia. v. g. materia calicis consecrati, fundus cœmeterij, prædium habens ius patronatûs annexum. Possunt inquam vendi, nisi id vetetur: vti cap. *Placuit*. l. q. i. vetatur expressè venditio chrismatis, & implicite aliarum materiarum sacramentalium benedictarum: ne sub earum rerum prætextu, sacramenta ipsa vœnalia esse videantur.

766. Annexa concomitanter, aut consequenter, vendi non possunt: quia in illis non potest vendi temporale, sine spirituali. Nam in annexis concomitanter, ipsa actio est sacra; & labor, intrinsecus est actioni, eique intimè coniunctus: ideoque illius intuitu non potest accipi temporale, per modum precij; potest tamen per modum sustentationis, & honorarij.

Nam, ut ait Apostolus 1. Cor. 9. *qui altari deserviunt, cum altari participant: Et Dominus ordinavit eis, qui evangelium annunciant, de evangelio vivere.* Deut. 18. Matth. 10. Lucæ 10. In annexis consequenter non potest itidem vendi temporale, absque spirituali: quia ab eo dependet, & in eo fundatur.

767. Simonia est vitium religioni oppositum, & species aliqua sacrilegij: deformitas autem illius consistit in eo, quod res spirituales & sacræ vilipendantur, indignèque tractentur. eo ipso, quo rebus profanis æquiparantur, in contractus deducuntur, & precio temporali commensurantur; contrà quàm de sapientiâ, & eiusmodi rebus, omne precium superantibus, dicitur Prouerb. 3. & Iob. 28. Accedit usurpatio dominij rei, cuius habetur sola dispensatio, iuxta Apostolum 1. Cor. 4. *Sic nos existimet homo, ut ministros Christi, & dispensatores mysteriorum Dei.* Illa enim tractatur, quasi esset in dominio venditoris, aut futura dominio emptoris. Aggrauat insuper rei sacræ abusus, quæ uti à Deo gratis data est, ita & gratis absque precio dari debet. Matthæi 10.

768. Simonia à Canonibus, & Patribus vocatur hæresis, non quod ex se sit talis, cum non sit opposita fidei: sed quia præsumitur habere annexum errorem pertinacem, contra fidem: quod scilicet liceat emere, aut vendere spiritualia, precio temporali.

Simoniam vna est realis, alia mentalis, alia conuentionalis: & hæc subdiuiditur in purè conuentionalem, & mixtam. Item vna est iuris diuini, alia humani.

769. *Simoniam realis est pro re spirituali, temporalis pretij pactum, utrimque completum SPIRITUALI, vel annexa rei spirituali. PACTVM expresse, vel implicitum. VTRIMQUE COMPLETVM, ex parte dantis, & accipientis; saltem inchoatè. v. g. vno dante beneficium, altero precium totum, vel partem.*

770. *Simoniam mentalis est traditio rei spiritualis, pro precio temporali, absque externâ conuentione, sed cum*

internâ intentione. Potest & aliter accipi: & hoc secundo modo,

771. *Simonia mentalis est merè interna voluntas committenda simonia: scilicet emendi, vel vendendi precio temporali, aliquid spirituale, eiue annexum; absque externâ executione, expressâ vel implicitâ. Cæterum quando agitur de simoniâ mentali, intelligenda venit prima, quæ etiam dicitur peccatum simoniæ mentalis: secunda dicitur peccatum mentale simoniæ.*

772. *Simonia conventionalis est emptio, vel venditio rei spiritualis, absque traditione, utrimque completâ. Hæc est duplex: purè conventionalis, & mixta.*

773. *Simonia purè conventionalis est ea, in quâ traditio, ex neutrà parte completa est. TRADITIO rei spiritualis, aut precij.*

774. *Simonia conventionalis mixta est ea, in quâ traditio ex unâ parte completa est; tradentis scilicet spirituale, aut precium, iuxta conventionem factam. MIXTA conventionali, & reali simoniâ. Conventionalis mixtæ species est simonia confidentiæ: quæ*

775. *Simonia confidentia est pactum obligans ad resignandum beneficium. PACTUM, quo conferens, procuransve alicui beneficium, obligat eum ad sibi, alteriue illud resignandum; aut fructus ex eo, pensionemve præstandum: absque executione, utrimque completâ.*

776. *Simonia iuris diuini est ea, quæ iure naturali prohibita est, tanquam intrinsecè mala: propter rationes n. 767. allatas. Siue, est venditio rei spiritualis, quæ talis: quatenus scilicet in ea, spectatur ratio spiritualitatis. Eiusmodi est venditio donorum Spiritûs sancti, sacramentorum, calicis consecrati, qui ideo pluris venditur, quia est consecratus. Nihilominus possent æstimari precio expensæ, pro consecratione factæ.*

777. *Simonia iuris humani est ea, quæ solo iure ecclesiastico prohibita est; tantumque ideo est mala. Siue, est rei temporalis venditio, habens simonia speciem, ideo-*

que prohibita ab Ecclesia. **REI TEMPORALIS**, quæ talis; sed remotè, vel proximè spiritali annexæ: item dispositio de beneficio, absque authoritate superioris. Primi membri exemplum est, venditio officij æconomi ecclesiæ, aduocati, castaldi; quod est officium temporale, ordinatum ad administrationem bonorum temporalium, pertinentium ad Ecclesiam: ideoque vetatur vendi, ratione remotæ annexionis cum spiritalibus. Secundi exemplum est, venditio chrismatis, considerati præcisè quoad materiam suam: quæ licet sit precio æstimabilis; tamen per Concilium Braccarense, & Canones, vendi prohibetur, vti ostendimus n. 765. Tertij exemplum est permutatio beneficiorum, sine authoritate superioris; renunciatio reciproca, &c.

De religione, & actibus illius.

778. **R**eligio est virtus moralis, exhibens Deo cultum debitum. **MORALIS**, & inter morales prima. Moralisis quidem, quia suppositi intellectualis mores componit iuxta præscriptum rationis. Inter morales prima, quia inter eas præcipua, & proximè accedens ad virtutem theologicam. Non est tamen theologica, quia pro immediato obiecto non habet Deum, sed cultum Deo debitum: sicut iustitia habet pro obiecto, ius proximo debitum, non proximum. **EXHIBENS DEO CULTVM**, honorem cum submissione, **DEBITVM**: idque sub ratione formali debiti. Nam religio tanquam nobilissima pars iustitiæ creaturæ ad creatorem, persoluit Deo cultum patriæ debitum. Itaque

779. *Religio est virtus moralis, inclinans creaturæ intellectualis voluntatem, ad tribuendum Deo patriæ cultum debitum.*

Varij sunt actus Relegionis: vti Sacrificium. Cultus Patriæ, Deuotio, Votum, Iuramentum, &c. Varia sunt itidem peccata opposita religioni: vti irreligiositas, superstitio, tentatio Dei, blasphemia, &c.

780. *Honor est testimonium excellentiæ alienæ.* Imò propriè *Honor est signum æstimationis propria de excellentiâ alienâ.* SIGNVM internum, vel externum, quo quis cum approbatione testatur se agnoscere excellentiam alienam. Nam signa immediatè significant animi conceptus, & affectus; mediatè res ipsas.

Honor latius patet cultu: quia non includit submissionem honorantis ergà honoratum, quam cultus includit. Vnde Deus honorat Sanctos, sed non colit eos.

781. *Cultus est honor cum submissione, Siue, est testimonium excellentiæ alienæ, & submissionis propria.* TESTIMONIUM, signum internum, vel externum, mediatè protestatiuum EXCELLENTIÆ ALIENÆ, & immediatè æstimationis propriæ de alienâ excellentiâ in potestate, sapientiâ, virtute, &c. ET SUBMISSIONIS PROPRIÆ erga eiusmodi excellentiam alienam: testando illam non quomodocunque, sed respectu sui, & cum congruâ ad illam submissione propriâ. Congruâ inquam, quæ scilicet non sit maior debito, ne peccetur per excessum: neque minor, ne peccetur per defectum. Ex quibus constat, quòd ad plenam rationem cultûs, tria requirantur: primò actus intellectûs, excellentiam alienam apprehendentis: secundò actus voluntatis eandem approbantis, seque ei submittentis: tertio actus externus vel internus protestatiuus excellentiæ alienæ, & submissionis propriæ ad eam.

Cultus variè diuidi potest: primò in ciuilem, & sacrum: secundò in formalem, & materialem: tertio in terminatiuum, & relatiuum: quartò in absolutum, & respectiuum: quintò in completum, & incompletum. Cultus profanus, politicus, siue

782. *Cultus civilis est testimonium naturalis excellentiæ alienæ, & propria submissionis ad eam.* NATURALIS, non excedentis vires naturæ. v. g. sapientiæ acquisitæ, potestatis politicæ, dignitatis patriæ, &c.

783. *Cultus sacer est testimonium supernaturalis ex-*

cellentia aliena, & propria submissionis ad eam. SUPER-
NATURALIS, vires naturæ superantis. Hic cultus sa-
 cer subdividitur in latriam, hyperduliam, & duliam.
 Latria, siue

784. *Cultus latria est testimonium infinita excellentia*
diuina, & infima propria submissionis ad eam. Hyperdu-
lia, siue

785. *Cultus hyperdulia est testimonium supernatura-*
lis excellentia creata singularis & profunda propria sub-
missionis ad eam. SINGULARIS, excellentiæ nulli alte-
 ri communicatæ: qualis est vnio hypostatica, respectu
 humanitatis Christi: & maternitas Dei, respectu
 Beatissimæ Mariæ V. *PROFVNDÆ*, submissionis com-
 muni duliâ religiosâ humilioris.

786. Hyperdulia est cultus superans communem
 duliam, & inter eam, latriamque medius. Exhibetur
 autem B. M. V. tanquam matri Dei: foret etiam exhi-
 benda Christi humanitati, consideratæ abstractim à
 personalitate Verbi: vti notamus in 3. p. n. 97. Dulia,
 siue

787. *Cultus dulia est testimonium excellentia aliena,*
supernaturalis creata; & religiosa propria ad eam sub-
missionis. RELIGIOSÆ, non profanæ, & ciuilis; sed
 obseruantia, religioni affinis. Sicut enim Sanctorum
 intrinseca supernaturalis excellentia charitatis, gra-
 tiæ habitualis, sanctitatis, & beatificæ visionis, est
 participatio excellentiæ diuinæ; ita & dulia est parti-
 cipatio religionis. Imò dulia, cultusque Sanctorum,
 erit virtualis & implicita religio, si intrinseca illorum
 excellentia consideretur tanquam aliquid Dei; illi-
 que considerentur vt filij, amici, hæredesque Dei:
 quia formalis ratio cultûs, erit excellentia diuina, ex-
 trinsecus illis applicata. Quinet materialis ac relati-
 uus cultus eorundem Sanctorum, erit actualis & ex-
 pressa religio, si colantur propter increatam excellen-
 tiam diuinam; ita vt cultus formalis & absolutus non
 terminetur ad ipsos: sed per ipsos, ad Deum habitan-
 tem in ipsis, tanquam templis; vel tanquam in imagi-
 nibus relucentem.

788. *Cultus formalis est testimonium intrinseca excellentia aliena, & interna ad eam submissionis propria. INTRINSECA, inexistentis honorato. INTERNÆ SUBMISSIONIS, non tantum exterius exhibitæ. siue, Cultus formalis est honorarium signum, internâ submissione informatum, honorato exhibitum.*

789. *Cultus materialis est merè externum testimonium excellentia aliena, submissionisque propria. MATERIALIS tantum, & non formalis simul. MERE EXTERNVM, absque colentis internâ submissione. Siue. Cultus materialis est honorarium signum, internâ submissione destitutum. SUBMISSIONE erga eum, cui honorarium signum exhibetur.*

790. *Cultus terminatiuus est testimonium excellentia aliena, & submissionis propria, in honorato terminatum; ita vt sistat in eo, qui colitur; nec ulterius referatur. Siue, est is, qui in honorato terminatur, nec ulterius referatur. Eiusmodi est cultus prototypi.*

791. *Cultus relatiuus est testimonium excellentia aliena, & submissionis propria, ulterius relatum. Siue, est is, qui non sistit in honorato, sed refertur ulterius. Eiusmodi est cultus imaginis, qui transit ad prototypum.*

792. *Cultus absolutus est testimonium excellentia aliena, in se considerata, cum propriâ ad eam submissione. IN SE CONSIDERATÆ, absque expressâ habitudine, & explicito respectu ad aliam excellentiam extrinsecam. Siue, est is, qui exhibetur honorato, absque respectu ad excellentiam ipsi extrinsecam. Eiusmodi est cultus Dei, Deiparæ, & Sanctorum ordinarius.*

793. *Cultus respectiuus est is, qui exhibetur honorato propter respectum ad excellentiam ipsi extrinsecam. Siue, est testimonium propria submissionis, ad excellentiam honorato extrinsecam, ad quam particularem respectum habet. Eiusmodi est cultus veræ crucis, & instrumentorum passionis Christi: quibus veneratio exhibetur, propter respectum illius, cuius attactu sanctificata sunt. Idem est iudicium de vasis, & ornamentis sacris; de ecclesiis, & similibus: quæ pro diuersitate respectus, quem habent ad Deum, Deiparam, & Sanctos,*

merentur respectuum cultum latriæ, hyperdulæ, vel dulæ.

794. *Cultus completus est is, qui terminatur ad suppositum.* v. g. ad Deum Patrem, Filium, Spiritum-Sanctum : ad Christum, Deiparam, Sanctos.

795. *Cultus incompletus est is, qui terminatur ad suppositi componens, aut partem.* v. g. ad Christi humanitatem : ad animam, corpus, caput, latus, manus, pedes, &c.

796. *Cultui est synonyma adoratio : quæ Adoratio est honor cum submissione.* Siue, est testimonium excellentiæ alienæ, & ad eam submissionis propria. Est duplex : interna, & externa.

797. *Adoratio merè interna est insensibile testimonium excellentiæ alienæ, & ad eam submissionis propria.* INSENSIBILE, non perceptibile sensu externo; sed in spiritu, & animo exhibitum. Cuiusmodi est adoratio angelorum, Deum adorantium.

798. *Adoratio externa est sensibile testimonium excellentiæ alienæ, & erga eam submissionis propria.* SUBMISSIONIS congruæ, iuxta n. 781. quæ scilicet adæquatur excellentiæ cultæ, ita ut non sit maior, nec minor quàm par est.

799. Excepto sacrificio, templo, & altari, omnia adorationis externa signa, sunt communia Deo, & creaturis. Vnde ex solâ adorantis intentione determinantur ad latriam, hyperduliam, vel duliam. Adoratio honoraria videtur esse synonyma cultui respectivo, definito num. 793. Nam ad sensum Synodi septimæ,

800. *Adoratio honoraria est cultus, rei insensibili exhibitus, ob extrinsecam excellentiam, ad quam habet respectum.* REI INSENSIBILI, nam Synodus septima, huiusce honorariæ adorationis obiecta recenset scripturam sacram, vasa sacra, sacramenta, & imagines in actu signato. EXHIBITVS præfatæ rei insensibili, tanquam totale obiecto quod; in quo etiam sistit : infra num. 804.

801. *Conadoratio est unius cum alio adoratio.* VNIVS

suppositi cum alio supposito: vel VNIVS componentis, cum alio componente principali, totoue supposito. Vnius, inquam, suppositi, cum alio supposito: quomodo Spiritus sanctus, cum Patre Filioque coadoratur, & conglorificatur: vel vnus componentis secundarij, cum alio componente principali, physico vel morali. *Physico*: quomodo humanitas Christi coadoratur diuinitati. *Morali*, quo modo crux coadoratur Christo crucifixo. Vel vnus componentis, cum toto supposito: quo modo humanitas Christi coadoratur Verbo incarnato.

De imagine.

802. **I** *Mago est rei existentis similitudo, ad instar illius expressa.* REI EXISTENTIS, quâ parte Imago distinguitur contra idolum: quod est similitudo Numinis, non existentis: vti ostendemus n. 945. AD INSTAR, ad imitationem & repræsentationem illius, tanquam exemplaris, expressa.

803. *Exemplar est id, ad cuius imitationem aliud exprimitur.* Hoc exemplar subinde vocatur improprie imago. Genesis 1. *Faciamus hominem, ad imaginem & similitudinem nostram.* Potest tamen hic proprie accipi nomen imaginis, & esse sensus: Faciamus hominem, qui sit nostri, tanquam exemplaris, imago & similitudo.

804. Imago sacra potest considerari duobus modis: primò in actu exercito, quatenus actualiter repræsentat suum prototypum. Secundò in actu signato, quatenus habens respectum ad prototypum; sed non actualiter illud repræsentans animo adorantis.

Primo modo, adorationis obiectum quod parziale primarium, est prototypum; secundarium est imago. Secundo modo, adorationis totale obiectum est typus, siue imago. Primo modo imago colitur eodem numero cultu, quo prototypum; materiali scilicet, respectiuo, & relatiuo imago: formali, terminatiuo, & absolute prototypum. Et hoc est, quod ait septima Sy

nodus: *Honor imaginis transit ad prototypum: & Tridentina sess. 25. Honos, qui imaginibus exhibetur, refertur ad prototypa, quae illa representant.* Itaque hoc primo modo imago Dei & Christi adoranda est cultu latriæ materiali, respectivo, & relatiuo: imago B. Mariæ V. cultu hyperdulæ: Sanctorum, dulæ: quia illarum prototypa adorantur simili cultu formali, terminatiuo, & absoluto. Secundo modo totale obiectum quod adorationis, est imago, in quâ sistit adoratio: quæ à septimâ Synodo vocatur honoraria; diciturque esse inferior adoratione prototypi. n. 793. & 800.

805. *Reliquia sacra sunt Sanctorum corpora, vel partes; resque alia, attactu ipsorum sanctificate. v.g. vestes, sudaria, femicinctia, litteræ, passionis instrumenta, &c.* Hæ reliquæ, ad instar imaginum, possunt duobus modis considerari: primò in actu exercito; & coli cultu materiali & relatiuo: secundò in actu signato; & coli cultu respectiuo.

De Sacrificio.

806. *Sacrificium est oblatio externa rei sensibilis, per realem illius mutationem, à legitimo ministro facta Deo, in testimonium supremi dominij ipsius, & nostræ subiectionis.* OBLATIO, quia omne sacrificium est oblatio facta Deo, non è diuerso: nam oblatio primogenitorum, primitiarum, aliarumque rerum non mutatarum realiter, non erat sacrificium. EXTERNA, facta exterius, non inerè internè in animo. Quamvis enim Deus intueatur cor, & non egeat exteriori illius manifestatione; vult tamen quòd homo constans animâ & corpore, sibi offerat cum interno affectu exterius sacrificium, ad profitendum publicè religionem suam. REI SENSIBILIS, hostiæ, victimæ, rei que oblatae, quæ sit sensu perceptibilis, ratione sui, vel specierum sacramentalium. PER REALEM ILLIUS MUTATIONEM: per realem hostiæ reproductionem, vel destructionem, &c. Reproductionem inquam illius, tanquam termini ad quem actionis sacrificialis; vti fit in incruento sacri-

eo sacrificio Mislæ: vel destructionem illius, tanquam materiæ, præsuppositæ actioni sacrificali; vti factum est in sacrificio cruento crucis, holocausto, &c. per hanc realem mutationem sacrificium distinguitur à simplici oblatione. A LEGITIMO MINISTRO, sacerdote, qui solus autoritate diuinâ legitimè deputatus est ad offerendum Deo sacrificium. FACTA DEO: si alteri fiat, erit sacrilegium, & non sacrificium: quod soli Deo debetur, tanquam supremus patriæ cultus. IN TESTIMONIUM, &c. Nam protestatio & recognitio supremi dominij diuini, infimæque nostræ subiectionis, est sacrificij essentialis finis; qui ab offerentibus debet intendi explicitè, vel implicitè.

807. *Oblatio est doni præsentatio.*

Sacrificium vnum est latreuticum, aliud eucharisticum, aliud impetratorium, propiciatorium, &c.

808. *Sacrificium latreuticum, est sacrificium directum ad Deum patriâ colendum.* Eiusmodi præcipue est holocaustum. Quod

809. *Holocaustum est sacrificium, cuius res oblata tota igne resolutur in fumum; & ex eâ nihil cedit vñibus humanis.*

810. *Sacrificium impetratorium est sacrificium oblatum Deo, pro beneficiis ab eo impetrandis.*

811. *Sacrificium eucharisticum est sacrificium oblatum Deo, in actionem gratiarum, pro beneficiis, ab eo acceptis.* Vtrumque sacrificium, impetratorium scilicet & eucharisticum comprehendit hostia pacifica: quæ

812. *Hostia pacifica est sacrificium Deo oblatum, pro impetratione beneficiorum.* IMPETRATIONE præteritâ, vel futurâ; id est pro beneficiis à Deo impetratis, vel impetrandis.

813. *Sacrificium propiciatorium est sacrificium Deo oblatum, pro remissione peccatorum, quoad culpam, & pœnam; vtramque, vel alterutram.* Vocatur hostia pro peccato, imò peccatum Osee 4. & 2. Cor. 5. Itaque

814. *Hostia pro peccato est sacrificium, pro culpâ remittendâ, pœnâque auertendâ; vtrâque, vel alterutrà.*

815. *Libamen est liquidæ oblatio, facta Deo per effusio-*

nem. LIQUIDI, sanguinis, aquæ, vini, vel olei : nam ex liquidis, tantum illa quatuor offerebantur Deo.

De deuotione, oratione, attentione, gratiarum actione, laude, &c.

Deuotio sumitur duobus modis : primò pro speciali actu religionis : secundò pro generali conditione omnium actuum religionis.

816. Primo modo, *Deuotio est interna sui ad cultum diuinum oblatio, & traditio* : quâ quis se Deo deuouet, & cultui ipsius.

817. Secundo modo, *Deuotio est promptitudo voluntatis, & feruor affectus, ad ea, quæ sunt cultus diuini.* Hic autem

818. *Feruor est intensio affectus, excludens modicum, & teporem.*

819. *Oratio est mentis in Deum eleuatio, cum decentium petitione.* MENTIS, intellectus & voluntatis. Cùm enim oratio sit locutio interna, fit intellectu, tanquam linguâ & interprete voluntatis. IN DEVM, immediatè, quando oratio tendit directè ad Deum : mediatè autem, quando dirigitur ad Sanctum, vt sit noster comprecator apud Deum. ELEVATIO : quia oratio est internum colloquium cum Deo; quod esse non potest, sine mentis, à terrenis & infimis, ad Deum eleuatione. CVM DECENTIVM PETITIONE : si enim sit nuda eleuatio mentis in Deum, sine petitione; erit meditatio, aut contemplatio, & non oratio : si autem sit indecentium petitio, non erit vera oratio, nec actus religionis. Item

820. *Oratio est desiderii coràm Deo explicatio practica, ad aliquid impetrandum ab eo.* DESIDERII efficacis, quo voluntas ita afficitur bono absenti, vt adhibeat medium illius adipiscendi. CORAM DEO, quia omnis oratio dirigitur ad Deum, immediatè vel mediatè. EXPLICATIO, per internam locutionem. Non vt orantis desiderium innotescat Deo; utpote omniscio : sed vt dignetur concedere desiderata, quæ statuit dare

rogantibus, & nonnisi rogantibus. Ideoque explicasse hæc est PRACTICA, & ordinata ad impetrandum aliquid à Deo: scilicet boni salutaris consecutionem, & mali euitationem.

821. *Oratio mentalis est mentis in Deum eleuatio, cum internâ decentium petitione.*

822. *Oratio vocalis est mentis in Deum eleuatio, cum verbali decentium petitione.*

823. *Oratio merè vocalis est externa decentium petitio à Deo, sine eleuatione mentis in eum. MERÈ VOCALIS, est particula alienans: nam talis oratio, non est vera oratio.*

824. *Oratio priuata est ea, quæ fit à personâ priuatâ, nomine priuato, non communis.*

825. *Oratio publica est ea, quæ fit à communitate, eiusque nomine, à ministro publico.*

826. *Assentio est voluntaria animi applicatio ad id, quod agitur.*

827. *Assentio orationis est voluntaria animi applicatio ad sensum orationis, saltem in confuso. Qualem habere possunt idiotæ, orationis idioma non intelligentes. Impropiè dicta, &*

828. *Externa assentia est voluntaria animi applicatio ad exteriorem orationis pronuntiationem, cum compositione corporis, ad modum orantis.*

829. *Potest statui quadruplex attentio: actualis, virtualis, habitualis, & interpretatiua: quæ postrema est planè impropiè dicta.*

830. *Assentio actualis est præsens animi applicatio ad opus, quod agitur. v. g. ad orationem, sensumque illius.*

831. *Assentio virtualis est animi ad opus applicatio, non actu, sed virtute remanens, ex actuali præhabitâ, non reuocatâ, nec interruptâ.*

832. *Assentio habitualis est propensio ad attendendum, orta ex frequentatione actuum. Item impropio modo;*

833. *Assentio habitualis est animi dispositio, quâ quis attendisset, si fecisset reflexionem. Quæ quis ita est dispositus, vt infallibiliter ATTENDISSET ad opus: ad*

quod tamen non attendit paulò ante actu, nec modò virtute.

834. *Attentio interpretativa est applicatio animi ad opus, non in se, sed in alio, tanquam continente, vel causâ. Sic intelligens verba orationis, eaque attentè proferens, censetur attendere ad sensum, iis contentum.*

835. *Gratiarum actio est benévola protestatio gratia acceptæ, cum sui erga benefactorem submissione. Hic*

836. *Gratia est beneficium datum gratis, absque debito, & sine respectu remunerationis, aut talionis.*

837. *Laus est locutio de aliquo, cum approbatione. Siue, est excellentia aliena honorifica enunciatio.*

838. *Secundùm D. Augustinum, Gloria est frequens de aliquo fama, cum laude. Siue, est excellentia alicuius publicatio, quâ redditur clarus apud multos. Accipitur etiam pro effectu eiusmodi publicationis: quo sensu*

839. *Gloria est clara, cum laude, notitia. Siue, est claritas, resultans ex honorificâ publicatione excellentia aliena. Gloria includit honorem famam, & laudem.*

De voto, illius dispensatione, commutatione, &c.

840. **V**OTUM est promissio, facta Deo, de meliori bono. EST PROMISSIO, deliberata & spontanea fidei obligatio, de re possibili, bonâ, gratâque promissario. FACTA DEO, immediatè, vel mediatè per Sanctos. DE MELIORI, de bono tali, quod est melius, quàm oppositum, & quod (præscindendo à voto) Deo gratius est, ab homine fieri, quàm non fieri.

841. *Votum absolutum est illud, quod fit absque particula suspensiva si, aliaque aequipollente. v. g. modò, dummodò, &c.*

842. *Votum conditionale est illud, quod fit cum particula suspensiva si, vel alia aequipollente: id est, habente vim conditionis suspensivæ. Vide p. 3 n. 508.*

843. *Votum merè conditionale est illud, quod non fit*

in delicti punitionem, sed tantum sub condicione suspendente obligationem, usque ad conditionis appositæ implementationem.

844. *Votum condicionalè personale est illud, quod fit in punitionem delicti, si illud fuerit commissum.* Est duplex: vnum, quo Deo promittitur pœna delicti, & non evitatio delicti v. g. *Voueo Deo, me daturum pauperibus aureum, si unquam blasphemauero.* Alterum, quo Deo promittitur evitatio delicti, & pœna commissi. v. g. *Voueo Deo, me non blasphematurum: & si blasphemauero, dabo pauperibus aureum.* Et hoc est duplex votum: vnum absolutum, de non blasphemando: alterum condicionalè, de aureo dando.

845. *Votum expressum est votum conceptum verbis explicitis, internis aut externis.*

846. *Votum tacitum est illud, quod censetur fieri, eo ipso, quo fit aliquid, cui annexum est votum.* Eiusmodi est votum castitatis, quod fit voluntariâ susceptione Ordinis sacri. Item votum castitatis, paupertatis, & obedientiæ, quod fit gestatione habitûs professorum, expleto anno probationis, cum profitendi animo saltem implicito. Qui animus si desit, præsumetur quidem professus quis in foro exteriori; sed coràm Deo non erit.

847. *Votum reale est promissio Deo facta, de re temporalis; vel actione, exercendâ per alium, quàm vouentem: v. g. de Calice dando, faciendâ elemosynâ; de peregrinatione, per substitutum complendâ, &c.*

848. *Votum personale est promissio Deo facta, de proprio actû personæ vouentis. v. g. de ieiunio, ingressu religionis, &c.*

849. *Votum mixtum est promissio Deo facta de re temporalis, proprioque actû personæ viuentis. v. g. de distributione bonorum suorum, cum ingressu religionis, &c.*

850. *Votum solenne est illud, quod annexum est susceptioni Ordinis sacri, aut professioni religionis approbare.* Nam susceptio Ordinis sacri, & professio religionis, sunt actus solennes, qui ex decreto Ecclesiæ, efficiunt votum solenne.

324 *Breviary Theologici Pars II. II.*

851. *Votum simplex est quodcumque votum, emissum extra suspensionem Ordinis sacri, & professionem religionis approbata.*

852. *Dispensatio voti est relaxatio vinculi voti, & condonatio debiti, erga Deum à vouente contracti.*

853. *Irritatio voti est abolitio illius, antequam perfectè obliget: facta ab eo, cuius est habere votum ratum.*

854. *Suspensio voti est ad tempus dilatio executionis voti, ob causam rationabilem.*

855. *Interpretatio voti est declaratio, quòd illud non obliget.*

856. *Commotatio voti est translatio obligationis voti, de unâ materiâ ad aliam.*

857. *Redemptio voti est translatio obligationis voti personalis, ad opus reale.*

858. *Condonatio voti est obligationis voti remissio, facta ab eo in cuius favorem emissum est.*

859. *Defectio conditionis voti est defectus conditionis, sub quâ factum est votum.*

860. *Defectio materiae voti est mutatio materiae, aliâs legitima. Mutatio inquam, quâ materia voti aliâs legitima, definit esse talis absolutè, vel respectu vouentis: Vtpote quia sit indifferens, impossibilis, inutilis, mala, maioris boni impeditiva.*

Conformer ad ius, Concilium Trid. sess. 22. de refor. cap. 5. & 6. & varios authores, propriè & distinctè accepta

861. *Subreptio est subtrahentia veri, & Obreptio est narratio falsi. Et consequenter,*

862. *Dispensatio subreptitia est ea, quæ obtema est per subtrahentiam veri.*

863. *Dispensatio obreptitia est ea, quæ obtema est, per narrationem falsi. Interim confunduntur sæpè inter se subreptio, & obreptio; & dispensatio subreptitia, & obreptitia.*

De Statu Religioso.

864. **I**N genere, *Status est certa vite conditio, in qua quis persistit perpetuò, vel ad tempus.* Eiusmodi est status innocentiae, legis naturae, Mosaicae, euangelicae, Status ecclesiasticus, saecularis; virginalis, matrimonialis, vidualis, libertatis, seruitutis; gratiae peccari, viae, patriae, beatitudinis; perfectionis acquirendae, acquisitae, &c. Strictiori modo,

865. *Status est immobilis vite conditio, quâ quis alteri firmiter obstringitur.* IMMOBILIS, absolutè; vel difficulter mobilis: nam status significat persistentiam, & stabilitatem quandam. Eiusmodi status est triplex; episcopalis, religiosus, & coniugalis. Episcopi enim obligantur ecclesiae suae obsequio: religiosi, obsequio diuino: coniugati, obsequio mutuo. Duo priores status sunt spirituales: & illorum primus est status perfectionis acquisitae, secundus acquirendae: tertius autem est saecularis.

Status religionis vocatur etiam religio: nam religionis nomen accipitur tribus modis. Primò, pro virtute, cultum Deo debitum exhibente: secundò, pro determinato ritu cultus diuini, ad salutem necessario; cuiusmodi est religio Christiana: tertio, pro perfectò ritu cultus diuini, obseruantiaque consiliorum euangelicorum. Quemadmodum autem secunda religio includit primam, ita tertia vtramque. Tertij modi

866. *Religio est status, votis castitatis, paupertatis, & obedientiae legitime firmatus.* EST STATUS spiritualis, & vitae conditio stabilis, quâ quis cultui diuino singulariter mancipatur. VOTIS perpetuis ex parte vouentis, ordinarièque solennibus, extraordinariè tamen, nouoque iure simplicibus, post biennij probationem emissis in Societate IESV. LEGITIME, secundum leges Ecclesiae, requirentis certam regulam, & Sedis Apostolicae approbationem expressam, vel tacitam. Vnde ad statum religiosum tria requiruntur:

primò emissio, acceptatioque triam votorum essentia-
lium: secundò, particularis regula: tertiò, approba-
tio Ecclesiæ.

867. *Votum castitatis religiosa est Deo facta promissio abstinentia perpetua à voluptatibus carnalibus illicitis, & aliàs licitis. PROMISSIO facta in religione approbatâ. Ipsa autem*

868. *Castitas religiosa est perpetua abstinentia ab om-
nibus voluptatibus carnalibus. ABSTINENTIA firmata
voto religionis.*

869. *Votum paupertatis religiosa est Deo facta promissio abdicationis dominij proprietatis, usûque independen-
tis ab arbitrio superioris religionis. PROMISSIO facta
in religione approbatâ. INDEPENDENTIS dominij,
& vsûs.*

870. *Paupertas religiosa est voluntaria abdicatio do-
minij proprietatis, usûque independentis. ABDICATIO
facta in religione approbatâ. DOMINIUM rerum tempo-
ralium, INDEPENDENTIS ab arbitrio superioris, vsus-
que similiter independentis. Et sic comprehenditur
Societatis IESU paupertas non modò solenniter pro-
fessorum, quæ est omnimoda abdicatio dominij pro-
prietatis; sed & simpliciter vouentium, quæ est abdi-
catio dominij independentis.*

871. *Votum obedientie religiosa est Deo facta promissio
parendi mandato superioris, DEO FACTA, in religione
approbata. MANDATO expresso, & implicito. Ipsa
autem*

872. *Obedientia religiosa est constans voluntas paren-
di præcepto superioris religionis approbatæ. Si pareatur
præcepto, quia præceptum superioris est, opusque de-
bitum ex præcepto; erit obedientia formalis: si propter
intrinsecam operis præcepti honestatem, vel ex alio
motivo virtutis, erit obedientia materialis, eaque
sufficiens.*

De iuramento, & adiuratione.

873. **I**uramentum est diuini numinis attestatio, ad fidem faciendam, promissionemve firmandam. **ATTES- TATIO**, in testem assumptio. Nam

874. *Attestatio diuini numinis est inuocatio testimo- nis diuini: id est actio, quâ Deus, prima veritas, vo- catur in testem dicti, aliquid affirmantis, negantis, vel promittentis. Vocatur inquam, vt supremus testis, omnique exceptione maior; rogaturque vt infallibili suâ asseueratione, veritatem latentem aperiat, quando ei visum fuerit: saltem in die iudicii, quum illumina- bit abscondita tenebrarum, & manifestabit consilia cor- dium.* 1. Cor. 4. **AD FIDEM FACIENDAM** in iuramen- to assertorio: **PROMISSIONEM FIRMANDAM**, in iu- ramento promissorio.

875. *Iurare est accipere Deum in testem dicti. Siue, iuxta Chrysostomum, homiliâ 9. in Acta, iurare est Deum vocare testem, & quasi fidesiurorem dare dictis.* Iuramento synonymum est iusiurandum: & iuxta Ari- stotelem Rhetoricorum. 17.

876. *Iusiurandum est, cum diuinâ veneratione, dictio probationis expers. Siue, iuxta Ciceronem 1. Offic. est affirmatio religiosa.*

877. Attestatio diuini numinis potest fieri diuersi- modè: expressè, implicite; verbis, scriptis, nutibus; attractu crucifixi, euangelij; manu eleuatâ, vel ad pe- ctus appositâ, &c. *Expressè*, inuocando Deum, vel at- tributum diuinum, quod est Deus ipse. *Implicite*, inuo- cando Dei creaturam, cœlum, terram, templum, euan- gelium, &c.

878. Iuramentum est actus religionis, & cultus la- triæ: illo namque implicite agnoscitur Deus esse pri- ma veritas, omnipotens, omniscius, vniuersi prouisor, & gubernator. Ipsa tamen religio inclinât ad non fa- cile, & frequenter iurandum; sed parce, rarò, & non- nisi exigente necessitate. Nam iuramentum est de nu- mero eorum, quæ in casu necessitatis bona sunt, vti

medicamenta: non autem de numero eorum, quæ per se semper sunt bona, ideoque frequentanda. v. g. oratio, elemosyna, &c.

879. Vt usus iuramenti sit licitus, requiruntur tres comites: scilicet veritas, iudicium, & iustitia: iuxta cap. 4. Ieremiæ: *Iurabis, Vixit dominus, in veritate, & in iudicio, & in iustitiâ.* Id est, Non iurabis per falsos Deos, sed per Deum viuum; de re verâ, & licitâ, & cum discretione debitâ.

Si iuramentum sit destitutum veritate, erit falsum; si iustitiâ, illicitum; si iudicio, temerarium. In hac materîâ iuramenti,

880. *Veritas est conformitas dicti ad mentem.* Siue, est veritas locutionis, supponens veritatem cognitionis, & superaddens veritatem executionis. Itaque implicatur hîc triplex veritas; in cognoscendo, loquendo, & exequendo: quarum prima tollit falsitatem, & incertitudinem; secunda, mendacium; tertia, infidelitatem. In eâdem materiâ iuramenti,

881. *Iustitia est conformitas rei ad rectam rationem, æternamque Dei legem.* Itaque iuramentum debet esse de re iustâ, & licitâ. Consequenter quamvis sit licitum omittere consilia euangelica; non est tamen licitum obligare se iuramento, ad ea non sequenda. Itidem hîc

882. *Iudicium est discreta perpensio, num reuerentia divino numini debita, permittat sui attestationem,* hîc & nunc. An scilicet præsens necessitas, iusta utilitas, reiue condignitas exigit tanti testis attestationem.

Sumitur subinde periurium generaliter, pro iuramento destituto aliquâ comite, etiam iustitiâ, vel iudicio. Propriè tamen

883. *Periurium est iuramentum, veritate destitutum.* VERITATE locutionis, executionis, vel cognitionis. Et hic est ordo grauitatis periurij: ita vt primum sit periurium destitutum veritate locutionis; secundum, executionis; tertium, cognitionis. Quod postremum contingit, quoties iuramento deest certitudo absoluta, vel moralis.

Iuramentum diuersimodè diuidi potest : primò in internum, & externum.

884. *Iuramentum internum est diuini numinis attestatio, in mente solâ; per meram locutionem intellectûs, & verbum mentis.*

885. *Iuramentum externum est diuini numinis attestatio, facta signis externis; verbis, scriptis, nutibus, &c.*

Secundò, in expressum, & implicitum.

886. *Iuramentum expressum est diuini numinis attestatio, facta verbis expressis.*

887. *Iuramentum implicitum, siue tacitum, est diuini numinis attestatio, facta signo æquivalente verbis expressis. v. g. eleuatione manûs, tactu crucifixi, euangelij, &c.*

Tertiò, in iuramentum per Deum, & per creaturam.

888. *Iuramentum per Deum, est attestatio diuini numinis, in se, vel in attributo suo; quod est Deus ipse. v. g. in veritate diuinâ, omnipotentiâ, scientiâ, iustitiâ, &c.*

889. *Iuramentum per creaturam, est attestatio diuini numinis, in creaturâ suâ relucenti; tanquam in sede suâ, throno, tabernaculo, templo, scabello, &c. vti constat ex Matthæi 5. & 23. Si B. Maria, angeli, sancti accipiantur in testes dicti nostri, tanquam veritatis illius conscij; erit actus dulciæ, non latriæ. Sic ait Apostolus 1. Timoth. 5. Testor coràm Deo, & Christo Iesu, & electis angelis eius. Si autem fieret attestatio creaturæ, tanquam numinis, foret blasphemia, & idololatria. Quartò, in iuramentum attestatorium, & execratorium.*

890. *Iuramentum attestatorium est nuda attestatio diuini numinis, ad faciendam fidem, dicti, promissi, vel comminati. Nuda, absque vllâ execratione, dirarumue imprecatione.*

891. *Iuramentum execratorium est attestatio diuini numinis, ut vindicis; cum iurantis execratione, & dirarum imprecatione: vt scilicet periurus, Deum ira-*

tum habeat; verax propitium. Vtrumque enim pre-
catur iurans; si fidem fallat, expressè malum; sin mi-
nus, tacitè bonum. Imprecatur inquam sibi, vel alteri,
à se deuoto, ita tamen vt vtrumque redundet in iuran-
tem: vtpote qui in personâ sibi coniunctâ, sit plecten-
dus, vel præmiandus.

Quintò, in iuramentum assertorium, promissorium,
& comminatorium.

892. *Iuramentum assertorium est diuini numinis at-
testatio, ad dicti fidem faciendam* DICTI, quod est proba-
tionis expers, vt ait Aristoteles, citatus n. 876. & quod
aliter probari non potest.

893. *Iuramentum promissorium est diuini numinis
attestatio, ad promissionem firmandam.*

894. *Iuramentum comminatorium est diuini nu-
minis attestatio, ad firmandam mali intentati executionem.*
Vt scilicet iurato non sit deinceps integrum mutare
animum, quoad mali comminati executionem; ne
Deus constituatur testis falsi.

Sextò, in absolutum, & conditionatum.

895. *Iuramentum absolutum est diuini numinis at-
testatio, absque ullâ conditione; expressâ vel tacitâ.*

896. *Iuramentum conditionatum est diuini numinis
attestatio, cum conditione, expressâ vel subauditâ. Quæ
secunda subest, ex vsu communi, iuris dispositione, vel
iurantis intentione: eâque non impletâ, iuramentum
recidit in irritum.*

Septimò, in simplex, & solenne.

897. *Iuramentum simplex est diuini numinis at-
testatio, absque ceremoniâ notabili.*

898. *Iuramentum solenne est diuini numinis at-
testatio, cum ceremoniâ notabili. v. g. coràm notario,
testibus; per attactum crucifixi, euangelij, reliquia-
rum, &c.*

Octauò, in iudiciale, & extraiudiciale.

899. *Iuramentum iudiciale est diuini numinis at-
testatio, facta coràm iudice, eiusue tribunali, in foro fori.*
Quinet in foro poli, coràm confessario; ex præscripto
canonum, vel iudicis ecclesiastici, antequam pœnitens

absoluator à certis criminibus.

900. *Iuramentum extraiudiciale est diuini numinis attestatio, facta extraiudicium.*

Nonò, iuramentum iudiciale subdiuiditur in iuramentum calumniæ, & in litem.

901. *Iuramentum calumnia est diuini numinis attestatio, facta per litigantem, super suâ bonâ fide, in litis contestatione, & prosecutione. Quo scilicet partes litigantes, earumque administri iurant se non dolo malo, nec animo calumniandi; sed fide conscientiaque bonâ, causam cœpisse, & prosequi velle. Partes litigantes sunt actor & reus: eorum administri.*

902. sunt aduocati, & procuratores. Hic verò
* *Calumnia est dolus malus, malitiosaque litigatio.*

903. Iuramentum calumniæ continet ferè quinque capita: primò quòd iurans, in conscientia suâ credat se iustam causam habere; & non frustratoriè fraudulentè agere. Secundò quòd respondebit veritatem super omnibus, iuridicè interrogatus. Tertiò quòd non vtetur scienter falsâ probatione. Quartò quòd non corrumpet iudicem, nec tabellionem. Quintò, quòd non petet fraudulentam dilationem: sub quâ comprehenditur etiam temeraria appellatio. Vnde sunt hi versus:

Illud iuretur, quòd lis sibi iusta videtur

Et si quæretur, veram non inficietur

Nil promittetur, nec falsa probatio detur:

Vt lis tardetur, dilatio nulla petetur.

Iustè petitum calumniæ iuramentum recusantis pœna est, vt actor ab institutâ cadat actione: reus autem debeat haberi pro confesso.

904. *Iuramentum in litem est diuini numinis attestatio, per litigantem facta, super re controuersiâ. Hoc iterum est duplex, necessarium, & non necessarium. Necessarium, siue decisorium est illud, quod iudex exigit à parte, ad terminandam litem: & recusari non potest, sine causâ legitimâ. Non necessarium est illud, quod pars partis desort, ita vt recusari possit.*

Decimò, iuramentū diuiditur in formale, & materiale,

905. *Iuramentum formale est divini numinis attestatio deliberata, cum intentione iurandi.*

906. *Iuramentum materiale est divini numinis attestatio externa, sine deliberatione, intentione iurandi.*

907. Scriptura Matth. 5. 23. & Iacobi 5. vetans quodcunque iuramentum, intelligenda est de iuramento destituto comitibus veritate, iustitiâ, & iudicio: & generaliter de quocumque, vsu (pato absque necessitate absolutâ, vel morali. Nam divino numini debita reuerentia, periculumque periurij, dictat non esse passim vsurpandum iuramentum. Accedit, quòd sinceritas, veracitas, & fidelitas Christianorum, tanta esse debeat, ut illis iniuratis affirmantibus negantibusue simpliciter, meritò credendum sit.

908. Qui alio sensu iurat, quàm aliter intelligat; vi iuramenti præcisè obligatur tantùm ad sensum suum. Ratione tamen scandali, vel damni secuturi, obligatur iuxta alterius sensum ordinariũ: imò peccabit mortaliter, alieno sensu iurans sponte propriâ, vel ad iuramentum legitimè compulsus. Ad illud autem directè vel indirectè compulsio iniustè, licebit iurare alio sensu, quàm adiurans, vel aliter intelligat; iurare inquam per verba verè amphibologica, vel per reservationem mentalem; modò ea ipsa, in verbis iurantis vel adiurantis, tacitè subaudiatur ex iuris dispositione, communi vsu loquendi, vel particulari respectu personæ loquentis: conformiter ad ea, quæ dicimus n. 1045. infra. Quam licentiam probabiliter quidam extendunt ad casum necessitatis, iustæque utilitatis, Interim habenda est hîc ratio reuerentiæ, Deo religionique debitæ: & cauendum est à periurio externo, proximi scandalo & damno.

909. Obligatio iuramenti potest tolli materiæ mutatione, irritatione, dispensatione, seu absolutione, commutatione, iudicis relaxatione, & promissarij condonatione, conformiter ad dicta n. 852. & sequentibus.

910. Verbum *adiuro* variam habet significationem in scripturâ sacrâ. Primò significat, Iuramentum in

alio exigo, ad illud adigo, iurare compello: sic accipitur Genesis 24. & 50. Item secundò *adiuro* significat, Iuramento meo execratorio expresso, alium implite inuoluo: sic accipitur Numerorum 5. & 1. Regum 14. Item tertio *adiuro* significat, interpositi numinis divini intuitu, alium ad mihi obsequendum induco: sic accipitur 3. Regum ultimo Canticorum, 2. 3. 5. & 8. Matthæi 26. Marci 5. Actuum 19. & 1. Thessal. 5. Totidem modis accipitur *adiuratio*; sed frequentius tertio modo: quo sensu,

911. *Adiuratio est divini numinis obtestatio, ut illius intuitu obstrictus adiuratus, permoneatur, adiuranti quo obsequatur.* DIVINI NUMINIS, in se, attributo suo, vel creaturâ suâ. OBTESTATIO, assumptio, interpositio, & ad rem præsentem adductio; ita ut Deus quasi sistatur præsens, tanquam comprecator, compulsor, aut vindex. Obtestatio inquam, expressa vel implicita. UT ILLIUS INTUITU, divini numinis respectu, eique debiti amoris, honoris, timoris, & obedientiæ. OBSTRACTVS ADIVRATUS, tanquam proprio implicito iuramento deuinctus; & ni pareat, futurus temerariæ religionis, divinæque vilipensionis reus. PERMOVEATUR, ad parendum sponte inducatur, vel intuitus compellatur: ADIVRANTI QUÆ OBSEQUIATUR, faciendo quod ipse desiderat, rogat, aut imperat. Adiuratio dividitur in expressam, & implicitam; præceptivam, & deprecatoriam.

912. *Adiuratio expressa est explicita divini numinis obtestatio, ut illius intuitu obstrictus adiuratus, permoneatur, adiuranti quo obsequatur.* DIVINI NUMINIS, in se, vel attributo suo, quod est Deus ipse. In se. v. g. Matth. 26. *Adiuro te, per Deum vivam.* Et Act. 19. *Adiuro te, per Iesum, quem Paulus prædicat.* Vel in attributo. v. g. *Adiuro te, per Dei bonitatem, omnipotentiam, iustitiam; per viscera misericordie divinæ, &c.*

913. *Adiuratio implicita est obtestatio divini numinis, in creaturâ suâ relucens, ut illius intuitu obstrictus adiuratus, permoneatur, adiuranti quo obsequatur.* Quemadmodum enim in iuramento per creaturam Dei, fit im-

334 *Breniarij Theologici Pars II. II.*

placita attestatio diuini numinis; ita & in adiuratione, fit implicita eiusdem obtestatio. Eiusmodi foret, *Adiuuro te per euangelium Christi.* &c. Item Canticorum 2. & 3. *Adiuuro vos filia Ierusalem, per capreas, ceruosque camporum.*

914. *Adiuratio deprecatoria est diuini numinis obtestatio, ab inferiore facta, ad permouendum superiorem, etiam Deum ipsum. Nam adiuratione generaliter accepta, etiam Deum adiuramus, obsecrando illum, per bonitatem suam, viscera misericordiae suae; per Christum, illiusque incarnationem, passionem, merita B. Mariae, & Sanctorum; ut horum intuitu permoueatur ad praestandum petita.*

915. *Adiuratio praeceptiva est diuini numinis obtestatio, ut illius intuitu obstrictus adiuratus, obsequatur, praesipientique obsequatur. Eiusmodi est adiuratio daemoniorum, quae fit ab exorcistis circa energumenos, & maleficios; estque subinde comminatoria, & execratoria. Quae*

916. *Adiuratio execratoria est diuini numinis obtestatio, ut illius intuitu obstrictus adiuratus, obsequatur: & si non fecerit, diis deuouetur; imprecando ei punitionem, & vindictam; optando ut habeat Deum iratum, vindicem sentiat, &c. Cauendum tamen est exorcistae, ne imprecetur aut comminetur daemonibus peruicaciter reluctantibus, ignis infernalis augmentum, ad decem, viginti, centum gradus intensiōis: nam illi spectant ad damnationem essentialē, quae manet inuariata in aeternum. Secus est de damnatione accidentali.*

917. Quando sal, aqua aliaue res insensatae exorcizantur, vel adiurantur; ipsa adiuratio propriè dirigitur ad naturam intellectualem; scilicet ad Deum, ut virtute suā, iis rebus, earumque visibus assistat: vel ad daemōnem, ut ab iis abscedat, & per eas nocere non praesumat.

918. Etymologicè *exorcizo* idem est, quod *adiuro*: *exorcista*, adiurator: *exorcismus*, adiuratio; eaque fere execratoria n. 916. Quo sensu,

919. *Exorcismus est diuini numinis obtestatio, ad effugandam*

De decimis.

ETYMOLOGICÈ Decima est portio ex decem una. Itaque
920. Decima est pars decima proventuum, cedens
Deo, eiusque ministris. PROVENTVVM personalium, præ-
dialium, & ex vtrisque mixtorum. Vnde decimæ di-
uiduntur in prædiales, personales, & mixtas: item in
maiores, & minores

921. Decimæ prædiales sunt pars decima proventuum, col-
lectæ ex prædio, tam urbana, quam rustica. n. 354 & 355
v. g. domus elocatione, molendino, piscinâ, agro,
prato, horto ameno, horreo, stabulo, &c. In mul-
tis locis, prædiales decimæ fere restringuntur ad pas-
cua, terras arabiles, & eiusmodi prædia rustica:

922. Decimæ personales sunt pars decima lucri perso-
nalis, provenientis ex negotiatione, artificio, militiâ,
famulatu.

923. Decimæ mixtæ sunt pars decima proventuum collectæ
ex animalibus brutis. v. g. fœtus, lactis, lanæ, butyri,
&c. Eiusmodi enim pecorum, brutorumque proven-
tus, mixtim proueniunt ex prædijs, industriâque hu-
manâ.

924. Inter decimas prædiales & personales, hoc
interest quod prædiales integrè persolvendæ sint, abs-
que deductione laboris, seminis, expensarum, censu-
um, tributorum. Personales autem admittunt deduc-
tionem expensarum: quia solvuntur ex personarum lu-
cro, quod æstimatur tantum restans expensis deductis.

925. Decimæ maiores sunt pars decima proventuum
prædialium, provenientium scilicet ex terris arabilibus,
alijsque prædijs rusticis & urbanis; exceptis hortis.

926. Decimæ minores sunt decima pars proventuum
hortensium, fœtuum animalium.

927. Solutio decimarum, quatenus est testimoni-
um vniuersalis dominij diuini, cultusque patriæ fo-
mentum; eatenus est immediatè actus religionis,
Quatenus autem est solutio sustentationis, debita

ecclesiasticis ; etenim est immediatè actus iustitiæ, mediatè religionis.

928. In nouâ lege, decimæ quatenus sunt necessariæ ad sustentationem ministrorum Dei, & Ecclesiæ, sunt iuris diuini naturalis, non positiui, quoad substantiam suam : & quoad præcisiuam quorundam decimæ partis, sunt iuris ecclesiastici duntaxat.

929. Decimis affines sunt *primitiæ*, & *oblaciones* : quæ in usum reuocandæ sunt, quando ad sustentationem ministrorum Dei, & Ecclesiæ, sunt necessariae.

930. *Primitiæ sunt primi fructus agrorum, vel arborum, in gratiarum actionem oblatis Deo ; deinde cedentes in usum ministrorum illius.*

931. *Primitiæ, siue Primogenita sunt primifectus animalium brutorum.*

932. *Oblaciones sunt quaecumque rerum dona, Deo præsentata ; immediatè, vel immediatè in ministris Dei : & ferè sine reali mutatione.*

933. Decimarum obligatio potest cessare quatuor modis : primò consuetudine præscriptâ : secundò Pontificis priuilegio, aliquos eximentis : tertio transactione, siue compositione : quarto remissione eius, cui debentur.

934. *Nonales sunt primi fructus agrorum, nouiter cultorum.*

935. *Nonale est ager nouiter cultus, cuius culturæ non extat memoria.*

De superstitione, eiusque speciebus.

936. **E**Tymologicè Superstitio est vanus superstans numinis cultus. Vel, conformiter ad Sapientiæ caput 14 est defuncti, in suâ effigie memorianæ superstis cultus.

937. Propriè Superstitio est veri falsive numinis cultus vitiosus. Siue, est falsa religio, exhibens cultum numini indubito, vel indebitum vero. FALSA RELIGIO, vitiumque religioni oppositum, per excessum : sicut irreligiøsitas, per defectum. Hæc enim

938. *Irreligiositas est contemptus neglectusue divini cultus.* Deficit itaque in cultu diuino: in quo excedit superstitio. Non quòd Deus possit nimium coli; vel maiori cultu, quam mereatur (cùm dignus sit coli cultu infinito) sed quia colitur cultu, à suo instituto alieno; & aliter quàm debeat coli. Vel quia colitur nomen falsum, quod non debet coli. Vnde est duplex superstitio: vna, veri numinis; altera, falsi.

939. *Superstitio veri numinis, est veri Dei cultus indebitus.*

940. *Cultus indebitus est is, qui diuino instituto, rationique est dissimilans.* Hic indebitus cultus est duplex: falsus, & superfluus.

941. *Cultus falsus est veri Dei cultus non verus.* Non *verus*, quia falsus est in se, vel in suâ significatione. Falsus in se est is, qui præ se fert verum legitimumque Dei honorém; cùm non sit talis. v. g. celebratio Missæ, facta per eum, qui non est sacerdos; falsorum miraculorum adinuentio, &c. Falsus cultus in suâ significatione est v. g. moderna vsurpatio iudaicarum ceremoniarum, significantium Messiam venturum. Vtèrque hic falsus cultus, regulariter est peccatum mortale.

942. *Cultus superfluus est veri Dei cultus, ab illius instituto alienus.* Scilicet cumulus per res, aut circumstantias indebitas, ab Ecclesiæ doctrinâ moreque alienas; & inutiles ad Dei honorem, mentisque humanæ in eum eleuationem. v. g. adoratio, vel oratio, facta cum superfluis circumstantijs temporis, loci, numeri, sitûs, &c. Hic cultus superfluus ferè est tantùm peccatum veniale, seposito contemptu, & scandalor.

943. *Superstitio falsi numinis est cultus Dei non veri.* v. g. Iouis, Dianæ, solis, &c. Hæc superstitio falsi numinis, diuiditur in *idololatriam*, *divinationem*, *obseruantiam vanam*, & *magiam*.

944. *Idololatria est idololatria.* Siue, est cultus diuinus, creatura exhibitus.

945. *Idolum est ficta similitudo numinis, non existens.* Siue, est simulacrum, representans diuinitatem, non

338 *Breniary Theologicæ Pars II. II.*

existentem: iuxta Apostolum 1. Cor. 8. *Scimus quia nihil est idolum in mundo: & quod nullus est Deus, nisi unus.* Nihil tale, quale æstimatur, & pro quali colitur; pro Deo scilicet.

946. Per idololatriã subinde colitur pro Deo idolum ipsum; aliquando res alia, per idolum repræsentata, v.g. Sol, Luna, &c. Tunc enim creatura, adorata cultu Latriæ, vocatur idolum; iuxta Zachariam 11. *O pastor, & idolum*; Ibi enim (teste Hieronymo) notatur Antichristus, qui *in templo Dei sedebit, ostendens se, tanquam sit Deus.* 2. Thessal. 2.

Idololatria potest diuidi in internam, externam, & mixtam.

947. *Idololatria interna est latriæ cultus, exhibitus creature, in animo colente, absque signo externo.* Purè, & merè

948. *Idololatria externa est sensibile signum Latriæ, exhibitum creature, absque intersori submissione.* Interna iuncta exteriori, siue

949. *Idololatria mixta est internus Latriæ cultus, signo externo creature exhibitus*

950. *Diuinitas est duplex: vna diuina, alia superstitiosa.* Diuina, propriè dicta, & etymologicam suam rationem adimplens

951. *Diuinitas est futurarum contingentium prædictio, certa & infallibilis.* CONTINGENTIVM, prouenientium à causâ indeterminata. Dicitur *diuinitas*, quia est diuina actio, & propria diuinitati: secundum illud Isaïæ 41. *Annunciate quæ ventura sunt in futurum: & scimus quia dii estis.* Illud etiam Tertulliani, Apologetici 20. *Idoneum, opinor, testimonium diuinitatis, veritas diuinationis.* Superstitiosa, & illicita

952. *Diuinitas est notitia diuina usurpatio, ope demonis, ad hoc innocens.* NOTITIA DIVINÆ, cognitionis & scientiæ, Deo propriæ: qualis est futurorum contingentium certa cognitio, & prædictio: quinet præteritorum præsentiumque occultorum, homines angelosque latentium notitia. Nihilominus etiam notitia rerum humanitus scibilium, habitâ ope demonis: vti

& predictio rei necessariò futuræ, accensenda est diuinationi. **VSURPATIO**, illicita inquisitio scientiæ diuinæ, vsusque acquisitiæ. **OPE DÆMONIS**, diuinitatem semper affectantis. Dæmonis, inquam: quia si curiosè inquiratur notitia occultorum, à Deo, angelis, sanctis, arteue naturali; non erit diuinationio. **AD HOC INVOCATI**, expressè, vel implicite: non autem exorcismis adiurationibusque legitimis, ad occulta pandenda compulsi.

Inuocatur autem dæmon expressè, quando disertis verbis rogatur vt Deus, aut angelus. Item quando expressâ intentione fit aliquid, vt dæmon sese immisceat. Inuocatur implicite, quando non rogatur verbo factoue expresso; sed tacite, vtendo medijs, nullam vim ad occultorum notitiam habentibus naturaliter, nèque ex instituto diuino, vel ecclesiastico; sed solo dæmoniaco.

953. *Diuinus est usurpator notitiæ diuinæ, ope dæmonis, ad hoc inuocati.*

Præfata dæmonis inuocatio, æquiualeat explicito & implicito pacto cum dæmone. Eiusmodi quoque dæmoniacæ inuocationis expressæ ac tacitæ, responsionisque varij sunt modi: per oraculum, vaticinium, &c.

954. *Oraculum est dæmonis, in idolo latentis responsio.* **DÆMONIS**, expressè vel implicite inuocati: quod & subaudiendum est in sequentibus definitionibus. **RESPONSIO**, verbo, scriptoue.

955. *Somnium est in somno, responsio dæmonis de occultis.* In **SOMNO**, ad quem certo ritu se componit quærens diuinationem.

956. *Vaticinium est dæmonis responsio, per vates suos, arreptitios, & pseudoprophetas: vnde vocatur etiam pseudopropheta.* **RESPONSIO**, verbo, vel scripto.

957. *Pythonismus est dæmonis responsio, per pythones, & ventriloquos.* Nam dæmon dabat responsa sua, per pythonum & pythonissatum ventrem, umbilicum, partesue obscenas: ideoque pythonismus vocatur etiam ventriloquium.

958. *Auspicium est dæmonis responsio, per extra hostias*

140 *Breviary Theologici Pars II. II.*

id est, per inspectionem aruinæ animalis immolati, viscerum extantium, signorumque ijs impressorum. Unde vocatur etiam *extispicium*, & *haruspicium*, ab *harugâ* (teste Donato) siue hostiâ, ab *harâ* ad arameductâ.

959. *Necromantia est demonis responsio, per umbras, & manes*: id est, mortuos, in speciem resuscitados.

960. *Geomantia est demonis responsio, per signum effectum in terrâ*: *Hydromantia, in aquâ*: *Pyromantia, in igne*: *Aeromantia, in aëre*.

961. *Chiromantia est demonis responsio, per inspecta manûs lineamenta*.

962. *Metoposcopia est demonis responsio, per inspecta frontis lineamenta*.

963. *Auspicium est demonis responsio, per inspectionem avium*: volatûs illarum, sitûs, pastûs, numeriue earum, quæ vocabantur *præpetes*. *Auspicium* dictum, quasi *avispicium*.

964. *Augurium est demonis responsio, per observationem garrîtûs avium*, earum quæ vocabantur *oscines*. *Augurium* dictum, quasi *avisgarium*.

965. *Omen est demonis responsio, per observationem sternutationis, vocisve humane*.

966. *Quamvis futurorum contingentium prædictio spectet ad superstitiosam divinationem, illiusque iam dictas species; tamen licita est prædictio euentuum, dependentium à cantu avium, lineamentis frontis, colore, &c. tanquam causâ naturali; aut cum ijs habentium connexionem naturalem. Sic ex motu, aut cantu avium prædici possunt serenitates, pluvix, tempestates: ex colore faciei, lineamentis corporis, &c. potest prædici sanitas, morbus, breuitas vitæ, &c.*

Astrologia naturalis licita est, Iudiciaria est illicita.

967. *Astrologia naturalis est astrorum consideratio, indeque sumpta prædictio euentuum cælestium, & elementarium. v. g. ecclipsis solis, lunæ, serenitatis, tempestatis, pluvix, æstûs, &c.* *Astromantia, siue*

968. *Astrologia iudiciaria est astrorum consideratio, indeque sumpta prædictio futurorum contingentium, de-*

pendentium à causâ indeterminatâ, & liberâ : qualia certò prædicere præsumunt mathematici, genethliaci, & observatores horoscopi;

969. inducentes fatum : & secundum eos, * *Fatum est immutabilis astrorum dispositio, secundum quam necessario eveniunt omnia, etiam actiones humanæ. Cuiusmodi fatum cum tollat libertatem humanam, certum est non subesse. Datur tamen aliud fatum : & secundum Boëtium lib. 4. de consol. prosâ 6. illud*

970. *Fatum est inharrens rebus mobilibus dispositio, per quam providentia suis quaque necessit ordinibus. Secundum Augustinum lib. 5. de ciuitate cap. 1. & 8. Fatum est omnium connexio seriesque causarum, quâ fit omne, quod fit. Secundum D. Thomam p. 1. q. 116. Fatum est ordo causarum secundarum, à Deo dispositus, secundum quem infallibiliter suos producant effectus: necessarios necessariò; contingentes, contingenter; liberos. liberè. Fatum sic dictum, iuxta citatum D. Thomam, quia à Deo effatum, prælocutum, & præordinatum Itaque Fatum solet accipi duobus modis: primo, eoque improbando modo,*

971. *Fatum est astrorum dispositio, à quâ omnia creata dependunt, eveniuntque necessario; necessitate inexcitabili.*

Secundo, eoque probando modo,

972. *Fatum est causarum secundarum diuina dispositio, secundum quam earum effectus eveniunt infallibiliter, prout Deus ordinavit evenire; necessarios scilicet necessariò, liberos liberè.*

973. *Cleromantia est divinatio per sortes. DIVINATIO, dæmonis responsio.*

974. *Sors, siue Sortitio est actio, facta eo fine, ut illius eventus spectato, innotescat aliquid occultum, vel dubium v. g. quid cui competere debeat; & tunc est Sors divinatoria: vel quid hic & tunc agere oporteat; & tunc est Sors consultoria: vel quid futurum sit; & est Sors divinatoria. Itaque*

975. *Sors divinatoria est actio, facta eo fine, ut illius eventus spectato, innotescat quid cui competere debeat.*

976 Sars confutatoria est actio, ro sine facta, ut si quis
animum spoliare, manifestetur quod hoc esse nunc agere oporteat.

977. Sors demonstrativa est actio, eo fine facta, ut eius
 eventu spectato, innodiscent quid futurum sit.

978 Omnis predicta fors est illicita, quando cum-
que evenus expectatur à dæmone, explicitè vel im-
plicitè. Diviniora tamen est licita, naturâ suâ; si even-
us expectetur à mero casu; vel à directione Dei iuxta
Proverb. 16. *Sors iuramentum in finem, sed à domino*
improbandum Maxime si precedat divina inspiratio: ut
in Apostolici electione Mathie, Act. 1. Caterum
iure canonico cauetur ne officia ecclesiastica, vel bene-
ficia subdantur sorti: etiam si illa mitteretur tantum
inter æque dignos. Secus est de civilibus, modò fors
non accipitur ex Libro Evangeliorum.

Sors confutatoria, ut diximus, est illicita, quando
confutatio, & agendorum manifestatio expectatur à
domino: vel etiam à Deo, citra ipsius inspirationem,
aut auctoritatem: quia tunc degenerat in tentationem.
Dei. Lasta autem est, posita divinâ inspiratione,
aut auctoritate, cum invocatione divinæ providentiæ,
& decretorum.

Sed divination est illicita, quoties revelatio futuri
evenit expectata à dæmone: quin & à Deo, absque

Deus, & Mater, vocatur etiam Soror Agniti; & c. v.
Sponsus, & Fortis.

[illegible]

*... et de ...
... et de ...
... et de ...
... et de ...*

et deinde peruenit ad effectum rei factae, ad
effectum effectum; cum productum non habet effectum

nam, naturalem, diuinam, aut ecclesiasticam. Eiusmodi est gestatio reliquiarum, euangeliorum, scedarum inscriptarum verbis sacris, crucibusue; cum certâ persuasione non moriendi sine confessione; vel obtinendæ salutis æternæ, aut corporis; similisue extraordinarij affectus.

981. *Observantia sanitatum*, est adhibitio medij inefficacis, ad obtinendam morborum curationem, vitæ conseruationem, vulnerum immunitatem. **MEDIJ INEFFICACIS.** v. g. certorum signorum, verborum, aliorum (vt aiunt) nominum Dei, insufflationis oculorum, cæremoniarum inutilium, &c.

982. *Observantia euentuum* est coniectura aduersitatis, vel prosperitatis, ex fortuito euentu; secundum quem fit actionis humanæ moderatio; abrumpendo cæptum iter, regrediendo domum, repetendo lectum, &c. quia occurrit æthiops, lepus, quia pes impactus, limen offensus, &c.

984. *Observantia vana*, ex genere suo est peccatum mortale: quia in eâ dæmon inuocatur, saltem tacitè & implicite. Quod etiam insinuat psalmo 30. *Odisti observantes vanitates superuacue: ego autem in domino speravi.* Subinde tamen fit veniale, ob ignorantiam, simplicitatem, bonam fidem, defectum deliberationis.

Vanæ observationes, similesque superstitiones, mirabiliter iam inualuerunt, & passim grassantur per orationes, peregrinationes, Sanctorum nouendialia, aliaque pia exercitia: ideoque episcopi, pastores, confessarij, concionatores debent diligenter aduigilare, vt illæ radicibus extirpentur.

De Magia.

985. **M**agia naturalis est ratio operandi mira, per causas naturales occultas, absque ope dæmonis. Non est de se mala; periculosa tamen, ob curiositatem, & facilem lapsum in superstitiones.

986. *Magia superstitiosa* est ratio operandi mira, ope

344 *Breuiarij Theologici Pars II. II.*

dæmonis, per signa, ab eo instituta. Siue, est *inuocatio dæmonis*, *ad miri operis patratiorem*. INVOCATIO expressa, vel implicita; ad sensum n. 952. in fine. *MIRA*, non vera miracula; quæ dæmon efficere non potest. Itaque *mira*, id est opera extraordinaria, habentia causam ignotam; ideoque parientia admirationem. Si hæc magia superstitiosa referatur ad noxam, vocabitur *veneficium*, aut *maleficium* Nam

987. *Maleficium est inuocatio dæmonis, ad miri noxæque operis patratiorem.*

988. Licitum est, maleficij signa magica amouere, & destruere; ad abolendum pactum dæmonis, ad illum contemnendum, ad impediendam Dei offensam: imò ad consequendam sanitatem, vtque dæmon desinat nocere. Est sententia communis, confirmata per Rituale Romanum Pauli V. in quo præscribitur exorcistæ, *Vt iubeat dæmonem dicere, an desineatur in corpore, ob operam aliquam magicam, aut malefica signa, vel instrumenta. Qua si obsessus, ore sumpserit, euomat: vel si alibi extra corpus fuerint, ea reueles; & inuenta comburantur*: Verum quidem est, quòd non liceat à dæmone expectare effectum, ex pacto, amicitia, aut societate cum eo: sed licitum est destruere pactum ipsius, & expectare effectum ex Deo, vel causâ naturali: quinet ab ipso dæmone, coactò diuinâ potestate; vel etiam offenso, & abhorrente. Similiter potest peti à mago, vt dissoluat maleficium; sed sine maleficio, pactoue cum dæmone.

De tentatione Dei.

989. **I**N genere, *Tentatio est dictum, vel factum, ad capiendum de aliquo experimentum*. Ad hoc scilicet, vt tentanti aliue innotescat latens tentati qualitas. v.g. scientia, probitas, fidelitas, similisue bona aut mala conditio.

990. *Tentatio Dei est temeraria expectatio extraordinarij effectûs à Deo, illius experiundi gratiâ*. Siue, est *dictum vel factum, ad capiendum de Deo experimen-*

sum, per extraordinarium effectum, ab eo temerè expectatum. EST DICTVM, VEL FACTVM: sub quo comprehenditur etiam omissio dicti, vel facti. AD CAPIENDVM, expresse vel implicite, DE DEO, eiusue attributo, quod Deus est, EXPERIMENTVM ad sciendum per experientiam, num Deus sit: num verax, omnipotens, omniscius? &c. PER EXTRAORDINARIUM EFFECTVM, productum contra ordinarium rerum cursum, à Deo institutum: aut miraculosum, excedentemque omnem creatam facultatem. TEMERè, absque iustâ, & rationabili causâ, AB EO EXPECTATVM. Non enim foret Dei tentatio, extraordinarij effectûs, ab eo expectatio, si iusta causa subesset: vti instinctus diuinus, promissio diuina, donum miraculorum, excellens fides, vrgens necessitas, honor Dei, defensio religionis, &c. exigens hic & nunc à Deo effectum extraordinarium. Quam si quis tunc non expectaret, incideret cum Achas, in infidelitatem, hæsitantiam, diffidentiam, similemve impietatem. Isaie 7.

Tentatio Dei est duplex: vna explicita, altera implicita.

991. *Tentatio Dei explicita est dictum vel factum, expresse ad capiendum de Deo experimentum, per extraordinarium effectum, ab eo temerè expectatum.* Sic Israëlita Psalmo 77. *Tentauerunt Deum, in cordibus suis, ut peterent escas animabus suis--dixerunt, Numquid poterit Deus parare mensam in deserto?*

992. *Tentatio Dei implicita est dictum, vel factum, ad capiendum tacite de Deo experimentum, per extraordinarium effectum, ab eo temerè expectatum.* Eiusmodi Dei tentatio erat olim in innocentia probatione, per aquam feruentem, ferrum candens, &c.

De Sacrilegio.

INter peccata, religioni opposita, est sacrilegium: quod

993. *Sacrilegium est violatio rei sacra.* VIOLATIO

indigna & injuriosa tractatio, profanatio. REI inanimæ, vel animatæ. SACRÆ, cultui diuino peculiariter dedicatæ. *Inanima*. v.g. templi, altaris, calicis, imaginis Christi, &c.

Animata. v.g. sacerdotis, religiosi, monialis, &c.

Huiusce sacrilegij possunt statui tres species. *Prima* est violatio personæ sacræ. v.g. percussio clerici: fornicatio ordinati Ordine sacro, religiosi, monialis: pertractio ecclesiasticorum ad tribunal sæculare, &c. *Secunda* est violatio loci sacri. v.g. euersio templi, sacelli, altaris: violenta effusio sanguinis, aut voluntaria feminis, in loco sacro: sepultura excommunicati, aut infidelis, ibidem: extractio personæ refugientis ad eundem locum sacrum, tanquam ad asylum: furtum rei profanæ in eodem asylo depositæ. Eodem referri debent mercatus, deambulationes, confabulationes, sanctitati loci sacri repugnantes. *Tertia* est violatio rerum sacrarum, distinctarum à personis locisque sacris. v.g. iniuriosa tractatio sacramentorum, reliquiarum, imaginum, vasorum sacrorum, scripturæ sacræ, dierum dominicorum & festiuorum.

De Blasphemia.

994. **B**lasphemia est iniuriosa in Deum locutio. IN DEVM, immediatè, vel mediatè. LOCUTIO interna, vel externa. Si Deo irrogetur iniuria, non locutione, nec verbis, sed factis. v.g. conspuatione, flagellatione, crucifixione, occisione; non erit propriè blasphemia, sed contumelia factorum.

Blasphemia vna est cordis, alia oris,

995. *Blasphemia cordis est contumeliosa in Deum locutio interna. Hoc dixit insipiens in corde suo. Non est Deus, Psalmo 13.*

996. *Blasphemia oris est contumeliosa in Deum locutio externa, per internæ mentis expressionem, factam verbis, scriptis, cantu, voce inarticulatâ.*

Item blasphemia vna est immediata, alia mediata.

997. *Blasphemia immediata est contumeliosa in Deum ipsum locutio.*

998. *Blasphemia mediata est contumeliosa in Dei sanctos locutio, aliasque creaturas; redundans in Deum, relucens in illis. Vide supra n. 889. & 913.*

Item blasphemia vna est in Patrem, alia in Filium, tertia in Spiritum-Sanctum; pro ratione trium specialium attributorum diuinorum; scilicet omnipotentiae, quæ attribuitur Patri, sapientiæ, quæ Filio; bonitatis, quæ Spiritui-Sancto. Pro ratione etiam trium imperfectionum, præfatis attributis oppositarum. Itaque

999. *Blasphemia in Patrem, est contumeliosa in Deum locutio, ex passione, impotentiaque animi: ad sensum n. 410. & 413. in p. 1. 2.*

1000. *Blasphemia in Filium, est contumeliosa in Deum locutio, ex ignorantia. Qualis fuit Pauli, qui ignorans blasphemus fuit. 1. ad Timoth. 1.*

1001. *Blasphemia in Spiritum-Sanctum est contumeliosa in Deum locutio, ex malitia: ad sensum n. 412. & 413. in p. 1. 2. Imò particulariter, blasphemia in Spiritum-Sanctum, siue*

1002. *Blasphemia Spiritus est contumeliosa in Deum locutio, ex malitia; opera ipsius attribuendo spiritui maligno. Vti colligitur ex Matthæi 12. Marci 3. & Lucæ 11. Ibidem enim Iudæi blasphemabant contra Filium, diuina ipsius opera attribuentes principi dæmoniorum; idque ex merâ malitiâ, non ex subreptione passionis, aut ignorantie: ideoque dicuntur blasphemari in Spiritum-Sanctum, potius quàm in Filium.*

Item blasphemia vna est enunciatiua, secunda imprecatoriua, tertia dehonestatoriua.

1003. *Blasphemia enunciatiua est contumeliosa de deo affirmatiua, vel negatiua. CONTUMELIOSA, quia omnis blasphemia, etiam cordis, spectat non ad detractiorem, quæ fit occultè, in absentia personæ; sed ad contumeliam, quæ fit palàm, in facie personæ: nam Deus est vbique præsens. AFFIRMATIO, tribuens Deo, quod ei non competit. v. g. iniustitiam, crudelitatem,*

&c. **VEL NEGATIO**, auferens Deo, quod ei competit. v.g. providentiam, omniscientiam, &c. Item *affirmatio* tribuens creaturæ, quod Deo proprium est. v.g. numen, diuinitatem, templum, altare, omnipotentiam, &c. Quæ affirmatio de creaturâ, est virtualis negatio de Deo; quasi non habeat solus diuinitatem, omnipotentiam, &c. sed cum creaturâ communem.

1004. *Blasphemia imprecatoria est contumeliosa in Deum locutio, exoptans ei malum.* Eiusmodi est desperatorum, & damnatorum.

1005. *Blasphemia dehonestativa est indecens nominatio membrorum Christi.* v.g. capitis, ventris, sanguinis, quinet & mortis.

De Virtutibus Iustitiæ annexis, Pietate, Observantia, Gratitude, &c.

1006. **V**irtus annexa iustitiæ, est virtus in aliquo cum iustitiâ conveniens, in alio differens. Eiusmodi est religio, pietas, observantia, amicitia, gratitudo, liberalitas. **IN ALIQUO CONVENIENS**, scilicet in obiecto, quod utrobique est *debitum alteri*. **EI IN ALIO DIFFERENS**, quia in iustitiâ, debitum alteri, reddendum est ad æqualitatem, eamque extinguentem debitum: estque stricto iure debitum. In virtute iustitiæ annexâ; debitum alteri, non redditur ad æqualitatem: uti in religione. Vel ad æqualitatem quidem, sed non extinguentem exhaustentemque debitum; ita ut cesset obligatio ulterius satisfaciendi: uti in pietate, & observantiâ. Vel non stricto iure debitum: uti in amicitia, gratitudine, & liberalitate. Itaque virtus reductiva ad iustitiam, siue

1007. *Virtus annexa iustitiæ, est virtus reddens debitum alteri, non ad æqualitatem, non stricto iure.* **DEBITUM ALTERI**, adeò magnum, ut non possit ei satisfieri ad æqualitatem; saltem non possit satisfactione extinguere debitum: vel ita exile, ut non inducat strictam obligationem civilem; sed tantum moralem cu-

iustam decentiæ, & honestatis.

Pietas in scripturâ sacrâ accipitur aliquando pro religione, & deuotione: aliàs pro misericordiâ & benignitate: in hac materiâ autem,

1008. *Pietas est virtus exhibens obsequium debitum parentibus, patriâ.* EXHIBENS, inclinans filios, & ciues; ad exhibendum OBSEQUIVM, cultum, & subsidium corporale & spirituale. PARENTIBVS corporalibus: nam spiritualium parentum cultus, spectat ad obseruantiam religiosam. PARENTIBVS, patri scilicet & matri, quatenus post Deum, sunt principium nostrî ortûs, educationis, & institutionis. Ad parentes reducentur consanguinei, maximè ascendentes. v. g. auus, proauus, abauus alijsque maiores. ET PATRIÆ, loco natali, prouinciæ, & popularibus: ad quos reuocantur patriæ fœderati, aut beneuoli. Hoc debitum parentibus, & patriæ obsequium, tantum est, vt non possit reddi ad æqualitatem, exhaustientem debitum; quomodo tamen fit, in solutione debiti, restitutione, & eiusmodi actibus iustitiæ. Aliàs certum est, quod filius, & ciuis possit obsequijs suis corporalibus, & spiritualibus, non tantum æquare, sed & superare beneficium, à parentibus, & patriâ acceptum; v. g. vtrosque ab infidelitate, seruitute, tyrannide liberando.

1009. *Obseruantia est virtus, exhibens cultum debitum superioribus.* EXHIBENS, inclinans inferiorem ad exhibendum CVLTVM, honorem cum sui submissione. DEBITVM: non minorem, quàm par sit, ex obseruantie neglectu: nec maiorem, ex obseruantie excessu. SUPERIORIBVS, tam politicis, quàm spiritualibus, nos gubernantibus: quatenus post Deum, sunt principium nostræ gubernationis. *Gubernantibus* actu, vel etiam potentiâ; id est, idoneis nos gubernare, ratione suæ authoritatis, scientiæ, virtutis, sanctitatis, potestatis, nos præcellentis.

Obseruantia vna est politica, siue ciuilis; alia religiosa.

1010. *Obseruantia politica est virtus, deferens cultum personis, excellentiâ ciuile conspicuis v. g. regibus, ma-*

gistratibus, dominis, heris, præceptoribus.

1011. *Observantia religiosa est virtus, deferens cultum personis, excellentiâ supernaturali conspicuis. SUPERNATURALI, excellentiam naturalem, & civilem superante; & habente singularem respectum ad numen divinum ita ut sit particularis participatio excellentiæ divinæ. Eiusmodi observantia exhibetur beatis, sacerdotibus, pastoribus, confessoribus, &c. quâ talibus.*

1012. Unde hæc observantia religiosa est triplex: prima est observantia viatorum: secunda est communis beatorum, vocaturque *Dulia*: tertia est particularis humanitati Christi præcisæ, & Beatissimæ Mariæ Virgini matri. Hæc secunda & tertia sæpè accipitur pro actuali cultu duliæ, & hyperduliæ, definito n. 785. & 787. hic autem accipitur pro virtute, eiusmodi cultum exhibente.

Cæterum licet possit fieri speculativa præcisio humanitatis Christi, ab hypostasi Verbi; tamen nunquam fuit, nec erit sic præcisâ ideoque adoranda est cultu patriæ; uti dicimus in p. 3. n. 97.

1013. *Observantia religiosa viatorum, est virtus, exhibens cultum vivis, excellentiâ supernaturali conspicuis: viatoribus sanctitate claris, episcopis, religiosis, prophetis, &c. quâ talibus.*

1014. *Dulia est virtus, exhibens cultum creatura, ob excellentiam adeptæ beatitudinis. Vocatur Dulia, siue servitus, qua tanquam servi, magnâ animi demissione, debemus reuereri sanctos, tanquam dominos nostros.*

1015. *Hyperdulia est virtus, exhibens creatura cultum transcendente, ob illius singularem unionem ad Deum: & excellentiam particularem, incommunicatam alteri. TRANSCENDENTEM, cultum superantem duliam communem: idque merito, quia creatura culta habet non communem, sed SINGULAREM UNIONEM AD DEUM. Qualem habet humanitas Christi: quæ præcisè considerata in se, ut integer terminus cultus, colitur hyperduliâ. Idem B. V. Maria, ratione maternitatis Dei. Generaliter sumpta*

1016. *Obedientia est virtus, inclinans ad executionem voluntatis superioris, etiam non præceptivæ. Propriè dicta.*

1017. *Obedientia est virtus, inclinans ad executionem præcepti superioris. PRÆCEPTI, propriè dicti: aliàs in hac materiâ obedientiæ, sumitur subinde impropriè & latè præceptum, pro nutu voluntateque superioris, intimatâ inferiori, absque intentione obligandi. Hæc obedientia est duplex: materialis: & formalis.*

1018. *Obedientia materialis est virtus inclinans ad executionem operis præcepti, non quâ præcepti, sed quâ habentis intrinsecam honestatem, aut relationem in Deum, aut motivum virtutis distinctæ ab obedientiâ. Hæc materialis obedientia, non est specialis virtus, sed complectitur omnes virtutes, inclinantes ad actum cadentem sub præceptum,*

1019. *Obedientia formalis est virtus, inclinans ad executionem præcepti superioris, quia præceptum est. Hæc licet se extendat ad omnis virtutis materiam, tamen est virtus specialis: quia habet rationem obiectivam specialem, scilicet debitum auctoritate superioris præcipientis; id est, intimantis inferiori voluntatem suam, obligantisque ut exequatur eam.*

1020. *Inobedientia est vitium, violans superioris præceptum.*

1021. *Inobedientia materialis est prauaricatio præcepti, sine intentione prauaricandi, expressâ. Hæc reperitur in omni peccato: quod (iuxta D. Ambrosium.) est divina legis prauaricatio, & cælestium inobedientia mandatorum.*

1022. *Inobedientia formalis est violatio præcepti, cum expressâ intentione violandi; & præceptum, aut præcipientem contemnendi.*

De gratitudine, & ingratitudine.

1023. **G**ratitudo est virtus, inclinans ad beneficij acceptionem, & reparationem. Hic, * Beneficium

1024. *tionem, & reparationem. Hic, * Beneficium*
Z

est res donataria grata, gratisque donata. GRATIS; absque debito, & intuitu remunerationis. Nam si subesset debitum rigorosum, foret merces, solutio, compensatio, vel tributum honorarium. Si subesset intuitus remunerationis, degeneraret in avaritiam.

Gratitudinis obiectum, est debitum alteri, à quo acceptum est beneficium. Illius officium est, agnoscere, æstimareque beneficium acceptum; & satagere ut benefactori aliquatenus satisfiat reciproco beneficio, obsequio, cultu, gratiarum actione. Quæ

1025. *Gratiarum actio est benevola protestatio accepti beneficii, cum sui submissione, erga benefactorem* n. 835.

1026. *Ingratitudo formalis est beneficii, benefactorisve contemptus expressus; inficiando beneficium; aut illud, benefactorisve animum vilipendendo; aut omit-tendo officia gratitudinis, eâ intentione, ut ipse beneficiarius videatur non esse obligatus, ratione beneficii.*

1027. *Ingratitudo materialis est omisio agnitionis beneficii accepti, vel commissio contra benefactorem, absque contemptu expresso.* OMISSIO officiorum gratitudinis, absque contemptu expresso beneficii, aut animi benefactoris; non tamen absque tacito, & implicito.

De iustitiâ vindicativa.

DE iustitiâ vindicativâ aliquid diximus antea n. 312. cui superaddi possunt ea, quæ sequuntur.

1028. *Iustitiâ vindicativa est virtus, ad equalitatem rependens pœnam, pro iniuriâ.* VIRTUS, inclinans superiorem & iudicem, ad æquandam ultionem iniuriæ, commensurando pœnam pravitati culpæ: ut vindicatio, excessu non degeneret in crudelitatem; aut defectu, in nimiam lenitatem.

Motivum speciale iustitiæ vindicativæ, est ordinatio, correctio, & reparatio depravati ordinis actionis humanæ, ad rectam rationem, legemque æternam. Ordinatio inquam, ut scilicet qui culpâ suâ, ex-

tra ordinem abiit; ad illum reuocetur, etiam inuitus, per poenam.

1029. *Vindictio est reppensio mali pœna, pro malo culpa.* Vt hæc licita sit, debet fieri à publicâ potestate, & ad æqualitatem.

1030. Si in vindicatione intendatur ordinatio iustitiæ læsæ, & reparatio conformitatis ad rectam rationem; erit actus præfatæ iustitiæ vindicatiuæ. Si intendatur emendatio rei, vel aliorum; erit actus charitatis erga proximum: itidem si intendatur reparatio iniuriæ, læso illatæ. Si intendatur reparatio honoris diuini, erit actus religionis. Si autem intendatur malum proximi, vt ei malè sit; degenerabit in vitiosam vindictam priuatam. Quæ

1031. *Vindicta priuata est inflictio pœna, ex odio proximi facta auctoritate propria.* EX ODIO PROXIMI, vt ei malè sit; reputando malum alienum, esse bonum proprium vlciscentis. Hæc vindicta est usurpatio potestatis publicæ, & diuinæ: scriptum est enim Deuteronomij 32. & Romanorum 12. *Mea est ultio: Mihi vindicta, & ego retribuam.* n. 252, notabili 3.

De veracitate, & mendacio: amphibologia, & reservatione mentali.

1032. *Veracitas est virtus, inclinans ad semper dicendum verum.*

Veracitatis sunt tria officia propria: primò procuratio conformitatis intellectus ad rem intellectam; vt sit verum in cognoscendo, ne concipiatur dicaturque falsum. Secundò procuratio conformitatis verborum ad mentem; vt sit verum in enunciando, ne committatur mendacium. Tertiò procuratio conformitatis factorum ad dicta, & promissa; vt sit verum in præstando, & exequendo, ne committatur infidelitas.

1033. *Mendacium est locutio contra mentem.* Nonnulli complent definitionem, addentes *cum intentione fallendi*: sed assumere illud omitti potest: quia lo-

cutio contra mentem, destituta intentione speque fallendi, reuera est mendacium. LOCUTIO, tam impropria, quàm propria. Hæc autem.

1034. *Locutio propria est externa mentis expressio, per verba propriè dicta, vocesque humanas articulata.*

1035. *Locutio impropria est externa mentis expressio, per verba impropriè dicta, v. g. scripta, nutus, gestus, & similia signa, mentis humanæ expressiua.*

1036. Malitia mendacij consistit in abusu locutionis: quæ à Deo hominibus data est, vt sit expressiua mentis, eique conformis.

Mendacium est triplex: officiosum, iocosum, perniciosum.

1037. *Mendacium officiosum est locutio contra mentem, causa utilitatis propria, vel aliena: absque iniusto nocumento alieno spirituali, vel temporali: semper autem cum nocumento spirituali proprio.*

1038. *Mendacium iocosum est locutio contra mentem, causâ voluptatis propria, vel aliena: absque iniusto nocumento alieno. Quod si subsit, ex officioso, iocosue mendacio fiet perniciosum. Nam*

1039. *Mendacium perniciosum est locutio contra mentem, cum proximi nocumento iniusto: siue subsit propria alienaue utilitas, vel voluptas. Cum iniusto inquam, nocumento: nam si foret iustum, mendacium desineret esse perniciosum. Exempli gratiâ, proditor ciuitatis Cameracensis, exhibet mihi coniurationem, à pluribus signatam, sollicitans vt & ipse subscribam: dico me facturum, modò authographum coniurationis instrumentum deponatur per me asseruandum: non habeo autem voluntatem subsignandi, nec subfigno; sed defero illud ad Magistratum, proditores autem capite plectuntur. Hoc casu est mendacium officiosum in Rempublicam; & non perniciosum, quia licet adferat proditoribus nocumentum, tamen non iniustum.*

1040. Ad cauendum mendacium, quidam vtuntur amphibologiâ, vel restrictione tacitâ, siue reservatione mentali: sed frustrâ sæpissimè, Nam hæ-

rent in eodem mendacii luto, aut in illud relabuntur; vel incurrunt in duplicitates, dolos, fallacias, damnificationes, scandala, euerfionemque societatis humanæ: quæ mendaciis paria sunt, imò priora. Caterùm

1041. *Amphibologia est ambiguus sermo. Siue, est locutio, habens sensum duplicem. v. g. Aiote Æacida Romanos vincere posse.*

1042. *Restrictio tacita est externa locutionis interna limitatio subaudita. v. g. Homo est mortalis, & immortalis; subaudiendo, secundum corpus mortalis; secundum animam immortalis. Hæc restrictio tacita, est synonyma reservationi mentali. Quæ Reservatio mentalis est internum complementum sermonis, incompletè prolati. v. g. Genesis 27. Ego sum primogenitus tuus Esau, iure scilicet.*

1043. Amphibologiæ, reservationisque mentalis promiscuus vsus, est illicitus tanquam abusus; discretus vsus est licitus: quando scilicet subest necessitas absoluta, vel moralis, aliaue iusta causa celandæ veritatis, hoc artificio verborum.

1044. Itaque vt amphibologiæ vsus sit licitus, requiritur primò quòd verba sint verè ambigua, & absque violentâ detorsione possint verificari in sensu loquentis. Secundò quòd subsit rationabilis causa, sic ambiguè loquendi. v. g. Tobix 5. Raphaël dicit: *Ego sum Azarias, magni Anania filius*; id est, Ego sum adiutorium domini, filius adoptivus Dei. Eiusmodi amphibologia est communissima, quando loquens vsurpat verba, in significatione propriâ; quæ audiens intelligit in metaphoricâ ordinariâ. v. g. dico aliquem *delirare*, id est sulcum curuum ducere: *Dissidere*, id est separato loco sedere, &c.

1045. Vt autem reservatio mentalis sit licita, illa debet subintelligi ex dispositione iuris, vel communi vsu loquendi; aut particulari respectu personæ loquentis, vel de quâ sit locutio. *Ex dispositione iuris. v. g. promitto iudici me dicturum in causâ, quidquid novi; subiicendo mente, Quando interrogabor, servato or-*

dine iuris. Vel debet subintelligi *communi usu loquendi*, v. g. promitto servare secretum; subintelligendo, *Nisi vergat in praeiudicium alterius.* Aut debet subintelligi *particulari respectu persona loquentis.* Sic Christus dicit Ioannis 14. *Pater maior me est*, subaudiendo. *Secundum humanitatem.* Addit Ioannis 20. *Ego, & Pater unum sumus*, scilicet. *Secundum divinitatem.* Item affirmat confessorius se nihil scire de peccato alieno, noto ex sacramentali confessione; subaudiendo, *ita ut possit illud revelare*, &c. Item poenitens à confessorio interrogatus an commiserit aliquod particulare peccatum? quod reuerà commisit, ante postremam legitimam confessionem: respondet se non commisisse, subaudiendo, *à postrema confessione*: vel, *ita ut hic & nunc debeat illud confiteri*, Aut debet subintelligi *particulari respectu persone, de qua fit locutio.* Sic Christus Matthæi 11. & 17. & Marci 9. dicit, *Ioannes est Elias*, subaudiendo, *spiritu*, non personâ.

De simulatione, & hypocrisi.

1046. **S**imulatio est mendacium facti, in exteriori gestu; præseferendo exteriori actione aliud, quàm sit in mente.

1047. In genere, *Hypocrisis est persona aliena simulatio*: uti fit in comediis, & tragediis. *Hypocrita est persona aliena simulator*: cuiusmodi est histrio. Ad sensum sacrae scripturæ, & patrum,

1048. *Hypocrisis est fictio peccatoris, se iustum simulantis.*

Hypocrita est peccator, simulans se iustum; præ se ferendo exterius sanctitatem fictam, & simulatam.

De affabilitate, entrâpelia, & vitiis oppositis.

1049. **A**ffabilitas est virtus, efficiens conversationem cum proximis, gratam, & comem. **CONVERSATIONEM**, propriè in colloquiis, & affectu; consequenter in omni aliâ seriâ conversatione humanâ.

1050. *Entrepelia est virtus, seruans decorum in ludis, recreandi animi causâ assumptis. Ne scilicet eorum vsus degeneret in scurrilitatem; vel abstinencia, in rusticitatem, & morositatem,*

Affabilitati per excessum opponitur blanditia, & adulationis; per defectum, morositas, & litigium.

1051. *Blanditia est indecora sus ad homines accommodatio; omnia probando, & laudando, vtilitatis suæ causâ.*

1052. *Morositas est asperitas conuersationis, adferens proximis molestiam, & tædium.*

1053. *Litigium est alienarum actionum contradictio, in conuersatione humanâ.*

*De liberalitate, prodigalitate, auaritia,
& epikeia,*

1054. **L**iberalitas est virtus, moderans pecuniæ cupiditatem. MODERANS iuxta præscriptum rectæ rationis auiditatem pecuniæ, & rerum pecuniâ æstimabilium: dans quoque promptitudinem ad eas gratis, hilariter, & copiosè expendendum. Itaque duo sunt munia liberalitatis: primò, moderatio affectus diuitiarum: secundò, earundem communicatio prompta, gratuita, & copiosa. Vnde potest etiam rectè definiri, *Liberalitas est virtus inclinans ad erogandum res suas promptè, gratis, & copiosè.*

Liberalitati, per defectum opponitur auaritia; per excessum, prodigalitas.

1055. *Auaritia est inordinatus amor diuitiarum, erogationisque illarum tenacitas.*

1056. *Prodigalitas est excessiua erogatio diuitiarum.*

1057. *Epikēia, siue Æquitas est virtus dirigens ad agendum contra verba legis, secundum habituales intentionem legislatoris. v. g. Lex ait. Redde depositum: petit furiosus depositum gladium; depositarius non reddit, sequens habituales intentionem legislatoris, in tali casu. Vide p. I. 2. n. 532.*

De fortitudine, & actibus ipsius, vitiisque oppositis.

1058. **F**ortitudo est virtus, dans animo firmitatem in periculis mortis, aliisque rebus terribilibus. **FIRMITATEM**, reddens animum constantem & inconcussum in perpeſſione, & repulſâ terribilium; iuxta præſcriptum rationis moderando motus animi, ſcilicet timorem mali imminentis, triſtitiâ mali præſentis, & audaciam in repellendo malo.

1059. *Audacia est actus fortitudinis, animique promptitudo, in periculis terribilibus, aggrediendis, & repellendis; iuxta præſcriptum rectæ rationis.*

Fortitudini per exceſſum opponitur intimiditas, & temeritas; per defectum, ignavia, & timiditas.

1060. *Intimiditas est vitium, dans vacuitatem iuſtæ timoris, in periculis mortis, aliisque rebus terribilibus: non timendo ea, quæ verè timenda ſunt; quando, & quantum oportet, iuxta præſcriptum rectæ rationis.*

1061. *Temeritas est exceſſus in audendo. Siue, est vitium, in repellendo malo, audens ſupra quàm recta ratio dicat; aggrediendo quod non conuenit, aut quo modo non conuenit. Vocatur ſubinde proſecta audacia.*

1062. *Ignavia est defectus audacia, in periculis mortis, aliisque rebus terribilibus: non audendo aggredi quod conuenit, ad malum repellendum.*

1063. *Timiditas est exceſſus timoris, in periculis mortis, aliisque rebus terribilibus; timendo quod non oportet vel pluſquàm oportet.*

1064. *Martyrium est actus fortitudinis, & testimoni-
um veritatis fidei, alteriusve vera virtutis; per toleran-
tiam mortis. EST ACTVS elicitus FORTITVDINIS;
imperatus autem ſubinde fidei, charitatis, caſtita-
tis, iuſtitia, &c. ET TESTIMONIUM externum, quod
Chriſto, doctrinaeque ipſius præbetur; hoc ipſo, quo
pro eâ mors ſuſtinetur VERITATIS FIDEI: iuxta
illud Marci 8. Qui perdiderit animam ſuam propter me,
& euangelium; ſaluam faciet eam. ALTERIVSVE VE-*

et perfectæ, & charitate formatæ VIRTUTIS v. g. temperantiæ, veracitatis, castitatis, &c. iuxta illud Matthæi 5. *Beati, qui persecutionem patiuntur, propter iustitiam*, &c. PER TOLERANTIAM MORTIS, quâ completur perfectum martyrium.

1065. Præter martyrium in voto, efficacique desiderio; potest statui quadruplex martyrium. Primum est omnino completum, quo mors reipsâ sustinetur, in testimonium Dei, doctrinæque ipsius. Secundum est completum ex parte causæ proximæ, & intrinsecus penetrantis. v. g. vulnerum lethalium, veneni, &c. etiamsi contingat mortem diuinitus impediri. Tertium est completum ex parte causæ, extrinsecus applicatæ v. g. ignis, olei feruentis, &c. diuinitus impeditæ. Quartum est inchoatum tantum, per tolerantiam tormentorum, non lethalium. Quisquis autem coram persecutore fidem confessus fuerat, sine passione tormentorum, non martyr, sed confessor vocabatur.

1066. Ad martyrium paruulorum, & adultorum à natiuitate amentium, non est aliud requisitum: quàm vt illis mors inferatur, in odium christianæ religionis. Ad martyrium vtentium ratione, quatuor sunt requisita: primò, mortis irrogatio, odio Christi, fidei, alteriusue virtutis perfectæ. Secundò, acceptatio mortis, ob piam causam. Tertio, non resistentia. Quartò, fides, charitas, & status gratiæ. Itaque primò, vel indirectè, adigendo martyrem ad sui præcipationem, submersionem, &c. Debet inquam fieri in odium Christi, fidei, alteriusue perfectæ virtutis: vti patet ex 1. Petri 4. Matthæi 5. & Marci 8. Debet secundò esse mortis acceptatio: quia adultus, vti non potest sine proprio consensu peccare; ita nec iustificari sine eo, saltem virtuali. Acceptatio inquam, ob piam causam: aliàs non foret opus virtutis, si fieret ad vanam gloriam, similemque finem prauum, tanquam integrum motuum. Debet tertio esse non resistentia ad tuendam propriam vitam: quia martyrij passio debet esse voluntaria; & mortis Christi, tanquam ouis, ad occisionem ducti, assimilatiua, Secus foret, si resi-

stentia fieret ad tuendam rempublicam Christianam; contra infideles, &c. Debet quartò adesse fides, charitas, & status gratiæ: saltem ante consummatum mortem martyrium. Quia *sine fide, impossibile est placere Deo*; ut ait Heb. II. Apostolus; adiungens 1. Cor. 13. *Si tradidero corpus meum, ita ut ardeam; charitatem autem non habuero nihil mihi prodest.*

1067. *Patientia est virtus, firmans animum, in tolerantia afflictionum.* FIRMANS, ita ut propter mala, & afflictiones, non deserat bonum virtutis, nec committat peccatum. Patientia est fortitudo, inadæquatè concepta: nam adæquatè concepta moderatur animum non tantum in perpeffione malorum; sed etiam in repulsionem illorum.

1068. *Longanimitas est aquanimis tolerantia afflictionis, orta ex boni sperati dilectione.*

Patientiæ per excessum afflictionis opponitur impatiencia; per defectum, insensibilitas.

1069. *Impatientia est vitium, excedens modum in dolore malorum; illiusque impulsu, à recto discedens.*

1070. *Insensibilitas est vitium, quo quis afflictionibus non tangitur, velut stolidus, aut inhumanus.*

De magnanimitate, magnificentia, constantia, &c.

1071. **M**agnimitas est virtus, inclinans ad actus heroicos, in omni genere virtutum. Quævis virtus perfecta, gradusque intensi, inclinatur ad suæ speciei actus excellentes; quia in ijs excellenter elucet honestas specialis cuiusque virtutis. Magnanimitas autem inclinatur ad omnium omninò virtutum actus excellentes, quia ardui sunt, & animo generoso congruentes.

Ad magnanimitatem pertinet fidentia, & securitas. Ista autem

1072. *Fidentia est expedita promptitudo animi, orta ex persuasionem superandarum difficultatum, adipiscendique boni ardui.*

1073. *Securitas est animi tranquillitas, reddens illum curis superfluis solutum, & in Dei auxilio quiescentem. Magnanimitati per defectum opponitur pusillanimitas, per excessum præsumptio, ambitio, & inanis gloria.*

1074. *Pusillanimitas est vitiosa propriarum virium diffidentia, refugiens opera, ejusdem commensa. PROPRIVM VIRIVM, Dei dono acceptarum. REFUGIENS tanquam nimis ardua, & superantia propriam facultatem: cum reuerà talia non sint.*

1075. *Præsumptio est propriarum virium nimia estimatio, in aggrediendis ijs, qua superant eas.*

1076. *Ambitio est inordinatus appetitus honoris.*

1077. *Inanis gloria est inordinatus appetitus fama, laudis, & glorie.*

1078. *Magnificencia est virtus, inclinans ad efficiendas res magnas; & sumptuosas; iuxta præscriptum rectæ rationis.*

1079. *Perseuerantia est virtus, firmans animum, efficiensque boni operis laboriosi ac diuturni continuationem. FIRMANS ANIMVM, vincendo molestiam, & tedium obrepens ex opere laborioso ac diuturno. CONTINUATIONEM vsque ad finem, à recta ratione præstitutum: ideo, quia cuiusmodi continuatio est per se honesta.*

1080. *Perseuerantiæ affinis Constantia est virtus dans animo immutabilitatem in bono, ut in eo sibi constet, inuariabilisque perseueret, contra omnes difficultates.*

Constantiæ per excessum opponitur pertinacia; per defectum, inconstantia, & mollities.

1081. *Pertinacia est vitium dans animo inordinatam firmitatem, & persistentiam; ubi non oportet, aut plus quàm oportet.*

1082. *Inconstantia est vitium, efficiens animum, in suo proposito, mutabilem, absque ratione.*

1083. *Mollities est vitium, efficiens animum, temerè resiliens à bono, radio difficultatis, aut diuturnitatis.*

De temperantia.

1084. **T**emperantia est virtus, moderans affectum
 usumque voluptatum gustus, & tactus VIR-
 TVS cardinalis. MODERANS iuxta præscriptum ra-
 tionis voluptates gustus : & esculentorum poculen-
 torumque affectum, & usum ; quatenus conducit bo-
 næ valetudini corporis, & idoneæ dispositioni mentis,
 ad suas functiones. Moderans etiam voluptates tactus,
 in usu venereorum, ad matrimonialem proles genera-
 tionem, vel debiti redditionem.

Temperantiæ partes integrales sunt honestas, & vere-
 cundia.

1085. Quæ * *Honestas est prosecutio decori, elucetia
 in acti-*

1086. *bus temperantia.* Et hoc * *Decorum est confor-*
mitas actuum temperantia, ad rectam rationem.

1087. *Verecundia est fuga turpitudinis, ex intemperan-*
tia provenientis.

Temperantiæ per defectum opponitur stupor ; per ex-
 cessum

1088. *intemperantia.* Ille * *Stupor est inordinata a-*
versio delectationum gustus, & tactus : nolendo ijs uti,
 quando, & quantum oportet.

1089. *Intemperantia est inordinatus affectus, ususque*
delectationum gustus, & tactus.

Temperantiæ species sunt abstinencia, sobrietas, casti-
 tas, pudicitia.

1090. *Abstinencia est virtus, moderans affectum,*
usumque delectationis esculentorum.

1091. *Sobrietas est virtus, moderans affectum usumque*
potus inebriationi. Quatenus est peccatum,

1092. *Ebrietas est vitium, causans inordinatam pota-*
tionem, & ex eâ, usus rationis privationem. Quatenus
 est peccati effectus,

1093. *Ebrietas est voluntaria, & violenta usus ratio-*
nis privatio, per nimium potum, causâ voluptatis assump-
tum. VOLUNTARIA, ut excludatur inuoluntaria, per

ignorantiam inadvertentiamque inculpabilem, & per coactionem. **VIOLENTIA**, ut excludatur naturalis priuatio vsûs rationis, per somnum. **PER NIMIUM POTVM**, ut excludatur ea, quæ fit per odorem lupuli, suffitum petuni, siue tabaci, &c. **CAUSA VOLVPTATIS**: quia si fiat causâ medicinæ, saluandæ vitæ, &c, non erit ebrietas, ad præsentem sensum.

1094. Mala in ebrietate commissa imputantur ad peccatum, si antea fuerint volita in se; vel voluntaria, in ebrietate. In se, inquam; volita, per ebrietati præuiam intentionem expressam: vel indirectè voluntaria, in ebrietate, tanquam causâ, ex quâ nata sunt sequi, aut secutura præuidentur, vel debent præuideri; & omittitur sufficiens cautio ne sequantur.

De ieiunio.

1095. **I**N genere, *ieiunium est victûs parsimonia maior, quam communis temperantia regula postulet.* **PARSIMONIA MAIOR**, consistens in abstinentiâ diuturniore, & durioris victûs ratione.

Ieiunium est multiplex: naturale, medicinale, ecclesiasticum, &c.

1096. *Ieiunium naturale est omnimoda abstinentia cibi, & potûs, exterius sumpti, & per fauces traiectione in stomachum: idque à mediâ nocte præcedente.* Eiusmodi ieiunium regulariter est requisitum, ad sacræ Eucharistiæ sumptionem.

1097. *Ieiunium medicinale est cibi potûsque abstinentia, sanitatis gratiâ.*

1098. *Ieiunium philosophicum est cibi potûsque abstinentia, ad habendas animi functiones expeditas.*

1099. *Ieiunium morale est cibi potûsque abstinentia, ad obtinendum finem, moraliter bonum. v. g. ad sedandos concupiscentiæ motus, &c.*

1100. *Ieiunium spirituale est abstinentia à peccatis.* Iuxta illud Augustini, tractatu 17. in Ioannem. *Ieiunium magnum, & generale est, abstinere ab iniquitatibus, & illicitis voluptatibus suis.*

1101. *Ieiunium penitentiale est abstinentia cibi potusque delectabilis; ad iram Dei placandum, remissionemque peccatorum impetrandam. Iuxta Illud Danielis 10. Panem desiderabilem non comedi; & caro, & vinum non introierunt in os meum.*

1102. *Ieiunium ecclesiasticum est voluntaria victus abstinentia, secundum Ecclesia prescriptum: quod tria requirit: primò abstinentiam ciborum; certi generis; carnis inquam, & pinguedinis; & in quadragesimâ, ouorum; lactis, & lactitiorum butyri & casei; quæ sementiuam trahunt originem carnis: quæ tamen lacticia permixta sunt iam multis locis. Secundò, abstinentiam plurium vnâ refectionum in die, siue spacio viginti quatuor horarum, à mediâ nocte præcedente, ad sequentem: ita vt moraliter peccetur in secundâ plenâ refectione; quinet probabiliter in sequentibus. Tertiò, certam refectionis horam: quæ olim fuit occasus solis; postea tertia vel quarta hora pomeridianâ iam est ipse meridies. Cuius anticipatio notabilis, absque iustâ causâ, probabiliter est peccatum mortale.*

1103. *Ieiunij excusatio legitima est triplex: impotentia, labor, & pietas: quæ potest reuocari ad vnicam, scilicet ad impotentiam; eamque absolutam, vel moralem. Quando euidenter cessat obligatio ieiunij; quoad vnicam refectionem, cibosue vetitos; tunc non est opus dispensatione: in dubio, est opus eâ, impetratâ à superiore: qui respectu religiosorum, est prælatus regularis: respectu sæcularium, est Ordinarius; eoque absente, parochus. Quibus autem permissus est usus vetitorum, ad corroborandam naturam debilitatam; iisdem est permixta secunda refectio: non tamen habentibus meram antipathiam ciborum quadragesimalium.*

1104. *Peregrinus tenetur ieiunijs particularibus locorum, in quibus versatur; & absoluitur à ieiunijs loci domicilij sui. Nisi sint ieiunia, toti populo Christiano communia: quale est ieiunium quadragesimale, quod in loco habitationis absolutum, non debet prorogari in loco peregrinationis, si ibidem adhuc du ret;*

In quo quantumvis absolutum, prorogari debebit, si adhuc duret in loco habitationis. In ieiunium sensim per abusum irrepsit collatio: vnde est consultissimum; cā penitus abstinere. Hæc.

1105. *Collatio est vespertina modici cibi sumptio*, ne potus noceat; & secundum laxiores, vt corpus modicè reficiatur.

1106. *Gula est inordinatus appetitus, vsusue cibi & potus.* INORDINATVS quinque modis, hoc versiculo comprehensis:

Præproperè, lautè, nimis, ardentè, studiosè,

1107. Gula est peccatum capitale, quia ex eo tanquam capite multa alia peccata oriuntur: tamen ex genere suo est tantum peccatum veniale: quia illius malicia, ex obiecto sumpta, non notabiliter repugnat charitati Dei, vel proximi.

De castitate.

1108. *Castitas est virtus, moderans affectum, usumque venereorum.* MODERANS iuxta præscriptum rectæ rationis. Castitas est duplex, perfecta, & imperfecta.

1109. *Castitas perfecta est virtus, excludens omnem affectum usumque venereorum*, etiam alias licitorum: quia habet annexum propositum abstinendi perpetuò ab omnibus voluptatibus carnalibus, illicitis aliasque licitis.

Si castitas habeat adiunctam carnis integritatem, libidinosa contagionis expertem. vocatur, estque virginitas: quæ duplex est, scilicet virginitas status, & virginitas virtus. Accepta pro statu

1110. *Virginitas est naturalis integritas carnis, expertis libidinis.* Accepta pro virtute,

1111. *Virginitas est perfecta castitas, carnisque integritas.* Siue, est virtus, refrenans omnem affectum, usumque venereorum; conservans voluntariam carnis integritatem. VOLUNTARIAM, quia si inuoluntariè & violentè corrumpetur integritas carnis, non amittere.

tur virginitatis virtus. Ceterum quamdiu manet integritas carnis, tamdiu manet virginitatis status, non tamen semper virtus.

1112. *Castitas imperfecta est virtus, aliquatenus moderans carnales voluptates.* ALIQUATENUS, non omnino perfecte: quia includit propositum, ad tempus duntaxat abstinendi ab omnibus voluptatibus carnalibus; vel perpetuò ab illicitis, moderatè autem utendi licitis.

1113. *Pudicitia est virtus, pudori humano conformans usum venereorum, & omnia ordinata ad venerem.* v. g. gestus, aspectus, tactus, oscula, amplexus, pudenda, &c. PUDORI,

1114. & verecundiz. Hic autem * *Pudor est infamia, instaque vituperationis metus, reprimens à turpitudine actionis.*

De luxuria, & illius speciebus.

1115. **L**uxuria est libidinosa voluptatis inordinatus affectus, & usus. Est peccatum capitale, quia ex eo tanquam capite, multa alia peccata promanant: estque mortale ex genere suo, ideoque ab Apostolo Galat. 5. numeratur inter opera carnis, quæ quis agens, regnum Dei non consequentur.

Luxuriæ species sunt fornicatio, adulterium, &c.

1116. *Fornicatio est carnalis copula soluta cum soluta corrupta.* SOLUTI CUM SOLUTA à vinculo matrimonij, voti, ordinis sacri, cognationis, & affinitatis. Aliàs si concubentium vterque aut alteruter foret innexus vinculo matrimonij, esset adulterium: si voti, ordinisve sacri, esset sacrilegium: si cognationis, aut affinitatis, esset incestus. CORRUPTA, non virgine: aliàs foret stuprum.

1117. Fornicatio est peccatum mortale, contra ius divinum positivum; ut patet ex 1. Cor. 6. Galat. 5. & Ephes. 5. Est insuper contra ius divinum naturale: quod pro fine concubitûs carnalis instituit procreationem prolis, illiusque rectam educationem, assequendam per maris & femine vinculum indissolubile matrimonij.

1118. *Adulterium est copula carnalis, violans fidem conjugalem.* Siue, *est illicitus concubitus conjugatorum, utriusque; vel alterutrius.* Unde est triplex adulterium: primò ex parte maris conjugati: secundò ex parte feminae conjugatae: tertio ex parte utriusque conjugati. Primum est graue, quia est peccatum contra castitatem, & contra iustitiam, veritum Exodi 20. & alibi. Secundum est grauius, quia continet totam malitiam primi, eique superaddit aliam, impediendo prolis generationem, illiusque certitudinem; substituendo marito adulterinam prolem, dandoque legitimis illegitimum coheredem. Et licet actu hæc non sequantur, tamen nata sunt sequi; eorumque periculo adultera sese exponit: quinet adulter, cooperans hisce omnibus, & coniiciens adulteram in moralem necessitatem horum omnium; imò subinde ad ea expressè inducens. Tertium est grauissimum, quia committitur duplex peccatum, & duplex iniuria in duos coniuges; estque duplex ille numerus necessariò in confessione aperietus: duplex inquam numerus malitiarum mortalium, in vnico physico adulterio concurrentium: quo duo thori violantur: vti & duplex numerus iniuriarum, in vnico physico homicidio, quo mater prægnans, & fœtus occiditur, &c.

1119. *Incestus est copula carnalis consanguineorum, vel affinis, intra gradus prohibitos.* COPULA destituta legitimâ dispensatione. PROHIBITOS: quales sunt gradus consanguinitatis, vsque ad quartum inclusiue: item gradus affinitatis, ex matrimonio contractæ, vsque ad quartum etiam; ex copulâ autem illicitâ, vsque ad secundum inclusiue.

1120. Incestus est grauior cum cōsanguineâ, quàm cum affine, in eodem gradu: imò verius est, quòd illi duo incestus differant specie; quia consanguinitas & affinitas differunt specie, sicut vnio immediata, & mediata; naturalis, & voluntaria. Insuper probabile est, omnes gradus consanguinitatis, & affinitatis differre specie; & efficere incestus, specie distinctos. Saltem probabile est, quòd specie differat incestus con-

sanguineorum, & affinium lineæ rectæ, ab incestu lineæ collateralis. Item incestus consanguineorum primi gradûs lineæ collateralis, ab incestu reliquorum graduum. Item incestus affinium primi gradûs lineæ rectæ, ab incestu reliquorum graduum; præsertim lineæ collateralis.

1121. Ad incestum reducitur violatio cognationis legalis: violatio autem cognationis spiritualis, ortæ ex Baptismo, & Confirmatione, ad sacrilegium; ad quod etiam reducitur congressus confessarij, cum pœnitente filiâ spirituali: vti constat ex causâ 30. q. 1. cap. *Omnes*, & sequenti. In hac luxuriæ materiâ

1122. *Sacrilegium est persona, rei, loci & sacrorum violatio, per actum venerem.* PERSONÆ sacræ, scilicet Ordine sacro initiatæ, vel voto castitatis obligatæ, RÆ sacræ, à personâ locoque sacris distinctæ. v. g. sacramenti, imaginis, calicis, &c. LOCIVÆ sacræ, templi, altaris, sacelli, cœmeterij. Cuiusmodi ter execrandum sacrilegium, in excidio Thenensi accidit militis illius, qui constuprans sanctimonialcm, Christo desponsatam, in ipso altari Ecclesiæ; aiebat ore blasphemio, ~~et blasphemio~~

1123. Ad sacrilegium, latè sumptum reuocatur omnis libido Christiani, tanquam personæ sacratæ per Baptismum, Confirmationem, sacerrimamque Eucharistiam; quibus corpus cuiusque fidelis, factum est membrum Christi, & templum Spiritûs-Sancti.

1124. Propriè dictum *Stuprum est illicita defloratio virginis*. Præcipuè inuitæ. Siue, est *claustris virginis corruptio, per copulam carnalem illicitam*, id est, habitam extra legitimum matrimonium. Quidam probabiliter tenent, stuprum non esse luxuriæ peccatum, specie distinctum à fornicatione simplici; nisi sit virginis inuitæ iniuriosa defloratio. Propriè, inquebam, dictum stuprum; quia latè, & impropriè acceptum stuprum, significat omnem copulam carnalem, lege ciuili prohibitam, id est, condistinctam contra simplicem fornicationem, & concubinatum.

1125. *Raptus est violenta abductio persona, causâ em-*

plenda libidinis. ABDUCTIO renitentis, de vno loco, ad alium. PERSONÆ, feminæ, vel maris. EXPLENDÆ, ita vt libido actu expleatur.

Ad completum raptum, tria requiruntur: primò, vis illata renitenti personæ, mari vel feminæ abductæ: aut saltem iniuria illata scientibus & reclamantibus iis, quorum potestati subest. v. g. parenti, tutori, sponso, marito. Secundò, abductio de vno loco, ad alium diffitum. Nihilominus si persona non abducatur, sed in eodem loco intusa violetur; secundum leges censetur raptus, & punietur pœnis raptorum, vti constat ex cap. 3. de raptoribus 36. q. 1. Tertiò, actualis expletio libidinis: quia hic raptus est species luxuriæ. Paulò aliter sentiendum est de rapto, impedimento matrimonij: vti dicimus in p. 3. n. 593.

1116. *Vitium contra naturam est libidinosæ voluptatis actus; contra naturam eiusdem actûs venerici; qui ex naturâ suâ postulat esse talis, vt ex ipso possit sequi conceptio fœtus, eiusdem speciei.* Ad quod quinque sunt requisita: primò copula carnalis duorum suppositorum: secundò, eadem in vtroque natura: tertiò, diuersus sexus: quartò, organa congrua: quintò, applicationis organorum debitus modus. Vnde potest, esse quintuplex peccatum contra naturam: primò voluptas carnalis, extra copulam carnalem, per vnus personæ mollitiem & pollutionem. Secundò, voluptas carnalis, cum supposito diuersæ naturæ. v. g. dæmone, vel bruto. Tertiò, voluptas carnalis duorum suppositorum, eiusdem naturæ, & sexûs. Quartò voluptas carnalis duorum suppositorum, eiusdem naturæ, diuersi sexûs, cum organis indebitis. Quintò voluptas carnalis duorum suppositorum, eiusdem naturæ, diuersi sexûs, cum debitis organis, indebito modo applicatis. Inter quæ peccata, est hic ordo grauitatis: primò, copula carnalis cum dæmone: secundò, cum bruto: tertiò, cum eodem sexu: quartò, cum diuerso sexu, in vase indebito, vel cum organo indebito: quinto, copula cum sexu debito, modo indebito: sexto, pollutio, siue mollities.

370 *Breviarij Theologici Pars II. II.*

1127. *Sodomia diabolica est hominis copula carnalis, cum damone* HOMINIS, maris, vel feminæ. DAMONE, in specie humanâ, vel brutali apparente: coque incubo, vel succubo. Bestialitas, siue

1128. *Sodomia bestialis est hominis copula carnalis, cum bestiâ.* De eâ detestandâ, flammisqve vorandâ, fit inentio Levitici 18. & 20.

1129. *Sodomia eiusdem sexûs, est congressus carnalis personarum eiusdem naturæ, & sexûs.* v. g. maris, cum mare; feminæ, cum feminâ. De eâ agit Apostolus Rom. 1. & Galat. 5.

1130. *Sodomia diversi sexûs, est congressus maris & femina, cum organis indebitis.* Scilicet in vase indebito, instrumentoue indebito.

1131. *Concubitus inordinatus est ille, qui in omnibus est naturalis, excepto modo.* Id est, qui fit inter personas eiusdem speciei, diversi sexûs; sed modo inepto ad generationem: quia sperma virile non potest eo modo recipi, vel ad matricem attrahi. v. g. situ feminæ averso, vel viri succubo, & c. Mollicies, siue

1132. *Pollutio est voluntaria seminis resolutio, facta extra copulam carnalem.* VOLUNTARIA in se, vel in causâ. SEMINIS virilis, aut feminei. RESOLUTIO, ac decisio; etiamsi abesset effluxio extra membrum genitale femineum. FACTA voluptatis causâ, vel solius sanitatis, tentationisue mitigandæ.

1133. *Impudicitia est vitium, pudori humano repugnans, in usu venererum, & ad ea ordinatorum.* v. g. in copulâ carnali, & in aspectibus, tactibus, osculis, amplexibus, aliisque ad eam ordinatis. Hoc sensu interpretes accipiunt, *Impudicitiam*, ab Apostolo Galat. 5. inter opera carnis recensitam.

De mansuetudine, clementia, modestia, virisqve oppositis.

1134. **M**ansuetudo est virtus, moderans iram, appetitumque vindictæ, iuxta præscriptum rectæ rationis. MODERANS IRAM, cohibendo

illam, quando non est irascendum: & quando est irascendum, imponendo iræ modum; ut illa non moveatur, nisi quando, cui, quantum, & quomodo oportet.

Manfuetudini per defectum opponitur lentitudo, per excessum iracundia.

1135. *Lentitudo est ira vacuitas inordinata.* Siue, est natura stupor, tollens iram omnem, & ordinatum vindictæ appetitum: quando scilicet secundum præscriptum rectæ rationis, sumenda est ira, & vindicta. Eiusmodi lentitudo est peccaminosa, quando ex eâ omittit quis officium suum. v. g. monere, corripere, & punire delinquentes.

1136. *Vindicta est repensio pœna, pro culpâ.* Viden. 1029. 1030. & 1031.

1137. *Irascundia est inordinatus vindictæ appetitus.*

1138. *Clementia est virtus, moderans vindictam, minuensque pœnæ inflictionem, quantum recta ratio patitur.*

Clementiæ per defectum opponitur lenitas nimia; per excessum, crudelitas.

1139. *Lenitas nimia est inordinatus vindictæ defectus.* Siue, est indebita pœna remissio, ex nimia maliciæ alieni compassione.

1140. *Crudelitas est inordinatus vindictæ excessus.* Siue, est animi atrocitas, in inflictione pœna; supra meritum culpa.

1141. *Modestia est virtus, internos externosque animi motus moderans, intra modum debitum: intra limites statûs, ingenij, & fortunæ vniuscuiusque,*

1142. *Lascivia est corporis motus indecens, ex animi dissolutione procedens.*

Modestix species est humilitas.

De humilitate, & superbia, &c.

1143. **H**umilitas est virtus, inclinans creaturam intellectualem, ad sui vilitatem profitendam, interius, exteriusque; dictis, & factis. Siue, est virtus, quæ

quis vilissimâ sui cognitione, sibi ipsi vilescit, Vnde est duplex humi-

1144. *litas; iudicij, & affectûs. * Iudicij humilitas est ea, qua quis seipsum intuens ad lumen veritatis, agnoscit suam vilitatem, & se coram Deo demittit; non tamen vult ab aliis vilis haberi, aut contemni; sed potius magni æsti-*

1145. *uari, & honorari. * Affectûs humilitas est ea, quâ quis cupit ab aliis vilis haberi, qualem se coram Deo iudicat. Humilitati per defectum opponitur nimia sui abiectio, per excessum, superbia.*

1146. *Abiectio sui est inordinata propria excellentia demissio: redundans in iniuriam proprij statûs, malamue proximi ædificationem. Eiusmodi foret sacerdotum Episcoporumque abiectio, ad ministeria magnatum, obsequia heroïdum, similiaue indecentia officia sese demittentium.*

1147. *Superbia est inordinatus appetitus propria excellentia.*

1148. *Maledictio est mali imprecatio.*

1149. *Improprium est indigentia obiectio, vel exprobratio beneficij, in necessitate collati.*

1150. *Contumelia est obiectio mali pœna, coram facta, per violationem honoris alieni. MALI POENÆ, tam animi, quàm corporis. v g. obiectio stupiditatis, ignorantia; balbutici, defectus natalium, &c. Distinguitur à contumeliâ quæ fit per impositionem mali culpæ.*

1151. *Rancor est amaritudo animi irati,*

1152. *Acedia est torpor animi, bona laboriosa fugientis inchoare, & inchoata perficere. Est peccatum capitale, quia ex eo, tanquam capite, multa peccata oriuntur: tamen est veniale ex genere suo, quia non tam repugnat charitati, quàm eiusdem feruori.*

De studiositate, & vitijs oppositis.

1153. *Studiositas est virtus moderans affectum, studiumque sciendi. Hoc*

1154. *Studium est vehemens applicatio animi ad ali-*

quid cognoscendum. Id est, intensus conatus potenti-
cognitiuarum ad operationes suas: intellectus, ad con-
siderandum; phantasia, ad imaginandum; memoria, ad
reminiscendum; visus, ad legendum; auditus, ad au-
diendum. Hoc studium coincidit cum diligentia, stri-
cte sumpta. Alias late & ge-

1155. *generaliter sumpta * Diligentia est attenta in-
tensio actus humani. Siue, est circumscripta & intensa ap-
plicatio potenti-
arum anima, ad operationes suas. CIR-
CVNSPECTA, attenta ad operationem humanam, il-
liusque circumstantias. ET INTENSA, per vehemen-
tiam conatus. POTENTIARVM cognitiuarum, & ap-
petitiuarum. AD OPERATIONES SVAS, speculati-
uas, & practicas.*

1156. Studiositatis officium est, primò incitare
voluntatem, & potentias cognitiuas, ad parandam
scientiam eorum, quæ scitu sunt necessaria, vel utilia.
Secundò moderari affectum scientiæ, ut quis non ve-
lit altiora, aliaue scire, quam deceat; nec per media
indebita, aut propter finem inordinatum: ut scientiam
suis momentis æstimet, non præponendo illam virtu-
ti, nec mandatorum diuinorum obseruationi. Tertiò,
moderari ipsum studium, conatumque potenti-
arum cognitiuarum, in acquisitione vsuque scientiæ.

Studiositati per defectum opponitur negligentia; per
excessum curiositas: vtrique strictè accepta

1157. *Negligentia est radium laboris subeundi in dis-
cendo eo, quod quis scire tenetur.*

1158. *Curiositas est inordinatus affectus studiumque
sciendi, tantum ad sciendum; vel ad impertinentia
sciendum, Alias.*

1159. *generaliter accepta * Negligentia est omis-
sio attentionis, & intensi-
onis debita in actibus humanis. ATTENTIONIS, & circum-
spectionis requisitæ ad a-
ctum humanum, circumstantiasque illius. INTEN-
SIONIS, conatus vehementis.*

Itidem generaliter accepta.

1160. *Curiositas est superflua cura, & diligentia in re-
bus non necessarijs, nec vtilibus.*



BREVIARIUM THEOLOGICUM

PARS TERTIA.

1. **T**ertie partis obiectum est Deus, ut incarnatus, passus, mortuus, rediuiuus; Saluator, Sacramentorum institutor, iudex mundi, præmiator, & vindex.

De Incarnatione Verbi.

2. **M**ysterium, quo Filius Dei est factus filius hominis, à Patribus appellatur diuersis nominibus: scilicet *inhumanatio*, *corporatio*, *assumptio humanitatis ad personam Verbi*, *desificatio humana nature*, *unio hypostatica*, *incarnatio*. Quæ unio hypostatica, &

3. Incarnatio potest accipi tribus modis: primò, in fieri, pro transeunte actione vniuiuâ: secundò, in facto esse, pro termino unionis, modoque permanente: tertio, relatiuè, pro relatione resultante inter diuinam humanamque naturas unitas

4. Primo modo, *Incarnatio est actio, quâ Verbum caro factum est*. Siue, *est actio, quâ Filius Dei sibi iunxit naturam humanam, in unitatem suppositi sui*. NATURAM HUMANAM totam, præcisam à personalitate suâ. Itaque animam rationalem, cum intellectu, voluntate, cæterisque potentiis: corpus huma-

rum, scilicet carnem, ossa, nervos; quatuor humores, sanguinem, pituitam, choleram, & melancholiam: spiritus vitales, & animales: dentes, ungues, pilos, cæterasque partes animatas, & inanimatas, pertinentes ad complementum corporis humani. Idque vno & eodem instanti, iuxta Synodum sextam, actione 11. dicentem: *Simul caro, simul Dei Verbi caro, animata, rationalis.* Vnde hic synecdochicè

5. *Caro est corpus humanum animatum animâ rationali.* Siue, *est humana natura, non suppositata propriâ personalitate.* Cuius humanæ naturæ pars deterior hic tantum nominatur, ad testandam profundissimam diuinæ maiestatis humiliationem.

6. Secundo modo, *Incarnatio est modus substantialis, quo humanitas Christi manet actu unita persona Verbi.*

7. Tertiò modo, *Incarnatio est habitudo diuinæ humaneque nature, orta ex ipsarum hypostaticâ vnione.* Nam ex hac intimâ vnione, tanquam fundamento resultat mutua relatio, quâ persona Verbi, & humanitas Christi, tanquam duo extrema referuntur ad se inuicem: ita vt humanitas habeat dependentiam à Verbo, cuius personalitate subsistit.

8. *Vnio est rerum diuersarum coniunctio, ex quibus resultat quid unum.* DIVERSARVM: ideoque inter personas, & essentiam diuinam, non est vnio, sed vnitas. Eædem tamen personæ distinctæ inter se, uniuntur in vnâ indiuiduâ naturâ diuinâ: vt à diuerso tres naturæ, diuina, anima rationalis, & corpus humanum, uniuntur in vnâ personâ Christi Domini.

Quemadmodum incarnatio accipitur tribus modis præfatis, ita & vnio hypostatica. Itaque primo modo,

9. *Vnio hypostatica actiua, est actio, quâ Verbum, vt principium vniens, sibi coniungit humanitatem Christi, in unitatem suâ personæ: suppositando illam propriâ suâ hypostasi.*

10. *Vnio hypostatica passiva, est passio, quâ humanitas Christi iungitur Verbo; ita vt illius hypostasi subsistat.*

11. Secundo modo, *Vnio hypostatica est modus substantialis, quo immediatè Verbi personalitas, & Christi*

humanitas ; mediatè diuina humanaque natura manent acti iuncta, in vnitatem personæ Verbi.

12. *Tertio modo, Vnio hypostatica est habitudo diuina humanaque natura, orta ex ipsarum personali coniunctione.*

13. *Vnionis hypostaticæ, & incarnationis causâ efficiens est tota Trinitas : quia est opus ad extrâ, quod est semper indiuisum ; vtpote procedens à tribus personis, quatenus sunt vnum in essentiâ, voluntate, & potentiâ. Ideoque tribuitur Patri, Galat. 4. Misit Deus Filium suum, factum ex muliere. Filio, Philip. 2. Semetipsum exinaniuit, formam serui accipiens. Spiritui Sancto, Matth. 1. Quod in eâ natum est, de Spiritu Sancto est.*

14. *Vnio hypostatica est vnio substantialis, quia est Verbi & humanitatis coniunctio ex quâ resultat vna substantia Christus. Vna inquam, substantia composita : nam secundum Concilia & Patres, vnio hypostatica est vera compositio; Christique persona est composita. Nam præcisè loquendo,*

15. *Compositio est vnio plurium rerum, ex quibus vnum resultat. Huic formali conceptui compositionis alia superaddita, inuoluentia imperfectionem, non sunt de essentiâ compositionis, vt sic : præcipuè quando alterum componentium est infinitæ perfectionis, vti hic. Itaque non est de essentiâ compositionis, vt extrema componentia habeant rationem partium, respectu compositi : nec vt realiter ab eo distinguantur : nec vt sint ininùs perfectæ, quàm compositum : nec vt se mutuo perficiant : nec vt naturâ suâ ordinentur ad totum componendum.*

16. *Vnio substantialis est coniunctio plurium rerum substantialium, quâ constituitur vnum per se, in genere substantia.*

Vnio hypostatica est etiam vnio subsistentialis, quia est coniunctio diuinæ humanæque naturarum, ex quâ resultat vna persona Verbi. Nam

17. *Vnio subsistentialis est coniunctio plurium naturarum, ex quibus resultat vna subsistentia, vnum suppositum.*

tum vnicaque persona. Eadem autem incarnatio non est vnio essentialis; neque vnio Verbi facta est in natura; quasi in Christo sit vnica natura: sed facta est in personâ: id est, in Christo sic sunt vnitæ diuina humanaque natura, vt sit tantum vna persona, ex duabus, & in duabus naturis subsistens. Vna inquam persona, eaque diuina: quia est tantum vna personalitas Verbi.

18. *Vnio essentialis est coniunctio plurium, ex quibus resultat vna essentia, vnicaque natura.*

19. *Assumptio humanitatis, est actio, quâ Verbum, tanquam principium efficiens, humanam naturam sumit ad se, tanquam terminum.* Hæc assumptio, respectu humanitatis assumptæ, est passio; respectu Verbi assumptis, est actio: ita significans principium efficiens assumptionis, vt consignificet principium terminans eandem. Nam *assumere est ad se sumere.* Terminans, inquam, quod est solum Verbum, per suam personam litatem.

20. Incarnatio fuit conueniens Verbo, & naturæ diuinæ, quia bonum est sui diffusiuum, & communicatiuum; & conuenit summo bono, vt se summè, & infinitè communicet: quod ad intra fit per generationem, & actiuam spirationem; ad extra autem per incarnationem. Fuit etiam conueniens naturæ humanæ incarnatio, quia per eam assecuta est summam perfectionem, & infinitam dignitatem. Fuit insuper conueniens vniuerso, cui per eam obtigit, vt omnes rerum ordines in se comprehenderet; naturæ, gratiæ, & vnionis hypostaticæ.

21. Eadem incarnatio non fuit absolutè necessaria ad redemptionem generis humani, sed ex hypothese: supposito scilicet decreto diuino, de eodem genere humano per hominem redimendo, ex perfectâ iustitiâ, per rigorosam satisfactionem: quæ debebat esse infinita, vt foret commensa infinitæ offensæ; & consequenter præstari à personâ infinitâ, Deo-hominæ,

22. Probabilius est secluso Adami peccato, futuram incarnationem, quoad substantiam suam; sed

non quoad circumstantias carnis passibilis, & mortalis: nam infiniti boni infinita communicatio hoc exigebat.

23. *Natura est id, quo res intrinsecè constituitur.* Scilicet materia & forma, in re materiali, & physicè compositâ: genus & differentia, in re immateriali, logicè compositâ: prædicatum commune, & proprium, in re simplici, Siue, *Natura est rei essentia*: Et

24. *Essentia est id, quod in re primò intelligitur, per ipsius esse, siue actum essendi, & existendi.*

25. *Entitas est id, quod definitione explicatur,*

26. *Quidditas est id, quod quaestioni quid est res: aptè respondetur.*

27. *Esse est rei existentia actualis, per se, vel in subiecto inhætionis.*

28. *Existentia est complementum essentia, dans ei realitatem actualem.* Siue, *est positio entis extra nihil*: quâ scilicet ens ponitur in rerum naturâ; & ex ente potentiâ, fit ens reale actuale.

29. *Subsistentia est entis existentia per se, non in subiecto inhætionis.*

30. *Supposititas est entis existentia per se completè.* Est synonyma hypostasi: quæ

31. *Hypostasis est ultimum complementum substantia, in ratione existendi per se completè.* PER SE, absque sui subiecto. COMPLETE, ita ut substantia non sit pars neque compars, ordinata ad alterius substantiæ constitutionem: neque existat in alieno supposito. Subinde hypostasis accipitur pro supposito: quod

32. *Suppositum est substantia completa incommunicabilis, intellectualis, vel non intellectualis.* Vnde latius patet, quàm persona. Nam

33. *Persona est suppositum intellectuale.* Siue, *est intellectualis natura substantia completa, incommunicabilis alteri supposito.* Vide p. I. n. 345. & sequentibus.

34. *Ex vnione hypostaticâ oritur communicatio idiomatum.* Idioma est proprietas: & Communicatio idiomatum est mutua prædicatio proprietatum. Imò plene, & completè

35. *Communicatio idiomatum est prædicatio naturæ divinæ, ac humanæ, & proprietatum utriusque, de se mutuo, earumque supposito, Christo domino. PRÆDICATIO in concreto, non in abstracto: quæ falsa, & impossibilis est. Nam Divinitas non est humanitas, &c. Et abstractum significat naturam existentem separatim à supposito: quomodo non est hæc abstracta natura divina, & humana.*

Itaque communicatio idiomatum est ex vnione hypostaticâ resultans prædicatio, primò naturæ divinæ & humanæ, de se mutuo. v. g. *Deus est homo: &, homo est Deus.* Secundò, prædicatio utriusque naturæ de Christo. v. g. *Christus est Deus: &, Christus est homo.* Tertiò, prædicatio proprietatum naturæ divinæ, de humanâ; & humanæ de divinâ. v. g. *Homo est æternus, Deus est mortalis.* Quartò, prædicatio proprietatum utriusque naturæ, de Christo. v. g. *Christus est immortalis, Christus est passibilis.*

Christus fuit conceptus de Spiritu-Sancto: natus ex Mariâ virgine.

36. Humana autem ordinaria conceptio est duplex: vna carnis, alia hominis. Illa est seminum commixtio, præcedens animationem: hæc est vnio animæ rationalis, cum corpore; estque natiuitas in utero, iuxta Matth. 1. *Quod in eâ natum est, de Spiritu-Sancto est.* Hæc secunda conceptio, siue animatio, est circiter quadraginta diebus posterior primâ conceptione: quæ ferè secunda redditur, septimo post copulam die: ante quem si genitura utero excidat, est seminum effluxio: si post eum contineatur, certa habetur foetus conceptio. Si verò foetus, post septimum, ante quadragesimum diem excidat, est *abortus*, id est concepti embryonis expulsio. Si autem excidat post diem quadragesimum, & organizationem corporis, infusionemque animæ rationalis, est *ejectio*. Itaque prima humana.

37. *Conceptio est virilis seminisque seminis, ac mensuris sanguinis coagulatio, ac fermentatio in matrice; embryonisque inchoata figuratio, ac rudis delineatio.* Secunda conceptio, siue

38. *Animatio est anima rationalis infusio in corpus humanum organizatum.* ANIMÆ RATIONALIS, quæ creatur in ipso corpore, iuxta illud Zachariæ 12. *Fingens spiritum hominis in eo.* ORGANIZATVM : nam certum est animam rationalem non infundi corpori humano, ante illius figurationem & organizationem. Scripturâ etiam innuente, quæ iuxta Septuaginta Exodi 21. sancit ut percutiens mulierem prægnantem, eique causans abortum, det animam, pro animâ, sitque homicidij reus, si fœtus sit effigiatus. Quoto autem à conceptione die absolvatur organizatio sufficiens ad animationem, ambigitur inter philosophos, medicos, & theologos. Probabilior sententia tenet id fieri circa quadragesimum diem, non modò in fœtibus masculis, sed & femellis virilioribus : paulò seriùs in debilioribus utrisque. Vnde est versiculus :

Sex in lacte dies, ter sunt in sanguine terni ?

His seni carnem, ter seni membra figurant.

39. Beatissimæ Mariæ, Christum concipientis, ætius *Conceptio est virgines sanguinis, in matrice coagulatio, corporisque humani formatio, & animatio ; & ad illud Verbs unio : facta operâ Spiritûs-Sancti, communique virtute trium personarum diuinarum.* SANGVINIS, totiusque materiæ, per matrem generantem ministrari solitæ ; & consequenter feminis virginalis, iuxta Bedam l. 4. in Lucam c. 49. aliosque : quod efformando Christi corpori, fuit à B. M. V. ministratum : sed citra illius decisionem, resolutionem, & seminationem. Vnde potiori ratione est mater Christi, quam quævis alia mater filij sui : quia de substantiâ suâ suppleuit insuper semen virile, quatenus solet præbere materiam efformando corpori prolis. Quatenus autem idem habet effectiuam vim coagulandi materiam, figurandi, & organizandi ; eatenus vicem illius suppleuit virtus Spiritûs-Sancti, totiusque Sanctissimæ Trinitatis.

40. Axioma Theologicum, Damasceno attributum, *Verbum nunquam dimisit, quod semel assumpsit*, intelligendum est de humanæ naturæ partibus essen-

tialibus, animâ rationali, & corpore assumptis: vel de corporis humani partibus formalibus, vt talibus; non de partium formalium materialibus partibus: quæ ratione quotidianæ nutritionis, & resolutionis, sunt in continuo fluxu; accessu atque recessu. Vnde sicut per conuersionem alimenti, fiebat vnio animæ, ad nouam partem corporis; & per resolutionem, illa vnio desinebat; ita potest dici idipsum, de vnione hypostaticâ.

41. *Corporis humani partes formales sunt ea, quæ semper retinent partium communem naturam, & formam. v. g. carnes, ossa, nerui, &c.*

42. *Partes materiales sunt particule materia, quæ accedunt ad formales, & recedunt, per nutritionem.*

Christus præter gratiam habitualement, habuit vnionis gratiam duplicem, increatam & creatam.

43. *Christi gratia habitualis est donum supernaturale, ipsi gratuito & permanenter à Deo collatum, reddens eum formaliter Deo gratum, & ad vitam æternam acceptum. Vide 1. 2. n. 578.*

44. *Increata gratia vnionis est Verbum, humanitati Christi gratuito datum. Siue, est esse personale Verbi, gratis datum humanitati.*

45. *Creata gratia vnionis est gratuita substantialis vnio Verbi, cum humanitate Christi.*

46. Christi gratia habitualis, per modum cuiusdam proprietatis, consequitur ad creatam gratiam vnionis: vti ipse Christus agnoscit Isaia 6. & Luca 4. *Spiritus domini super me, eò quod unxerit Dominus me: scilicet oleo, vnguento, & chrismate diuinitatis, quo sanctus sanctorum fuit vnctus, & delibutus, præ confortibus suis. Psal. 44.* Hanc gratiam habitualement, vna cum virtutibus, (imperfectionem non inuoluentibus, statui beatitudinis, aut dignitati Christi repugnantem: qualem inuoluunt pœnitentia, fides, & spes) accepit, vt haberet suarum actionum supernaturalium intrinsecum principium connaturale: scilicet habitus, perficientes potentias. Aliàs non erat simpliciter necessaria, vt Christi humanitas foret

sancta : nam abundè eam sanctificabat increata gratia vnionis, & sanctitas substantialis : cuius ratione, opera humana Christi, erant morali æstimatione, infinitè Deo grata, meritoria, & satisfactoria : quamuis ipsius gratia habitualis, vt pote creata, fuerit finita entitatiuè, & intensiuè. Vnde potuisset augeri, non fuit tamen aucta ; quia initio conceptionis fuit data animæ Christi, in suâ plenitudine inuariabili. Quod autem habetur Lucæ 2. *Isus proficiebat sapientiâ, & ætate, & gratiâ, apud Deum, & homines*, intelligitur de profectu, non secundum habitum, sed effectum ; est-que sensus, quod ætatis progressu, maiora in dies opera sapientiæ, & gratiæ faciebat.

Christus est Filius Dei naturalis, & consubstantialis ; non adoptiuus. Patet ex Matth. 16. *Tu es Christus, filius Dei vius*, & 17. *Hic est filius meus dilectus, in quo mihi benè complacui*.

47. *Filius naturalis est viuens, productus à viuente, in similitudinem natura, vt productionis sua, & generationis propriè dictæ. Vide p. 1. n. 403. & 429. Coessentialis, siue*

48. *Consubstantialis filius est is, qui cum patre est eiusdem substantia, & essentia : in creatis, eiusdem essentia specificæ ; in diuinis, numericæ.*

49. *Filius adoptiuus est is qui non generatione productus, sed adoptione est in filium assumptus.*

50. *Adoptio est persona extranea, in filium & heredem gratuita assumptio. Vide infra n. 547. & 548.*

51. *Adoptio spiritualis est persona extranea in filium heredemque Dei, gratuita assumptio. EXTRANEÆ, ex origine suâ carentis honore filiationis, & iure æternæ hereditatis.*

52. *Filius Dei adoptiuus est extraneus, in filium heredemque Dei, gratuito assumptus. EXTRANEVS, non generatione productus, sed origine suâ, carens titulo filiationis. IN FILIUM HEREDEMQUE : nam Si filius, & heres, per Deum, Galat. 4. Itaque qui est filius Dei adoptiuus, est prius naturâ, quàm sit filius ; & prius est extraneus, quàm sit Dei filius : quod Christo, vt homini,*

homini, non competit; multò minus, ut Verbo.

53. Christi intellectus humanus fuit præditus scientiâ visionis beatificæ: quia fuit beatus ab initio conceptionis suæ. Fuit insuper præditus scientiâ infusâ per se, & per accidens. Per se inquam, uti patet ex Isaia. 11. *Requiescet super eum spiritus Domini: Spiritus sapientia, & intellectus, scientia, &c.* Per accidens, uti patet ex Ioannis 7. *Quomodo hic litteras scit, cum non didicerit?* Item scientiâ acquisitâ, & experimentalî: de quâ à quibusdam Patribus intelligitur allegatus locus Lucæ 2. *Iesus proficiebat sapientiâ:* & Heb. 5. *Didicit ex his, quæ passus est, obedientiam.*

54. Christus ut homo, est mysticum caput Ecclesiæ, constantis Angelis, & hominibus: uti patet ex scripturis 2. 2. n. 115. citatis. Proinde influit in membra sua mystica, non tantum exteriorem gubernationem; sed etiam internum influxum gratiæ & gloriæ.

55. Omnipotentia absoluta Christo ut Deo competit propriè; eadem ut homini, per communicationem idioinatum: & quidem ab initio conceptionis; ita tamen, ut demum à resurrectione cœperit perfectè manifestari: secundum illud Matthæi ultimo, *Data est mihi omnis potestas in celo, & in terra.*

56. Omnipotentia absoluta est omnium entium possibilitatum effectiva potentia independens.

Eidem Christo ut homini competit omnipotentia secundum quid: quæ

57. Omnipotentia secundum quid est instrumentaria potestas operandi opera, Deo propria. Potestas inquam communicata Christi humanitati, tanquam instrumento coniuncto diuinitati. Eiusmodi opera, propria Deo, tanquam causæ principali, sunt productio gratiæ, remissio peccatorum, iustifi-

58. catio, & patratio miraculorum. * Quorum (probabiliter, conformiterque scripturæ) humanitas Christi fuit instrumentaria causa efficiens, non tantum moralis, sed physica per realem influxum. Nam dicitur Ioannis 1. *Gratia, & veritas per Iesum Chri-*

384 *Breviary Theologici Pars III.*

stum facta est: & Lucæ 6. Virtus de illo exhibat, & scinabat omnes, & c. 8. Ego novi virtutem de me exisse & ante c. 5. Ut sciatis, quia filius hominis habet potestatem in terrâ dimittendi peccata. Vnde etiam in Concilio Ephesino cân. 11. definitur, carnem Christi, propter unionem ad Verbum, fuisse vivificatricem.

Hæc omnipotentia secundum quid, vocatur etiam potestas excellentiæ. Quæ

59. *Potestas excellentia est precipua instrumentalis ministerialisque potestas operandi opera, propria Deo, tanquam causæ principali. PRÆCIPUA inter potestates instrumentales, & ministeriales eiusmodi operum diuinorum. Quales potestates reperiuntur in Sacramentis, eorumque ministris, & miraculorum patratoribus.*

60. Christus in primo instanti conceptionis suæ habuit perfectum vsum rationis, & cœpit mereri continuò, vsque ad instans mortis suæ: vti constat ex Psal. 39. Heb. 10. & Ioan. 9. Meruit autem sibi resurrectionem, gloriam corporis, exaltationem nominis, ascensionem, & vsum iudiciariæ potestatis. Angelis verò meruit gratiam, & gloriam essentiælem & accidentalem: utpote illorum caput, influens in eos, tanquam membra mystici sui corporis, influxum spirituale. Et quamvis pro Angelis redimendis non sit mortuus; tamen mortem suâ eis meruit, quomodo & sibi. Hominibus autem meruit gratiam habitualem, & actualem; iustificationem, perseverantiam, vitamque æternam, & prædestinationem ad illam.

61. Christus est sacerdos, & pontifex, ratione cruenti sacrificij crucis, & incruenti eucharistici. Paret ex Psal. 109. & Heb. 5. Quamvis autem in sacrificio cruento, non occiderit se; tamen voluntariè seipsum tradidit in mortem, vsum ministerio occidentium se: & propriâ potestate posuit animam à seipso; offerens se Deo, in recognitionem supremi dominij ipsius, suæque subiectionis; tanquam legitimus minister, ad hoc deputatus à Deo.

62. Christo homini competeat oratio, ad exhi-

bendum Deo cultum latriæ; ad explicandum Deo humanam suam voluntatem, per se impotentem; & ad assequendam illius impletionem: ad impetrandum etiam multos redemptionis humanæ effectus, ex decreto diuino, non nisi per orationem obtinendos. Hæc Christi oratio propriè dicta, semper fuit exaudita: quia illius absoluta voluntas, oratione explicata, semper fuit conformis diuinæ voluntati, quæ semper impletur. Ideoque confidenter dicit Ioan. 11. *Ego sciebam, quia semper me audis.* Et Heb. 5. *Exnudatus est, pro sua reverentiâ.* Itaque quando Matth. 26. dicit, *Pater mi, si possibile est, transeat à me calix iste*, nudè proponit naturale desiderium sui appetitus sensitivi, auersantis passionem, tanquam sibi disconuenientem: demùm autem verè orat, quando subiungit, *Verumtamen non sicut ego volo, sed sicut tu vis.*

63. Ambigitur autem an modò in cœlo, Christus oret pro nobis: & est conforme scripturæ, Ioan. 14. Rom. 8. Heb. 7. & 1. Ioan. 2. quod sic; non tantùm implicite, & interpretatiuè, exhibendo Deo corpus suum, vulneribus insignitum; sed etiam expressè petendo meritorum & satisfactionum suarum applicationem.

64. Christus fuit absolutè impeccabilis, per peculiarem Dei assistentiam, & confirmationem in gratiâ habituali: per visionem beatificam; per increatam gratiam vnionis, quæ est sanctitas substantialis: & per creatam vnionem hypostaticam, quâ Christus fuit suppositum diuinum. Cum autem actiones sint suppositorum, si Christus potuisset peccare; consequenter Deus potuisset peccare: quod implicat contradictionem: sic enim Deus, non esset Deus; vtpote imperfectus.

65. Fuit in Christo appetitus sensitivus, & concupiscentiæ potentia, cum sua inclinatione naturali; sed sine inordinatione: quia ipse appetitus sensitivus, cum motibus suis fuit perfectè subditus rationi, & legi æternæ. Vnde in Christo, destructore peccati, non fuit fomes peccati, nec fomitis origo peccatum

originale. Accedit quòd Christus suscepit naturam humanam in statu innocentiae, cum iustitiâ originali.

66. *Fomes peccati est appetitus sensitivus propensio ad motus, rectæ rationi repugnantes.* PROPENSIO habitualis, vel actualis. Vnde est duplex fomes, habitualis, & actualis: siue, in actu primo, & secundo.

67. *Fomes peccati habitualis, & in actu primo, est appetitus sensitivus proxima dispositio ad motum, rectæ rationi repugnantem.*

68. *Fomes peccati actualis, & in actu secundo, est appetitus sensitivus motio indeliberata, rectæ rationi repugnans.*

Verum propriè generaliterque loquendo, fomes comprehendit non tantum appetitus sensitivi, sed etiam intellectus, & voluntatis inordinationem, propensionemque ad actus, rectæ rationi repugnantes. Intellectus inquam, ad inconsiderationem, errorem, hæresim, iudicium temerarium. Voluntatis, ad superbiam, odium, invidiam, &c. Ideo in genere

69. *Fomes peccati est appetitus sensitivus, intellectus, & voluntatis propensio ad motus, rectæ rationi repugnantes.* PROPENSIO, pronitas, & proclivitas; tam habitualis, quam actualis. *Fomes peccati* sic dictus, quia peccato materiam fomentumque suppeditat. Idem fomes dicitur *lex membrorum*, *lex fornicis*, & *fomes lex*; quia ad instar legis, dictat esse agendum secundum sensum: ideoque est lex ex lex.

70. In nobis *passio*, id est, *appetitus sensitivi motio*, immediate efficiens corporis transmutationem, sæpè est indeliberata, præveniensque iudicium rationis; inordinata etiam, insurgensque contra rectam rationem: nullatenus autem in Christo. In quo nullus omnino motus præveniebat iudicium rectæ rationis: sed expectabat nutum illius; cui etiam perfectissimè subdebatur. Ideoque à Patribus vocatur *propassio*: & Synodus sexta, actione 21. ait: *Christus arbiter & dominus erat motuum naturalium, & omnium suorum affectuum, & passionum: qui, nisi eo annuente, non movebantur.* Itaque hæc

71. *Propassio est inchoata passio. Siue, est appetitus sensitui motio, recta rationi perfecte subdita.*

Aliter sumptâ passione, Christus fuit passibilis: passione inquam animali, & corporali. Hæc autem

72. *Passio est receptio qualitatis disconuenientis, cum obiectione conuenientis.*

73. *Passio animalis est receptio qualitatis disconuenientis, immediatè in animam; mediatè in corpus unitum. Eiusmodi est timor, tristitia, &c. Male afficiens immediatè animam sensitivam, aut rationalem; & terminatiuè redundans in corpus unitum, per tremorem, frigus, &c.*

74. *Passio corporalis est receptio qualitatis disconuenientis, immediatè in corpus; mediatè in animam informantem. Eiusmodi est dolor sensibilis, consequens corporis læsionem; quâ malè afficitur immediatè corpus, debilitaturque illius unio cum animâ: quæ tanquam forma corporis, mediatè ac per redundantiâ patitur. Itaque doloris sensibilis obiectum est læsio corporis; læsionis autem perceptio per tactum, & internam apprehensionem, est obiecti applicatio: quâ positâ, naturaliter resultat dolor sensibilis. Qui*

75. *Dolor sensibilis est immutatio appetitus sensitui, auersantis læsionem corporis, tactu perceptam, & sub eâ succumbentis. Quamuis anima Christi habuerit visionis diuinæ gaudium beatificum, tamen supernâ dispensatione factum fuit, quòd non impedierit appetitus rationalis tristitiam, nec sensitui dolorem.*

76. *Admiratio est voluntatis affectio, consequens intentam considerationem rei miræ. Ignoræ scilicet, incomprehensæ, excellentis, insolitæ, inexpertæ, cuius causa ignoratur. Siue, est res insolita intentæ consideratio, animique suspensio. Eam fuisse in Christo arguunt verba Matthæi c. 8. Audiens Iesus miratus est quia experienciâ hætenus non inuenerat tantam fidem in Israël.*

In Christo domino fuit duplex voluntas: diuina, & humana. Christi

77. *Voluntas divina est essentia divina, concepta per modum potentia appetitiva rationalis.* Per modum, inquam, potentia, id est proximi principij actus: cuiusmodi potentia non est in Deo, actu puro, excludente omnem potentialitatem. Eiusdem Christi

78. *Voluntas humana est potentia appetitiva rationalis.* Potentia inquam naturalis, ab animæ rationalis essentiâ fluens, eidemque subiectivè inexistentis; organo corporeo non alligata. APPETITIVA, prosequens bonum, & fugiens malum. RATIONALIS, sequens iudicium rationis, siue intellectus. Vide p. 1. 2. n. 79. 80. 81. 222. & 223. Hæc voluntas humana consideratur duobus modis: ut natura, & ut ratio: & utraque duplici sensu. Primo sensu,

79. *Voluntas ut natura est facultas appetitiva, prosequens bonum per se, necessariâ, & non liberè.* Secundo sensu,

80. *Voluntas ut natura est facultas appetitiva, prosequens bonum, natura sensibusque conveniens, & à disconveniente resiliens.* NATURÆ CONVENIENS. v. g. sanitatem, vitam, conservationem unionis animæ, cum corpore; sequendo instinctum naturæ. SENSIBVS CONVENIENS. v. g. cibum sapidum, odorem gratum, aërem temperatum, &c. Vide p. 1. 2. n. 81. & 82.

81. Primo sensu, *Voluntas ut ratio est potentia appetitiva liberè eligens medium, propter finem.*

82. Secundo sensu, *Voluntas ut ratio est potentia appetitiva, prosequens bonum honestum, iuxta iudicium intellectus.*

83. In Christo homine potest statui triplex appetitus, siue voluntas: naturalis, sensitiva, & rationalis. Siue, una & eadem voluntas potest distingui in partem inferiorem, superiorem, & supremam, pro diversitate motui, quo movetur ad agendum. Itaque si moveatur ad appetendum bonum, vel averfandum malum, sub ratione boni, maliue naturalis, vel sensibilis; est pars inferior. Si sub ratione honesti, vel inhonesti; conformis vel difformis rectæ rationi; est pars

superior. Suprema autem, si sub ratione meritorij vel demeritorij vitæ æternæ.

84. Humana Christi voluntas semper fuit conformis voluntati diuinæ, sensu explicando numero 90. & 91.

85. Quævis creata voluntas potest esse conformis diuinæ tribus modis. Primò in obiecto materiali tantum: secundò in obiecto formali tantum: tertiò in obiecto materiali & formali simul. *In obiecto materiali tantum*: volendo idipsum, quod vult Deus: sed non sub eadem ratione. Sic volebant impij Christum pati, quod ipsum volebat Deus Pater: sed hic ex charitate, illi ex odio. *In obiecto formali tantum*, volendo aliud quam velit Deus; & tamen sub eadem ratione. Sic parens vult viuere infantem suum, vt saluetur, quem Deus vult mori, ob eandem rationem; ne malitia mutet intellectum eius. *In obiecto materiali, & formali simul*, volendo idem, quod Deus vult; & sub eadem ratione. Sic Deus voluit pati Christum, ad redimendum genus humanum: & ipse Christus voluit pati, ob eandem rationem.

86. Hæc conformitas potest paulò aliter explicari, dicendo quòd creata voluntas conformetur diuinæ, primò effectiue, secundò materialiter, tertiò formaliter. *Effectiue*, quando vult id, quod diuina vult eam velle: *materialiter*, quando vult idem obiectum, quod vult diuina: *formaliter*, quando vult aliquid, sub eadem ratione, quâ diuina vult. Consequenter potest statui triplex conformitas: effectiua, materialis, & formalis. Ista autem

87. *Conformitas effectiua est creata voluntatis volitio obiecti illius, quod diuina vult eam velle*: licet ipsa fortè aliud velit.

88. *Conformitas materialis est creata voluntatis volitio eiusdem obiecti, quod diuina itidem vult.*

89. *Conformitas formalis est creata voluntatis volitio obiecti eiusdem, quod vult diuina, eademque sub ratione.* Et hæc creatæ voluntatis, cum diuinâ conformitas, potest esse positiua, per actum expressum; aut

negatiua, per non repugnantiam.

90. His præmissis, dicitur quòd Christi humana voluntas rationalis efficax, semper fuit diuinæ conformis effectiue, materialiter, & formaliter. Patet ex Ioan. 6. *Descendi de celo, non ut faciam voluntatem meam; sed voluntatem eius, qui misit me.* Et c. 8. *Quæ placita sunt ei, facio semper.* Confirmatur ratione, quia Christo erat nota voluntas diuina, quam non poterat præuaricari; utpote impeccabilis.

91. Eiusdem Christi voluntas inefficax, conditionata, naturalis, & sensitiua fuit semper diuinæ conformis effectiue; sed non semper materialiter, neque formaliter. Patet ex Marci 14. *Abba Pater omnia tibi possibilia sunt, transfer calcem hunc à me, sed non quod ego volo, sed quod tu.* Confirmatur, quia diuina voluntas volebat quòd humana Christi voluntas, ut natura, siue sensualitatis, moueretur motu suo naturali, refugeretque passionem & mortem, tanquam naturæ & sensibus inconuenientem: & sic erat voluntas humana, diuinæ conformis effectiue. Eadem autem diuina voluntas volebat Christi passionem & mortem, propter humani generis redemptionem: Christi autem voluntas sensualitatis refugiebat eandem suam passionem & mortem, propter sensibilem incommoditatem: & sic humana ista voluntas non erat diuinæ conformis materialiter, neque formaliter.

92. Cæterum in Christo nulla fuit contrarietas voluntatum, uti fuit definitum in Synodo 6. actione 4. quia ista contrarietas attendenda est inter voluntates efficaces; non autem inter vnam efficacem, & rationalem Christi, alteramque inefficacem sensualitatis eiusdem. Non habet etiam contrarietas locum in voluntatibus, quæ non sunt secundum idem; sed habent diuersas rationes formales: uti hic contigit. Nam efficax, diuina, rationalisque Christi voluntas volebat mortem, tanquam bonum generis humani; eiusdem autem inefficax sensualitatis voluntas refugiebat mortem, tanquam malum naturæ, & sensuum.

93. Christus qua homo habuit excellentiæ potesta-

tem temporalem, dominiumque à diuino dependens; sed alijs prædominans, in regna, prouincias, mundumque vniuersum. Et licet reges principesque sæculares, sub eo manserint proprietarij suorum dominiorum; illa tamen poterat transferre ad alios, sine cuiusquam iniuriâ. Patet ex Matthæi 11. *Omnia mihi tradita sunt à Patre meo.* Et cap. ultimo. *Data est mihi omnis potestas, in calo, & in terrâ.* Et Apoc. 1. Christus vocatur *princeps regum terra*: diciturque cap. 19. *habere in femore suo scriptum, Rex regum, & Dominus dominantium.* Consequenter potest statui rerum temporalium triplex dominium: supremum, medium, & infimum. Supremum competit Deo, medium Christo homini, infimum hominibus proprietariis. Hoc

94. *Dominium supremum est independens potestas disponendi de temporalibus rebus omnibus, tanquam suis.*

95. *Dominium medium est dependens prædominans potestas disponendi de temporalibus rebus omnibus, tanquam suis.*

96. *Dominium infimum est legitima potestas disponendi de re aliquâ tanquam suâ; dependenter à supremo dominio Dei, & prædominante Christi hominis.*

97. Christus homo (iuxta Conc. Ephesinum can. 8. & Synodum quintam can. 9) adorandus est latriâ formali: illius quoque humanitas, vnita Verbo: nam ratione diuinæ hypostasis, in quâ sustentatur, cultus diuinus ei debetur. Eadem humanitas, considerata vt natura Verbi, abstracta tamen ab illius hypostasi (qualis nunquam fuit, nec est, nec erit) adoranda foret latriâ respectiuâ. Eadem autem nudè considerata, cum gratiâ, suisque perfectionibus creatis, adoranda foret hyperduliâ, iuxta D. Thomam p. 3. q. 25. a. 2. ad 1. Non est tamen sic considerata, nec adoranda: sed vt subsistens hypostasi Verbi.

98. Crux Christi vera adoranda est; sed non latriâ formali. Itaque illa, illiusue assula, considerata seorsim à Christo, ipsius tamen contactu sanctificata; adoranda est latriæ cultu respectiuo, siue adora-

tione honorariâ, vti decidit Synodus septima, quæ est secunda Nycæna. Si eadem vera crux consideretur vt imago repræsentans Christum, adoranda est latriâ materiali, & relatiuâ. Si verò consideretur vt habens affixum Christum, coadoratur eâdem latriâ, quâ Christus: sicut eâdem politicâ adoratione, quâ rex adoratur; ipsius purpura coadoratur. Repræsentatiua crux Christi, considerata vt imago illius crucifixi, adoranda est latriâ materiali, & relatiuâ; non secus, quàm vera, vt similis imago considerata.

99. Non absolutè, sed supposito decreto diuino, *Oportuit pati Christum, Et ita intrare in gloriam suam.* Lucæ 24.

100. In morte Christi, licet anima fuerit separata à corpore; neutrum tamen fuit separatum à Verbo diuino: quia humanitatis partes essentielles, quas assumpsit, nunquam dimisit. Hæc autem Verbi ad humanitatem vnio, fuit vna actu, & plures potentia: & consequenter quando eiusdem humanitatis partes diuisæ fuerunt, tunc resultauerunt plures vniones actu. Consequenter etiam sanguis Christi effusus in passione, mansit vnitus Verbo; fuitque totus resumptus in resurrectione: quod ipsum arguit, & conuincit numerica identitas corporis Christi rediuiui, cum viuo. Posito autem, quòd aliquid carnis, vel sanguinis dominici (extra Eucharistiam) foret in terrâ reliquum; illud non esset vnitum diuinitati, nec adorandum latriâ formali; sed materiali, & respectiuâ.

101. Christus à morte suâ, descendit ad inferos, secundum animam: imò & secundum diuinitatem, eatenus quia coepit esse in inferis nouo modo, quo ante non erat: scilicet triumphando de demonibus, & damnatis; consolando, & liberando existentes in purgatorio; beandoque animas in limbo.

102. Christus ab ascensione suâ, sedet ad dexteram Dei Patris, secundum diuinitatem; quia habet manifestationem æqualitatis cum illo, in gloriâ, & maiestate: secundum humanitatem, quia post Deum

obtinet primum beatitudinis locum.

103. Beatissima Maria est verè mater genitrix-que Dei: quia concepit, & genuit Christum; qui est verus Deus. Ideoque vocanda est *Deipara & Christipara*. Quo posteriore vocabulo, studiosè abstinebant Catholici, vigente hæresi Nestorij, qui illud induxerat, ad abolendum prius: vti constat ex Damasceno lib. 3. c. 12. & ex Synodo Chalcedonensi, & Constantinopolitanâ.

104. Eadem B. Maria peccavit in Adamo: *in quo omnes peccaverant*, Rom. 3. & 5. Ideoque vi conceptionis suæ, quâ ex Adamo descendebat secundum corpulentam substantiam, & secundum seminalem rationem; habuit debitum contrahendi peccati originalis: à quo tamen piè creditur præservata diuinitus, in suâ conceptione, siue animatione. Itaque B. M. descendit ab Adamo secundum corpulentam substantiam, & seminalem rationem: Christus autem secundum illam, & non secundum hanc,

105. *Corpulenta substantia est materia, contributa à parentibus, in formatione corporis prolis.*

106. *Seminalis ratio est vis activa, formativa foetus, existens in virili semine patris generantis.*

107. Fuisse in Adamo, vel *Descendere ab Adamo, secundum corpulentam substantiam, est corporis sui materiam sumere ab eo, tanquam originali principio effectivo, immediato, vel mediato. IMMEDIATO, vti sumpsit Abel, Cain, Seth: MEDIATO, vti sumpserunt omnes posteri.*

108. *Descendere ab Adamo secundum seminalem rationem, est corporis sui materiam sumere, per virilis seminis activam vim formatricem, traductam ab eo, tanquam originali principio effectivo. Ob hanc traductionem corpulentæ substantiæ, corpus humanum est ex traduce, non autem anima. Nam*

109. *Tralux est productio rei animata, ab aliâ; per decisionem partis, à producente.*

110. Probabile est, quod in B. Mariâ nunquam fuerit fomes peccati in actu secundo. Et quamvis post

primam illius sanctificationem in utero, videatur in eâ mansisse fomes in actu primo; fuit tamen ligatus, & tandem penitus extinctus. in secundâ sanctificatione eiusdem concipientis Christum, per superuenientem Spiritum Sanctum. Cuius operatione, formatum est effectiuè corpus Christi, eodemque momento animatum, & à Verbo assumptum. Qui tamen Spiritus Sanctus non est pater Christi, utpote quem non produxit in similitudinem naturæ diuinæ: quia secundum eam procedit à solo Patre, non à Spiritu-Sancto: qui è diuerso, à Patre Filioque procedit. Non etiam in similitudinem naturæ humanæ, quia Spiritus-Sanctus eam non habet, sed solam diuinam; quæ est omninò dissimilis humanæ.

DE SACRAMENTIS in genere.

III. **I**N scripturâ sacrâ; duobus modis accipitur *Sacramentum*: primò pro re arcanâ, Sapientiæ 6. *Non abscondam à vobis sacramenta Dei.* Similiter Tobia 12. Danielis 2. Ephesiorum 1. & 3. Apocal. 17. Secundò accipitur pro signo rei arcanæ, Ephes. 5. *Sacramentum hoc magnum est: ego autem dico, in Christo, & Ecclesiâ.* Id est, Matrimonium est excellens signum arcanæ, & sacræ coniunctionis Christi, cum Ecclesiâ.

Generaliter sumptum Sacramentum (ut comprehendens illud, quod fuit in lege naturæ, Mosaicâ, & est in Euangelicâ) passim sic definitur:

III. *Sacramentum est signum rei sacræ.* SACRAMENTUM, sic dictum, quia sacrat, & practicè sanctificat suscipientem; dedicando, & consecrando illum cultui diuino. SIGNUM diuinitus institutum, & practicum. REI SACRÆ, sanctitatis moralis, legalis, aut formalis.

III. *Sacramentum legis natura est signum practicum*

sanctitatis moralis, & speculativum formalis. PRACTICVM, quia de ratione essentialis Sacramenti est quòd sit signum practicum sanctitatis, legi suæ conuenientis : sanctitas autem moralis congruebat legi naturæ, & dictamini rectæ rationis. ET SPECVLATIVVM signum: FORMALIS sanctitatis. Nam immediata, vel mediata significatio gratiæ sanctificantis videtur Sacramento omni esse essentialis : ita vt Sacramentum legis naturæ, & Mosaicæ, non fuerit precisè Sacramentum ex eo, quòd fuerit signum practicum, illud sanctitatis moralis, hoc legalis ; sed quia simul erat speculativum signum gratiæ sanctificantis. Vtraque enim *lex habebat umbram futurorum bonorum.* Heb. 10. Et, vt ait Conc. Florentinum, antiqua Sacramenta, gratiam per passionem Christi dandam

114. figurabant.* Vnde probabile est, quòd Sacramentum sit genus vniuocum, respectu sacramentorum legis naturæ, Mosaicæ, & Euangelicæ,

115. Inter Sacramenta legis naturæ recensentur ritus consecrationis Sacerdotum, ad offerendum Deo sacrificium : panis & vinum sacrificij Melchisedech : circumcisio : & præcipue signum sensibile, protestantium fidei in Messiam venturum ; institutum à Deo ad peccati originalis remissionem.

116. *Sacramentum legis Mosaicæ est signum practicum sanctitatis legalis, & speculativum formalis.*

117. Inter sacramenta legis Mosaicæ recensentur ; Circumcisio, agnus pascalis ; consecratio sacerdotum, lustratio ab immundiciâ legali, &c.

118. Si status innocentiae perseuerasset ; probabiliter habuisset tunc Ecclesia visibile sacrificium ; & sacramenta nostris similia, id est ex opere operato causatiua gratiæ habitualis, primæ & secundæ.

Cum præfatâ generali definitione Sacramenti coincidit hæc descriptio :

119. *Sacramentum est res, ritusue sacer, sensibilis, diuinitus stabiliter institutus ; usu suo conferens congruam sanctitatem, veramque significans.* RES sacra, RITVSVE SACER : vt comprehendatur Sacramentum consistens

ram in re permanente, vti agnus paschalis, & Eucharistia; quàm in cæremoniâ religiosâ, actioneque sacrâ; vti alia Sacramenta. **SENSIBILIS**, externo sensu perceptibilis: aliàs foret potius Sacramentum angelicum, quàm humanum. **DIVINITVS**, quia soli Deo competit instituere cæremonias sui cultûs: & sacramenta; quibus fideles sibi consecrentur. **STABILITER**; quamdiu scilicet manet eadem lex, idemque Ecclesiæ status. Ideoque à definitione sacramenti excluduntur ea, quibus ad sanctificandum vsus est Christus, sed non stabiliter & permanenter. v. g. lotio pedum Apostolorum, insufflatio in eos, verba remissiua peccatorum Magdalene, & paralitici. **VSV SVO**, vt pote signum practicum, sui applicatione sanctificans suscipientem. Vnde à definitione sacramenti excluditur transitus maris rubri, esus manne, &c. quæ significabant sanctitatem, nullam tamen conferebant vsu suo. Excluditur etiam sacrificium, quia tale; quia vsu suo non sanctificat, sed testatur supremum dominium diuinum. **CONFERENS ex opere CONGRVAM**, & conuenientem tempori **SANCTITATEM**: scilicet sanctitatem moralem conuenientem tempori legis naturæ: legalem Moisaicæ: veram Euangelicæ, in quâ *gratia & veritas per Iesum Christum facta est*. Ioan. 1. Infirma autem, & egena sacramenta congruebant legi naturæ, & Moisaicæ inutili. Galat. 3. & 4. Heb 7. & 10. Interim quando legis vtriusque fideles, cum fide in Messiam venturum, contritione, charitate, & spiritu legis nouæ, utebantur sacramentis; illa suscipientibus conferebant gratiam ex opere operantis. **VERAMQUE sanctitatem SIGNIFICANS**, immediatè practicè, vel mediatè theoricè.

120. *Sanctitas moralis est consecratio hominis ad cultum diuinum, iuxta præsriptum recte rationis.*

121. *Sanctitas legalis est consecratio hominis ad cultum diuinum, iuxta præsriptum Moisaicæ legis.*

122. *Sanctitas formalis est gratia habitualis, quâ homo fit verè formaliter iustus, & sanctus.*

123. *Signum est quid notum, alterius representati-*

num. **REPRÆSENTATIVVM**, quod actualiter, vel aptitudinaliter, aliud à se repræsentat, & præsens exhibet potentia cognitiua. Nam *Repræsentare est præsens exhibere.*

Signo responder signatum, siue significatum: & hoc *Signatum est quid repræsentatum, per aliud.* **REPRÆSENTATIVVM**, præsens exhibitum.

Signum, & signatum dicitur à significatione: ab actiua significatione, signum; à passiva, signatum.

Signum vnum est naturale, aliud arbitrarium, siue ex instituto: item vnum speculatiuum, aliud practicum, &c.

124. *Signum naturale est quid, suapte natura, alterius repræsentatiuum.* **SUAPTE NATURA**, vi essentia suæ, seposito instituto. v. g. conceptus est eiusmodi naturale signum rei conceptæ; fumus, ignis; risus, lætitiæ; vultus, verecundiæ, timoris, iræ, aliarumque affectionum animi. Signum arbitrarium, ad placitum, siue

125. *Signum ex instituto est id, quod electione agentis liberi, ordinatum est ad aliud repræsentandum.* Quod scilicet in esse essentia positum, libere assumptum est, ad aliud repræsentandum potentia cognitiua. Quia verò agens liberum est triplex, Deus, angelus, homo; consequenter signum ex instituto, est itidem triplex: ex instituto humano, angelico, diuino. Ex instituto inquam humano. v. g. verba, scriptura, &c. Ex instituto angelico. v. g. spirituale signum, expressiui conceptus angelicæ mentis; vel affectus voluntatis. Ex instituto diuino. v. g. Sacramentum, arcus in nubibus, serpens æneus, &c. In hac materia autem

Institutum est auctoritatem habentis ordinatio, ut res vna, alterius sit repræsentatiua. Vt scilicet res determinata, mediante sui cognitione, deducat nos in alterius notitiam.

Signum ex instituto diuino, est duplex: theoricum, & practicum: siue, speculatiuum tantum, & speculatiuo-practicum; id est, speculatiuum simulque practicum.

126. *Signum diuinum theoricum est quid, ex instituto diuino, representatiuum alterius, cuius non est effectiuum.* v. g. arcus in nubibus, est signum diuini fœderis: serpens æneus est signum crucifixionis Christi, &c.

127. *Signum diuinum practicum est quid, ex instituto diuino, representatiuum alterius, eiusdemque effectiuum.* Eiusmodi signum est sacramentum legis naturæ, respectu sanctitatis moralis: sacramentum legis Moisaicæ, respectu sanctitatis legalis: sacramentum legis nouæ, respectu gratiæ sanctificantis.

128. *Signum spirituale est illud, quod intellectu est cognoscibile, non sensu externo.* v. g. character sacramentalis. Signum sensibile, siue

129. *Signum visibile est illud, quod externo sensu est perceptibile.* v. g. in Baptismo aqua est visu, & tactu perceptibilis; forma auditu, &c.

130. Generaliter sumpti sacramenti n. 112. definitio, *Sacramentum est signum rei sacra*, si intelligatur hoc modo, *est signum diuinum; sensibile practicum ex opere operato rei sacra, gratiæ sanctificantis; erit adæquata definitio sacramenti nouæ legis, & æquiualebit huic:*

131. *Sacramentum nouæ legis est inuisibilis gratia signum visibile, ad nostram sanctificationem diuinitus institutum.* INVISIBILIS, imperceptibilis sensu externo. GRATIÆ habitualis sanctificantis. SIGNVM practicum ex opere operato. AD NOSTRAM SANCTIFICATIONEM, iustificationem primam, & secundam: directè ad primam, sacramentum mortuorum; ad secundam, sacramentum viuorum. DIVINITVS, à Deo immediate. INSTITVTVM: à Christo domino, secundum diuinitatem, per potestatem principalem: secundum humanitatem, per ministerialem potestatem excellentiæ.

132. *Instituere sacramentum, est determinare illius materiam, & formam, dareque illis vim effectiuam gratiæ.* SACRAMENTVM nouæ legis. DETERMINARE immediate, per se instituentem; non mediatè per alium.

aliud. **MATERIAM** non secundum individuum, sed secundum speciem infimam, ut aquam in Baptismo: aut secundum speciem subalternam, ut panem & vinum in Eucharistia. **ET FORMAM**, non quoad sonum, sed sensum. Materiam, inquam, & formam applicandas per certum & determinatum ministrum. **VIM EFFECTIVAM** instrumentalem, non moralem tantum; sed probabiliter physicam, & realem.

133. Nouæ legis sacramentum consideratum more solito, per modum compositi physici; habet pro materia sua res permanentes, vel actus transeuntes, cum partiali sua significatione, & efficientia ijs respondente. Pro forma habet verba propriè dicta, iisue æquivalentia signa; cum sua itidem partiali significatione, & efficientia correspondente. Idem sacramentum consideratum per modum compositi artificiali, & moralis; siue per modum signi, habet pro materia sua res, & verba: pro forma autem habet significationem totalem, ex rebus, & verbis exurgentem.

Itaque sacramentum, ut compositum physicum, perficitur rebus, tanquam materia; & verbis, tanquam forma. Hæ verò

134. *Res sunt substantia corporea permanentes, vel actus sensibiles, per formam determinabiles.* **SUBSTANTIÆ**, uti in Baptismo, aqua elementaris: in Confirmatione, chrisma; in Eucharistia, panis & vinum: in Ordine, res traditæ ordinandis: in Extrema-unctione, oleum infirmorum. **VEL ACTVS**, uti in Pœnitentia, contritio, confessio, satisfactio: in Matrimonio, consensus traditiuus dominij mutui corporum.

135. *Verba sunt voces humana articulata, aliaue signa mentis expressiua.* **VOCES**, & verba propriè dicta, in sex sacramentis, **ALIAVE SIGNA**, verbis æquivalentia, in Matrimonio.

136. Omnia sacramenta nouæ legis, aliquatenus constant duplici materia; proxima, & remota. Uti Baptismus, pro materia remota, habet aquam ele-

mentarem: pro proxima, ablutionem per aquam. Confirmatio pro materia remota habet chrisma: pro proxima, chrismatis vnctionem. Pœnitentia pro materia remota habet peccata, post Baptismum commissa: pro proxima, contritionem, confessionem, satisfactionem. Eucharistia pro materia remota habet panem, & vinum: pro proxima, species panis, & vini. Extrema vnctio pro materiâ remotâ habet oleum oliuarum: pro proximâ, olei inunctionem. Ordo pro materiâ remotâ habet res, ordinandis tradendas: pro proximâ, eiusmodi rerum traditionem. Matrimonium pro materiâ remotâ habet corpora contrahentium: pro proximâ, traditionem illorum. Sacramenti

137. *Materia remota est res, vel actus sensibilis, per formam remotè determinabilis.*

138. *Materia proxima est res, vel actus sensibilis, per formam proximè determinabilis. Siue, Sacramenti in actione transeunte consistentis.*

139. *Materia remota est res, cuius vsu exercetur actio sacramentalis. v. g. aqua, oleum, chrisma, &c.*

140. *Materia proxima est actualis vsus materia remota. v. g. ablutio, vnctio, chrismatio, &c.*

141. Sacramentorum materia & forma debent esse coniungique simul, secundum moralem æstimationem: quæ æstimatio exigit breuiorem moram temporis in cæteris sacramentis; quàm in Pœnitentiâ, & Matrimonio.

142. Mutatio substantialis materiæ, & formæ, invalidat sacramentum: secus est de accidentali.

143. *Mutatio substantialis materia est eâ, quâ conuertitur in aliam speciem, vel quâ redditur inutilis ad sui usum. v. g. conuersio aquæ, in cereuisiam: vel congelatio illius, ita vt per eam non possit fieri ablutio, &c.*

144. *Mutatio accidentalis materia est alteratio illius, talis, quâ non conuertitur in aliam speciem; nec redditur inutilis ad sui usum. v. g. calefactio aquæ, &c.*

145. *Mutatio substantialis forma est conuersio verbo-*

verum illius, in alium sensum. v. g. Ego te baptizo in nomine matris, &c.

146. *Mutatio accidentalis est alteratio verborum illius, retento eorum sensu. v. g. Abluo te, in nomine Patris, &c.*

Uniuersim est tantummodò mutatio accidentalis formæ, quoties verba illius mutantur in alia synonyma. Hæc autem formæ sacramentalis

147. *Verba synonyma sunt diuersa verba, significantia idem distinctè & explicitè. Vnde verba hæc: Ego te baptizo in nomine Trinitatis, non sunt synonyma formæ ordinariæ.*

148. Ad valorem sacramenti requisita est intentio ministri: quia ministratio sacramenti, est actio humana deliberata: quæ intentione agentis dirigi debet. Itaque minister debet intendere conferre sacramentum, prout Christus instituit, & Ecclesia facit.

149. *Intendere est in aliquid tendere, tanquam in terminum. Et*

150. *Intentio est tendentia in aliquid: quâ scilicet voluntas tendit, & fertur in finem. Siue, est actus voluntatis, tendentis in finem, per medium, ad eum ordinatum. Item, est volitio finis, directâ per intellectum. Siue, est volitio eius, quod propter se est volutum; & aliud, propter ipsum. Itaque*

151. *Intentio est volitio finis, per medium assequendi. Multiformis est intentio: scilicet actualis, virtualis, habitualis, interpretatiua, absoluta; & conditionata.*

152. *Intentio actualis est praesens volitio finis, per medium assequendi. Siue, est actus elicited voluntatis, expresse tendentis in finem, per medium, ad eum ordinatum.*

153. *Intentio virtualis est ea, qua virtute actualis prahabita, non interrupta; dirigit actionem humanam. Siue, est ea, qua desit esse praesens actus, sed manet virtute.*

Intentio habitualis est triplex. Et quidem prima

154. *Intentio habitualis est ea, qua fuit actus elicited*

ta; & non fuit renocata, sed est interrupta: ita ut non influat in actum humanum, per se; nec per virtutem, à se relictam. De hac passim intelliguntur Theologi, quando intentionem habituales condistinguunt contra virtuales. Secunda autem

155. *Intentio habitualis est ea, qua sui frequentatione, versa est in habitum. Siue, est habilitas & promptitudo relictæ ex intentionis actu frequentato, inclinans ad similem actum. Et in præsentī materia, hæc secunda*

156. *Intentio habitualis est facilitas eliciendi actualem intentionem faciendi quod Christus instituit, in administratione sacramentorum. Facilitas inquam, orta ex iteratione eiusmodi intentionis, in frequenti administratione sacramentorum. Tertia verò*

157. *Intentio habitualis est animi dispositio talis, quæ intendisset actu aliquid, si fecisset reflexionem: quod tamen antea non intendit actu, neque modò virtute. Hæc tertia intentio habitualis, aliquatenus coincidit cum intentione implicitâ, indirectâ, & interpretatiuâ. Hæc autem*

158. *Intentio interpretatiua est ea, quæ quis intendens aliquid, consuetur implicite intendere aliud, in eo contentum, annexum, aut subsequum. Vide 1. 2. n. 159.*

159 *Intentio absoluta est desiderium efficax finis, per medium assequendi, absque conditione Si, vel æquipollente, modò, dummodò, ubi, quando, &c,*

160. *Intentio conditionata est desiderium efficax finis, per medium assequendi, sub conditione Si, vel æquipollente.*

161. In ministro sacramenti, ex præfatis intentionibus, optima est actualis: sufficiens virtualis: insufficiens triplex habitualis, quia non potest dirigere actionem humanam deliberatam: qualis debet esse administratio sacramenti. Interpretatiua quoque est insufficiens, ob eandem rationem: & quia magis se tenet ex parte operis, quàm operantis.

162. In omnibus sacramentis, excepto Matrimo-

nio, requisita est intentio absoluta; vel absoluta æquivalens conditionata. Cuiusmodi est intentio modificata sub conditione de præterito, vel præsentis. v. g. *Si tu non es baptizatus, ego te baptizo. Si vinis, ego te absolvo.* Nam si eiusmodi conditio subsit, intentio resolvitur in absolutam: si non subsit, intentio tollitur. Excipitur sacramentum Matrimonij: quod quia retinet rationem contractûs, potest iniri sub conditione suspensivâ, etiam de futuro contingenti: à quâ in esse suo pendeat; quâque completâ, transeat in contractum absolutum. Secus est de reliquis sacramentis: quibus addita conditio de futuro contingenti, suspendit ministri intentionem, quando applicat materiæ formam: & licet postea impleatur conditio, non conficitur equidem sacramentum; quia tunc deerit materiæ & forma essentialis.

163. Vt sacramentum, in actione consistens, valide recipiatur ab adulto, vrente ratione, eâque aliquando vso; requisita est in eo intentio, vt minimum habitualis. Quia receptio sacramenti, in eiusmodi adulto, debet esse voluntaria; debetque se ad eam disponere. In actione, inquam, consistens: quia Eucharistia, in re permanente consistens, etsi absque vllâ intentione suscipiatur, verè suscipitur. Dixi insuper, *Vt minimum habitualis*, eaque prima, definita n. 154. quinet tertia, definita n. 157 vti apparet ex praxi Ecclesiæ; quæ fidelibus moribundis, vso rationis destitutis; nec aliam, quàm hanc tertiam intentionem habituales, vel interpretatiuas habentibus, Extremam vñctionem ministrat. Secus est de Baptismo, Ordine, & Matrimonio per procuratorem contracto: in quorum susceptione, requisita est vt minimum intentio habitualis prima quia sunt sacramenta, transferentia; susipientem, in alium plane statum.

164. Theologi agnoscunt tria, in quolibet sacramento: sacramentum tantum; rem tantum; sacramentum, & rem simul.

165. *Sacramentum tantum est id, quod significat; &*
Cc iij

404 *Breviary Theologici Pars III.*

non significatur. v. g. partialis materia, & forma, ad sensum n. 133.

166. *Restantium est id, quod significatur, & non significat.* v. g. gratia sacramentalis.

167. *Sacramentum, & res simul, est id, quod significat, & significatur.* v. g. character, &c.

168. Sacramenta nouæ legis, quædam sunt viuorum; alia mortuorum.

169. *Sacramentum mortuorum est illud, quod institutum est, ad causandam primam gratiam: & non prærequirit vitam spiritualem in suscipiente,* v. g. Baptismus, & Pœnitentia.

170. *Sacramentum viuorum est illud, quod institutum est directè ad augmentum gratia: quam prærequirit in suscipiente, tanquam vllam spiritualem.* v. g. Eucharistia, Confirmatio, Extrema vñctio, Ordo, Matrimonium.

Omnia sacramenta nouæ legis conferunt dispositis gratiam, ex opere operato.

171. *Opus operatum est actio sacramentalis, per ministrum facta, ex instituto diuino.* Ipsa scilicet legitima prolatio formæ, super materiâ: & ad suscipientem applicatio vtriusque; aut sacramenti consistentia in re permanente.

172. *Opus operantis est actio meritoria de condigno, vel congruo.*

173. *Conferre gratiam ex opere operato, est illam causare vñ operis, ex instituto diuino exerciti: in administratione sacramenti.* VI OPERIS, secundum entitatem suam considerati: non quatenus virtuosum & meritorium est; sed abstrahendo ab omni merito ministri; & suscipientis.

174. Gratiam habitualem, in communi consideratam restringit gratia sacramentalis, ratione sui, ad particularem effectum cuiusque sacramenti: & ratione annexæ gratiæ actualis, restringit ad assecutionem finis cuiusque sacramenti. Itaque

175. *Gratia sacramentalis est gratia habitualis restricta, habens annexum ius, ad actuales, necessarias ad*

assequendum finem proprium cuiusque sacramenti. **R**ESTRICTA ad particularem effectum, ratione sui: & ad particularem finem assequendum, ratione iuris annexi gratiarum actualium. Vnde

176. Gratia baptismalis, secundum se, & ratione sui, est gratia habitualis *regenerativa*: ratione actualis annexæ, est conservativa regenerationis; & bene dispositiva ad sanctam receptionem reliquorum sacramentorum.

177. Gratia confirmationis, ratione sui est gratia habitualis *roborativa* fidei: ratione actualis annexæ, est bene dispositiva ad fidem constanter profutendam.

178. Gratia poenitentiae, ratione sui est gratia habitualis, *remissiva* peccatorum: ratione actualis annexæ, est bene dispositiva ad detestationem peccatorum præteritorum, & fugam futurorum.

179. Gratia Eucharistiae, ratione sui est gratia habitualis *nutritiva*, & unitiva cum Christo: ratione actualis annexæ, est bene dispositiva ad continuationem augmenti spiritualis, & præfatæ unionis.

180. Gratia extremæ unctionis, ratione sui est gratia habitualis *salutiva*, & alleviatiua ægroti: ratione actualis annexæ, est bene dispositiva ad finalem perseverantiam in adeptâ salvatione, & alleviatione.

181. Gratia ordinis, ratione sui est gratia habitualis *traditiva potestatis sacra*: ratione actualis annexæ, est bene dispositiva ad pium usum præfatæ potestatis.

182. Gratia matrimonialis, ratione sui est gratia habitualis *moderativa concupiscentiae*: ratione actualis annexæ est bene dispositiva ad fidelem & castum amorem conjugalem, christianamque proles educationem.

183. Sacramentum novæ legis est gratiæ sanctificantis causa efficiens instrumentalis; probabiliter physica, & non tantum moralis.

Ex dictis 1. 2. n. 250. & sequentibus, constat quod

184. *Causa efficiens est principium productivum effectus.*

185. *Causa efficiens principalis est principium, propria vi productivum effectus.*

186. *Causa efficiens instrumentalis est principium, motione aliena productivum effectus.* Nam vis propria est insufficiens effectui producendo; debetque ad hoc eleuari à causâ principali.

187. *Causa efficiens physica est principium reale productivum effectus.* Siue, principium eliciens realem actionem productivam effectus.

188. *Causa efficiens moralis est ea, qua in effectum non influit reali influxu; sed ad illum movet causam physicam.* Movet, quia est id, cuius intuitu, causa efficiens physice operatur. Movet autem diuersimodè causam increatam, & creatam: nam increatam carentem movet, quia est causa moralis externæ operationis ipsius; non autem interni actus, & volitionis immanentis, quæ est Deus ipse. Causam creatam liberam movet ad operandum, tum quia est causa externæ operationis; tum etiam interni actus, quo voluntas determinatur ad operandum, intuitu causæ moralis.

Præter gratiam sacramentalem, in Baptismo, Confirmatione, & Ordine imprimitur character: qui

189. *Character est potestas spiritualis, inamissibiliter collata animæ, quæ redditur apta ad sacramenta recipienda, & administranda.* Vel conformiter ad Trid. sess. 7. can. 9.

190. *Character est signum spirituale, indelebile, impressum animæ, quo homo ad divina deputatur, & ab alijs distinguitur.* SIGNVM SPIRITUALE, intellectu cognoscibile, significativum alterius rei: scilicet gratiæ sanctificantis, configurationis cum Christo, deputationis ad divina; & distinctionis ab alijs. INDELEBILE, utpote inhærens animæ, subiecto incorruptibili; & non habens contrarium. IMPRESSVM ANIMÆ, probabiliter immediatè ipsi essentiæ animæ, & non mediante potentiâ. AD DIVINA DEPUTATUR,

ſcilicet ad ſacramentorum receptionem, & adminiſtrationem; fideique profeſſionem. AB ALIIS DISTINGUITUR, qui non ſunt inſigniti charactere.

Sublatâ ſuſcipientis fictione, ſacramentum informe reuiuifcit.

Fictio hic non eſt ſimulatio, quâ ſuſcipientis ſacramentum, ſimulat ſe velle ex animo illud ſuſcipere; quod tamen non vult: ſed

191. *Fictio eſt ſimulatio exterior interna diſpoſitionis, requiſita ad primarium effectum ſacramenti.* SIMULATIO ſuſcipientis ſacramentum, EXTERIOR: qui enim indiſpoſitus indignè accedit ad ſacramentum, exteriùs præ ſe fert, & fingit ſe accedere cum debitâ diſpoſitione ad recipiendum PRIMARIUM EFFECTUM, gratiam ſanctificantem, & non tantum ſecundarium, characterem. SACRAMENTI, eſſentialiter integri.

192. *Sacramentum informe eſt ſacramentum eſſentialiter integrum, deſtitutum effectû gratia*, ob indiſpoſitionem ſuſcipientis. Omne ſacramentum poteſt eſſe informe, exceptâ Pœnitentiâ: quia in illâ, idem contritionis actus, qui eſt diſpoſitio neceſſaria ad effectum ſacramenti; eſt illius pars eſſentialis.

193. Sacramentum reuiuifcit, quando ſuſceptum informe, ſublatâ fictione, indiſpoſitioneque ſuſcipientis, confert gratiam, per modum cauſæ moralis; vtpotè non exiſtens realiter: quinet Euchariftia permanens, per modum cauſæ phyſicæ.

194. *Votum ſacramenti eſt deſiderium illius ſuſcipientis, iunctum debita diſpoſitioni.*

195. *Sacramentale eſt res religioſo ritu ſacrata, ipſeque ritus.* RES. v. g. chriſma, oleum ſacrum, agnus Dei, aqua benedicta, &c. RITVS. v. g. ſignum crucis, exorcismus, inſufflatio, &c.

196. *Cæremonia eſt ritus religioſus, ſiue pertinens ad Dei cultum.* Eiuſmodi cæremonia adhibetur in ſoleni ſacramentorum adminiſtratione, & aliàs; ſecundum approbationem Conc. Trid. ſeſſ. 7. can. 13.

197. Sacramentalia habent aliquos effectus, non

ramen infallibiles : quorum participes fiunt, piè & debirè ijs vtentes. Primus est excitatio piorum moruum, per gratiàs præuenientes. Secundus est remissio peccatorum venialium, mediantibus eiusmodi moribus ; & pœnitentiâ expressâ, vel implicitâ. Tertius est remissio pœnæ temporalis, debitæ peccatis. Quartus est effugatio, vel repressio dæmonis. Quintus est sanitas corporalis, simileue beneficium temporale. Hos effectus causant sacramentalia, non ex opere operato, sed operantis : Ecclesiæ scilicet, oratione suâ eos impetrantis : fidelium quoque, piè vtentium sacramentalibus, v. g. signo crucis, aquâ benedictâ, &c.

De Baptismo.

198. **S**acramentum Baptismi fuit adumbratum à Christo, in sui baptismo per Ioannem : fuit autem institutum ante passionem, & habuit tunc efficaciam, vi præcedentium meritorum Christi, & futuræ ipsius passionis, à Patre acceptatæ. Vnde fuit ante passionem utilis Baptismus ; demùm tamen cœpit esse necessarius post eam, factamque in Pentecoste promulgationem.

Secundum materiam, & formam, physicè consideratus

199. *Baptismus est aquea ablutio corporis, facta sub præscripta verborum forma.* **AQUEA**, facta per aquam elementarem. **VERBORVM FORMA** hac : *Ego te baptizo, in nomine Patris, & Filij, & Spiritûs Sancti.*

Secundum genus, & differentiam logicè consideratus

200. *Baptismus est sacramentum regenerationis per aquam, in verbo vite.* **SACRAMENTVM** est genus definiti. **REGENERATIONIS**, differentiæ vicem habet : nam in Baptismo est spiritualis regeneratio, dans primum esse spirituale, & vitam gratiæ : in pœnitentiâ potius est spiritualis resuscitatio, supponens vitam antea habitam.

Baptismi materia remota, est aqua naturalis : proxima, est eiusmodi aquæ ablutio.

201. *Aqua naturalis est aqua vera, retinens speciem elementaris.* v.g. aqua marina fluuialis, fontana, putealis, pluuiæ, &c. non autem aqua distillata è plantis, herbis, rosis, eliquata è vite, &c.

202. *Ablutio est aqua fluida morio, facta per baptizantem, circa corpus baptizati.* FACTA per applicationem aquæ ad corpus abluti; vti fit in aspersione, & infusione: vel per applicationem corporis abluti, ad aquam; vti fit in immersione. Quæ immersio si sit submersio, validus erit Baptismus, sed illicitus: etiam illo casu, quo moriturus certò, aliter baptizari non posset: quia esset directæ innocentis occisio. Non sunt enim facienda mala, vt eueniant bona.

203. Baptismi forma est, *Ego te baptizo, in nomine Patris, & Filij, & Spiritus-Sancti.* Forma Græcorum, *Baptizetur seruus Christi,* &c. & quæ cunque alia, vt valida, debet esse synonyma latinæ

204. Ordinarius Baptismi minister est Sacerdòs; & ex eius commissione, Diaconus. In casu autem necessitatis, quilibet potest baptizare, absque solennitate; clericus, laicus, mulier, hæreticus, & paganus; dummodò vtatur materiâ, forma, & intentione debitis. Tamen cæteris paribus, præferendus est clericus laico; dignior clericus, minùs digno; vir femina; catholicus hæretico; baptizatus non baptizato. *Cæteris paribus* inquam, quia subinde est præferenda viro femina, ob honestatem, peritiamue baptizandi vel ad cauendam cognationem spiritualem: laicus quoque clerico censurato, præsertim non tolerato.

205. Sacerdos sine ordinariis solennibus cæremoniis baptizans, extra necessitatem; peccat mortaliter; vti & baptizans alibi, quàm in fontibus sacris, alios quàm filios regum, principumue supremorum, qui alterius non sunt vassalli: vti explicat communiter recepta glossa ad Clementinam vnicam, de Baptismo. Et iste alibi baptizans, incurrit ipso facto excommunicationem, in Diocesi Cameracensi.

206. Rebaptizantis punitio civilis, est poena capitis: ecclesiastica, est irregularitas. Quando autem

dubius, & verè incertus est baptismus, potest conferri sub conditione: *Si tu non es baptizatus, ego te baptizo in nomine Patris, & Filij, & Spiritûs-Sancti.*

207. Primarius Baptismi effectus est gratia habitualis remissiua peccati originalis, & (si quod sit) actualis; quoad reatum culpæ, & pœnæ. Secundarius, est character.

208. Est triplex Baptismus: fluminis, flaminis, & sanguinis. Equibus, solus baptismus fluminis, est sacramentum: & consequenter iuxta Apostolum Ephes. 4. & symbolum Ecclesiæ, est *unum baptisma*. Reliqua duo dicuntur metaphoricè baptismata; quia in necessitate suppleant defectum sacramenti Baptismi: eò quòd ad positionem illorum, Deus confert gratiam non baptizatis.

209. *Baptismus flaminis est non baptizati, contriti, desiderium Sacramenti Baptismi*, conceptum ex inspiratione Flaminis sacri, siue Spiritûs-Sancti.

210. *Baptismus sanguinis est martyrium non baptizati. Siue, est martyrium, precedens Baptismi sacramentum.* Vide partem 2. 2. n. 1066.

211. Ex Apostolico instituto adhibendus est in Baptismo aliquis suscipiens baptizatum: isque vocatur patrinus, fidei doctor, sponsor, & susceptor. *Patrinus*, quia patris spiritualis munus implere debet, erga filiastrum, siue filium lustricum. *Fidei doctor*, quia in fide catholicâ, & moribus christianis debet docere baptizatum. *Sponsor*, quia spondet, & respondet pro baptizato, quòd sathanæ, pompis eius, omnibusque operibus abrenunciabit, *non solum vocibus, sed etiam moribus: non tantum sono lingue, sed & actu vite: nec tantum labijs sonantibus, sed operibus pronunciantibus*, ut loquitur hortatur que Augustinus. *Susceptor*, quia de manu baptizantis, baptizatum suscipit in fidem curamque suam.

212. In Baptismo suscipiens non potest esse, nisi vnus, & vna, ad summum. Conc. Trid. sess. 24. cap. 2. in Decreto de refor. Matrimonij.

213. Ante baptismum fœtus humani monstruosi,

diligenter examinandum est, num sit homo. Si dubium subfit, baptizandus erit conditionatè, dicendo: *Si tu es homo, ego te baptizo*, &c. Si sit gemellus, cum duplici capite, & corde; vtrique capiti est adhibenda aquæ ablutio, & forma geminanda: vel pluraliter proferenda, dicendo: *Ego vos baptizo*, &c. Si ambigatur num sunt duo homines, vni capiti adhibenda est aqua, cum ordinariæ formæ prolatione: deinde alteri capiti, vel membro alterius putatitij hominis adhibebitur secunda ablutio, cum forma conditionata, *Si tu non es baptizatus, Ego te baptizo*, &c.

De Confirmatione.

214. **C**onfirmatio est sacramentum, quo baptizatus, in fronte ungitur chrismate, à legitimo ministro, sub præscriptâ verborum formâ. CONFIRMATIO sic dicta, quod suscipientem confirmet, eique det robur spirituale, ad firmiter corde credendum, & constanter ore confitendum christianam fidem. Quia etiam confirmat, & auget gratiam, in Baptismo susceptam. Hæc Confirmatio, Act. 8. & 10, & à Patribus vocatur *manûs impositio*, quia in illius collatione manus confirmantis imponitur fronti confirmati. QVO BAPTIZATUS: nam Confirmatio ad sui validitatem, præsupponit Baptismi characterem. Vnde non baptizatus Baptismo fluminis, est incapax Confirmationis: quantumvis præditus baptismo fluminis, & sanguinis. IN FRONTE, non in vertice, vti fit in Baptismo; sed in fronte, tanquam sede verecundiæ: ne confirmatus erubescat confiteri fidem religionemque Christianam. VNGITUR, in forma crucis, immediatè per manum ministri, non per aliud instrumentum: quia Confirmationi essentialis est immediata manûs impositio. CHRISMATE, oleo oliuarum, mixto balsamo, ab Episcopo benedicto. A LEGITIMO MINISTRO, Episcopo, tanquam ordinario ministro: vel Sacerdote, tanquam extraordinario commissario. SVB PRAESCRIPTA VERBORVM FORMA, quæ est: *Signo te signo*

crucis, & confirmo te chrismate salutis, in nomine Patris, & Filij, & Spiritus-Sancti.

215. Omnia præfata verba, ijsue æquivalentia, sunt de formæ essentia : nam per *Signo, & Confirmo*, exprimitur actus ministri, vt ab eo procedens : per pronomem *Te*, exprimitur persona confirmata : materia autem, & effectus, *Chrismate salutis*. Sequentia verba, *In nomine Patris, & Filij, & Spiritus-Sancti*, sunt itidem essentialia, vti in Baptismo : quia vtrumque est sacramentum fidei, quæ exigit explicitam trium personarum diuinarum, in vna essentia confessionem.

216. Confirmationis materia renota est Chrisma; proxima est chrismatis vnctio, per modum crucis, in fronte confirmati, immediate manu ministri.

217. *Chrisma est unguentum, oleo olivæ, balsamoque mixtum, ab Episcopo benedictum.* BALSAMO, siue opobalsamo : nam proprie *Balsamum* est arbuscula bicubitalis : *Opobalsamum* est arbusculæ succus pinguis, odoratus : *Xylobalsamum* est lignum arbusculæ : & *Carpobalsamum* est fructus illius. AB EPISCOPO BENEDICTUM : estque hæc episcopalis benedictio, essentialis Chrismati.

218. Vnde debent Episcopi satagere, vt benedicant chrisina, & oleum infirmorum, in tanta quantitate, quanta toti Diocesi sufficiat ad administrationem sacramentorum : quæ aliàs exponuntur euidentissimo periculo inualiditatis, per mixtionem materiæ profanæ, factam primò per Episcopi substitutum, sacra olea distribuentem decanis christianitatum : secundò per eosdem decanos, distribuentes pastoribus : tertio per ipsos pastores, olei benedicti sufficientia destitutos. Vide infra n. 442.

219. Confirmationis minister ordinarius, est solus Episcopus : extraordinarius, est simplex sacerdos, habens summi Pontificis commissionem : vti patet ex Conc. Florentino, in decreto de Armenis ; & Tridentino sess. 7. can. 3. de Confirmatione, & sess. 23. de Sacramento Ordinis cap. 4. & can. 7.

Itaque Christus instituit Sacramentum Confirmationis, ita ut solus Episcopus, ex sua ordinatione habeat completam potestatem illius conferendæ: simplex autem Sacerdos habeat illam inchoatam, quæ possit compleri per commissionem Papæ, & accessionem entis moralis. Sic eidem Sacerdoti, habenti vi ordinationis suæ, absoluendi potestatem ordinis incompletam, illa completur per Episcopi approbationem, & iurisdictionis concessionem: & fit idoneus minister Sacramenti Pœnitentiæ, qui antè non erat.

220. Confirmationis effectus primarius est gratia habitualis, baptismali par, imò maior: uti constat ex Scriptura, & Patribus, dicentibus antonomastice conferri Spiritum-Sanctum, & plenitudinem gratiæ, per Confirmationem. Est inquam, gratia habitualis, quatenus per se, sibi que annexas gratias actuales, est animæ roborativa in fide & religione Christiana. Effectus secundarius est character. Finis, ad quem Confirmatio est instituta, est robur, firmitas, & constantia in fide & religione Christianâ tenenda, & confitenda.

221. Confirmationis Sacramentum potest conferri pueris, statim à Baptismo, & aliàs ante usum rationis; infallibiliterque consequuntur illius effectum. Confirmandus autem debet habere patrinum, & confirmanda matrinam; eumque confirmatum & diversum à patrino baptismali.

De Eucharistia.

222. **E**ucharistia est sacramentum corporis, & sanguinis Christi, sub speciebus panis, & vini: ad spirituales fidelium nutritionem, diuinitus institutum. EUCHARISTIA idem est, quòd *bona gratia*. EST SACRAMENTUM, unicum totale; duo partialia, ratione duarum materialium, & formarum partialium. CORPORIS, ET SANGVINIS; ita ut propriè corpus, & sanguis Christi, contentum sub speciebus, sit sacramentum Eucharistiæ. SUB SPECIEBUS, accidenti-

BUS PANIS, ET VINI, existentibus ibi absque substantia, & subiecto.

223. Eucharistiæ in fieri materia transiens, est panis triticeus, & vinum de vite: forma, sunt verba consecrationis. Eucharistiæ in facto esse, materia permanens, sunt accidentia panis & vini: forma, est corpus, & sanguis Christi. Est inquam panis vsualis, ex farina triticea, & aqua naturali confectus, & coctus: in Ecclesia latina azymus, in græca fermentatus.

224. *Eucharistica transsubstantiatio est conuersio totius substantia panis & vini, in corpus & sanguinem Christi* Hæc transsubstantiationis conuersio, non est annihilatio: quia licet illius terminus ad quem, sit nihil panis & vini; non est tamen absolute nihil. Vide p. I. n. 490.

225. In Eucharistiâ est verè, realiter, & substantialiter corpus & sanguis; cum animâ, & diuinitate Domini nostri Iesu Christi. Conc. Trid. sess. 13. can. 1. *Verè*, in rei veritate, non tantum significatione; quasi Eucharistia foret merum signum corporis & sanguinis Christi. **REALITER**, & non tantum figuratiuè; quasi Eucharistia foret mera figura, & nuda repræsentatio corporis & sanguinis Christi. **SUBSTANTIALITER**, & non tantum virtualiter, per energiam suam. Itaque *verè* opponitur signo: *realiter* figuræ: *Substantialiter* energix.

226. In Eucharistiâ *Species sacramentales sunt accidentia panis & vini, existentia sine subiecto*. **SPECIES SACRAMENTALES**, sic dictæ, quia corpori & sanguini Christi, dant esse visibile, & consequenter sacramentale, quia sacramentum est signum visibile. **SUNT ACCIDENTIA**. v.g. quantitas dimensiuâ, superficies, figura, color, odor, sapor, humor, &c. **EXISTENTIA** supernaturaliter **SINE SVBIECTO** inhæsionis. Aliàs *accidentis esse, est inesse*: id est, naturalis existentia accidentis, est inhærentia actualis: illius autem existentia supernaturalis, est inhærentia aptitudinalis: qualis etiam hic subest.

227. In formâ consecrationis, corpus non est substantia

stantia totalis, composita ex materiâ & formâ; sed est eiusmodi compositi substantialis pars materialis, prædita mole quantitativâ: id est, constans tribus dimensionibus, longitudine, latitudine, profunditate. Itaque in eadem formâ consecrationis,

218. *Corpus est physici compositi humani pars materialis, distincta à sanguine.* Siue, est corpus organicum humanum, à sanguine condistinctum. ORGANICVM, habens diuersas dispositiones, qualitates, & figuras. HUMANVM, proximè aptum informari animâ rationali: constans carne, ossibus, nervis, & humoribus, vno excepto sanguine. Non quòd sanguis significetur abesse, sed quia non significetur adesse.

219. In eadem formâ consecrationis, *Sanguinis* nomine intelligitur sanguis perfectus, & elaboratus; non autem (probabiliter) imperfectus, & alimentarius: qui etiam vocatur *causa sanguinea*, id est coagulatio fluida quatuor humorum, prædominante sanguine pituitæ, bili, & melancholiæ. Hæc porro massa sanguinea fit per tertiam concoctionem. Nam ex cibo, & potu, per primam concoctionem fit chylus: per secundam, ex chylo fit chymus; per tertiam, in iecore ex chymo fit massa sanguinea. Ex quâ, tanquam alimento communi, restaurantur omnes corporis partes; ab eâ trahentes nutrimentum familiare: quædam sanguineum, aliæ pituitosum, aliæ biliosum, aliæ melancholicum.

230. *Sanguis est humor rubicundus, calidus, per venas & arterias fluidus.* RVBICUNDVS, rubens intensâ tubedine.

231. *Sanguis perfectus est humor rubicundus, calidus, temperatus, ab alijs humoribus secretus, per venas & arterias fluens.*

232. *Sanguis alimentarius est humor rubidus, alijs tribus mixtus, prædominansque; in veinis & arterijs fluidus.* RVBIDVS, dilutam habens rubedinem.

In Eucharistiâ quædam continentur ex vi verborum, id est per efficaciam verborum formæ consecrationis:

quædam *per concomitantiam*, id est per connexionem
vnius cum altero.

233. Itaque in Eucharistiâ *id continetur ex vi verborum*, quod *expresse significatur per verba formæ*: ita ut hæc falsa foret, si illud abesset. Vnde sub specie panis, continetur corpus, ex vi verborum; quia verba *expresse dicunt, Hoc est corpus meum*: & si corpus abesset, verba forent falsa: non item, si abesset sanguis, anima, & diuinitas.

234. *Per concomitantiam continetur id, quod per verba formæ non exprimitur, sed habet necessariam connexionem cum expresso per ea.*

235. In hac materiâ, *Concomitantia est connexio ulcuius, cum eo, quod est ex vi verborum, in Eucharistiâ.* Hæc concomitantia est duplex: vna naturalis, alia supernaturalis, ratione vniionis hypostaticæ

236. *Concomitantia naturalis est connexio partium naturæ humanæ, inter se.* Scilicet anima rationalis, corporis, & sanguinis.

237. *Concomitantia supernaturalis est unio Verbi, naturæque diuinæ, cum humanâ.* Hæc iterum est duplex: vna immediata, altera mediata.

238. *Concomitantia supernaturalis immediata est unio personalitatis Verbi, cum humanitate Christi.* Scilicet cum illius animâ, corpore, & sanguine,

239. *Concomitantia supernaturalis mediata est unio naturæ diuinæ, cum humanâ.* NATURA DIVINÆ, ipsius diuinitatis, personarumque diuinarum primæ, ac tertiæ.

240. Itaque sub specie panis, ex vi verborum, est tantum corpus: sub specie vini, est tantum sanguis: quia illorum tantum fit expressa mentio, respectiue in verbis formæ. Per concomitantiam naturalem, sub specie panis, est sanguis, & anima: & sub specie vini, est corpus, & anima: sub vtrâque autem specie, per concomitantiam supernaturalem immediatam, est Verbum: & per mediatam, ratione Verbi, est natura diuina; *sive diuinitas*; item Pater, & Spiritus Sanctus,

241. In formâ consecrationis, pronomen *Hoc*, & *Hic*, demonstrat contentum sub speciebus, in confuso: ita tamen vt in fine prolationis operatoriæ, propositio verificetur pro corpore, & sanguine Christi: estque sensus. *Hoc* ens, contentum sub speciebus, est corpus meum: *Hic* liquor, contentus sub speciebus, est sanguis meus. Et consequenter non est propositio identica; vti nec quando intendens digitum in aurum, vel Ioannem, dico, *Hoc est aurum*; *Hic est Ioannes*. Non enim est sensus, Aurum est aurum; Ioannes est Ioannes; sed, *Hoc*

242. ens est aurum; *Hic* homo est Ioannes. Nam
* *propositio identica est enuntiatio eiusdem de eodem, sub eadem ratione.*

243. Eucharistiæ effectus est gratia habitualis, quatenus per se, sibiue annexas gratias actuales, est nutritiua, augmentatiua, & vnitiva cum Christo. *Hic* effectus est promissus dignè manducanti; id est cibum transmittenti in stomachum, per os & fauces: etiamsi species sacramentales integræ deglutiantur; sine vllâ dentium masticatione.

244. *Missæ est sacrificium in cruentum corporis & sanguinis Christi, sub speciebus panis & vini.* *MISSA* videtur esse nomen Hebraicum, à suâ natiuâ scabritie nonnihil leuigatum: nam Deut. 16. *Missach* significat oblationem spontaneam. Imo potius est latinum, significans missionem, siue dimissionem. Et quia olim erat duplex dimissio assistentium sacrificio eucharistico; hinc erat duplex *Missæ*: vna catechumenorum, altera fidelium. Illa consistebat ab initio vsque ad offertorium: quò cum peruentum erat, clamabat Diaconus; *Si quis est catechumenorum, exeat foras*. Vnde Augustinus sermone 237. de tempore c. 2. *Ecce*; inquit, *post sermonem fit missa catechumenis, manebunt fideles*. *Missæ* autem fidelium consistebat in toto decursu sacrificij, à principio ad finem; in quo Diaconus dimittens in pace populum, dicebat, *Ite, Missæ est*: *Missio*, & *dimissio* fit vobis: Abire licet vobis. *Est SACRIFICIUM*;

245. quia * *est oblatio externa rei sensibilis, per realem mutationem, à legitimo ministro facta Deo, in testimonium supremi dominij ipsius, & nostra subsecutionis.* EST OBLATIO: in actu signato oblatio panis & vini, tanquam materiae transeuntis, præsупpositæ actioni sacrificali: in actu exercito oblatio corporis & sanguinis Christi, tanquam hostiæ: oblatio inquam, contenta in consecratione; cui ex instituto Christi, annexa est oblatio. EXTERNA, non merè interna, & mentalis; sed panis & vini externa, & verbalis per verba *Suscipe, & Offerimus*: corporis quoque, & sanguinis externa oblatio, & verbalis, per verba consecrationis. REI SENSIBILIS panis & vini; sed & corporis & sanguinis Christi, sensu externo perceptibilis, ratione specierum sacramentalium. PER REALEM MUTATIONEM panis & vini; per veram quoque reproductionem Christi, tanquam termini ad quem actionis sacrificalis. Vnde non est opus, quòd Christus sic reproductus, realiter mutetur: quia non est materia, actioni sacrificali præsупposita: sicut fuit idem Christus viuus materia sacrificij cruenti. Itaque in transsubstantiatione Eucharisticâ, ratio sacrificij reperitur non in definitione termini à quo; sed in productione termini ad quem, tanquam excellentioris. Vti etiam consistebat in sacrificio thimiamatis, & incensi: cuius suffitus principaliter offerebatur. A LEGITIMO MINISTRO, Sacerdote, FACTA DEO, eique soli, tanquam supremus cultus patriæ. IN TESTIMONIUM, &c. expressè, vel implicite, hoc ipso, quo Missam celebrans, vult facere id, quod Christus instituit. Itaque à definitione ad definitum, Missa est verum sacrificium: sed INCRUMENTUM, id est, absque san-

246. guinis, extra venas effusione. Nam * *Cruor est sanguis, è venis effusus.*

247. Sacrificium Missæ, ex opere operato (tempore à providentiâ diuinâ destinato) causat gratias actuales præuenientes, quibus iusti excitantur ad pios motus, & augmentum iustitiæ: peccatores autem

ad pœnitentiam : & consequenter causat peccatorum etiam mortalium remissionem , quoad culpam & pœnam. *Huius quippe oblatione* (ait Tridentinum sess. 22. cap. 2.) *placatus Dominus, gratiam & donum pœnitentia concedens, crimina & peccata etiam ingentia dimittit.*

248. Sacrificij Missæ valor, & effectus, ex opere operantis Ecclesiæ, & Sacerdotis, est absolutè finitus. Eiusdem sacrificij, ex opere operato valor, est absolutè infinitus : quia ex parte rei oblatae, & principalis offerentis, dignitas ipsius est infinita ; non minus quàm sacrificij cruenti. Effectus tamen est finitus, & valoris applicatio est limitata : idque ex ordinatione Christi, qui voluit sacrificium incruentum

249. sæpius repeti. Hic autem sacrificij * *Missæ valor est moralis dignitas, quam habet ex parte offerentis, & rei oblata.*

250. Eiusdem * *Missæ effectus est id, quod actum datur, intuitu præfata dignitatis.*

251. Effectus sacrificij Missæ est duplex : ex opere ope-

252. rato, & ex opere operantis. * *Effectus operis operati est ille, qui annexus est à Deo, actioni sacrificali, præcisè spectatæ ; seclusâ deuotione, aut indeuotione offerentis priuati.*

253. *Effectus operis operantis est ille, qui correspondet deuotioni offerentis priuati.*

254. Ex antedictis sequitur (vti notamus in *Faculâ Sacerdotum*) quòd quòd pluribus applicatur fructus & effectus Missæ ; eò minor portio singulis obueniat. Sequitur insuper, quòd obligatus celebrare duas Missas, pro duobus ; non satisfaciat in conscientia, celebrando vnâ pro ambobus. Quia vtrumque fraudat mediâ parte fructûs.

255. Præfati duplicis fructûs & effectûs applicatio fieri debet per intentionem offerentis. Et nominatim fructûs operis operati applicatio, debet expressè vel implicitè fieri viuus atque defunctis, ante vtriusque speciei consecrationem ; in quâ essentialiter completur

sacrificium, causans suum effectum, absque suspensione & dilatione.

256. Sacerdos sacrificans ex priuatâ deuotione, absque obligatione beneficij, officij, honorarij, promissionis; potest sibi, & alijs, in totum, vel in partem, applicare fructum operis operati, & operis operantis: pro impetrandis beneficijs spiritualibus; quin & temporalibus (v. g. sanitate, longæuitate, &c.) quantum conducunt ad Dei honorem, & animarum salutem. Sacrificans autem ex obligatione beneficij, officij, honorarij, promissionis; pro vno, vel pluribus; debet illis applicare totum fructum operis operati, solidè vel partialiter; pro ratione intentionis celebrantis Missam, vel curantis celebrarij. *Solidè*, id est, applicando viujs totum fructum operis operati; & tantum ex opere operantis, aliquid defunctis: vel è diuerso. *Partialiter*, id est, applicando fructus operis operati partem viujs, & aliam partem defunctis.

De Pœnitentia.

257. **P**œnitentia est Sacramentum, quo baptizatis relapsis, contritis, confessis, ac satisfacere proponentibus, impenditur absolutio à peccatis. PŒNITENTIA sic dicta, quòd pœnam teneat, sibi que vindictam infligat. EST SACRAMENTVM, à Christo institutum Ioannis 20. per illa verba, *Accipite Spiritum-Sanctum: quorum remiseritis peccata, remittuntur eis: & quorum retinueritis, retenta sunt.* Quibus verbis (ait Tridentinum sess. 14. cap. 1) potestatem remittendi & retinendi peccata, ad reconciliandos fideles, post Baptismum lapsos, Apostolis & eorum legitimis successoribus fuisse communicatam, uniuersorum Patrum consensus semper intellexit. QVO BAPTIZATIS: quia non baptizati non sunt capaces sacramenti Pœnitentiæ: secus est de actu pœnitentiæ, qui debet elici à non baptizatis, & à baptizandis. RELAPSIS in peccata, post Baptismum: nam commissa ante illum, non sunt materia remota sacramenti Pœnitentiæ.

CONTRITIS, per veram contritionem. CONFESSIS integrè, saltem formaliter. AC SATISFACERE PROPONENTIBVS, iuxta Confessarii rationabile præscriptum. IMPENDITVR ABSOLVTIO, tanquam forma sacramenti.

258. Pœnitentiæ, sicut & cæterorum sacramentorum, duæ sunt partes essentielles: materia, & forma. Materia remota sunt peccata, post Baptismum commissa: proxima materia, sunt actus pœnitentis, contritio, confessio, & satisfactio. Qui à Concilijs Florentino & Tridentino dicuntur *quasi materia*, quia non sunt materia corporalis, & res permanens, vti aqua in Baptismo, chrisma in Confirmatione, oleum in Extremâ vñctione.

259. Præfatorum actuum contritio & confessio sunt essentielles, satisfactio est integralis.

260. Sacramenti Pœnitentiæ forma est, *Absoluo te à peccatis*. Quamvis autem probabile sit, duo prima verba sufficere ad essentiam formæ; tamen probabilius est, duo posteriora esse etiam necessaria: conformiter ad verba Christi, sacramentum hoc instituentis Ioan. 20. *Quorum remisistis peccata, remittuntur eis*. Aliàs *Absoluo te*, manebit indifferens & indeterminatum ad absolutionem à censuris, pœnis, iuramento, voto, promissione, &c. nisi restringatur ad peccata,

261. Porro *Ego te absoluo à peccatis*, hoc est, impendo tibi absolutionis sacramentum, de se habens vim remittendi peccata, si nihil obstat. Item: Quantum est ex parte sacramenti, quod tibi administro, confero tibi gratiam sanctificantem, ex se remissiuam peccatorum. Item, Ego soluo peccatorum tuorum vincula; siue quoad culpam, siue pœnam, siue obligationem confitendi, siue aliam rationem, quâ te ligare possunt.

262. Pœnitentia virtus est habitus, inclinans ad dolorem peccati proprii, ut offensa Dei, cum emendationis satisfactionisque proposito, spe petitioneque veniæ.

263. *Pœnitentia actus est dolor peccati proprii, ut offensa Dei, cum emendationis satisfactionisque proposito, spe petitioneque veniæ. Hic pœnitentiæ actus debet procedere ex gratiâ actuali, & ex motu supernaturali; ut habeat convenientem proportionem cum iustificatione, ad quam disponit. Idem pœnitentiæ actus fuit quovis tempore ad impetrandam veniam peccatorum necessarius, iuxta Conc. Trid. definitionem sess. 14. cap. 1. & 4. Necessarius inquam, necessitate mediij, & præcepti: & quidem formalis & explicitus, per se, aliquando tamen in immemore peccatorum, aut impedito eliciendis actibus aliarum virtutum, sufficit virtualis & implicitus, in actu dilectionis Dei, super omnia.*

264. Pœnitentiæ præceptum, utpote affirmativum, non obligat ad semper, neque statim à peccato mortali commissio; sub nouo peccato impœnitentiæ. Potest autem obligare per se, & per accidens.

265. *Præceptum pœnitentiæ obligat per se, quando ex ipso directe & immediate oritur debitum pœnitendi: non autem ex præcepto alterius virtutis. Per se. v. g. in articulo, eidentique periculo mortis peccatoris: urgente graui tentatione impœnitentiæ: excitante Deo ad contritionem: aliquoties per vitam; & quidem toties, ut moraliter loquendo dilatio contritionis non censeatur Dei contemptus. Quandocunque autem præceptum pœnitentiæ obligat per se, tunc ommissio illius, est speciale peccatum impœnitentiæ. Hæc autem specialis*

266. *Impœnitentia est persistencia in peccato mortali, cum formali virtualiue proposito non pœnitendi. Siue, est propositum non pœnitendi, quando peccator potest, & per se debet. PROPOSITIVUM expressum, aut virtuale. PER SE DEBET, ratione præcepti pœnitentiæ, obligantis directe. Nam si per accidens tantum debeat pœnitere, ommissio contritionis non erit speciale peccatum contra virtutem pœnitentiæ, distinctum à peccato contra aliam virtutem, tunc obligantem. Quia prior obligatio tunc non censeatur distincta formaliter*

à secundâ. Similiter quando omissio pœnitentiæ est culpabilis tantum, ratione peccati imminentis; tunc non habet malitiam distinctam ab illo peccato; quia eiusmodi omissio solum est mala ex eo, quod sit interpretatiua volitio dicti peccati.

267. *Præceptum pœnitentiæ obligat per accidens, quando non ex ipso directè & immediatè oritur debitum pœnitendi, sed aliunde.* Scilicet ex præcepto alterius virtutis obligantis, ad cuius exercitium necessarius est actus pœnitentiæ. v. g. quando peccator tenetur, aut liberè vult suscipere, vel administrare sacramentum; quando difficile opus virtutis est aggrediendum; aut superandæ graues tentationes: quando ratione proprii priuati peccati, communitas incidit in euidens periculum diuinæ punitionis. Item probaliliter quando est sanctificandum sabbatum, aliàsue orandum.

268. Quia per pœnitentiam reuiuiscunt opera mortificata, ideo de ijs hîc agendum est. Possunt autem assignari varia hominis opera: v. g. indifferentia, moraliter bona, viua, mortua, media, nociua, mortifera, mortificata, viuificata.

269. *Opera indifferentia sunt ea, quæ naturâ suâ non habent conformitatem, nec difformitatem ad rectam rationem.* v. g. comedere, bibere, ambulare, &c.

270. *Opera moraliter bona sunt ea, quæ ex solo dictamine rectæ rationis fiunt conformiter ad illam.* v. g. moralis amor, & honor parentum, &c.

271. *Opera viua sunt meritoria opera iusti,* procedentia ex Spiritûs-Sancti inhabitantis gratiâ actuali, & habituali, tanquam principio vitali. Ideoque sunt de condigno meritoria vitæ æternæ. v. g. dilectio Dei super omnia, oratio, eleëmofyna, &c. Scholasticorum sensu,

272. *Opera mortua sunt peccatoris impenitentis opera virtutum, vitâ gratiæ habitualis priuata.* v. g. peccatoris obstinati oratio, eleëmofyna, ieiunium, &c. Tamen scriptura per opera mortua, intelligit peccata mortalia.

273. *Opera media sunt peccatoris penitentis opera vir-*

sumum, procedentia ab spiritus-Sancti mouentis, non inhabitantis gratiâ actuali. v. g. hominis pœnitentis attritio, restitutio alieni, &c. Vocantur *opera media*, quia inter viua & mortua tenent locum medium. Non sunt enim simpliciter viua, cum destituantur principio vitali Spiritus-Sancti inhabitantis, & gratiæ habituales. Non sunt etiam simpliciter mortua, quia procedunt abs Spiritus-Sancti mouentis gratiâ actuali; & ab homine incipiente viuificari.

274. *Opera mortifera sunt peccata mortalia.* Siue, *sunt opera, qua adferunt mortem spiritualem*: ad sensum I. 2. n. 418. Subinde hæc latius sumuntur: & sic latè sumpta

275. *Opera mortifera sunt ea, qua operanti adferunt mortem, aut saltem nocumentum spirituale*: & sic comprehendunt opera nociua. Quæ

276. *Opera nociua sunt ea, qua operanti adferunt nocumentum spirituale.* Cuiusmodi sunt, non tantum peccata mortalia, sed etiam venialia.

277. *Opera mortificata sunt iusti opera meritoria, per peccatum subsequens priuata vitâ*: id est, efficaciam perducendi operantem ad vitam æternam, Cuiusmodi sunt merita iusti, in peccatum mortale lapsi.

278. *Opera viuificata sunt iusti opera meritoria, vitâ restituta.* Id est, per subsequens peccatum vitâ priuata; deinde per pœnitentiam restituta vitæ, siue efficaciam perducendi authorem ad vitam æternam.

279. *Mortificatio operum bonorum est priuatio efficacia perducendi authorem ad vitam æternam.*

280. *Reuiuiscencia operum mortificatorum est recuperatio pristina efficacia perducendi authorem ad vitam æternam.*

281. *Opera mortua & mortifera non reuiuiscunt, quia nunquam habuerunt vitam, quam perditam possint recuperare.*

282. *Opera mortificata reuiuiscunt, non quod mutationem propriè suscipiant per peccatum subsequens, cuius superuenientem pœnitentiam: cum eiusmodi opera sint transcuntia, statimque desinentia: sed quia*

semanentia in acceptatione diuina, peccato perdunt vim perducendi authorem suum ad vitam æternam; pœnitentia eandem vim recuperant.

283. Opera media absolute non reuiuiscunt, aliquatenus tamen: quatenus scilicet eorundem in acceptatione diuina manentium intuitu, à Deo de congruo gratiæ conferuntur; vel temporalia bona dantur, malæ auertuntur.

284. *Opus supererogationis est consilij opus bonum, supra obligationem præcepti factum.* OPVS SUPEREROGATIONIS sic dictum conformiter ad Lucæ caput 10. & est opus bonum, observationi mandatorum spontè superadditum, tanquam supernumerarium, mantissa, & superpondium.

De contritione, & attritione.

285. **A**ttentionis, & Contritionis vocabulum sumitur per translationem, & ad similitudinem corporis duri, quod exterius & superficie tenus affrictu deraditur; in scrobem, & ramenta atteritur: vel exterius interiusque dissoluitur, in minutias redigitur, penitusque conteritur. Nam similiter induratum cor peccatoris, per Dei gratiam, & resipiscens pœnitentiam, imperfectè atteritur, vel perfectè conteritur.

286. Iuxta Tridentinum sess. 14. cap. 4. Contritio accipitur aliquando generaliter, ita ut comprehendat contritionem perfectam, & imperfectam, siue attritionem salutarem. Sic generaliter accepta

287. *Contritio est detestatio proprii peccati, & dolor animi, cum proposito non peccandi de cætero, & spe, petitioneque uenise.* EST DETESTATIO, displicentia, auersio, odium, & abominatio mali, ac PROPRII PECCATI, quoad reatum culpæ: nam contritionis detestatio restringitur ad eiusmodi reatum proprii peccati actualis, & (lato modo) originalis.

288. Hæc detestatio præmittitur dolori, tanquam causa effectui: nam *displicentia dolorem causat in eo, qui susceptivus est doloris*, ait D. Thomas in 3. p. q. 84. 2.

8. Displacencia, inquam, *proprij peccati*; sed & suiip-
sius, tanquam peccati authoris: iuxta Ezechielis 6.
Displacibunt sibi met, super malis, quas fecerunt. Et DO-
LOR ANIMI, tristitia voluntatis, peccatum tanquam
malum præsens auersantis; & illud expellere conan-
tis. Contritio itaque est dolor, non tantum causaliter,
sed essentialiter, & formaliter. Ideoque in beatis, in
quibus est detestatio peccati, non est tamen contritio,
propter ab-

289. sentiam doloris. * Hic autem contritionis
dolor, est *animi*, non appetitus sensitivi: qui tamen
dolor, propter sympathiam appetitus rationalis cum
sensitivo, sæpè ex illo in hunc redundat, & gemitibus
lachrymisque exprimitur. Et hic dolor sensitivus, à
voluntate imperatus, est optimus; non tamen absolu-
tè necessarius: quia sine eo potest consistere perfecta
contritio in voluntate: quia etiam dolor ille sensitivus
non est semper in potestate poenitentis; & sæpè desti-
tuitur verâ displacentiâ.

290. Porro hic contritionis dolor debet esse su-
pernaturalis, & procedere ex actuali auxilio diuino,
vti constat ex Trid. sess. 6. in decreto de iustificatione
cap. 5. 6. & 7. & can. 3. quia dispositio ad effectum
supernaturalem, scilicet peccati remissionem, & iusti-
ficationem, debet esse supernaturalis, vt sit conueniens
proportio. Idem dolor animi, & tristitia de peccato
commisso, causat vindictam illius, & punitionem
per opera satisfactoria: nam *qua secundum Deum est
tristitia, operatur vindictam.* 2. Cor. 7. Concipitur au-
tem ex amore Dei, illiusue timore, aut turpitudinis
peccati consi-

291. deratione, alioue motiuo supernaturali. *
CVM PROPOSITO NON PECCANDI DE CÆTERO, cum
deliberatâ resolutâque voluntate non peccandi in po-
sterum. Et hoc propositum requiritur ad contritio-
nem, quia illa continet vitæ veteris odium, & nouæ
propositum, ac inchoationem, teste Tridentino sess.
14. cap. 4. significante id ipsum scripturâ Isaïæ 1. *Qui-
escite agere peruersè, discite benefacere.* & psal. 36. *Declin-*

ma à malo, & fac bonum. Et certè, ad recuperandam offensi amicitiam, præter dolorem de iniuria illatâ, requiritur propositum illius non irrogandæ, in posterum. ET SPE VENIÆ, siue cum fiducia diuinæ misericordiae, vti loquitur vtroque modo Trid. sess. 14. cap. 4. Nam detestatio dolorque de peccato, sine spe veniæ, est contritio Cain, & Iudæ, id est mera desperatio. PETITIONEQUE VENIÆ: contritio enim requirit vtrumque, veniæ spem, & illius petitionem: nam sine hac, illa foret inutilis.

292. *Detestatio est displicentia, & abominatio mali.*

293. *Dolor animi est actus voluntatis, malum præsens auersantis illudque expellere conantis.*

294. *Propositum est deliberata voluntas exequendi id, quod electum est, ad aliud assequendum.*

295. *Propositum non peccandi de cætero, est deliberata voluntas, firmiter statuens custoditionem peccati, in posterum.*

296. *Spes veniæ est actus voluntatis, certâ cum fiducia expectantis à Deo remissionem peccati, quoad culpam præcipuè.*

297. *Fiducia diuinæ misericordiae est promptitudo voluntatis, ex persuasionem obtinenda remissionis peccati; excludens inordinatam fluctuationem, ob infallibilem Dei promissionem.*

298. *Petitio veniæ est postulatio condonationis offensa. Siue, est oratio, quâ peccator petit à Deo condonationem peccati, quoad culpam, & pœnam æternam.*

Præfata generalis contritio, n. 287. definita, diuiditur in attritionem, & contritionem specialiter dictam.

299. *Attritio est detestatio proprii peccati, & dolor animi, ex motu supernaturali, alio quàm amoris Dei conceptus; cum proposito non peccandi de cætero, & spe, petitioneque veniæ. ALIO, QUAM AMORIS DEI super omnia conceptus: communiter ex turpitudinis peccati consideratione; vel ex gehennæ, & pœnarum metu, vt ait Trid. sess. 14. cap. 4. item ex amore virtutis, & beatitudinis æternæ, &c. Metu autem relincente voluntarium absolutum, & non causante*

inuoluntarium secundum quid : uti diximus in t. 2. n. 186. & 187.

300. *Contritio est detestatio proprij peccati, & dolor animi, ex amore Dei super omnia, conceptus; cum proposito non peccandi de cætero, & spe, petitioneque veniæ. PROPRII PECCATI, quia contritionis detestatio, non est de peccato merè alieno : quod scilicet ab alio, ita commissum est, ut reatus illius nullatenus contrito sit imputandus. Potest quidem, imò debet quisque detestari peccata aliena, & de ijs dolere; verum ista detestatio, & dolor, non est contritionis & pœnitentiæ actus : sed charitatis, & misericordiæ. PROPRII ergò peccati, & quidem præteriti, non autem futuri quia contritionis obiectum materiale, est peccatum commissum, ad cuius destructionem nititur, proponens cauere futurum. ET DOLOR ANIMI, EX AMORE DEI SUPER OMNIA, tanquam motiuo formali, CONCEPTVS. Ideoque contritionis efficaciam ad delenda peccata, scriptura tribuit charitati, Lucæ 7. *Remittuntur ei peccata multa; quoniam dilexit multum; & 1. Petri 4. Charitas operis multitudinem peccatorum. Et Trid. sess. 14. cap. 4. dicit contritionem, ab imperfectâ distinctam, esse charitate perfectam. Potest autem duobus modis dici charitate perfecta contritio: primo ea, quæ est informata charitate habituali, & procedit ab actuali inde elicitâ : & hæc contritio non disponit ad remissionem peccatorum, & iustificationem : sed eam præsupponit. Secundo ea, quæ concipitur ex motiuo dilectionis Dei; & quæ procedit ab actuali charitate, elicitâ per auxilium diuinæ gratiæ : & hæc disponit ad remissionem peccatorum, & iustificationem iuxta**

301. allegatas scripturas Lucæ 7. & 1. Petri 4. * CVM PROPOSITO, regulariter formali, & expresse, NON PECCANDI DE CÆTERO : per accidens tamen, ratione ignorantiae, inuincibilis, inconsiderationis, angustiae temporis, &c. potest sufficere propositum virtuale, & implicitum.

Contritio quatenus est sacramenti pœnitentiæ pars

materialis, præter iam dicta, debet esse sensibilis, & habere propositum confitendi, & satisfaciendi. Itaque sacramentalis

302. *Contritio est detestatio proprii peccati, & sensibilis dolor animi, ex amore Dei super omnia conceptus; cum proposito emendationis, confessionis, & satisfactionis, spe petitioneque venia.* PROPRII PECCATI actualis, post Baptismum commissi. ET SENSIBILIS DOLOR, non necessariò sensitivus, vti diximus n. 289. sed *sensibilis*, id est, externo sensu perceptibilis, per confessionem, aliaque externa signa doloris interni. Cùm enim hæc contritio sit pars Sacramenti sensibilis, ipsa debet itidem esse sensibilis. CVM PROPOSITO EMENDATIONIS, & observationis mandatorum diuinorum: CONFSSIONIS, ET SATISFACTIONIS sacramentalis, &c. Hæc enim contritio (iuxta Trident. sess. 14. cap. 4.) includit *votum præstandi reliqua, quæ ad ritè suscipiendum hoc sacramentum requiruntur.*

303. Attritio n. 299. & contritio n. 300. & 303. definitæ sunt inter se distinctæ essentialiter: quia sunt actus pœnitentiæ, differentes motiuis formalibus: Dei inquam timore, & amore; ad sensum præfati n. 299.

304. Multi graues Theologi tenuerunt, quòd ad Sacramentum Pœnitentiæ, illiusque effectum, non sufficiat attritio essentialiter distincta contra contritionem: sed quòd requiratur attritio, habens essentialem rationem contritionis, conceptæ ex motiuo dilectionis Dei, super omnia. Contritionis, inquam, licet imperfectæ; ob debilitatem amoris Dei, detestationis peccati, doloris animi, propositi emendationis, observationisque mandatorum diuinorum, & spei veniæ. Debilitatem autem omnium præfatorum, vel alicuius eorum. Verum firmiter tenenda est doctrina Concilij Tri-

305. dentini, sess. 14. cap. 4. dicentis: * *Docet præterea sancta Synodus, etsi contritionem hanc, aliquando charitate perfectam esse censingat, hominemque*

Deo reconciliare, priusquam hoc poenitentiae Sacramentum actu suscipiatur; ipsam nihilominus reconciliationem ipsi contritioni, sine Sacramenti voto, quod in illâ includitur, non esse ascribendam. Illam verò contritionem imperfectam, quae Attritio dicitur, quoniam vel ex turpitudinis peccati consideratione, vel ex gehenna, & poenarum metu communiter concipitur; si voluntatem peccandi excludat, cum spe venia, declarat non solum non facere hominem hypocritam, & magis peccatorem; verum etiam donum Dei esse, & Spiritus-Sancti impulsu, non adhuc quidem inhabitantis, sed tantum moventis: quo poenitens adiutus, viam sibi ad iustitiam parat. Et quamvis sine Sacramento Poenitentia, per se ad iustificationem perducere peccatorem nequeat; tamen eum ad Dei gratiam, in Sacramento Poenitentia impetrandam disponit.

306. Ad contritionem requiritur dolor, aliquatenus summus: uti constat ex Deut. 30. Si ductus poenitudine cordis, reuersus fueris ad Dominum, in toto corde tuo, miserebitur tui. Et Ioëlis 2. Conuertimini ad me, in toto corde vestro. Requiritur autem dolor summus appreciativè, non intensivè: summus absolutè, vel comparativè.

307. Dolor intensivè summus est actus voluntatis, peccatum aversantis, conatu maximo. VOLUNTATIS, auxilio diuino adiutæ. PECCATVM, tanquam malum præsens AVERSANTIS, detestantis, & illud expellere conantis. CONATV MAXIMO, summo, & intensissimo absolutè, vel comparativè.

308. Dolor intensivè summus absolutè, est actus voluntatis, peccatum aversantis, secundum totam intensiorem gratia, virtutumque suarum. GRATIA actualis quæ & in iusto habitualis, tanquam principii radicalis meritæ operationis, uti diximus I. 2. n. 627. & n. 606. VIRIUMQUE SUARVM, gratiâ adiutarum.

309. Dolor intensivè summus comparativè, est actus voluntatis, peccatum aversantis, conatu intensior e, quam quodlibet aliud malum. Non tamen conatu absolutè summo, neque secundum totam latitudinem gratiæ, virtutumque

viriumque suarum illâ adiutarum.

310. *Dolor appreciativè summus, est actus voluntatis, averfantis peccatum, tanquam maximum malorum, ita ut malit quodvis malum subire, & bonum creatum perdere, quàm peccare. Etiamfi id faciat averfione remiffâ, & conatu debiliore.*

De Confessione.

311. **C**onfessio sacramentalis est pœnitentis accusatio propriorum peccatorum, facta Sacerdoti, ad obtinendam illorum absolutionem, **ACCUSATIO**, facta immediatè ore pœnitentis, per verba propriè dicta: nisi impossibilitas absoluta, vel moralis permittat illam fieri præfenti Confessario, per interpretem, nutus, signa, scriptum. **POENITENTIS**, peccatoris contriti, & contritione suâ animantis confessionem suam.

312. **ACCUSATIO** inquam, id est externa propriæ culpæ agnitio: non inficiatio, excusatio, meraue narratio; multò, minùs propriarum virtutum prædicatio. **PROPRIORVM PECCATORVM**, non alienorum, quâ talium: nisi scilicet ratione omissionis, aut commissionis, aliena peccata fiant propria. **PECCATORVM** inquam, à Baptismo commissorum: nam sola peccata, post Baptismum commissa; sunt sacramenti Pœnitentiæ materia remota; & confessio eorundem, materia proxima. **FACTA SACERDOTI** præfenti, tanquam vicario Christi. Quia solus Sacerdos est minister sacramenti Pœnitentiæ, & quidem tanquam vicarius Christi; uti expressè ait Tridentinum sess. 14. cap. 5. Ideoque Sacerdos absoluens: ait se id facere authoritate Christi, summi Pontificis, sibi concessâ. **AD OBTINENDAM ILLORVM ABSOLUTIONEM** sacramentalem: nam finis confessionis, à pœnitente intentus, est sacramentalis absolutio; non consultatio, consilii, remediive, petitio, &c.

313. Confessio sacramentalis debet esse integra, saltem formaliter, si non materialiter.

432 *Breniary Theologici Pars III.*

314. *Confessio integra, est accusatio omnium peccatorum mortalium, quoad speciem, numerum, & circumstantias, PECCATORVM, à Baptismo commissorum, diligenti examine discusso; aliàs non legitime confessorum. CIRCUMSTANTIAS mutantem speciem, & (probabiliter) aggrauantes notabiliter intra eandem speciem.*

315. *Confessio integra materialiter, est accusatio omnium peccatorum, nullo pratermisso.*

316. *Confessio integra formaliter, est accusatio peccatorum, qua penitens potest, & debet hic & nunc confiteri: Etiam si quædam subtrahat, per impossibilitatem absolutam, vel moralem: aut per ignorantiam, obliuionemue inculpabilem,*

317. *Impossibilitatem absolutam hic voco eam, quâ quis reuerâ non potest omnia sua peccata confiteri; ob imminentem rationis destitutionem perpetuam, mortem, &c. Impossibilitatem moralem voco eam, quâ quis potest quidem confiteri, sed cum confessarij, sui, vel tertij graui detrimento animæ, vitæ, famæ, &c. Vbi autem hæc impedimenta cessarint, facienda erit confessio materialiter integra.*

318. *Ignorantiam, siue obliuionem inculpabilem voco eam, quæ non est peccatum mortale, neque nata est ex negligentia mortali.*

319. *Secundum Tridentinum sess. 14. cap. 3. & can. 7, confessionis integritas pendet à quatuor punctis: primò ab examine diligenti; secundò ab accusatione peccatorum mortalium, quoad speciem: tertio quoad numerum: quarto quoad circumstantias: mutantem speciem; & (iuxta probabiliorē sententiam) quoad notabiliter aggrauantes in eadem specie. Nam pro eiusmodi notabiliter aggrauantium confessione militat ratio, per præfatum Tridentinum cap. 5. allegata in fauorem mutantium speciem: scilicet quod sine illis, peccata ipsa neque à penitentibus integrè exponantur, nec iudicibus innotescant: & fieri nequeat, ut de gravitate criminum rectè censere possint & penam, quam portet, pro illis, penitentibus imponere.*

310. *Examen diligens est accurata discussio conscientie propria, & recogitatio peccatorum*, quoad speciem, numerum, & circumstantias. **ACCURATA DISCVSSIO**, id est talis, qualis in re magni momenti meritò adhibenda est, ab ipso pœnitente; attentâ ipsius capacitæ, aliisque circumstantiis. v. g. peccandi consuetudine, negotiorum tractatione, confessionis dilatione, temporis affluentia, vel angustia; confessarij examinantis diligentia, &c. **PECCATORVM** commissorum ab ultimâ validâ absolutione.

Examen diligens dicitur à diligentia, quæ in eo debet adhiberi: & hæc

321. *Diligentia est intensa animi applicatio, ad aliquid cognoscendum, aut reminiscendum.* **INTENSA**, non remissa, perfunctoria, tepida, & oscitabunda; sed seria, studiosa, & feruens. **ANIMI APPLICATIO**, vehemens conatus intellectus ad cognoscendum, phantasiæ ad imaginandum, memoriæ ad reminiscendum, &c. **AD ALIQUID** cognoscendum. v. g. peccatum, illius numerum, circumstantias, &c. Vide 2. 2. n. 1155.

De sigillo Confessionis.

322. **S***igillum confessionis est confessarij directæ obligatio celandi confessionem sacramentalem pœnitentis.* **SIGILLVM** fictivum, per similitudinem sigilli epistolici, quo litteræ obsignantur, ut ijs contenta, secreta habeantur. **CONFESSARIJ**, quia ipse solus habet per se obligationem secreti confessionis. Per se inquam, nam per accidens, & per participationem, habent secreti huius obligationem, quicumque licitè vel illicitè, mediatè vel immediatè habent participationem confessionis, cum onere suo transeuntis. v. g. interpres, auditor, &c. **DIRECTA**, immediatè resultans ex diuinâ institutione sacramenti pœnitentiæ, **OBLIGATIO** iuris naturalis positivique diuini, & ecclesiastici, cap. *Omnis utriusque*, & cap. *Sacerdos*, de pœnitentiâ, dist. 6. Obligatio inquam (quamdiu non subest pœnitentis rationabilis revelandi consensus)

CELANDI, & tenendi secretam CONFENSIONEM, &c. accusationem peccatorum pœnitentis, ordinatam ad absolutionem sacramentalem: etiamsi eam non recipiat, ob sui indispositionem, confessarij inhabilitatem, similemve causam.

323. Sub sigillum confessionis, directè cadunt omnia confitentis peccata mortalia, & venialia; illorum circumstantiæ, & complices. Indirectè autem, & reductivè cadunt ea, quæ nihil sunt horum; sed illorum occasione, dicta sunt in confessione; & quæ propalata cederent in iniuriam pœnitentis, vel sacramenti pœnitentiæ.

De ministro Confessionis.

324. **M**inister sacramenti pœnitentiæ est solus Sacerdos, in pœnitentem habens potestatem iurisdictionis, ordinariam, vel delegatam.

325. *Potestas est legitima auctoritas aliquid agendi.*

326. *Potestas solvendi & ligandi, est legitima auctoritas remittendi retinendique peccata. Iuxta illud Ioan. 20. Quorum remiseritis peccata, remittuntur eis: & quorum retinueritis, retenta sunt.*

Hæc est duplex, potestas Ordinis, & iurisdictionis. Absoluendi

327. *Potestas Ordinis est incompleta auctoritas remittendi peccata, Sacerdoti in suâ ordinatione collata in actu primo. INCOMPLETA, & impotens exire in actum secundum; nisi compleatur per potestatem iurisdictionis, collatam ab Ecclesiâ. Absoluendi*

328. *Potestas iurisdictionis est auctoritas superaddita potestati Ordinis, & completiva illius. Siue, est auctoritas, quâ Sacerdos, tanquam iudex potest in actu secundo ferre sententiam absolutionis, in pœnitentem, tanquam subditum. Hæc ligandi & solvendi potestas iurisdictionis, est duplex; ordinaria, & delegata. Absoluendi*

329. *Potestas ordinaria iurisdictionis, est ea, quæ competit habenti ex officio curam animarum. v. g. Parocho.*

in suâ parœciâ ; Episcopo, cum suo Vicario generali ,
in suâ diœcesi ; summo Pontifici , cum Pœnitentiaro
suo, in totâ Ecclesiâ. Absoluendi

330. *Potestas delegata est ea , qua Sacerdoti commissa est , abs habentè ordinariam.* SACERDOTI determinato , vti fit in delegatione particulari : vel indeterminato , vti fit in articulo mortis , & quando pœnitens habet potestatem eligendi confessarium. Præfata potestas delegata, subinde vocatur subdelegata ; propriè tamen

331. *Potestas subdelegata est ea , que commissa est alicui , immediatè abs habente delegatam , cum iure subdelegandi :* non proprio nomine , sed nomine ordinarij delegantis.

332. In Sacerdote , non obtinente parochiale beneficium , audituro confessiones sæcularium , antequam possit ei delegari potestas iurisdictionis, abs habente ordinariam ; requisita est episcopalis approbatio, expressa vel tacita: vti constat ex Tridentino sess. 23. cap. 15.

333. *Approbatio expressa est Episcopi testimonium explicitum , de Sacerdotis capacitate ad absolvendum ; quòdque possit ei tutò delegari iurisdictionis , abs habentibus ordinariam.*

Approbatio Episcopi est præsentia delegationi iurisdictionis , & ab eâ distincta. Subinde tamen hæc est illi annexa ; absolutè , vel conditionatè , dependenterque à veniâ parochorum , & eorum , quorum interest.

334. *Approbatio tacita est Episcopi testimonium implicitum , de Sacerdotis capacitate ad absolvendum.* IMPLICITUM, hoc ipso v. g. quo Sacerdoti sibi subdito mandat auditionem confessionum ; eligit in suum confessarium ; committit ei deferuituram pastoratûs ; permittit pastori vt assumat eum , in subsidiarium administrationis sacramentorum , &c. In quibustribus primis exemplis , est implicita approbatio , & insuper iurisdictionis delegatio : in quarto est mera approbatio.

335. In articulo, & periculo mortis, absente proprio moribundi Sacerdote, habente in eum ordinariam potestatem; alioque (probabiliter) privilegiato, habente delegatam; cum à quibuscumque peccatis, & censuris absolvere potest quilibet Sacerdos, etiam censuratus & sententiat, non toleratus, hæreticus, & degradatus. Vti patet ex cap. *Eos qui* 22. de sententiâ excommunicationis, in 6. & Trid. sess. 14. cap. 7. Si tamen eiusmodi moribundus fuerit à censuris reservatis absolutus, ab eo, qui aliàs illum absolvere non poterat; iurare debet ante absolutionem, quòd si convaluerit, quantocius se præsentabit superiori potestatem habenti, ut mandatis eius pareat; aliàs reincidet in præfatas censuras; ut decernitur citato cap. *Eos qui*. Ex quo insuper constat, quòd *Articulus, & periculum mortis*, confundantur in Iure, Quando autem accipiuntur, ut condistincta, tunc.

336. *Articulus mortis est tempus vite, parum præcedens mortem actualem*

337. *Periculum mortis est moralis certitudo mortis imminantis. In genere.*

338. *Periculum est verisimilitudo mali imminantis. Siue, iuxta Aristotelem Rethor. 5. est timenda rei appropinquatio.*

De Satisfactione.

Sacramenti pœnitentiæ materialis pars tertia, est *Satisfactio* pro pœnâ temporariâ, restante ex peccato dimisso quoad culpam, & pœnam æternam. Generaliter accepta

339. *Satisfactio est mitioris pœna toleratio, ad redimendam graviores promeritam. Vna est actus virtutis pœnitentiæ, alia est pars integralis sacramenti pœnitentiæ. Prout est actus virtutis pœnitentiæ,*

340. *Satisfactio est voluntaria pœna toleratio, ad compensandam iniuriam, Deo per peccatum illatam. VOLUNTARIA, id est, propriâ sponte assumpta, non ex mandato confessarij. Prout est pars materialis integralis sacramenti pœnitentiæ,*

341. *Satisfactio est voluntaria pœna, à confessorio iniuncta toleratio*, ad compensandam iniuriam, Deo per peccatum illatam; & ad redimendam grauiorem pœnam promeritam. VOLUNTARIA, spontanea per acceptionem voluntatis: aliàs si esset inuita, & coacta; non foret Deo accepta, nec redemptiua pœnæ promeritæ. POENÆ, incōmodi afflictīui naturæ corruptæ, & vindicatiui culpæ. A CONFESSARIO INIUNCTÆ, per potestatem ligandi: vt enim satisfactio sit sacramentalis, debet à ministro sacramenti iniungi, & formā absolutionis aliquatenus informari. TOLERATIO, perpassio pœnæ inflictæ. AD COMPENSANDAM, &c. Nam pœnitens sui punitione, ac vindicatione, intendit reparare læsam Dei authoritatem, iurisque diuini violationem, per peccatum suum irrogatam. ET AD REDIMENDAM, &c.

342. Nam * *Satisfactio est grauioris pœnæ promerita redemptio, per vicaria mitioris perpassionem*. Siue, est leuioris pœnæ perpassio, ad redimendam grauiorem promeritam. Hactenus dicta, procedunt de satisfactione pro pœnâ, non autem de satisfactione in pœnâ, siue satisfassione.

Pro opere satisfactorio sumpta

343. *Satisfactio est opus pœnale, patienter toleratum, ad placandum Deum, & exoluendum pœna reatum*. OPUS POENALE, afflictīuum & punitiuum: siue sit sponte assumptum, siue à Deo immissum, siue à Confessorio iniunctum.

344. *Satisfassio est perpassio pœnæ promerita, commensa ad aequalitatem culpa*. PERPASSIO spontanea, vel coacta, POENÆ assumptæ, vel impositæ.

345. Confessorij, extra casum impossibilitatis, debent pœnitentibus salutare & rationabiles satisfactiones iniungere. Quas pœnitentes tenentur acceptare, & in statu gratiæ, aut pœnitentiæ adimplere. *Debent*, inquam, per potestatem ligandi, & retinendi peccata; quoad culpam, negando absolutionem indispositis; quoad pœnam, obligando ad illius vicariæ tolerationem: vti patet ex Matthæi 16. & 18. &

Ioannis 20. & confirmatione Concilij Tridentini, sess. 14. cap. 8. & can. 3. & 15. adiunctâ insuper ratione, ne aliàs sacrilegè sacramentum mutiletur parte suâ integrali. *Salutares*, salutis pœnitentium proficuas: & quæ sint non tantùm præservationis futurorum peccatorum, sed & vindicationis præteritorum. *Et rationabiles*, siue, vt loquitur Tridentinum, *conuenientes*, id est, iuxta dictamen rectæ rationis, congruas qualitati, & grauitati peccatorum, statuique pœnitentium. *Iniungere*, per modum præcepti, & sententiæ iudicialis. *Quas pœnites tenentur acceptare*, sub peccato mortali: aliàs enim sacrilegè mutilarent sacramentum; non parerent suo iudici, vicario Christi, legitimè iudicanti, & imperanti: resisterent potestati, & Dei ordinationi, & consequenter damnationem sibi acquirerent. Rom. 13. *Et in statu gratia, aut pœnitentia adimplere*: quia satisfactio est actus pœnitentis, & pœnitentiæ. Vnde satisfactio peracta in statu peccati mortalis, non est materialis pars integralis sacramenti pœnitentiæ; sed repetenda est in statu gratiæ, aut saltem pœnitentiæ, id est deposito affectu peccati mortalis, per actum pœnitentiæ virtutis.

346. Pro cuius elucidatione notandum, quòd possit quis esse in peccato mortali, tribus modis: actu, affectu, reatu. *Actu* committendo peccatum mortale. *Affectu*, habituali complacentiâ inhærendo peccato commisso. *Reatu*, manendo in obligatione pœnæ æternæ, & culpæ mortalis, displicentis per pœnitentiam, necdum tamen remissæ per eam. Duo priores sunt in statu peccati mortalis: posterior est in peccato, & non in statu peccati: nam status dicit stabilitatem & permanentiam affectûs ad peccatum. Itaque

347. *Esse in statu peccati mortalis, est permanere in illius affectu actuali, vel habituali,*

348. *Esse in peccato mortali, & non in statu illius, est manere in reatu culpa mortalis, per pœnitentiam displicentis: necdum tamen remissæ per eam; vtpote imperfectam, aut destitutam sacramento, culpæ mortalis remissiuo,*

349. De mutatione satisfactionis sacramentalis, & pœnitentiæ iniunctæ, paucis dico. Ea, quæ in totum, vel in partem, absolutè vel moraliter est impossibilis, aut irrationabilis; ab initio, vel lapsu temporis; à quocunque confessario interpretanda est talis, & expers obligationis. Satisfactio iniuncta in meram punitionem præteritorum peccatorum, & non ad cautelam recidivi, evanescit (probabiliter) per subsequens lucrum Indulgentiæ de iniunctis pœnitentijs plenariæ, vel correspondentis quantitati eiusmodi satisfactionis. Idem esto iudicium, si confessarius habeat potestatem concedendi Indulgentiam similem: cuius concessione, poterit tollere obligationem eiusmodi satisfactionis. Cuius etiam mutatio fieri potest à confessario, qui eam iniunxit: modò moraliter adhuc duret idem iudicium pœnitentiale, & sententia non transierit in rem iudicatam. Durare autem dicitur tempore eiusdem diei, quinet multorum insequentium, si interea in confessione subsequatâ explicentur quædam, pertinentia ad præcedentem. Hoc autem tēpore elapso, si pœnitens accedat ad eundem confessarium, & petat pœnitentiæ iniunctæ mutationem; non poterit ea fieri, nisi per iudicalem causæ cognitionem, & per nōuam confessionem peccatorum, pro quibus iniuncta fuit. Sed hæc iterata confessio, facta eidem confessario, memori præteritorum peccatorum, poterit paucis expediri, si pœnitens animo contrito dicat, se eadem peccata confiteri; & petere iniunctæ pœnitentiæ commutationem in aliam. Si autem accedat ad alium confessarium, erit de integro reperenda confessio peccatorum: quorum si quædam sint aliàs reservata, censebitur reservatio sublata, per absolutionem confessarij præcedentis, ad hoc potestatem habentis. Cæterum in mutatione pœnitentiæ, est impertinens, quòd confessarius eam mutaturus, sit superior eo, qui eandem iniunxit: quia nullus purus homo, est in hoc foro superior confessario; qui absoluit, & ligat ut vicarius Christi, illiusque autoritate.

De indulgentia.

350. **I**ndulgentia est remissio pœna, à Pralato facta per dispensationem thesauri Ecclesiæ. INDVLGENTIA sic dicta, quia est rigoris cōmeriti, & seueritatis blanda remissio. EST REMISSIO, condonatio Pœnæ restantis ex peccato, dimisso quoad culpam. Pœna inquam temporalis, id est durantis ad tempus tantum, & non in æternum. Nam remissio pœnæ æternæ non fit per indulgentiam; sed vnà cum culpâ, per sacramentum pœnitentiæ, in re, vel in voto. Pœna autem Deo debita, non iustitiæ ecclesiasticæ, aut ciuili. A PRALATO ecclesiastico, scilicet summo Pontifice, vel Episcopo: qui soli habent ordinariam potestatem dispensandi thesauri Ecclesiæ; tanquam bonorum Ecclesiæ communium dispensatores. FACTA extra sacrificium, & sacramentum. Nam in Missæ sacrificio, & in quocunque sacramento, ritè suscepto, fit aliqua pœnæ remissio, per applicationem satisfactionum Christi: sed eiusmodi remissio, non est indulgentia, ad sensum ordinarium. PER DISPENSATIONEM THESAURI ECCLESIAE, per applicationem superabundantium satisfactionum Christi, & sanctorum, in acceptance diuinâ permanentium. Nam

351. *Thesaurus Ecclesiæ est valor satisfactionum Christi, & Sanctorum, permanens in acceptance diuinâ: applicabilis ijs, qui post remissionem peccati culpam, obnoxij sunt pœnæ temporali luendæ. THESAURVS ECCLESIAE, sic dictus metaphoricè, & per similitudinem thesauri pecuniarij. EST VALOR, & precium SATISFACTIONVM, operum pœnaliū, toleratorum ad Deum propiciandum; & redimendum pœnæ promeritæ reatum. Loco satisfactionum, quidam substituunt nomen meritorum, non tam congruè, nec tamen malè: restringendo nomen meritorum, ad merita remissionis pœnæ temporalis, & non æternæ beatitudinis. Nam iusti opus bonum, quatenus procedens à gratiâ habituali, & actuali, in honorem Dei; est de condigno me-*

ritum beatitudinis æternæ. Idem opus quatenus pœnale, & sui punitivum, est de condigno meritum remissionis pœnæ temporalis. Primo sensu acceptum meritum, nulli Sanctorum est superabundans: sed unusquisque illorum, pro eo accepit beatitudinis præmium superabundans. Secundo autem sensu acceptum, plurimis Sanctorum fuit superabundans: quia peccata eorum non exigebant tantam pœnam, & satisfactionem, quantam subierunt. Vnde hæc, quæ superaverunt fragmenta, ne perirent, collecta sunt, & in gazophilacio Ecclesiæ reposita, egentibus minùsque habentibus communicanda, privilegio communionis sanctorum. CHRISTI, qui nobis natus, nobis datus, nobis etiam meruit, ac satisfecit: eiusque satisfactiones sunt infinitæ intensivè: & thesaurus ijs constans, est infinitus, nec unquam potest exhaustiri. ET SANCTORVM: quorum satisfactiones, sunt nobis communes, ratione communionis sanctorum; & quæ addunt augmentum extensivum thesauro intensivè infinito satisfactionum Christi: in cuius laudem id ipsum cedit, quod tantæ virtutis sit, ut suarum satisfactionum vim, alienis communicet. Sicut magnetis efficaciam commendat, quod per se possit ferrum attrahere; & attactu suo, eandem vim ferro communicare. PERMANENS IN ACCEPTATIONE DIVINA: licet enim satisfactiones sint actiones transeuntes, valor tamen earum manet in acceptatione Dei: qui depositum hoc fideliter custodit. APPLICABILIS IIS, &c. tanquam eiusdem corporis mystici membris, & communionis sanctorum participibus; *ut illorum abundantia nostram inopiam suppleat.* 2. Cor. 8.

Indulgentia una est plenaria, alia non plenaria, &c.

352. *Indulgentia plenaria est remissio totius pœnæ, facta per applicationem thesauri Ecclesiæ.* Indulgentia per modum Iubilæi, siue

353. *Iubilæum est indulgentia plenaria, cum privilegijs annexis, absolutionis ab omnibus casibus, & censuris reservatis; commutationis votorum, &c.* IUBILÆVM sic dictum à *Iubal*, siue *Iobel*: unde etiam fuit

formatum latinum *Iubilum* Teste

354. autem Augustino, * *Iubilum est ingens gaudium, expressum voce, eaque inexplicabile* 12. n. 113.

✠ *Iubilum Christianum habet similitudinem cum Iudaico: & illius privilegia spiritualia, cum huius temporalibus. Vide Leuitici caput 25. & 17. & ibidem Interpretes.*

355. *Indulgentia à culpâ, & pœnâ, est indulgentia plenaria totius pœnæ, cum privilegio obtinenda absolutionis omnis culpæ; aliàs reservatæ Sedi Apostolicæ, vel Episcopali. Quoad remissionem pœnæ, est propriè indulgentia: quoad remissionem culpæ, est indulgentiæ annexum privilegium.*

356. *Indulgentia non plenaria, est limitata remissio pœnæ, facta per applicationem thesauri Ecclesiæ. LIMITATA ad definitum tempus, vel ad aliquotam pœnæ partem. Ad tempus v. g. quadraginta annorum, centum dierum, &c. Hæc per accidens potest esse plenaria; si eam lucrans, non sit reus maioris pœnæ luendæ, quàm totidem annorum, vel dierum. Ad aliquotam partem limitata, potest dici partialis: & hæc*

357. *Indulgentia partialis est remissio aliquota partis pœnæ, facta per applicationem thesauri Ecclesiæ. ALIQUOTA, v. g. tertiæ, dimidiæ partis pœnæ restantis.*

358. *Indulgentia quadragena est remissio pœnitentiæ, quadraginta continuis diebus peragenda. REMISSIO, per applicationem thesauri Ecclesiæ. PERAGENDA, secundum præscriptum canonum pœnitentialium, in ieiunijs, disciplinis, alijs-que operibus pœnalibus. Hæc quadragena, si erat rigorosior, vocabatur *Carena*: quia pœnitens, per quadraginta dies continuos, carcebat omnibus alimentis; pane & aquâ exceptis.*

359. Antiquitus quando canones pœnitentiales erant in usu, & vni peccato gratiori præscribebatur pœnitentia septem annorum; qui plura eiusmodi peccata commiserat, reus erat luendæ pœnæ aliquot centenariorum imò millenariorum annis. Ita tamen ut feruore pœnitentis, pœnara sibi multiplicantis & coaceruantis, tempus illud contraheretur; & ex centenario ad annu-

um, imò menstruum redigeretur : vti constat ex vitâ B. Petri Damiani, qui cùm se abdicasset episcopatu & cardinalatu, studio vitæ seuerioris, & ad eosdem resumendos vrgeretur à Nicolao Pontifice ; ipse autem obstinatiùs reluctaretur : tandem assensit Pontifex, constitutâ illi pœnitentiâ centenariâ : *quâ pœnitentiâ tenebatur ad recitandum per centum annos, quotidie centies, verberibus adinnctis, psalmum quinquagesimum.* Subiit autem hanc pœnam libenter Petrus : tantu/que fuit in eo ardor pœnitendi, ut eam annuo spacio exhausserit. Constat iterum testimonio eiusdem B. Petri Damiani, qui in vitâ S. Domnici Loricati, ita ait : *Centum annorum pœnitentia, sicut ipso authore didicimus, sic expletur. Cùm tria scoparum (virgeorum verberum) millia, unum pœnitentia annum, apud nos regulariter expleant: decem autem psalmorum modulatio (ut sæpè probatum est) mille scopas admittat; dum centum quinquaginta psalmis constare Psalterium non ambigitur; quinque annorum pœnitentia, in unius Psalterij disciplinâ, rectè supputantibus inuenitur. Porro siue quinquies vices, siue viginti quinquies, centum faciunt. Consequitur igitur ut qui viginti Psalteria, cum disciplinâ decantat, centum annorum pœnitentiam se peregisse confidat.*

Itaque tempore, quo canones pœnitentiales erant in vfu, centum, aut

360. *Mille annorum indulgentia est remissio totidem annorum pœnitentia, peragenda secundum rigorem canonum.* Hoc tempore, quo præfati canones non sunt in vfu; centum, aut

361. *Mille annorum indulgentia est remissio tanta pœna, quanta condonaretur per pœnitentiam canonicam totidem annorum.* POENÆ, huius vel futuræ vitæ. PœNITENTIAM, in ratione meræ punitionis considerata, abstrahendo à deuotione, & feruore peragentis illam.

362. Indulgentiæ conceduntur viuís; per modum solutionis, & absolutionis iuridicæ: defunctis autem per modum meræ solutionis, siue per modum suffragij. *Per modum solutionis, depromendo de thesauro*

Ecclesiæ satisfactionem, exhibendoque eam Deo, acceptanti; tanquam creditori, & affecto iniuriâ. PER MODUM ABSOLUTIONIS, autoritate Dei, iuridicè eximendo subditum à personali perpeffione pœnæ promeritæ. Nam reatus pœnæ est debitum personale: à quo reus viuis, tanquam subditus absoluitur à prælato ecclesiastico, vices Dei subeunte: & defunctus, tanquam exemptus, à Deo immediatè, potestate suâ fungente. Itaque

363. *Conferre indulgentiam, per modum absolutionis, est eximere reum, sibi subditum, à personali perpeffione pœnæ, per applicationem thesauri Ecclesiæ.*

364. *Conferre indulgentiam per modum solutionis, est depromere de thesauro Ecclesiæ satisfactionem, eamque pœnâ reo applicare. Similiter.*

365. *Conferre indulgentiam per modum suffragij, est depromere de thesauro Ecclesiæ satisfactionem, eamque pœnâ reo applicare, per modum subsidij spiritualis, non iuridicæ absolutionis: sed nudè in fauorem rei, exhibendo eiusmodi satisfactionem Deo, acceptanti; & reum à perpeffione pœnæ promeritæ, immediatè per se liberanti*

366. *Generaliter, Suffragium ecclesiasticum est opus bonum, anima proximi salutare præstans auxilium. v. g. ieiunium, eleemosyna, oratio, Missa, & similia, applicata animæ proximi, ad obtinendum ei augmentum gratiæ, & sanctitatis; victoriam tentationum; remissionem culpæ, aut pœnæ, &c. Strictè acceptum*

367. *Suffragium ecclesiasticum est opus bonum satisfactorium, remissionis pœnæ proximi impetratorium. Cuiusmodi est omne opus bonum pœnale, in subsidium animæ proximi factum; non mixtum iuridicâ absolutione.*

368. *Positis omnibus requisitis, certæ & infallibiles sunt indulgentiæ, concessæ non tantum viuis, sed & defunctis. Vnde Leo decimus in suâ Bullâ, errorum Lutheri condemnatoriâ, sub pœnâ excommunicationis latæ sententiæ decernit ab omnibus teneri, & prædicari debere, quod indulgentiæ per Pontificem Ro-*

manum concessæ, siue viuis, siue defunctis, valeant eis ad remissionem pœnæ. Eòdem facit Tridentinum sess. 25. in decreto de Indulgentijs.

369. Concessio indulgentiarum, defunctis indultarum, est actus potestatis clauium, latius patentis potestate iurisdictionis : quæ hîc non exercetur in defunctos, cum non sint subditi prælato Ecclesiæ : nec etiam in thesaurum, cum iurisdictione dicat necessariò respectum ad personam, non ad rem inanimam.

Ad sensum Euangelij, propriè loquendo,

370. *Potestas clauium est suprema potestas gubernandi Ecclesiam, vice Christi.* Ea soli Petro, eiusque legitimis in Pontificatu successoribus competit. Sed passim à Theologis accipitur generalius, & sic accepta

371. *Potestas clauium est spiritalis auctoritas aperiendi regnum Dei, per sublationem impedimenti : id est obstaculi, impediens ingressum illius.*

De Censuris.

372. **C**ensuræ nomen à Romanis desumptum est : apud quos qui Censores erant, & Censuram exercebant ; ex officio censebant, iudicabant, notabant, atque puniebant Senatûs Populique Romani mores : & pro modo criminum, Senatu Tribuere mouebant ; equum publicum adimebant, infamiâ notabant, pœnamque imponebant.

373. *Censura est potestatis ecclesiasticæ pœna medicinalis, baptizatum priuans immediate usu^o communium bonorum spiritualium.* POTESTATIS ECCLESIASTICÆ, quia omnis censura est actus potestatis ecclesiasticæ (fundatæ in Scripturâ, Matth. c. 16. v. 19. & c. 18. v. 17. & 18. Act. c. 8. v. 20. & 21. & 1. Cor. c. 5. v. 5. & 1. Timoth. 1. v. 20.) procedens à personis ecclesiasticis, iurisdictionem spiritualement habentibus in foro externo. POENA, malum punitiuum, ad hoc inflictu, vt vindicetur culpa, reo intrinseca. Quâ parte excluditur Irregularitas contracta absque culpâ : & Cessatio à diuinis, distincta contra Interdictum. MEDIC-

NALIS, inflicta ut reus emendetur, & eo emendato tollatur. Unde excluditur Degradatio, Depositio, Irregularitas orta ex crimine, Suspendio perpetua, vel ad tempus determinatum v. g. triennium, sexennium, &c. **BAPTIZATVM**: nam Ecclesia nequit exercere potestatem suam in eos, qui foris sunt. **PRIVANS IMMEDIATE**: primò, per se, & directè privans fidelem usu bonorum spiritualium communium; tanquam spiritualis poena privativa eiusmodi bonorum: quorum Ecclesia est administratrix. Mediatè tamen, ac secundariò subinde privat usu bonorum temporalium. v. g. conuictu & conversatione civili fidelium, &c. **COMMUNIVM BONORVM SPIRITVALIVM**: non privatorum, fidei, spei charitatis, gratiæ, &c. sed communiter toti Ecclesiæ indultorum v. g. sacramentorum, sacrificiorum, orationum, satisfactionum, &c. aut privato concessorum ad bonum commune v. g. iurisdictionis spiritualis, potestatis administrandi sacramenta, concionandi, &c.

Censura una est à iure, alia ab homine: latæ sententiæ, ferendæ, &c.

374. *Censura à iure est ea, qua per canonem, aut statutum fertur generaliter in quoscumque, aliquid committentes, vel omittentes.*

375. *Censura ab homine est ea, qua fertur per iudicis ecclesiastici particularem sententiam* Inter præfatas censuras est triplex distinctio: primò censura à iure, est generalis; ab homine est specialis: secundò illa perpetuò durat; hæc evanescit morte latoris: nisi sit ante contracta: tertiò ante illam non est opus monitione, nec contumaciâ; ante hanc, est opus utrâque.

376. *Censura lata sententia est ea, qua actu inflicta est, lege, statuto, sententiâve condemnatoriâ.*

377. *Censura ferenda sententia est ea, qua infligenda intentatur, vel infligi iubetur.* Censura latæ sententiæ incurritur ipso facto, ante iudicis sententiam; ferendæ non item.

378. *Sententia condemnatoria est decretum iudicis, penam multæque alicui irrogantis.*

Sententia

379. *Sententia declaratoria est decretum iudicis, declarantis aliquem reū criminis, illiusque pœna obnoxium.*

380. *Sententia comminatoria est decretum iudicis, pœnam conditionatè intendantis: ni fiat præceptum, aut si fiat prohibitum.*

381. *Censura iusta est ea, qua undique legitimè lata est. Scilicet à legitimâ potestate, ob causam sufficientem, seruatque iuris ordine, substantiali & accidentali.*

382. *Censura iniusta est ea, qua non est undique legitimè lata. Scilicet à non legitimâ potestate, vel ex causâ insufficiente, vel non seruat iuris ordine substantiali, aut accidentali. Hæc est duplex: iniusta valida, & iniusta inualida.*

383. *Censura iniusta valida, est ea, qua solo iuris ordine accidentali est destituta. Siue, est, ea, qua lata est à legitimâ potestate, ob causam sufficientem; non seruat iuris ordine accidentali: quia scilicet sententia non fuit scripto lata, vel intimata: vel non præcessit trina monitio canonica; vnaue pro tribus, cum legitimis interuallis: extra casum vrgentis necessitatis, accelerationem requirentis.*

384. *Censura iniusta inualida, est ea, qua essentiali requisito est destituta. Siue, est ea, qua à non legitimâ potestate lata est, vel ob causam insufficientem, vel substantiali iuris ordine non seruat. A NON LEGITIMA POTESTATE, carente iurisdictione, illamue impeditam habente censurâ, aut priuilegio rei, illiusue legitimâ appellatione. OB CAUSAM INSUFFICIENTEM, qualis est etiam ea, quæ legitimè non est probata. SUBSTANTIALI, &c. sine vllâ monitione præmissâ.*

385. *Censuratorum, ac Sententiatorum quidam sunt tolerati, quidam non tolerati. Censuratorum nomine intelliguntur excommunicati, suspensi, & interdicti. Sententiatorum autem nomine intelliguntur ij, qui per iudicis ecclesiastici sententiam sunt hæreses condemnati, ob delictum irregulares, depositi, degradati.*

386. *Post Concilij Constantiensis extrauagantem. Insuper ad euicandum, Bullâ Martini quinti ap-*

probatam, tantum sunt duo non tolerati: scilicet notorius percussor clerici, & nominatim censuratus sententiatuse denuntiatus: sub quo comprehenditur hæreseos nominatim condemnatus, denunciatus. Quamuis autem hanc extrauagantem quidam restringant ad solos excommunicatos vitandos; tamen extendi debet ad alios censuratos, & sententiatos.

387. *Notorius percussor clerici est is, qui suadente diabolo, manus violentas in clericum iniecit, ita ut factum pluribus innotuerit: nec possit aliquâ tergiversatione celari, aut suffragio excusari. Eiusmodi clerici percussor, erit absolute notorius, publiceque vitandus, si factum publicè innotuerit. Erit autem respectu notorius, priuatimque vitandus, si factum innotuerit maiori parti communitatis, cuius membrum est; in quâ non sunt pauciores, quàm decem. Hic*

388. *Tolerati sunt censurati vel sententiat, quibus cum ex conuenientiâ Ecclesia, licet fidelibus communicare, in diuinis, & ciuilibus; absque incurfu minoris excommunicationis.*

389. *Non tolerati sunt censurati vel sententiat, qui in diuinis & ciuilibus vitandi sunt à fidelibus, sub panâ minoris excommunicationis.*

De Excommunicatione.

390. **E**TYMOLOGICÈ *Excommunicatio est extra communionem positio.* COMMVNIONEM. Sanctorum, priuando baptizatum bonis communibus fidelium. Itaque in genere

391. *Excommunicatio est censura ecclesiastica, priuans baptizatum communionem sanctorum, ex toto, vel ex parte.* COMMVNIONE SANCTORVM, id est, participatione spiritualium Ecclesiæ bonorum, communium inter sanctos, id est Christianos, vocatos ad sanctitatem. Ex toto, totali participatione sacramentorum, suffragiorum, & conuersationum: quod facit excommunicatio maior. VEL EX PARTE, partiali

communione passiuâ sacramentorum, & electione i-
dem passiuâ ad beneficium: quod facit excommunica-
tio minor. Vnde est duplex excommunicatio: maior,
& minor.

392. *Excommunicatio maior est censura, priuans ba-
ptizatum ex toto communione sanctorum.* Ex toto,
totali participatione communium Ecclesiæ bonorum:
scilicet sacramentorum, suffragiorum, & conuersa-
tionis fidelium. Participatione inquam sacramento-
rum actiuâ, & passiuâ: ita vt excommunicatus ma-
jori excommunicatione, non possit administrare, ne-
que recipere sacramenta, extra necessitatis casum, si-
milemue excipuum. Participatione etiam suffragio-
rum Ecclesiæ publicorum. v. g. sacrificiorum, ora-
tionum, ieiuniorum, processionum, & similium ope-
rum satisfactoriorum, quæ fiunt nomine publico
Ecclesiæ; secus est de priuatis; iuxta communem
Theologorum sententiam. Item participatione con-
uersationis fidelium, sacrâ & ciuili: sacrâ in diuinis
officijs, in sepulturâ, & iurisdictione ecclesiasticâ, in
electione beneficiorum. *Ciuili*, in conuictu, contractu,
testimonio, &c.

393. *Excommunicatio minor est censura, priuans
baptizatum, communione sanctorum, ex parte:* id est,
communione passiuâ sacramentorum, & electione
passiuâ ad beneficium. Itaque minori excommuni-
catione irretitus; non potest recipere sacramenta,
nec scienter eligi ad beneficium, iuxta cap. vltimum;
de clerico excommunicato: & eiusmodi electio venit
irritanda

Hæc minor excommunicatio, vnica est: & quamuis
possit ferri ab homine, nunquam tamen fertur; sed à
solo iure, propter illicitam conuersationem cum cen-
surato, vel sententiato, non tolerato.

394. *Excommunicatio à iure est ea, qua per cano-
nem, aut statutum fertur generaliter, in quoscunque
aliquid committentes, aut omittentes.*

395. *Excommunicatio ab homine est ea, qua fertur
per iudicis ecclesiastici sententiam.* Inter hanc vtram-

que est distinctio, data n. 376.

396. *Excommunicatio lata sententia, est ea, quæ actu infligitur, per canonem, statutum, aut iudicis ecclesiastici sententiam.*

397. *Excommunicatio ferenda sententia, est ea, quam index ecclesiasticus statuto, priuatione decreto minatur se inflicturum, aut iubet infligi. Vide n. 377. & 378.*

398. *Quandocunque dubium est, an excommunicatio, aliaue censura sit latæ, an ferendæ sententiæ; iudicandum est quod sit ferendæ: quia odia sunt restringenda: & dubia, in mitiorem partem sunt interpretanda. Interim, excommunicationis nomen, absolute positum, intelligendum est de maiori.*

Quid sit excommunicatio iusta, iniusta; quid iniusta valida, & inualida, clarissime colligi potest, ex n. 382. usque ad 385.

399. *Excommunicati non tolerati, vitandi sunt, sub pœnâ incurrendæ minoris excommunicationis; quin & maioris, in tribus casibus. Primò, communicando in excommunicati crimine criminoso: perpetrando illud cum eo, aut impendendo fauorem, consilium, vel auxilium. Secundò, communicando cum nominatim excommunicato, post particularem monitionem, sub pœnâ excommunicationis. Tertiò, scienter, & spontè ad diuina admittendo excommunicatum à Papâ.*

400. *Itaque excommunicati, alijque censurati, aut sententiati nominatim, denunciati, vitandi sunt in iis, quæ comprehenduntur hoc versiculo:*

Os, orare, vale, communicio, mensa negetur.

Per Os, prohibetur, colloquium verbis, litteris, nuncijs, auribus factum: item amplexus, oscula, acceptatio munerum, & quodcunque amicitiae signum. Orare, communicatio in sacris, & diuinis. Vale, capitis apertio, salutatio etiam facta gestu, assurgendo, locum cedendo, &c. Quidam dicunt licitam resalutationem, tanquam debiti solutionem. Communicio, conuersatio in ciuilibus negotijs, contubernio, cohabitatione, contractibus, &c. Mensa, societas in con-

uictu, etiam in diuersâ mensâ, spectante ad idem conuiuium.

401. Cum iisdem excommunicatis, censuratis, ac sententiatis communicare licet, quibusdam casibus, & personis, comprehensis hoc versiculo:

Vtile, lex, humile, res ignorata, necesse.

Per *Vtile* intelligitur utilitas spiritualis censurati, aut sententiati, & cum eo communicantis; huiusque postremi utilitas temporalis notabilis. *Lex* matrimonialis, quâ coniuges sibi mutuo in actionibus, obsequisque matrimonialibus obligantur. Item lex naturalis, quâ parentes liberis; & ciuilis, quâ domini subditis obligantur. *Humile*, obligatio liberorum erga parentes; seruorum, villicorum, subditorum, erga dominos, in rebus concernentibus obsequium suum. *Res ignorata*, inuincibilis ignorantia iuris, aut facti; & inaduertentia inculpabilis. *Necesse*, communicantis, vel censurati sententiatiue necessitas; quâ non potest absolute, vel non absque notabili incommodo alterutrius, vitari mutua communicatio.

402. Canon excommunicans percussorem clerici, sic habet: *Si quis suadente diabolo, manus violentas in clericum, vel monachum iniecerit, anathematis vinculo subiaceat.* Si quis, censuræ capax; scilicet baptizatus usu rationis præditus, habens superiorem ecclesiasticum. *SUADENTE DIABOLO*, peccando mortaliter, in ratione injuriæ, exteriori illatæ. *MANUS VIOLENTAS*, &c. violentiam intulerit clerico immediate; vel mediate, ratione vestis, quâ clericus operitur; rei, quam manu tenet; equi, quo vehitur; loci, quo includitur, &c. *INIECERIT*, cum iniuriâ percutiendo clericum; illiusque percussione efficaciter mandando; ad eam incitando; aut suo nomine factam, habendo ratam; aut eam non impediendo ex officio. *CLERICUM*, prima censura insignitum, privilegio canonis gaudentem: qualem se si ipsemet percusserit grauitur, erit excommunicatus; excommunicandus autem, si in sui percussione consenserit. *VEL MONACHUM*, approbatæ religionis reli-

giosum, vel religiosam; novitium, vel novitiam; probabiliter etiam tertiarium, vel tertiariam ordinis Sanctorum Francisci, & Dominici, gestantem habitum. Eremitam quoque, ecclesiæ alicuius servitio deputatum; vel religionis alicuius prælato adstrictum voto.

De Suspensione.

403. *Suspensio est censura, privans clericum usu ordinis, beneficii, & officii clericalis; ex toto, vel ex parte.* EST CENSURA, proprie dicta. Vnde per hoc genus definiti, à definito degenerat suspensio perpetua, & ad tempus determinatum. v. g. triennium, sexennium, definita: quia neutra est censura, nec pœna medicinalis; sed pura pœna ecclesiastica. PRIVANS CLERICVM, prima tonsura insignitum. Qua parte distinguitur suspensio ab excommunicatione, & interdicto: quæ non solum clerico, sed cuicunque fidei infligi possunt. VSV ORDINIS, non ordine, sed illius usu, id est exercitio maioris minorisve ordinis. Neque beneficio, officioque clericali, uti facit depositio, & degradatio: sed BENEFICII usu, id est perceptione fructuum, beneficio annexorum. ET OFFICII CLERICALIS usu: id est exercitio potestatis clericalis, iurisdictionis ecclesiasticæ, concionis sacræ, &c. EX TOTO, usu ordinis, beneficii, & officii simul. VEL EX PARTE, usu ordinis tantum; vel beneficii, officioque tantum.

Itaque Suspensio diuiditur in totalem, & partialem.

404. *Suspensio totalis est censura, privans clericum usu ordinis, beneficii, & officii clericalis simul.*

405. *Suspensio partialis est censura, privans clericum usu ordinis tantum; vel beneficii, officioque clericali tantum.*

406. *Suspensio perpetua est pura pœna ecclesiastica, privans clericum, in perpetuum, usu ordinis, beneficii, officioque clericali.* PURA POENA, non medicinalis, ad tempus correctionis imposita.

407. *Suspensio ad tempus determinatum, est pura pœ-*

na ecclesiastica, primans clericum usq; ordinis, beneficis, officiiue clericalis, ad tempus limitatum. v. g. triennium, sexennium; non in perpetuum.

408. *Suspensus ab ordine superiore. v. g. sacerdotio, non censetur suspensus ab inferiore. v. g. diaconatu: quia ordo inferior non fundatur in superiore: sed è diuerso. Ideoque suspensus ab ordine inferiore, censetur etiam suspensus à superiore suscipiendo: aliàs videretur promoueri per saltum. Censetur etiam suspensus ab ordine superiore suscepto; si actus eiusmodi superioris ordinis, non possit exerceri, sine actu inferioris: secus probabiliter est, si possit. Vnde sacerdos suspensus à diaconatu, poterit sine irregularitate, audire confessiones, administrare solenniter Baptisum, Eucharistiam, Extremam vnctionem: quin & perficere Missam, productam ab alio, vsque ad consecrationem. Non poterit tamen integram Missam celebrare: quia legendo euangelium, exerceret actum diaconatus.*

De Interdicto.

409. **I***nterdictum est censura, quâ quibusdam personis, aut locis prohibetur sacramentorum, diuinorum officiorum, sepulturaeque sacra celebratio. EST CENSURA, proprie dicta. Qua parte excluditur à definitione, Cessatio à diuinis, tempore interdicti, inuoluentis innocentes: quorum respectu non est censura, nec poena; sed est mera subtractio sacramentorum, officiiue diuini. QVIBUSDAM PERSONIS, per interdictum personale: AUT LOCIS, per interdictum locale. PROHIBETVR SACRAMENTORVM-administratio: non omnium, sed ordinis, extremæ vnctionis, eucharistiæ, non viaticæ; matrimonij solennis, id est cum benedictione solenni. DIVINORVM OFFICIORVM celebratio, & auditio; iuxta mitigatam ordinationem capituli Alma, De sententia excommunicationis, in sexto. SEPULTURÆ-QUE SACRÆ, factæ cum officio ecclesiastico, aut saltem loco sacro.*

454 *Breniary Theologici Pars III.*

Interdictum vnum est personale, aliud locale, aliud mixtum.

410. *Interdictum personale est censura, quâ personis quibusdam prohibetur ubique participatio sacramentorum, officiorum diuinorum, & ecclesiastica scriptura.*

411. *Interdictum locale est censura, quâ immediatè in aliquo loco prohibetur administratio sacramentorum, diuinorum officiorum, & ecclesiastica sepultura.*

412. *Interdictum mixtum est censura, quâ certo loco, locique personis immediatè prohibetur administratio sacramentorum, diuinorum officiorum, & ecclesiastica sepultura.*

413. *Interdictum personale generale est illud, quod fertur in personarum communisatem, quatenus constituit vnum corpus. v. g. in Capitulum, Vniuersitatem, Ciuitatem.*

414. *Interdictum personale particulare est illud, quod fertur in vnâ, pluresue personas, quâ particulares sunt. v. g. in Ioannem, Paulum; in omnes, qui crimen aliquod commiserunt.*

415. *Interdictum locale generale est illud, quod fertur in locum, comprehendentem plura, celebrandis diuinis destinata v. g. in oppidum, dioccesim, prouinciam, regnum*

416. *Interdictum locale particulare est illud, quod fertur in locum sacrum specialem. v. g. in Ecclesiam Cathedralē Eboracensem, in Collegiatam S. Gaugerici, in Pastoralem S. Georgij.*

417. *Interdictum locale immediatè afficit certum locum: personale immediatè afficit personas, ubique locorum existentes: mixtum immediatè afficit locum, locique personas. In quouis interdicto locali, illi censentur personaliter interdicti, qui dederunt causam interdicto locali.*

De cessatione à diuinis.

418. **A**B Interdicto locali distincta Cessatio à diuinis est legitima desistentia ab officiis di-

vinis, & administratione sacramentorum. EST, non censura, quia non est pœna ecclesiastica; cum subinde assumatur ab inferiore contra superiorem, per modum iustæ defensionis, aut in signum doloris. Sed EST LEGITIMA, indicta à legitimâ potestate, ob iustam causam, & secundum præscriptum iuris, cap. *Canonici*, & *Quamvis*, De officio Ordinario, in sexto, DESISTENTIA AB OFFICIIS DIVINIS: nam tempore cessationis, non licet celebrare vlla officia diuina, excepto vnico per hebdomadam sacro: vti constat ex cap. *Non est nobis* II. De sponsalibus. ET ADMINISTRATIONE SACRAMENTORVM, Ordinis, Extremæ vnctionis, & Eucharistiæ, aliter quàm per modum viatici.

De depositione, & degradatione.

419. **D**epositio est pœna ecclesiastica, quâ clericus in perpetuum priuatur omni beneficio, officioque clericali, sine spe restitutionis, retento tamen priuilegio canonis, & fori. Priuilegio, inquam, canonis. Si quis suadente, quo redditur immunis à percussione, sub pœnâ excommunicationis Retento etiam priuilegio fori, quo redditur immunis à tribunali sæculari. IN PERPETVVM PRIVATUR: si cuiusmodi perpetua priuatio fiat sine intentione procedendi ad degradationem, vocatur propriè Depositio: si autem fiat præuiè ad realem degradationem, vocatur verbalis Degradatio. Ista autem.

420. Degradatio est priuatio totalis gradûs & statûs clericalis. Siue, est pœna ecclesiastica, quâ depositus clericus, solenniter priuatur omni gradu clericali, ordinum, insignium, & priuilegiorum. DEGRADATIO realis, condistincta contra verbalem. EST PœNA mera; inflictæ reo, ad puniendam culpam, ipsi inerinfecam. Non est autem pœna medicinalis, ad tempus emendationis imposita, & consequenter non est censura ECCLESIASTICA, per potestatem ecclesiasticam imposita, priuansque bonis ecclesiasticis. QUA

DEPOSITVS CLERICVS, per depositionem definitam n. 420. SOLENNITER, per adhibitos solennes ritus, iure antiquo requisitos, & nouissimo moderatos per Trident. sess. 13. cap. 4. de reformatione. PRIVATUR, & exauthoratur OMNI GRADU, & statu CLERICALI. Omni, inquam, gradu, honore, præeminentiâ, & dignitate ORDINVM majorum, & minorum: non autem ordinibus, qui sunt inamissibiles, neque characteribus, qui sunt indelebiles, Mouetur etiam gradu INSIGNIVM clericalium, & priuatur iure gestandæ casulæ, stolæ, manipuli, cinguli, albæ, amictus, & tonsuræ clericalis. Priuatur insuper iure priuilegiorum clericalium canonis, & fori.

De irregularitate.

421. **I**rregularitas est impedimentum canonicum, quo quis prohibetur ad tonsuram ordinesque promoueri, & ministrare in iisdem. IMPEDIMENTVM CANONICVM, iure diuino, vel ecclesiastico introductum; ex facto, vel defectu proueniens. Quo quis directè PROHIBETVR tonsurari, ordinarique; indirectè autem, & ex consequenti prohibetur vti ordine suscepto. Itaque

422. *Irregularitas est inhabilitas, iure diuino, vel ecclesiastico introducta; directè impediens suspensionem tonsuræ, & ordinum; & indirectè usum susceptorum.* Non est censura, quia non est pœna medicinalis, ad tempus emendationis imposita.

Irregularitas vna est iuris diuini, alia ecclesiastici: vna totalis, alia partialis, &c.

423. *Irregularitas iuris diuini, est inhabilitas, ordinatione diuinâ reddens personam incapacem ordinis ecclesiastici.* Eiusmodi est sexus femineus, & Baptismi defectus.

424. *Irregularitas iuris ecclesiastici est inhabilitas, ordinatione Ecclesiæ, impediens directè suspensionem tonsuræ, & ordinum; indirectè usum susceptorum.* Eiusmodi est mutilatio, illegitimitas, &c.

425. *Irregularitas totalis est inhabilitas, perpetuò impediens ordinis cuiuscunque (s)ceptionem, susceptive vsum omnem.* Eiusmodi est abscissio linguæ, &c.

426. *Irregularitas partialis est inhabilitas, impediens ad tempus, ordinis (s)ceptionem, susceptive vsum aliquem.* Prioris exemplum est, minor ætas in puero; & nouiciatus fidei in neophyto. Posterioris exemplum est, inculpabilis mutilatio pollicis sinistri in Sacerdote, impediens illum à solâ Missæ celebratione, non ab aliis functionibus sacerdotalibus.

427. *Irregularitas vna oritur, sine proprio incurrentis actu v. g. ob defectum corporis, aut natalium; alia ex actu proprio, eoque culpabili. v. g. ex rebaptizatione voluntaria, violatione censuræ, procuratione aborsûs animati fœtus, mutilatione, homicidio; vel ex proprio actu inculpabili. v. g. digamiâ, defectu omnimodæ lenitatis, &c.* Hic autem

428. *Homicidium est voluntaria, & iniusta hominis occisio.* VOLUNTARIA, & deliberata; vt excludatur indeliberata, casualis, & fortuita. INIUSTA & iniuriosa; vt excludatur occisio iustè facta per iudicem, executorem publicæ potestatis, & sui defensorem cum moderamine inculpatae tutelæ. Et hoc

429. *Moderamen inculpatae tutelæ est observatio modi debiti, in suis suorumque defensione, contra iniustum inuasorem: ita vt non fiat plus quàm sit opus, secundum rectam rationem, ad propulsandam iniuriam.* Moderamen, observatio modi debiti, ita vt non peccetur excessu. *Inculpata*, carentis culpâ, *tutela*, tuitionis, defensionis, & propugnationis sui, & suorum. Itidem

430. hic * *Mutilatio est voluntaria & iniusta abscissio membri*

431. *humani.* Quod * *Membrum est corporis humani pars distincta, spectans ad illius integritatem: ita vt eâ sublatâ, definat*

432. *esse integrum. v. g. auris, digitus, &c.* Vel * *Membrum est corporis humani pars organica, habens in eo distinctum officium, siue actum, vt loquitur Apostolus I. Cor. 12.* Eiusmodi membrum est pes, manus, &c.

458 *Breniarij Theologici Pars III.*

non autem digitus, simile sue partes : quæ iuxta hanc acceptionem, non sunt membra, sed membrorum partes. Vocatur autem

433. *Membrana cutis continens membra.*

434. *Digamia est matrimonium, contractum cum duabus coniugibus. Est triplex digamia : vera, interpretatiua, & similitudinaria.*

435. *Digamia vera est matrimonium, cum duabus coniugibus successivè contractum, & consummatum.*

436. *Digamia interpretatiua est matrimonium unicum, æquivalens duobus. MATRIMONIUM* verè & validè contractum ; vel invalidè attentatum, consummatum. *VNICUM* in se, morali æstimatione duplex, & *ÆQUIVALENS DVOBUS* matrimonijs. Eiusmodi matrimonium interpretatiuè digamum, est triplex : primò matrimonium validè contractum, & consummatum cum non virgine. Secundò matrimonium invalidè attentatum, & consummatum, ab ordinato sacris ordinibus, cum viduâ : vel cum virgine quidem, sed ab eodem quondam ante ordines coniugato. Tertiò, copula mariti cum propriâ coniuge adulterâ.

437. *Digamia similitudinaria est matrimonium, solenni voto castitatis obstricti. Matrimonium, inquam, invalidè attentatum, & consummatum, etiam cum virgine.*

De extrema unctione.

438. **E***xtrema Unctio est sacramentum, quo per sacerdotalem orationem, oleique unctionem, infirmo gratia confertur. EXTREMA VNCTIO*, sic dicta, quia post sacras unctiones Baptismi, Confirmationis, & Ordinis, extrema adhibetur, in extremo vitæ. Est *SACRAMENTUM*, uti constat ex Iacobi 5. adiuncto communi sensu Ecclesiæ, & Conciliorum Constantiensis, Florentini, & Tridentini definitione. *SACERDOTALEM ORATIONEM*, in Sacramenti formâ contentam. *ET OLEI* oliuarum ab Episcopo benedicti *VNCTIONEM* ; periclitanti de vitâ *INFIRMO*, *GRATIA* habitualis, saluatiua, alleviatiua, & conditionatè

remissiua peccatorum, CONFERTVR ex opere operato,

439. Extremæ Vnctionis materia proxima est vnctio olei oliuarum : remota est oleum oliuarum, ab Episcopo benedictum propriâ benedictione, accommodatâ ad vsum, & effectum huius sacramenti. Ideoque foret extrema vnctio inualida, collata chrismate, vel oleo catechumenorum benedicto diuersâ benedictione episcopali

Hæc vnctio debet fieri per modum crucis, non de necessitate sacramenti, sed præcepti : debetque esse gemina, cum duplici formatione crucis, vbi duplicia sunt organa oculorum, aurium, manuum : sed sub vnicâ partiali formâ.

440. Extremæ Vnctionis forma, sunt hæc verba, ihsue æquiualentia : *Per istam sanctam vnctionem, & suam pijsimam misericordiam indulgeat tibi Dominus, quidquid deliquisti per visum, auditum, odoratum, gustum, & tactum; in nomine Patris, & Filij, & Spiritûs Sancti.* Quibus verbis, expressè petitur remissio peccatorum particularium, commissorum per vnum sensum ; cum implicitâ petitione remissionis omnium aliorum : quia primariò petitur à Deo dari infirmo gratia habitualis, huic sacramento propria; quæ non compatitur secum vllum peccatum

Debet autem hæc forma esse deprecatoria, ex Christi instituto ; ita vt si adhibeatur indicatiua, & affirmatiua, futura sit inualida. Quod constat ex Iacobo c. 5. dicente : *Orent inper eum : & Oratio fidei saluabit infirmum*, secundum explicationem Conc. Trid. sess. 14. cap. 1.

441. Quando oleo infirmorum, alteriue benedictæ rei miscetur materia profana, eiusdem speciei, satagendum est ne eiusmodi rei profanæ sit maior quantitas simul, aut successiue : & vt totum ita inter se permisceatur, vt nihil profani ad vnctionem possit accipi, quin accipiat simul aliquid benedicti. Aliàs euidenter exponitur sacramentum periculo nullitatis : vt monuimus supra in. 218. Nam per eiusmodi mixtionem, quod est profanum, non fit reuerâ benedictum, nec

sacrum ; cum non subiaceat actuali benedictioni , vel consecrationi : sed totum illud mixtum censetur benedictum , aut sacrum , morali duntaxat aestimatione ; quia vnum non potest ab alio discerni , nec separari : quia etiam supponitur nihil profani ad vsum posse applicari , quin sit semper benedicto sacroque permixtum.

442. Quemadmodum medicina corporalis applicatur corporis membris , ubi est origo mali ; ita huius sacramenti medicina spiritualis applicatur organis quinque sensuum unde omnia peccata oriuntur. Quibus ex præscripto quarundam Ecclesiarum , superaddenda est vnctio pectoris , renum , & pedum.

443. Probabile est , quòd vnctiones quinque sensuum formæque ijs respondentes , quæ sunt de necessitate præcepti ; non sint de essentiali necessitate sacramenti , sed tantum de integritate illius : & consequenter quòd sacramentum essentialiter compleatur vnica vnctione organi vnus (quæcunque tandem prima adhibeatur) cum formâ correspondente. Et quòd tunc causet effectum , utpote essentialiter completum : & per subsequentes vnctiones , integraliter tantum completum. Item probabile est , quòd essentialiter compleatur , per vnici membri vnctionem ; sed informatam formâ implicitè quintuplici , dicendo : *Per istam sanctam vnctionem , & suam piissimam misericordiam , indulgeat tibi Dominus , quidquid deliquisti per visum , auditum , odoratum , gustum , & tactum : in nomine Patris , & Filij , & Spiritus Sancti.* Quin & dicendo : *Per istam sanctam vnctionem , & suam piissimam misericordiam , indulgeat tibi Dominus , quidquid deliquisti per quinque sensus tuos , &c.* Probabilius tamen est , quòd vnctiones quinque sensuum sint de necessitate præcepti , & sacramenti : & quòd illud essentialiter compleatur demùm in ultimæ vnctionis , formæque complemento : siue fiant vnctiones quinque sensuum , cum quinque particularibus formis , integrè prolatis : siue cum vnica generali , implicitè quintuplici , uti modò diximus.

444. *Extremæ vnctionis effectus primarius , &*

absolutus, est infirmi *saluatio*, & *alleviatio* per gratiam: siue, est gratia habitualis, per se, & gratias actuales annexas, animæ infirmi *saluatina*, & *alleviatina*. Pater ex verbis Iacobi c. 5. dicentis, *Oratio fidei saluabit infirmum, & alleviabit eum Dominus*: adiunctâ explicatione Conciliorum Florentini, & Tridentini. Oratio inquam Presbyteri vngentis, subnixa fide Ecclesiæ, & informans ipsam olei vñctionem, saluabit infirmum.

445. Gratia autem *saluatina* est gratia habitualis, per se, sibi que annexas gratias actuales, dans salutem animæ, & sanationem mentis, vi morbi languentis, Et *alleviatina* est eadem gratia, dans spirituale leuamen animæ; ægritudine corporis, quod corrumpitur, aggrauatæ; tentationibusque depressæ; vt assurgat in Deum; erigatur in spem, morbi que incommoda leuius ferat.

446. Eiusdem sacramenti secundarius, & conditionatus effectus, est *remissio peccatorum*: de quibus ait Iacobus conditionatè, *Si in peccatis sit, remittentur ei*. Peccatorum, inquam, non tantum venialium, sed & mortalium: quæ propter suscipientis obliuionem, sensuum priuationem, vel perturbationem, similemve impotentiam, non possunt Pœnitentiæ sacramento, aliove, directè nec indirectè ipsi remitti. Hoc autem sacramento remittuntur quoad culpam, & pœnam totam, vel partem; pro dispositione suscipientis.

447. Alter secundarius, & conditionatus effectus, est infirmi sanitas corporis, morbiue leuamen. Hic non confertur absolutè, nec semper; sed interdum tantum: quando hoc est conforme prouidentia diuinæ, & expediens saluti animæ infirmi: vt expressè dicunt Concilia Florentinum, & Tridentinum sess. 14. cap. 2.

448. Quia verò hoc sacramentum (iuxta eiusdem Concilij Tridentini doctrinam) *peccati reliquias abstergit*; si reliquiarum nomine intelligatur restans peccatum irremissum, ad sensum n. 447. tunc eiusmodi reliquiarum peccati remissio spectat ad secundarium

Extremæ vñtionis effectum. Si autem per peccati reliquias intelligatur torpor, & deiectio animi, acedia, pusillanimitas, diffidentia, pronitas ad terrena, difficultas ad cœlestia, & eiusmodi miseria restans ex peccato originali actualique remisso; quâ fit vt infirmus non habeat vigorem ad actus vitæ spiritualis; nec robur ad morbi molestias, & incommoda æquanimiter ferenda, & repellendas tentationes dæmonis, calcaneo insidiantis; tunc peccati reliquiarum remissio, accensenda est primario effectui, n. 445. & 446. explicato.

449. Extremæ vñtionis minister est solus Sacerdos: vti constat ex Iacobi 5. *Infirmatur quis in vobis? inducat Presbyteros, &c.* Accedente definitione Conciliorum Florentini, & Tridentini sess. 14. cap. 3. & can. 4. Presbyteros inquam, id est aliquem Presbyterorum, per enallagen numeri. Vnde quamvis diuersorum sensuum vñtiones, cum suis formis, possint validè à diuersis ministris Presbyteris fieri; tamen singulæ vñtiones, cum suis partialibus formis, debent ab eodem plenè administrari. Quia dum materia proxima sacramenti, est actio ministri, vti est ablutio, chrisinatio, vñctio; illa debet ab eodem determinari per formam.

450. D. Iacobi verbum imperatiuum *Inducat*, præter consilium, & hortationem Apostoli, videtur insuper importare præceptum diuinum, per Apostolum promulgatum. Quod etiam videtur innuere Tridentinum sess. 14. cap. 3. dicens: *Nullâ ratione audiendi sunt, qui contra apertam, & dilucidam Apostoli Iacobi sententiam docent hanc vñctionem, vel figmentum esse humanum, vel ritum à Patribus acceptum, nec mandatum Dei, nec promissionem gratia habentem. Et denique, qui hanc Extremam vñctionem, à fidelibus sine peccato contemni posse affirmant.*

451. Vt quis sit capax sacramenti extremæ vñtionis, & effectus illius, debet esse baptizatus, infirmus periclitans de vitâ, vsu rationis aliquando præditus,
ita

ita vt actualiter peccasse credatur, pœnitens, & habens suscipiendi huius sacramenti intentionem, saltem habitualem, iuxta n. 163.

De Ordine.

452. **O** Rdo est sacramentum, quo gratia, spiritalisque potestas confertur Clerico, ad Eucharistiam, muniaque ad eam ordinata ritè peragenda. CLERICO, tonsurâ clericali insignito: nam Ordo præsupponit clericatum, & hic Baptismum. AD EUCHARISTIAM consecrandam, & administrandam, per Presbyterium. MUNIAQUE AD EAM ORDINATA, per Diaconatum, ordinesque inferiores; quorum munia sunt ad Eucharistiam ordinata quin & Episcopatus munia v. g. collatio Ordinum, consecratio templorum, altarium, vasorum,

453. & c. * CLERICVS sic dictus à clero, id est sorte: quia sortitus est sortem ministerij dominici: quia in sortem sanctorum vocatus est: quia pertinet ad sortem Domini: quia Dominus est sors, & pars hæreditatis ipsius. Itaque

454. Clericus est baptizatus, à statu laico ad ecclesiasticum translatus: & è plebeiâ ac sæculari conditione, insertus ecclesiasticæ. Siue, est baptizatus, tonsurâ clericali insignitus.

455. Clerus est status vite ecclesiastica. Item, est congregatio ecclesiasticorum, à iurisdictione laicâ exemptorum. ECCLESIASTICORVM, tam sæcularium, quàm regularium.

456. Clericatus, siue tonsura clericalis non est ordo, sed præuia dispositio ad illum: nec est sacramentum, sed quid sacramentale.

457. Tonsura autem clericalis non est ipsa corona verticalis, rasuraque orbicularis: sed propriè clericalis.

Tonsura est rotunda decurtatio capillorum aurium tenus, & circumcisura comæ promissioris; ad deponendam ignominiam habitus sæcularis: qui maximè spectabilis

464 *Breniary Theologici Pars III.*

est, in virorum laciniosis cincinnis, iubisque militari-
ribus. Itaque clericalis tonsuratio, siue

*Tonsura est ceremonia sacra, quâ per capillitij circumcisi-
tam, baptizatus laicus allegitur in clerum.*

458. Sunt septem ordines: scilicet Presbyteratus,
Diaconatus, Sub-diaconatus, Acolutatus, Exorcista-
tus, Lectoratus, Ostiariatus: quorum tres primi di-
cuntur *maiores, & sacri*: quatuor posteriores dicuntur
minores, & non sacri.

459. *Ordo sacer est ille qui versatur propinque circa
sacerrimam Eucharistiam, vasa, ornamentaque sacra;
& habet annexam legem continentiae, & horarum.*
VERSATUR PROPINQUE: Sub-diaconatus propè,
Diaconatus propius, Presbyteratus proximè. CIRCA
EYCHARISTIAM: sub-diaconatus, ad illius conse-
crandæ præuiam actionem: Diaconatus, insuper ad
illius consecratæ, sub specie vini dispensationem;
Presbyteratus, ad illius sub utrâque specie actualem
consecrationem.

460. *Ordo maior est ille, qui respectu minorum habet
excellentiâ particularem.*

461. *Ordo minor, & non sacer est ille, qui remote ver-
satur circa Eucharistiam, aliasque res sacras; & non ha-
bet annexam legem continentiae, & horarum. NON
SACER, tamen reuera sacramentum, imprimens cha-
racterem: vti insinuât Concilia Florentinum, &
Tridentinum: quia definiunt Ordinem esse legis no-
uæ sacramentum; & enumerant septem ordines, non
faciendo vllam distinctionem inter eos, quoad sacra-
menti rationem. Et catechismus Romanus apertè tra-
dit hanc sententiam, tanquam conformem doctrinæ
Conciliorum,*

462. Presbyteratus, siue Sacerdotium diuiditur
in minus, & magnum, siue Episcopatum: qui con-
fert gratiam, imprimit characterem, dat potestatem
Ordinis, ad confirmandum, ordinandum; chrisma,
oleaque catechumenorum, & infirmorum benedicen-
dum; templa & altaria consecrandum. Insuper dat
potestatem iurisdictionis approbandi confessarios, ex-

communicandi, & dandi indulgentias. Cæterum Archiepiscopatus, Primatus, Patriarchatus, & Papatus sunt pares cum Episcopatu, quoad potestatem ordinis; maiores quoad potestatem iurisdictionis.

463. Episcopatus est duplex materia, & forma. Vna materia est impositio manuum Episcopi consecrantis, & aliorum duorum Episcoporum, ipsi assistentium, supra caput ordinandi: forma sunt verba, quæ illi tres dicunt, *Accipe Spiritum Sanctum*, &c. Alia materia est chrismatica unctio manuum ordinandi: forma est, *Unquantur manus istæ*. &c.

464. Presbyteratus est duplex materia, & forma. Vna est traditio calicis, cum vino; & patenæ; cum pane triticeo: forma est, *Accipe potestatem offerre sacrificium Deo* &c. Altera materia est impositio manuum ordinantis, supra caput ordinandi: forma est, *Accipe Spiritum-Sanctum: quorum remiseras peccata*, &c. Itaque sunt duæ materiæ, & formæ partiales Presbyteratus; duo characteres, duæ potestates, integrantes vnum totale sacramentum. Et quidem potestas consecrandi confertur independentem à potestate remittendi peccata; non è conuerso.

465. Diaconatus videtur esse itidem duplex materia, & forma. Vna est impositio manuum Episcopi ordinantis supra caput ordinandi: forma est, *Accipe Spiritum Sanctum, ad robur*, &c. Altera materia est traditio libri Euangeliorum: forma est, *Accipe potestatem legendi euangelium*, &c.

466. Sub-diaconatus etiam videtur esse duplex materia, & forma. Vna est calicis vacui, cum patenâ vacuâ traditio, per Episcopum facta ordinando: forma est, *Videte cuius ministerium vobis traditur*, &c. Altera materia est traditio libri epistolarum: forma est, *Accipe librum epistolarum*, &c.

467. Sub-diaconatus & Diaconatus hanc secundam materiam, quidam putant non esse essentialem: probabilius tamen est, & conformius concilio Florentino (dicenti materiam remotam sacramenti Ordinis generaliter esse illud, per cuius traditionem Or-

do confertur : formam autem esse verba ordinantis) quod pro materia partiali Sub-diaconatûs , & Diaconatûs , Christus instituerit traditionem alicuius rei, significantis potestatem spirituales, munusque inseruiendi Sacerdoti in ijs , quæ spectant Eucharistiæ consecrationem, & administrationem. Et quod reliquerit determinationi Ecclesiæ specificationem rei tradendæ : quæ etiam postea specificaueit librum epistolarum, & euangeliorum. Quo sensu , Christus instituit hanc Sub-diaconatûs, & Diaconatûs materiam determinatam , secundum rationem formalem ; indeterminatam autem, secundum esse materiale.

468. Acolutatûs materia sunt urceoli vacui, per Episcopum ordinantem traditi : forma est, *Accipe urceolum, ad suggerendum vinum, & aquam, &c.*

Exorcistatûs materia est liber exorcismorum, per Episcopum ordinantem traditus: forma est, *Accipe, & commenda memoria, &c.*

Lectoratûs materia est codex diuinarum lectionum per Episcopum ordinantem traditus: forma est, *Accipe, & esto relator verbi Dei, &c.*

Ostiatoriatûs materiâ sunt clauces Ecclesiæ, per Episcopum ordinantem traditæ: forma est, *Sic agito, quasi redditurus Deo rationem, &c.*

469. Ordinarius minister sacramenti Ordinis, est solus Episcopus: vti constat ex conc. Florentino, & Tridentino sess. 23. cap. 4. & can. 7. & ibidem de reformatione cap. 10. Extraordinarius minister ordinum minorum, & Sub-diaconatûs, est simplex Sacerdos, habens commissionem Pontificis, Christus enim videtur instituisse, vt simplex Sacerdos habeat inchoatam potestatem conferendi præfatos Ordines: quæ per commissionem Pontificis compleatur, non accessione entis realis, sed potestatis moralis: vti in Confirmatione fieri diximus n. 219.

470. Sacramenti Ordinis primarius effectus est gratia habitualis, habens annexam perpetuam potestatem, ordinatam ad Eucharistiam; & ius ad auxilia actualia. Secundarius effectus est character, præsup-

ponens necessariò characterem Baptismi: quin & Confirmationis, necessitate præcepti: quo Trident. sess. 23. cap. 4. de reformatione, prohibet ne non confirmatus initiatur tonsurâ.

471. Natus in vnâ Diœcesi fixæ parentum habitationis, nam ipse habens in secundâ, & in tertiâ possidens beneficium requirens residentiam; imò probabiliter eam non requirens; poterit à quouis trium Episcoporum licitè ordinari, & petere dimissorias. Quia ad hoc sufficit titulus originis, aut domicilij fixi, aut beneficij: vti constat ex cap. *Cum nullus* 3. de temporibus ordinationum in 6.

De Matrimonio.

472. **M**atrimonium accipitur duobus modis: primò pro contractu, secundò pro contractûs vinculo, resultante ex eo. Primo modo acceptum

473. *Matrimonium est contractus, quo legitime persone, corporum suorum dominium mutuo tradunt, & accipiunt. LEGITIMÆ*, personæ quæ secundum leges diuinas, & humanas, possunt tradere, & acceptare mutuum corporum suorum dominium, ad vsum coniugalem.

474. Secundo modo acceptum *Matrimonium est legitima maris, & femina consunctio, indiuiduam vitam societatem retinens.*

Pro contractu sacramentali acceptum

475. *Matrimonium est nona legis sacramentum, quo vir & mulier baptizati, corporum suorum dominium mutuo tradunt, & accipiunt. DOMINIUM* ad vsum coniugalem, sibi mutuo tradunt legitime, secundum præscriptum legum diuinarum, & humanarum. Hoc matrimonium est duplex: ratum, & consummatum.

476. *Matrimonium ratum est illud, quod completum est legitimo contrahentium consensu, non copulâ coniugali.*

477. *Matrimonium consummatum est illud, quod completum est legitimo contrahentium consensu, copulâque conjugali.*

478. Mutuus contrahentium consensus de præsenti, verbis aliisue signis sensibilibus expressus, est sacramenti Matrimonij materia, & forma. Materia, quatenus significat mutuam traditionem corporum, ad usum conjugalem: forma, quatenus significat mutuam acceptionem. Nam traditio, ante acceptionem, est indeterminata ad esse ratum: acceptio autem determinat eam ad illud; ideoque habet rationem formæ, quæ dat esse rei, & determinat materiam.

479 Sacramenti Matrimonij minister, non est parochus, aliisue sacerdos assistens; sed ipsi fideles contrahentes: quia ipsi sunt, qui applicant formam materiæ. Quod etiam innuit Conc. Florentinum, dicens contrahentium consensum de præsenti, esse causam efficientem matrimonij: quem cum eliciant contrahentes, consequenter sunt causæ ministeriales efficientes sacramenti Matrimonij. Vnde si contrahant in statu peccati mortalis, peccant duplici peccato mortali; primò indignè ministrando sacramentum, secundò indignè suscipiendo illud.

480. Sacramenti Matrimonij proprius effectus, est gratia habitualis, moderatiua concupiscentiæ, in prolis generatione. Moderatiua inquam, per se, sibi que annexas gratias actuales: quibus iuvantur coniuges, ad se mutuo sanctè fideliterque diligendum, castè concubniendum, prolemque christianè educandum.

481. *Sponsalia sunt futuri matrimonij mutua promissio acceptata, inter personas habiles.* SPONSALIA sic dicta à spondendo,

482. id est sponte promittendo. Vnde * *Sponsus est mas, in matrimonium femina promissus: & Sponsa est femina, mari promissa*, à se, sibi mutuo: quin & à parentibus, amicis, vel tutoribus. FUTURI, non præsentis Matrimonij, nec per verba de præsenti: aliàs foret contractus matrimonialis. MUTUA PRO-

MISSIO, vtrunque data, & ACCEPTATA. Inter personas HABILES: quæ primò debent esse septennes: secundò sufficienti ratione vtentes: tertio non habentes inter se impedimentum dirimens, aut impediens perpetuum; quod scilicet non potest tolli, sine dispensatione.

483. In genere *Impedimentum matrimonij est quid præexistens, iure reddens illud inualidum, aut illicitum.* EST QUID positium. v. g. crimen, votum, raptus, &c. vel negatiuum. v. g. amentia, impotentia, absentia parochi. ILLI matrimonio PRÆEXISTENS, quia cum omne impedimentum matrimonij, reddat illud ab initio inualidum, aut illicitum, necessariò debet illi præexistere. Si autem superueniat matrimonio valido, v. g. affinitas, impedit tantum vsum illius: aut rati vinculum dissoluet quidem. v. g. votum solenne religionis; sed non dirimet propriè, quia non efficiet, vt ab initio validum non fuerit. IURE diuino naturali. v. g. error personæ, consanguinitas primi gradûs lineæ rectæ. Vel diuino positiuo; vt olim consanguinitas gradûs secundi, & inferiorum, lineæ collateralis, &c. iuxta Leuitici 18. Vel humano. v. g. crimen, raptus, &c. REDDENS matrimonium, ab initio sui INVALIDUM: quod facit impedimentum dirimens: AUT ILLICITUM: quod facit impedimentum impediens tantum.

Impedimentum matrimonij est duplex: impediens tantum, & dirimens.

484. *Impedimentum impediens tantum est illud, quod impedit contrahendum matrimonium, sed non inualidat contractum.*

485. *Impedimentum dirimens est illud, quod impedit contrahendum matrimonium, & inualidat contractum.*

Ordinariè numerantur duodecim impedimenta impedientia

486. tantum: quorum primum est * *Ecclesia vetitum*, siue prohibitio superioris ecclesiastici, episcopi, officialis, vel parochi ob causam rationabilem

inhibentis personæ particulari, ne contrahat matrimonium, donec constet non subesse impedimentum. Ad hoc ecclesiæ veritum reuocatur excommunicatio maior, & minor: quâ irretitus priuatur participatione sacramentorum; & quidem licitâ matrimonij. Vide n. 393. & 394. Reuocatur etiam interdictum, cuius tempore illicitum est matrimonium, cum solenni benedictione. n. 410. Item omisio ternæ proclamationis ban-norum, iuxta Tridentinum sess. 24. De reformatione matrimonij cap. 1.

487. Secundum est, *Tempus feriatum*, à Domini-câ primâ Aduentûs, vsque ad Epiphaniâ: & à feriâ quartâ cinerum, vsque ad Dominicam in albis inclu-siue. Quo tempore antiquas solennium nuptiarum prohibitiones, diligenter ab omnibus obseruari, sancta Synodus Tridentina præcepit, sess. 24. in decreto de reformatione matrimonij cap. 9.

Solennitas autem nuptiarum consistit in tribus: pri-mò, in sponsæ benedictione: secundò, in eiusdem pompaticâ translatione in domum sponsi: tertio in conuiuio nuptiali, factò cum strepitu instrumento-rum musicorum, aut tripudiorum. Præfato tempo-re, quarundam Diocæseon (inter cæteras, Came-racensis) iure particulari prohibetur ipsum matri-monium.

488 Tertium est *Votum simplex castitatis*: ad quod reuocatur votum non contrahendi matrimonij, ingrediendæ religionis, suscipiendi Ordinis sacri. Quæ duo postrema habent implicite annexum votum casti-tatis vouendæ, & dependenter ab ingressu religionis, & à susceptione ordinis.

489. Quartum sunt *Sponsalia valida*, non dissolu-ta legitime,

490. Quintum est *Susceptio alicuius, in catechismo*, & cærimonijs præcedentibus Baptismum; vel subse-quentibus illum, collatum absque solennitate. Est au-tem hoc impedimentum tantum respectu suscipientis, & suscepti, patrumque ipsius.

491. Sextum est *Incestus* cum consanguineâ con-

iugis, in primo, & secundo gradu. Item fornicatio habitata cum matre, & filiâ. Hoc autem impedimentum intelligendum est de aliis personis, quàm ijs, inter quas inde nata est affinitatis impedimentum dirimens. Item adulterium impedit ne quis eam ducat in uxorem, quam priùs polluit per adulterium.

492. Septimum est *Raptus aliena sponsa*, libidinis explendæ causâ: & si ipsa consentiat, incurrit idem impedimentum. Quod intelligendum est de alijs, quam de raptore, & raptâ: nam inter eos est impedimentum dirimens

493. Octauum est *occisio propria coniugis*, simpliciter considerata, sine circumstantijs criminis: aliàs foret dirimens. n. 558.

494. Nonum est *iniusta occisio presbyteri*.

495. Decimum est *susceptio propria prolis*, ad impediendam redditionem debiti coniugal. n. 545.

496. Undecimum est *Publica pœnitentia*, quamdiu durat.

467. Duodecimum est *Matrimonium attentatum cum moniali*.

498. Ex præfatis duodecim impedimentis, impediunt tantum, quatuor prima persistunt in viridi obseruantia. Quintum probabiliter est sublatum per decretum Conc. Tridentini sess. 24. cap. 2. quo hæc cognatio spiritualis restringitur ad susceptorem Baptismi de sacro fonte. Septem alia videntur abolita consuetudine contrariâ.

499. Scieret contrahere matrimonium, cum impedimento, verè impediente, aut dirimente, ex parte suâ, vel complicitis, est peccatum mortale: quia est in re graui, contra obedientiam Ecclesiæ debitam, & reuerentiam debitam sacramento.

500. Matrimonij impedimenta dirimentia sunt quindecim comprehensa sequentibus versiculis:

*Error, conditio, votum, cognatio, crimen:
Cultus disparitas, vis, ordo, ligamen, honestas,
Amenis, affinis, si clandestinus, & impos:
Si mulier sit rapta, loco nec reddita tuto,*

Hac socianda vetant connubia, facta retractant.

501. Prædictorum impedimentorum quædam dirimunt tantum cum certis personis. v. g. cognatio affinitas, crimen, &c. quædam absolute cum quacumque personâ. v. g. votum solenne, ordo, ligamen, amentia, impotentia absoluta.

Primum impedimentum dirimens est *Error personæ*: qui

502. *Error personæ est iudicium, quo quis iudicat personam cum quâ contrahit matrimonium, esse aliam, quam sit.* Hic error dans causam contractui, dirimit matrimonium, iure naturæ: quia tollit consensum, essentialiter requisitum. Dans, inquam, causam contractui: id est, efficiens ut quis contra hat, qui absque eiusmodi errore, nullatenus vellet contrahere. Aliàs si errans intendat actualiter contrahere cum personâ præsentem, quæcunque tandem illa sit, validum foret matrimonium.

503. *Error qualitatis est iudicium, quo quis iudicat personam, cum quâ contrahit, habere inhaerentem qualitatem, quam non habet, v. g. fidem catholicam, virginitatem, probitatem, aut similem qualitatem, condistinctam contra servitutem, & diuitias.* *Servitutem*, inquam, quia servitus partis, ignorata à libero contrahente, dirimit matrimonium: non item alia qualitas communis. Contra *diuitias*, siue fortunam; quia fortunæ qualitas habet hic particularem considerationem.

504. *Error fortune est iudicium, quo quis iudicat personam, cum quâ contrahit, habere diuitias, quas non habet.*

505. Error solius qualitatis, aut fortunæ, per se non dirimit matrimonium: quia non tollit consensum essentialem. Error, inquam, solius qualitatis, aut fortunæ; quia si inuoluat errorem personæ, dirimit matrimonium, utpote tollens consensum. Tunc autem error qualitatis, aut fortunæ, inuoluit errorem personæ, quando contrahentis consensus directè fertur in personam, non aliam, quàm determinatam cer-

tâ qualitate; quâ caret persona, cum quâ contrahitur. Exempli gratiâ, quando quis vult contrahere cum primogenitâ principis, &c. non cum aliâ. Inquebam *per se non dirimit*, quia ratione alterius impedimenti, error qualitatæ personæ dirimit matrimonium. v. g. quando falsò iudicatur libera à seuitute, voto solenni, cognatione, affinitate, ordine, ligamine, honestate, cultûs disparitate. Item *per se*, quia per accidens potest dirimere, ratione consensûs expressè conditionati. v. g. Consentio in te, Caia; si sis catholica, virgo, &c. non aliter, nec aliàs. Vnde si præfata qualitas desit, consensus non est.

506. Secundum impedimentum dirimens est *Conditio*: quæ triplex est: prima, suspensiuæ consensûs: secunda, contraria matrimonio: tertia, status seruilis. Dirimens matrimonium

507. *Conditio suspensiuæ est particula Si, vel æquipollens, consensui matrimoniali apposita; eumque tollens non impleta.* Si: quæ propriè est particula conditionalis, & suspensiuæ consensus; donec constet de conditionis positione. *ÆQUIPOLLENS*, particula habens vim suspensiuam. v. g. *modo, dummodo, ubi, quando, &c.* *CONSENSUI APPOSITA*, ita vt ille sit ratus, vel irritus, dependenter à positione conditionis; siue illa sit de præterito, præsentis, vel futuro. *EVMQUE TOLLENS*: nam consensus tantùm ponitur, conditione impleta; tollitur autem, non impleta.

508. *Conditio contraria matrimonio est additio illi opposita, directè euertens substantiam, bonæ illius.* *ADDITIO*: suspensiuæ, vel modificatiuæ consensus præsentis. *SUBSTANTIAM*, mutuam translationem & acceptationem dominij corporum, ad vsum conjugalem. *BONAE* matrimonij: quæ tria sunt; sacramentum, fides, proles. *Sacramentum*, inquam, id est sacrum signum; siue, insollubilitas matrimonij, significans sacram & insollubilem coniunctionem Christi cum Ecclesia. Scilicet absoluta insollubilitas matrimonij consummati; rati autem, nisi coniux pro-

fiteatur in religione approbata. *Fides*, id est fidelitas mutua coniugum, in vitando adulterio; & reddendo coniugali debito, legitimè petito. *Proles*, id est, generatio educatione prolis.

509. *Conditio euertens substantiam matrimonij*, est hæc v. g. *Contraho tecum*, ea lege, quòd non habebis corporis mei dominium. *Euertens sacramentum*, est hæc v. g. *Accipio te in meam*, ad annum tantum: vel, donec inuenero aliam, ditiozem te. *Euertens fidem*, est hæc v. g. *Contraho tecum*, ea lege, quòd adulteria impune mihi permittes, *Euertens prolem*, est hæc v. g. *Accipio te in meam*, si in copula euitaueris generationem; prolemue natam encaueris.

510. *Conditiones contrariæ substantiæ matrimonij*, boniue illius, irritant illud: non contrariæ autem, sed turpes, & impossibiles appositæ, habentur pro non appositis: & relinquunt matrimonij contractum omninò purum, ex dispositione iuris: quod præsumit adfuisse consensum; idque tam certo, vt non admittat vllam probationem contrariam. Interim si contrahentes intenderent non consentire, ante impletionem eiusmodi conditionum; deesset reuera præsens consensus, qui à Iure suppleri non potest.

511. *Conditio seruilis est status persona, quæ non est sui iuris*. Sed est sub potestate domini, tanquam possessio eius: & non tantum sub iurisdictione eius, tanquam subdita; aut sub regimine œconomico, tanquam famula.

512. *Seruitus est iuris gentium constitutio, quæ quis alieno dominio subiicitur*, contra naturalem humanæ naturæ conditio-

513. *nem. Siue, est priuatio libertatis. Quæ * Libertas est ut liber viuendi potestas. Siue, est naturalis facultas eius, quod cuique facere liber: nisi quod vi, aut iure facere prohibetur.*

514. *Mancipium, Seruus, Serna est non sui iuris persona, libertate propriâ priuata. Qualis censebatur*

olim, quifquis erat damnatus ad metalla, bestias, mortem: & hic vocabatur *pœna servus*: talisque servitus dirimebat matrimonium: sed per Authenticam primam de nuptijs cap. 8. sublatum est hoc impedimentum.

515. *Error conditionis est iudicium, quo liber indicat personam, cum quâ contrahit, esse liberam, cum serva sit.* Hic error conditionis dirimit matrimonium iure humano positivo, cap. 2. *§ finali, De coniugio servorum.* Idem error conditionis purgatur, quando liber cognita servitute coniugis, renouat consensum, & ratificat matrimonium. Purgatur itidem (aiunt quidam, sed non ego) quando coniux servus, est ita statu liber: ut intra tempus semestri breuius, concessa sit ei libertas. **Servus**

516. *autem * Statu liber est is, qui statutam in tempus, vel conditionem, habet libertatem.* Servus enim, cui sic data est libertas, interim dum dies, vel conditio expectatur, statu liber dicitur.

517. Tertium impedimentum dirimens est *Votum solenne castitatis*: quod est duplex, vnum expressum in professione religionis approbatæ, alterum implicitum in susceptione ordinis sacri.

518. *Votum castitatis est Deo facta promissio abstinentiæ voluptatum carnalium.*

519. *Votum solenne castitatis est illud, quod fit in professione religionis approbatæ, vel in susceptione ordinis sacri.* QVOD FIT expressè, vel tacitè. Dicitur votum solenne, à cæremoniâ, & solennitate professionis religionis, & susceptionis ordinis sacri.

520. *Votum simplex castitatis est illud, quod fit extra professionem religionis, susceptionemque ordinis sacri.* Hoc votum simplex non dirimit matrimonium, excepto eo, quod post biennium probationis, emissum est in Societate I E S V, iuxta constitutionem Gregorij XIII.

521. Contrahens cum impedimento voti castitatis, etiam simplicis, ex parte suâ, vel complicitis; peccat mortaliter. Eiusmodi autem voto simplici obstrictus

contracto matrimonio, nunquam potest petere debitum; potest tamen reddere: etiam, probabiliter, primâ vice, consummando matrimonium: nisi durante primo bimestri, velit ingredi religionem: ad quam inducendus est, non tamen obligandus; vti colligitur ex Ioannis vigesimi secundi Extrauagante *Antiqua*, de voto. Quod si coniux consentiat in voti obseruationem, vel adulteretur, vel moriatur; obligabitur seruare castitatem.

522. Qui vouit religionis ingressum, peccat mortaliter contrahens matrimonium, animo consummandi: item consummans illud, etiam per meram debiti redditionem; quia sic efficit sibi impossibilem voti impletionem. Interim matrimonio consummato, potest reddere debitum, & probabiliter petere; donec coniux consentiat in religionis ingressum, vel moriatur, vel adulteretur. Quo postremo casu, non potest ei, quantumcunque pœnitenti reconciliari.

523. Qui vouit sacri ordinis susceptionem, peccat mortaliter contrahens matrimonium, animo consummandi: quia vult se reddere impotentem ad voti impletionem. Nihilominus contracto matrimonio, potest probabiliter absque obligatione ingrediendæ religionis; reddere petereque debitum. Consentiente tamen coniuge, vel adulterante, vel mortuâ, tenetur implere votum suum.

524. Qui vouit non contrahere matrimonium, peccat contrahendo: eo tamen contracto, potest reddere & petere debitum; & adulteranti reconciliari. Mortuâ tamen coniuge, tenetur abstinere à secundo matrimonio.

525. Quartum impedimentum dirimens est *Cognatio*: quæ triplex est: prima naturalis, siue consanguinitas: secunda spiritualis, orta ex Baptismo, Confirmatione, & Pœnitentiâ: tertia legalis, orta ex adoptione.

526. *Consanguinitas est vinculum personarum, carnali generatione à se mutuo, communine stipite descendens. VINCULUM* morale, quo diuersæ personæ inter

se colligantur, sibi que deuinciuntur. CARNALI, communicatiuâ eiusdem carnis, & sanguinis. GENERATIONE, productione viuientis à viuento coniuncto, secundum similitudinem in naturâ. Quâ parte excluditur formatio Euæ, ex costâ Adami. A SEMPTVO, respectiuè; ita vt in lineâ rectâ inferior descendat à superiore. A se mutuo, inquam; vt includatur Adami cum posteris consanguinitas, alias excludenda. COMMVNIVE STIPITE, vt comprehendatur consanguinitas lineæ transuersæ, siue collateralis. Hic autem communis.

527. *Stipes est persona paterna, aut materna, à quâ descendentes ducunt originem: & quidem originem proximam; vt excludantur personæ paternæ, & maternæ remotiores, & remotissimæ: quæ conformiter ad scripturam, potius habent rationem radices, è quâ prodit stipes, & ex eo rami. Aliàs foret propriè dicta consanguinitas inter omnes omninò homines totius mundi, ab Adamo descendentes.*

528. *Etymologicè Consanguinitas est communio sanguinis eiusdem, & carnis. Consanguinei sunt coniuncti sanguine: siue, persona communem sanguinem habentes. In iure ciuili, Consanguinei per patrem, vocantur propriè Agnati; per matrem, Cognati.*

Consanguinitas habet lineas suas, & gradus.

529. *Consanguinitatis linea est ordinata series personarum, sanguine iunctarum, continens diuersos gradus. Hæc linea est duplex: recta, & transuersa, siue collateralis.*

530. *Linea recta est ordinata series consanguineorum, à se mutuo descendantium. A SEMPTVO, ita vt inferiores descendant à superioribus, non è diuerso. Eiusmodi est series, & continuata propagatio patrum, cum filiis, nepotibus, pronepotibus, abnepotibus, atnepotibus, trinepotibus, alijsque minoribus: qui dicuntur descendentes. Item series filiorum, cum patribus, auis, proauis, abauis, atauis, tritauis, alijsque maioribus: qui dicuntur ascendentes.*

531. *Linea collateralis, siue transuersa est ordinata*

series consanguineorum, ab eodem communis stipite descendunt; & non à se mutuo. Eiusmodi est series fratrum, & fororum inter se, patruorum cum nepotibus, &c.

532. *Gradus est generationis progressus unus. Siue, est distantia consanguineorum inter se, per progressum unum generationis.*

533. *In lineâ rectâ tot sunt gradus, quot sunt persona, unâ demptâ. Siue, Tot gradibus, unus consanguineorum distat ab altero: quot generationibus inferior descendit à superiore.*

534. *In lineâ transversâ, consanguinei distantes æqualiter à communi stipite, tot gradibus distant inter se, quot à stipite. Distantes autem inæqualiter, eodem gradu distant inter se, quo remotior eorum distat à stipite. Vnde si unus distet v. g. in secundo gradu, alter in quinto, non videntur habere opus dispensatione, ad contrahendum inter se matrimonium.*

535. *Iure diuino naturali consanguinitas dirimit matrimonium, in primo gradu lineæ rectæ: quin & collateralis, inter fratrem, & sororem (extra casum grauissimæ necessitatis, qualis fuit initio mundi, inter filios & filias Adami) ex utroque, alteroue parente. Iure autem canonico consanguinitas dirimit matrimonium, usque ad quartum gradum inclusiue, & non ultra; saltem in lineâ collateralis. De rectâ meritò ambigitur: nam probabiliter dirimit in infinitum.*

536. *Duo infideles qui contraxerunt matrimonium, in gradibus, solo iure ecclesiastico prohibitis, possunt conuersi manere in eiusmodi matrimonio: uti constat ex cap. Gaudemus, tit. De diuortijs.*

537. *Cognatio spiritualis est propinquitas, proueniens, ex collatione sacramentorum Baptismi, Confirmationis, & Penitentia. COLLATIONE actiuâ & passiuâ. POENITENTIA, iuxta cap. Omnes, & sequens, Causâ 30. q. 1. Vnde congressus carnalis confessarij, cum femina pœnitente, est sacrilegus; incestus continens specialem malitiam, in confessione necessariò explicandam. Imò priuat confessarium potestate iurisdictionis*

is ad absoluendum validè complicem : saltem in

538. diœcesi Cameracensi. Hæc autem particularis * *Cognatio spiritualis est propinquitas confessarij, tanquam patris, cum pœnitentibus, tanquam filijs*, non est propriè diremptiua matrimonij, iuxta Tridentinum sess. 24. cap. 2. de reformatione matrimonij; & cap. finale, de cognatione spirituali, in sexto: subest enim impedimentum ordinis, aliàs dirimens.

539. Matrimonij autem diremptiua *Cognatio spiritualis est propinquitas, proveniens ex Baptismi, & Confirmationis collatione vel assistentiâ patrinali*. Hæc est duplex: vna est paternitas, altera compaternitas.

540. *Paternitas spiritualis est propinquitas baptizantis, confirmantisque ac suscipientis, cum baptizato, confirmatoque, tanquam filio spirituali, siue filiastro*.

541. *Correspondens Filatio spiritualis est propinquitas baptizati confirmantisque, cum baptizante, confirmanteque, ac suscipiente, tanquam patre spirituali*.

542. *Compaternitas est propinquitas baptizantis, confirmantisque, ac suscipientis, cum parentibus baptizati, ac confirmati*.

Olim erat etiam fraternitas spiritualis; quæ iam sublata est.

543. Hæc autem * *Fraternitas spiritualis est propinquitas baptizati, & confirmati, cum naturalibus filijs baptizantis, confirmantis, ac suscipientis*.

544. Supradicta cognatio spiritualis, ex Baptismo, aut Confirmatione, etiam per necessitatem, vel ignorantiam orta, antecedens matrimonium, dirimit illud, inter personas, aliàs habiles. Matrimonio autem contracto superueniens, per coniugum ignorantiam, aut necessitatem, excusatur à peccato, & à priuatione iuris petendi debiti. Extra præfatos verò casus necessitatis, & ignorantie, non excusatur à peccato mortali: quia coniuges in re graui faciunt contra Ecclesiæ prohibitionem, *Causa* 30. q. 1. & secundùm multos excidunt iure petendi debiti, saltem culpabiles: qui tamen tenentur reddere debitum inculpabilibus petentibus. Verùm secundùm *Glosam cap. 2. de cognat.*

sione spirituali, verbo *Debitum*, & saniozem Theologorum sententiam, non excidunt iure petendi debiti; sed ad illius abstinẽtiam hortandi sunt: si autem nolint abstinere, graui pœnitentiâ iniunctâ, permittendi sunt vti iure suo. Nam *cap. De eo. 30. q. 1.* dicitur, *Si autem coniuges legitimi, unus aut ambo, ex indolentiâ fecerint, ut filium suum de fonte susciperent; si in nuptiis permanere voluerint, bonum est: sin autem, grauis pœnitentia insidiatori iniungatur, & simul mancant.* Et *cap. Si vir; de cognatione spirituali*, Pontifex ita statuit. Ideo nobis videtur, quod siue ex ignorantia, siue ex malitiâ id fecerint, non sunt ab inuicem separandi; nec alter alteri debitum debet subtrahere: nisi ad continentiam seruandam possint induci. Quia si ex ignorantia id factum est, eos ignorantia excusare videtur: si ex malitiâ, eis sua fraus non debet patrocinari, vel dolus.

545. *Cognatio legalis est propinquitas, ex adoptione proueniens.*

546. *Adoptio est persona extranea, in filium & heredem gratuita assumptio.* *EXTRANEÆ*, carentis gradu filiationis, ad quem assumitur. Non enim requiritur, quod persona adoptanda sit planè extranea adoptanti: nam potest auus adoptare nepotem, in filium; & patruus neptem, in filiam; vti Mardocheus Estherem. *Gratuita* ? liberalis, & non onerosa: aliàs degeneraret in contractum onerosum.

Adoptandi adulti consensus requiritur; in paruulo autem, consensus eorum, quorum potestati subest.

547. *Adoptio est naturalis generationis imitatio, inuenta ad illiberorum solatium; ut naturæ infœcunditatem, familiæue orbitatem illa suppleret.*

Adoptio diuidetur in *Arrogationem*, & *Adoptionem* ciuilem.

548. *Arrogatio est persona sui iuris, in familiam assumptio.*

549. *Adoptio ciuilis est filij familias, in alienam familiam assumptio.* Inter has duas adoptionis species, est hoc discrimen; quod arrogatio sit personæ, quæ est sui iuris, & non sub patriâ potestate, assumptio; adop-

tio autem, est filij familias; & personæ existentis sub patriâ potestate. Arrogatio non soluitur emancipatione, nec per eam priuatur spe successionis, arrogatus: adoptio autem soluitur emancipatione; ante quâ, si adoptans moriatur, adoptatus retinet ius iustorum liberorum, aditque hæreditatem.

550. *Emancipatio est solennis patriæ potestatis dissolutio.* Imò generalius, *Emancipatio est extra dominium, & potestatem positio*; cum quem in mancipio, dominio, & potestate habemus, efficiendo sui iuris: aut saltem illius dominium alienando à nobis.

Cognatio legalis est triplex: prima lineæ rectæ, secunda lineæ transversæ, tertia est affinitati similis.

551. *Cognatio legalis lineæ rectæ est propinquitas inter adoptantem, & adoptatum*; huiusque filios, & nepotes.

552. *Cognatio legalis lineæ transversa est propinquitas inter adoptantis filios naturales, & adoptatum.*

553. *Cognatio legalis, affinitati similis, est propinquitas inter adoptatum, & adoptantis uxorem; interque adoptati uxorem, & adoptantem.*

554. Quælibet præfatarum cognationum legalium dirimit matrimonium; hoc tamen discrimine, quod prima & tertia semper, & in perpetuum dirimat; etiamsi adoptio dissoluatur, per mortem adoptantis, vel emancipationem adoptati. Secunda autem tantum dirimit, quamdiu adoptatus, & filij naturales adoptantis manent in potestate patriâ.

555. Quintum impedimentum dirimens est *Crimen*: dirimens inquam matrimonium, inter criminosos attentatum. Hoc autem

556. *Crimen est machinatio in mortem coniugis, ad adulterium; cum attentato promissione matrimonio.* **MACHINATIO** efficax, siue occisio **CONIUGIS** alterutrius criminolorum. Secus est de inefficace, quâ *imminet existio viri coniugis, illa mariti.* Occisio inquam, per se, vel alios efficaciter impulsos. **ADULTERIUM** formale, quod scilicet à committentibus scitur, aut sciri debet esse tale. **CYMA TENTATO** matrimonio secundo;

durante primo. PROMISIOVE matrimonio contrahendo, post dissolutionem primi. Promissio inquam, per promissionem acceptatam, saltem tacite.

557. Generaliter loquendo, crimen dirimens matrimonium, est duplex: machinatio efficax, & adulterium: vtrumque subdiuiditur in diuersa. Vnde paritè, & distinctè loquendo, possunt assignari quinque crimina. *Primum* est machinatio efficax vtriusque criminosi, iuncta formali adulterio. *Secundum* est machinatio vnius tantum, iuncta adulterio vtriusque, cap. *Significasti* 6. *de eo, qui duxit*. Talis fuit machinatio Davidis in Vriam, insciâ Bethsabee, adulterij complice. *Tertium* est machinatio efficax vtriusque criminosi: absque adulterio: cap. *Laudabilem* 1. *De conuersione infidelium*: & cap. *Si quis viuente*. 32. q. 1: & cap. *Significasti* 6. *De eo, qui duxit*. Et hæc tria crimina procedunt, etiamsi alteruter machinantium sit infidelis: vti constat ex allegato cap. 1. *De conuersione infidelium*. An hæc criminosa machinatio debeat expressè fieri intentione contrahendi matrimonij inter criminosos, ambigitur: probabile est, quòd non; & probabilius est, quòd sic. *Quartum* est adulterium formale, præcedens aut subsequens matrimonium secundum, attentatum inter adulteros, durante primo. cap. *Significasti* 6. *De eo, qui duxit*. Hoc quarti criminis impedimentum distinguitur ab impedimento ligaminis, vt pote requirens adulterium adiunctum; non autem ligamen. Deinde ligamen dirimit matrimonium, cum quocunque attentatum: crimen autem tantum cum complice criminoso; verum sublato etiam ligamine, per mortem naturalem coniugis. *Quintum* est adulterium formale, cum promissione datâ, & expressè taciteue acceptatâ, de contrahendo matrimonio, post mortem coniugis, naturaliter defuncti. cap. *Significasti* 6. *De eo, qui duxit*.

558. Sextum impedimentum dirimens est *Cultus, disparitas*, quâ matrimonio iungendorum vnus baptizatus colit Deum verum, altera non baptizata colit Deum falsum. Itaque hic

559. *Cultûs disparitas est diuersitas religionis baptizati, matrimonium contrahentis cum non baptizata: vel é diuerso.* Hæc cultûs disparitas in nouâ lege, iure diuino positiuo dirimit matrimonij sacramentum. Illo enim iure diuino positiuo, character Baptismi prærequiritur omni alteri sacramento. Quo character, quia caret non baptizatus, ideo est incapax sacramenti matrimonij: quod essentialiter est contractus, & quidem vnus numero inter duos: qui cum non sit sacramentalis, ex parte non baptizati; non est itidem ex parte baptizati, cum eo contrahentis.

Interim fidelis cum infideli matrimonium non dirimitur iure diuino, quatenus est contractus. Vnde eatenus fuit validum matrimonium Sanctarum Cæcilie, Monicæ, & Clotildis; cum Valeriano Patricio, & Clodouæo infidelibus. Postea tamen introducto iure ecclesiastico, cultûs disparitas cœpit dirimere matrimonium, etiam quâ contractus est.

560. Infidelium cum pluribus coniugibus matrimonia omnia sunt irrita, excepto primo. Vnde si quis eorum poligamus conuertatur, debet omnes vxores dimittere, exceptâ primâ, quantumuis ante repudiâtâ. Quæ si nolit conuerti, consentit tamen habitare cum conuerso, absque contumeliâ creatoris, & sine sollicitatione ad peccatum; non poterit conuersus eam dimittere, iuxta præceptum Apostoli 1. Cor. 7. *Si quis frater vxorem habet infidelem, & hac consentit habitare cum illo, non dimittat illam. Quod si autem infidelis discedit, discedat: non enim seruituti subiectus est frater, aut soror in huiusmodi: sed potest de nouo contrahere matrimonium, cum vnâ coniugum conuersarum, vel quâcunque aliâ fidele.* Quo contracto, tum demum soluetur prius, quoad vinculum; licebitque infideli aliud etiam contrahere.

561. Septimum impedimentum dirimens est *Vis*, atque metus. Quamuis autem passim accipiantur vt synonyma *vis*, *violencia*, *coactio*; tamen duo prima competunt etiam insensibilibus, tertium autem tantum præditi cognitione: vt constat ex ijs, quæ dixi-

mus! 1. 2. n. 167. vsque ad 172. & ibidem de timore, & metu. n. 125. & 178. Qui metus propriè infertur animo; vis, violentia, coactio corpori hominis per malum, præsens, renitente planè voluntate, & sublato omni voluntario. Metus autem infertur per malum absens imminens, voluntate non absolutè renitente, sed efficiente voluntarium absolutum.

562. Dirimit matrimonium omnis & solus metus grauis, ab homine, iniuste incussus, ad extorquendum matrimonium, aliàs omninò displicens. Primò, *metus*, *grauis*, absolutè, vel respectiue grauis (1. 2. n. 184. 185. 186.) vti constat ex cap. *Veniens*, & *Consultationi. tit. De sponsalibus*. Signanter autem de respectiue graui constat ex lege *Metus autem. 3. tit. Ex quibus causis maiores*: vbi dicitur iustum metum intelligi ex affectu eius, qui illum patitur: id est, metum æstimari iuste meritoque conceptum; prout constans, aut timidus diuersimodè afficitur; metuque difficilius faciliusue percellitur. Non habetur autem hic ratio metus levis (1. 2. n. 180. & 181.) vti constat ex lege. *Nec timorem 7. De eo, quod metus causa. & cap. Cum dilectus. 6. de his qua vi*. Secundò, *ab homine*, quia si metus incutiat a causâ merè naturali, vel supernaturali, non dirimet matrimonium. A causâ naturali, inquam. v. g. tempestate, fulmine, morbo, naufragio, &c. Vel supernaturali. v. g. Deo, Angelo comminante infernum, &c. Eiusmodi enim metus habet se merè per accidens ad matrimonium; nec tollit consensum, aut voluntarium absolutum. Tertiò, *iniuste incussus*: quia si metus iuste incutiat, nulla fit iniuria metuenti: qui sibi imputare debet, quod spontè dederit causam incussionis metus. Incussus inquam ab exigente matrimonium, vel ipso inscio incussus ab alio: vtrius enim modo tollitur spontaneum (1. 2. n. 146. & 147.) quòd ius ecclesiasticum vult saluare. Quartò, *ad extorquendum matrimonium*: quia si metus incussus sit, ad alium finem; intimidatus contrahens, vt metum euadat, validè contrahet: etiam si aliàs contrahere nollet, Nam eiusmodi metus habet se

merè per accidens, ad matrimonium. Quintò, aliàs omnino displicens contrahenti, secluso metu. Nam si matrimonium placeat secluso metu, eiusmodi metus incussio, erit potius occasio, quàm causa matrimonij: quod tanquam spontaneum, ius non intendit irritare: vti expressè constat ex cap. *Cum locum*, de sponsalibus.

563. Præfatus metus, quinque circumstantiis comitatus, dirimit matrimonium, non iure diuino naturali, aut positivo, sed solo ecclesiastico. Non, inquam, iure diuino naturali, quia hoc foret ratione sublato per metum consensûs, & voluntarij: quod tamen non fit, vtpote manente voluntario absoluto; & consensu, tanquam actu elicitio voluntatis, numquam patiente violentiam. Non etiam iure diuino positivo, quia nullum tale extat. Itaque solo iure ecclesiastico, sed fundato in iure naturali, dictante posse ab initio irritari contractum, cui deest spontaneum plenum, & adest inuoluntarium secundum quid, coniunctum injuriæ.

564. Quòd si metus foret tantus, vt tolleretur iudicium rationis, redderetque intimidatum, sui impotem; tunc irritaret matrimonium, iure naturæ: quia tolleret consensum, essentialiter requisitum.

565. Si iniuste intimidatus voluerit, tenetur intimidans reualidare matrimonium, per nouum vtriusque consensum, si antè non subfuerit ex parte intimidati: à quo si metu extortus fuerit, tunc reualidabitur matrimonium, si renouet spontaneum consensum, etiam per copulam affectu maritali; etiam vbi publicatum est Concilium Tridentinum: modò antea externus consensus fuerit expressus coràm parochò, & testibus, metus incussi ignaris.

566. Octauum impedimentum dirimens est *Ordo maior*, & sacer: id est, habens annexam legem continentie, & implicitum votum solenne castitatis. Eiusmodi est Subdiaconatus, Diaconatus, & Presbyteratus: vti constat ex diuersis canonibus, annectentibus cœlibatum, & legem continentie præfatis ordi-

nibus : & signanter Subdiaconatui, cap. *Nullus in Episcopum. Dist. 60.* & cap. *A multis. 9.* De *etate, & qualitate ordinandorum.* Insuper annectentibus votum solenne castitatis : vti constat ex cap. *Cum olim. 6.* De *clericis coniugatis* : & cap. *unico, de voto, & voti redemptione, in 6.* Ideoque ordo sacer dirimit matrimonium mediâtè, ratione impliciti solennis voti castitatis annexi : & immediâtè per se, ratione legis ecclesiasticæ de seruandâ continentia : saltem in Ecclesiâ Latinâ : nam in Græcâ permittitur ordinatis, Episcopo inferioribus, vsus matrimonij, ante ordinationem contracti, cum prohibitione contrahendi.

567. Ordo sacer susceptus ante vsum rationis; aut post eum, metu graui, iniuste incusso; non foret impedimentum dirimens matrimonium, neque obligatorius Horarum: nisi postea accessisset liber consensus in sui ordinationem.

568. Ordo idem legitimè superueniens matrimonio, impedit vsum illius. Legitimè inquam, vxore scilicet consentiente, & continentiam vouente : quin & eâ inuitâ, dante causam diuortij perpetui. Aliter ordinatus peccabit mortaliter, carebitque executione ordinis suscepti, & potestate altioris suscipiendi; debetque vxori cohabitare, & petenti debitum reddere; non poterit tamen petere.

569. Nonum impedimentum dirimens est *ligamen* : quod *Ligamen est indissolubile vinculum matrimonij, quo coniux obligatus est coniugi, durante vitâ ipsius, ita vt non possit validè contrahere cum alio. Quod intelligendum est de fidelium matrimonio consummato; nam ratum soluitur quoad vinculum, per professionem alterutrius coniugum, in religione approbatâ, vti constat ex canonibus, & Concilio Trid. sess. 24. de sacramento matrimonij can. 6.*

570. Iuxta cap. *Ex publico. 7.* De *conuersione coniugatorum*, possunt noui coniuges differre matrimonij consummationem, ad bimestre; vt intereâ deliberent num velint ingredi religionem. Et quantumcumque temporis sit elapsum, à matrimonio contracto; iure

vel iniuriâ non consummato, vterque coniugum retinet ius ingrediendæ & profitendæ religionis. Quod si deliberationis bimestri durante, matrimonij consummatio fuerit obtenta vi, vel metu; probabile est quod vim passa possit ingredi religionem, altero invito. Quo casu, per professionem non soluetur vinculum matrimonij consummati: sed relictus in sæculo debet manere cœlebs, durante vitâ coniugis religiosæ.

571. *Poligamia est simultanea pluralitas uxorum.* Hæc in nouâ lege est illicita, successiua autem pluralitas est licita, contra Montanistas, & Nouatianos. Decimum impedimentum dirimens est *Honestas*; quæ

572. *Honestas est apparens propinquitas, orta ex matrimonio rato, non consummato; & ex sponsalibus validis.* HONESTAS, quæ etiam vocatur *Iustitia publica honestatis*, quia fundatur in iustitiâ, & æquitate decori publici, & in communi honestate, decentiâque humanâ. APPARENS PROPINQVITAS, quia præ se fert aliquam speciem affinitatis.

573. Hæc honestas, orta ex matrimonio rato, non consummato, dirimit matrimonium inter maritum, & consanguineas vxoris; & inter vxorem, consanguineosque mariti, vsque ad quartum gradum inclusiue: vti constat ex cap. *Si quis uxorem*, & *Si quis desponsauerit* 27. q. 2. & ex bullâ Piî quinti *Ad Romanum*, editâ anno 1568. Si autem orta sit ex sponsalibus validis, dirimit tantum, vsque ad primum gradum, inter sponsam & consanguineos sponsi; & inter sponsum consanguineasque sponsæ: vti constat ex Trident. sess. 24. de reformatione matrimonij cap. 3.

Undecimum impedimentum dirimens est *amentia*. Hæc autem

574. *Amentia est mentis alienatio, visusque rationis priuatio, ex defectu naturali proueniens; non ex somno, aut ebrietate.*

Amentia, siue sit perpetua, siue temporalis, dirimit matrimonium, eâ durante, contractum: idque

iure naturali, quia tollit consensum.

Duodecimum impedimentum est *affinitas*. Hæc autem

575. *Affinitas est diversarum personarum propinquitas, quarum una copulam carnalem habuit cum consanguineâ alterius. Siue, est propinquitas unius personæ, cum consanguineis alterius, à se carnaliter cognita.*

576. Affinitatis fundamentum est copula carnalis duarum personarum, quâ factæ vna caro, ad fines mutuos accedunt, mutualque necessitudines vicissim participant; ita ut omnes consanguinei unius, fiant alteri propinqui, & affines, in lineâ, & gradu, quo sunt eidem consanguinei.

577. Affinitas orta ex copulâ licitâ, siue coniugali, præcedens matrimonium, dirimit illud usque ad quartum gradum inclusivè: orta ex copulâ illicitâ, usque ad secundum inclusivè: uti constat ex cap. *Non debet*. 8. *De consanguinitate*: & ex Tridentino sess. 14. cap. 4. *De reformatione matrimonij*. Si autem intra præfatos gradus, affinitas superveniat matrimonio, usum illius impedit, id est debiti coniugalis petitionem, ex parte culpabilis.

578. Probabile est quod affinitas primi gradûs, in lineâ rectâ, dirimat matrimonium iure naturæ, insinuato 1. Cor. 5. & Levitici 18.

Cæterum affinitas non generat affinitatem: unde affines mariti non sunt affines uxori, neque è diverso.

Decimumtertium impedimentum dirimens est *absentia parochi, & testium*. Hæc autem

579. *Absentia est defectus præsentia humana parochi, duorumque testium, quando contrahitur matrimonium.*

DEFECTVS PRÆSENTIÆ parochi, & testium, qui debent adesse. HUMANÆ præsentia, non merè physica, sed moralis, quâ humano modo parochus & testes animadvertant, quod contrahatur matrimonium. PAROCHI, pastoris contrahentium, seu alterius sacerdotis, de licentiâ ipsius parochi (etiam non Sacerdotis) seu ordinarii. D V O R V M Q V E, ut minimum

TESTIVM. Trid. sess. 24. De reform. mat. cap. 1. Qui testes non debent esse omni exceptione maiores. QUANDO CONTRAHITVR parochianorum MATRIMONIUM.

580. Parochiani sunt ij, qui in parochiâ habent domicilium, vel quasi domicilium.

581. Domicilium habent in parochiâ, qui in eâ habitant, animo ibidem perpetuè manendi: etiamsi primum aduenerint.

582. Quasi domicilium habent in parochiâ, qui in eâ habitant maiore parte anni. v. g. studiosi in Vniuersitate, milites in præfidiis, tyrones opificiorum, in opidis, &c.

583. Vagi sunt qui nullibi fixerunt domicilium: ij fortiuntur parochum loci, in quo diuersantur. Decimumquartum impedimentum dirimens est impotentia: quæ

584. Impotentia est inhabilitas habenda copula carnalis: quâ vir & mulier congregantes, fiunt vna caro. INHABILITAS orta ex causâ naturali, vel liberâ: ex defectu, vel constitutione membrorum: ex frigidity corporali, vel maleficio. COPULÆ: quæ

585. Copula carnalis est emissio seminis virilis, in vas muliebre. Impotentia vna est absoluta, alia respectiua: item vna perpetua, alia temporaria.

586. Impotentia perpetua est inhabilitas habenda copula, quæ nunquam solui potest; absque vitæ periculo, peccato, vel miraculo. Quod si aliquo horum trium modorum tollatur; nihilominus matrimonium fuerit inualidum: & vterque poterit inire aliud matrimonium; vel potius de nouo inter se contrahere. PERPETVA: qualis in iure censetur ea, quæ triennio durauit, post attestationem copulæ, bonâ fide. Eiusmodi impotentia laborantes, sunt ab inuicem separandi: nisi velint cohabitare simul, vti frater & soror; quando abest periculum incontinentiæ, & neuter petit separationem.

587. Impotentia temporaria est inhabilitas habenda

copula, qua potest tolli, successu temporis, prouectu ætatis, vel ordinarijs Ecclesiæ remedijs, arte humanâ, absque periculo vitæ.

588. *Impotentia absoluta est inhabilitas habenda copula, cum quacunque diuersi sexûs personâ.*

589. *Impotentia respectiua est inhabilitas habenda copula, cum certâ tantum personâ.*

590. Impotentia absoluta & perpetua dirimit matrimonium, iure ecclesiastico, & naturali. De iure ecclesiastico constat ex toto titulo *De frigidis, & maleficiatis*. De iure naturali constat, quia matrimonium essentialiter consistit in mutuâ traditione dominij corporum, ad vsum coniugalem potentium. Impotentia respectiua perpetua dirimit matrimonium cum ijs, respectu quorum est; non autem cum alijs. Si detegatur postea, etiam separatione factâ, quod impotentia non fuerit perpetua; coniuges erunt sibi restituendi.

591. Impotentia temporaria aliorum, quàm impuberum, non dirimit matrimonium: vti constat ex cap. *Fraternitatis, De frigidis*. Impotentia impuberum dirimit iure ecclesiastico; id est, masculorum non complentium annum decimum-quartum; & puellarum, duodecimum.

Decimumquintum impedimentum dirimens est *raptus*: qui

592. *Raptus est femina inuita abductio, matrimonij contrahendi, libidinisve explenda causâ.* FEMINÆ: licet enim ad speciem luxuriæ, raptum, (definitum 2. 2. n. 1125.) sit indifferens an mas, an femina inuiti abducantur, libidinis explendæ causâ; tamen ad raptum dirimentem matrimonium, requiritur vt femina inuita abducatur: vti constat ex Tridentino, sess. 24. cap. 6. de refor. matrimonij. INVITÆ, & renitentis: cuius libertati, spontaneoque matrimonio vult consulere Ecclesia: ad quod solius contrahentis liber & spontaneus consensus requiritur: non autem parentum, tutorum, aut aliorum. ABDUCTIO violenta de vno loco ad alium, ita vt maneat in potesta-

re raptoris, secundum ius, & Tridentinum citatum.
MATRIMONII CONTRAHENDI, LIBIDINISVE
EXPLENDÆ CAUSA: etiam si contingat eam non ex-
 pleri. Cum ergo raptus ordinariè fiat ratione alter-
 utrius horum finium; ideo Ecclesia instituit hoc impe-
 dimentum, ut raptorem ab eiusmodi attentatione de-
 terreat. Si autem deductio fieret animo sibi vindican-
 di abductam, foret furtum hominis, siue *plagium* de-
 finitum 2. 2. n. 486.

De diuortio, & repudio.

593. **D**iuortium est coniugum separatio, quoad tho-
 rum, siue debiti coniugalis redditionem.
QUOAD THORVM solum, vel insuper quoad coha-
 bitationem; in perpetuum, vel ad tempus.
 Christus Dominus Matth. 5. & 19. allegat vnicam di-
 uortij causam, coniugum fornicationem, id est vo-
 luntarium adulterium; tanquam contrarium naturæ
 matrimonij, fideique conjugali; & tanquam fun-
 damentum perpetui diuortij. Sub adulterio autem
 comprehenditur sodomia, bestialitas, & quæcunque
 copula carnalis, voluntariè habita cum aliâ; quàm
 coniuge.

594. Ex Concilio Trid. sess. 24. can. 8. constat
 esse multas iusti diuortij causas: & vniuersaliter
 quandocunque vnus coniugum non potest alteri co-
 habitare, sine graui animæ, corporisue periculo,
 censetur esse iusta causa diuortij. Verùm hæc arbi-
 tranda est per Iudicem ecclesiasticum: maxime
 quando agitur de diuortio quoad cohabitationem.
 Nisi fiat de mutuo coniugum consensu, ad seruan-
 dam castitatem, aut ingrediendam religionem. Nisi
 etiam fiat quoad solum thorum, à coniuge innocen-
 te, cui constat de alterius dissentientis adulterio: per
 quod, licet ipso facto probabiliter non excidat iure
 petendi debiti, potest tamen eo priuari, ante senten-
 tiam iudicis.

595. *Repudium est coniugis dimissio, & vinculi ma-*

matrimonialis dissolutio. Huius repudij libellus, per di-
vinam concessionem, in lege Mosaiica fuit permis-
sus; eoque soluebatur matrimonium, quoad vincu-
lum: vti constat ex Deut. 24. Malachiæ 2. & Matth.
19. Sed hæc permissio sublata est in lege nouâ.
Iurisperiti accipiunt repudium lato modo: & se-
cundùm eos;

596. *Repudium est coniugis, sponsæue reiectio, & ma-
trimonijs sponsaliumue direptio.*

De dispensatione impedimentorum Matrimonij.

IN hac materiâ matrimoniali,

597. *Dispensatio est impedimenti matrimonialis
sublatio.* IMPEDIMENTI dirimentis; aut impediens
tantùm. SUBLATIO, facta abs habente potesta-
tem, indulta personæ particulari, propter causam le-
gitimam,

598. *Dispensare est tollere impedimentum dirimens,
aut impediens.*

599. Summus Pontifex potest dispensare in omni-
bus impedimentis, solo iure ecclesiastico dirimentia-
bus, & impediens. Episcopus per potestatem dele-
gatam potest dispensare in temporario voto castitatis,
non nubendi, &c.

600. Matrimonium contractum coràm paro-
cho, & testibus, sed inualidè ratione occulti impe-
dimenti dirimentis; eo per dispensationem sublato,
potest validari, per iteratum coràm parocho & te-
stibus consensum: vel per eundem clandestinè in-
ter coniuges renouatum verbis, signisue exteriori-
bus; etiam copulâ habitâ animo coniugali. Quod
postremum fieri non potest, quando impedimentum
non fuit occultum.

De copula coniugali.

601. **C**opula coniugalis licita est, cum debitis circumstantijs; illis destituta, est illicita. Quod à confessorijs, valde inculcandum est coniugibus: qui ab Asinodæo decepti, & à propriâ concupiscentiâ illecti, prætextu matrimonij putant sibi licere nefanda.

602. Copula coniugalis habita ad generationem prolis, vel ad vitandam incontinentiam coniugis, vel ad ei reddendum debitum, licita est: aliàs illicita, saltem venialiter. Qualis proinde est, habita ob solam voluptatem: quin & ex præcipuo motivo illius; adiuncto aliquo trium præfatorum, tanquam, secundario. Item habita ad vitandam in se incontinentiam, & solo intuitu medendi propriæ concupiscentiæ; iuxta constantem sententiam Sanctorum Bonaaventuræ, Thomæ, Gregorij, Fulgentij, & Augustini explicantis eo sensu locum Apostoli. 1. Cor. 7. v. 6. Item petita, & habita cum prægnante: imò si sit coniuncta periculo aborsûs, aut debilitationis foetus, erit mortalis: uti & (iudicio Augustini, & grauissimorum Theologorum) habita cum menstruatâ. Indubiè autem talis est, habita extra vas naturale: in eo autem, aliter quàm modo naturali, est venialis: imò mortalis, si modus sit impeditivus conceptionis.

603. Inter coniuges quoque oscula, aspectus, & tactus impudici, sunt mortales, si habeant annexam pollutionem, illiusque evidens periculum: quo secluso, ordinariè excusantur à mortali.

604. Vterque coniugum tenetur alteri, etiam implicite petenti, ad redditionem debiti, uti constat ex 1. Cor. 7. Vnde negatio illius est peccatum mortale: nisi rationabile quid subsit excusans à toto, vel tanto.

De iudicio diuino particulari, ac vniuersali.

605. **D**eus habet supremam, independentem, & absolutam potestatem iudiciariam: quam

delegavit Christo homini, ratione vnionis hypostaticæ, & passionis suæ. Nam *omne iudicium dedit filio: & potestatem dedit ei iudicium facere, quia filius hominis est.* Ioan. 5. Itaque Christus, quâ Deus habet iudiciariam potestatem independentem; quâ homo, dependentem delegatam.

606. *Iudicium est potestatis publica decretum, definiens quid cuique debitum sit.* POTESTATIS PUBLICÆ, Iudicis legitimi, potestatem publicam habentis, DECRETUM, per sententiam statuens, & DEFINIENS ex præscripto legum; QUID CUIQUE DEBITUM SIT, stricto iure, ita vt violatio illius, constituat iniuriam: vel debitum secundum exigentiam meritorum: quo posteriori modo pœna debita est, non priori.

607. *Iudicium diuinum est independentis potestatis decretum, definiens quid cuique debitum sit.* Hoc est duplex: particulare, & generale.

608. *Iudicium particulare est decretum diuinum, intimatum privato, addicens eum gloria, vel pœna.* EST DECRETUM DIVINUM, statim à morte cuiusque hominis (nisi extraordinariè differatur) latum, in eodem loco, vbi anima excedit è corpore. INTIMATUM, per Christi iudicis apparentis sententiam, PRIVATO VNIQUE sigillatim. ADDICENS EVM, iuxta meritorum suorum exigentiam, GLORIÆ æternæ, immediate, vel mediâtè: VEL PŒNÆ temporali purgatorii, aut æternæ inferni,

Hoc iudicium, vnum est discussionis, aliud retributionis.

609. *Iudicium discussionis est examen rationum, num quis sit premiandus, an puniendus; absolvendus, an damnandus.* Quia causa habetur dubia, ob permutationem operum bonorum cum malis.

610. *Iudicium retributionis est decretum iudicis, premium, vel pœnam reddentis ad æquas meritis.*

611. Iudicio retributionis omnes iudicantur: iudicio discussionis non iudicantur ij, quorum est cuiusdam saluatio, vel damnatio. Saluatio inquam. v. g. B. Mariæ, & infantium post Baptismum defunctorum.

Damnatio.

Damatio v. g. infidelium, & notoriè impiorum. Quo sensu dicitur psalmo 1. *Impij non resurgent in iudicio.* & Ioan. 3. *Qui non credit, iam iudicatus est.*

612. In iudicio particulari, per internam illuminationem unusquisque priuatim accipiet in momento propriæ conscientie denudationem, & omnium actionum suarum exactissimam cognitionem: imò in iudicio generali unusquisque habebit insuper alienarum conscientiarum manifestationem, actionumque notitiam perfectam,

Cunctaque, cunctorum cunctis arsana patebunt.

Postea sequetur vocalis sententia Christi iudicis, expressa Matthæi 25. *Venite benedicti Patris mei, possidete paratum vobis regnum à constitutione mundi, &c.* Et, *Discedite à me maledicti in ignem æternum, qui paratus est diabolo, & angelis eius, &c.* Vnde versus, completens carmen, & vx:

Mortis, vel vitæ, brevis est vox, Ite, Venite.

De Antichristo, & Resurrectione.

613. **I**udicij generalis præcursor erit Antichristus: de quo latè & fusè agimus in nostris Miscellaneis sacro-profanis.

Generali notione, quisquis Christo aduersatur doctrinâ, moribus, vel vitâ, est antichristus, siue aduersarius Christi: iuxta illud 1. Ioan. 2. *Antichristi multi facti sunt.*

Nihilominus orietur quidam singularis homo, qui erit antonomastice antichristus.

614. *Antichristus est aduersarius Christi*: eique in omnibus contrarius; personæ ipsius, vitæ, moribus, doctrinæ, Ecclesiæ, fidei, sacrificio, sacramentis, &c.

Iudicio generali itidem prodroma erit resurrectio vniuersalis.

615. *Resurrectio est reünio animæ ad corpus. Siue, est iterata resurrectio corporis, quod mox cecidit.*

De beatitudine accidentali, & aureola.

616. **B**eatitudo essentialis est visio, fructioque Dei.
 617. *Beatitudo accidentalis est auctarium, essentiali beatitudini superadditum. Siue, est gaudium nouum, superueniens gaudio essentiali, resultanti ex visione beatificâ. Eiusmodi est gaudium Angelorum, super vno peccatore, pœnitentiam agente: super salute clientum suorum; sui que ministerij fructu. Item gaudium beatorum, proueniens ex reuelationibus diuinis: ex beatitudine proximorum: ex visione humanitatis Christi. B. Mariæ, &c.*

618. *Coronæ aureolæ nomen desumptum est ex cap. 25 Exodi, vbi de mensâ Domini dicitur: Faciesque illi coronam interrasilem; altam quatuor digitos: & super illam, alteram coronam aureolam. Vnde beatitudinis gaudium essentialis, est corona aurea; accidentale, est aureola. Itaque*

619. *Aureola est anima beata gaudium accidentale, de excellenti victoriâ suâ, redans in corpus, speciali fulgore ACCIDENTALE, superadditum essentiali gaudio visionis beatificæ. DE EXCELLENTI VICTORIA, siue de operibus proprijs, continentibus excellentem victoriam; eamque triplicem, ratione trium hostium, (dæmonis, carnis, mundi) quibuscum luctamur: & quos excellenter vincimus, per zelosam salutarem doctrinam, virginitatem, & martyrium. SPECIALI FULGORE, indicante qualitatem doctoratûs, virginitatis, & martyrij. Nam hæc corona aureola datur doctoribus, virginibus, & martyribus. Hic autem*

620. *Doctor est utriusque sexûs persona, docens alios salutarem doctrinam. VTRIVSQUE SEXVS, mas, vel femina. DOCENS ALIOS, scripto vel verbo; ex rectâ intentione, & zelo honoris Dei, & salutis animarum. SALUTAREM, fidei & morum DOCTRINAM, adferentem salutem.*

621. *Virgo est persona, firmo proposito seruans carnis*

integritatem, voluntaria libidinis expertem. PERSONA vtriusque sexûs, mas vel femina. FIRMO PROPOSITO: quod si interruptum fuerit consensu mentali in licitas illicitasque voluptates carnis; non amittetur equidem aureola virginitatis, si per poenitentiam, propositum resumatur, & perseueranter continetur: quia reparabilis est virginitas mentis, non carnis voluntariè amissa. Vide 2. 2. n. 1108, vsque ad 1112.

622. *Martyr est persona, mortem passa, in testimonium fidei, alteriusque vere virtutis.* Vide 2. 2. 1064. vsque ad 1067.

De viatore, via, comprehensione, damnatione.

623. **V**iator est creatura intellectualis, tendens ad beatitudinem aeternam, tanquam terminum, finemque suum

624. *Homo viator est, homo viuens in corpore mortali, conditione mortali, tendens ad aeternitatem.* Vide 1. 2. n. 703. circa medium.

625. *Via est tendentia ad beatitudinem aeternam, tanquam terminum, finemque vltimum creaturæ intellectualis; illius proprijs actibus assequendum.*

626. *Comprehensio est affectio, & possessio aeterna beatitudinis.* Est ipsamet visio beatifica, quatenus est possessio Dei sperati.

627. *Comprehensor est creatura intellectualis, adeptus aeternam beatitudinem; eamque tenens, & possidens.*

628. *Damnatio essentialis est priuatio diuina visionis, pœnaque sensibilis, ad certum gradum intensa, æternumque inuariata.* GRADVM tantum, quantum ad æquatè peccata merentur, sine diminutione.

629. *Damnatio accidentalis est augmentum, essentialis damnationis superadditum.* Siue, est specialis tristitia, supra ordinariam pœnam damni, & sensus. SPECIALIS TRISTITIA, concepta ex confusione propalationis propriorum peccatorum, & complicum; ex consortio omnium impiorum; ex infernali æternâ incarceratione, &c.

630. *Pœna damni est privatio visionis Dei, in vindictam peccati.*

631. *Pœna sensûs est cruciatus ignis, & tormentorum, sensu perceptus. SENSU, interno, & externo; tactu, visu, & quocunque alio.*

632. *Vermis damnatorum est conscientia remorsus, ex corruptione peccati ortus, affligens animum, in æternum.*

De receptaculis animarum, post hanc vitam.

Post vitam præsentem, agnoscenda sunt animarum quinque receptacula: paradysus beatorum, infernus damnatorum, purgatorium animarum, limbus patrum, limbus infantium.

633. *Paradysus est universi supremus locus cœlestis, in quo Deus se sanctosque suos beat, per essentiae suæ visionem intuitivam.*

634. *Infernus damnatorum est locus subterraneus, in quo daemones, hominesque impij, aeternum cruciantur pœnâ damni, & sensûs. SVBTERRANEVS, circa centrum terræ.*

635. *Purgatorium est locus subterraneus, in quo anima iustorum satisfaciuntur restantes pœnas peccatorum. IVSTORVM, pœnæ reliquatorum; id est, qui totam pœnam, peccatis promeritam non exsoluerunt: sed aliquid illius adhuc luendum habent. SATISFACIUNTUR, id est, ipsam pœnam promeritam, ad æqualitatem, iustitiæque rigorem patiuntur: saltem sub hac exceptione, nisi per Dei misericordiam, Ecclesiæ indulgentiam, aut suffragia, illis succurratur. Sinus Abrahæ, siue*

636. *Limbus patrum est locus subterraneus, in quo olim detinebantur expiata anima iustorum. SVBTERRANEVS, superior inferno damnatorum, ab eoque seiunctus, per chaos magnum. OLIM, ante passionem Christi, eiusque infernalem descensum. EXPIATA, nam animæ expiandæ adibant priùs purgatorium.*


637. *Limbus puerorum est locus infernalis, in quo ani-*

ma, solo peccato originali infecta, cruciantur pœnâ damni, & sensûs. LOCUS INFERNALIS, & pars superior inferni damnatorum. ET SENSUS, vti probamus in I. 2. n. 448. Vnde post diem iudicij extremi, ex quinque animarum receptaculis præfatis, remanebunt tantum duo, scilicet paradysus, & infernus: ab hoc nos præseruet, & ad illum perducatur misericors Deus. Ita mihi, tibiue Lector, medullitus opto: & in hoc votorum voto, desino.

Ad Majorem Dei gloriam.

*Lector amice, Si quid nonisti rectius istis,
Candidus imperti: Si non, his utere mecum.*





INDEX.

A	Biectio sui.	A.	pagina 372. numero 1146
	Abigeatus,		pag. 273. num. 488
	Ablutio,		p. 409. n. 202
	Abominatio,		p. 99. n. 118
	Abrogatio legis,		p. 164. n. 489
	Absentia parochi,		p. 489. n. 579
	Abstinencia,		p. 362. n. 1090
	Abusus,	p. 166. n. 552.	p. 249. n. 323
	Acceptio personarum,		p. 301. p. 715
	Acceptilatio,		p. 262. n. 405
	Accusatio,	p. 297. n. 674.	p. 431. n. 312
	Accedia		p. 372. n. 1152
	Actio,		p. 296. n. 666
	Actor,	p. ibidem.	n. 665
	Actus,		p. 104. n. 136
	Actus purus,		p. 21. n. 75
	Actus essentialis,		p. 71. n. 411
	Actus notionalis,		p. 71. n. 412
	Actus humanus,		p. 104. n. 139
	Actus voluntarius,		p. 104. n. 140
	Actus elicited,		p. 105. n. 141
	Actus imperatus.		p. 105. n. 142
	Actus immanens,		p. 105. n. 143
	Actus transiens,		p. 105. n. 144
	Actus liber,		p. 105. n. 145
	Actus spontaneus,		p. 105. n. 146
	Actus necessarius,		p. 109. n. 174
	Actus humani bonitas,	p. 123. n. 290.	p. ibid. n. 294
	Actus humani obiectum,		p. 242. n. & seq.
	Actus humanus bonus ex obiecto,		p. ibid. n. 298
	Actus moraliter bonus,		p. ibid. n. 299
	Actus moraliter malus,		p. ibid. n. 300
	Actus indifferens,		p. 125. n. 301

Index.

Actus humani entitas naturalis, supernaturalis, moralis,	ibid. n. 303
Actuum voluntatis ordo,	p. 96. n. 88. p. 97. n. 90. & seq.
Adiuratio,	p. 333. n. 911
Adiuratio expressa,	ibid. n. 912
Adiuratio implicita,	ibid. n. 913
Adiuratio deprecatoria,	p. 334. n. 914
Adiuratio præceptiva,	ibid. n. 915
Adiuratio execratoria,	ibid. n. 916
Adiuratio rei insensatæ;	ibid. n. 917
Adiuro,	p. 332. n. 910
Adiuuans nos Deus,	p. 178. n. 604
Adiutorium ante lapsum,	p. 383. n. 637
Adiutorium post lapsum,	ibid. n. 638
Administratio,	p. 257. n. 378
Admiratio,	p. 387. n. 76
Admiratio in Christo,	ibid.
Adoptio,	p. 382. n. 50. p. 480. n. 546. & 547
Adoptio spiritualis,	p. 382. n. 51
Adoptio ciuilis,	p. 404. n. 550
Adoratio,	p. 316. n. 796
Adoratio interna,	p. ibid. n. 797
Adoratio externa,	p. ibid. n. 798
Adoratio honoraria,	p. ibid. n. 800
Adoratio externa determinatur ab intentione adorantis,	p. 316. n. 798
Adulterium,	p. 367. n. 1118
Æromantia,	p. 340. n. 960
Æmulatio,	p. 233. n. 236
Æternum,	p. 31. n. 154
Æternitas,	p. ibid. n. 161. & seq.
Ænum, Æuiternitas,	p. 31. n. 159. 161
Affabilitas,	p. 356. n. 1049
Affectio, Passio,	p. 95. n. 86. & seq.
Affinitas,	p. 410. n. 576
Agens liberum,	p. 104. n. 135
Agens primum,	p. 123. n. 288
Aggrauamen notabile,	p. 132. n. 334
Aggrauatio,	p. 57. n. 336

Index.

Agilitas,	p. 89. n. 49
Agnati,	p. 401. n. 529
Alca,	p. 296. n. 664
Amare,	p. 35. n. 194
Amor,	p. 35. n. 193
Amor simplex,	p. 97. n. 90
Amor complacentiæ,	p. 35. n. 195
Amor concupiscentiæ,	p. 36. n. 196
Amor beneuolentiæ,	p. 36. n. 197. & seq.
Amor Amicitia,	p. 36. n. 200
Amor diuinus,	p. 36. n. 201
Amor essentialiter,	p. 75. n. 439
Amor notionaliter,	p. 76. n. 440
Amor personaliter,	p. 76. n. 441
Ambitio.	p. 361. n. 1076
Amentia,	p. 410. n. 575
Amicitia,	p. 225. n. 189
Amouere signa magica,	p. 344. n. 988
Amphibologia,	p. 355. n. 1041
Angelus,	p. 78. n. 456
Angeli ubi & quando conditi,	p. 78. n. 454
Angelica missio,	p. 80. n. 479. 480
Angelica locutio.	p. 80. n. 475
Anima,	p. 90. n. 51. 52
Anima rationalis,	p. 91. n. 53. & seq.
Animæ potentia, pars,	p. 91. n. 54. & seq.
Animatio.	p. 380. n. 38
Annihilatio,	p. 83. n. 490
Annexum spirituali,	p. 309. n. 763. & seq.
Antichristus,	p. 416. n. 636
Antapocha,	p. 262. n. 406
Apocha,	p. 262. n. 407
Apostasia,	p. 211. n. 97
Appetitus,	p. 92. n. 64
Appetitus naturalis,	p. 92. n. 65. p. 95. n. 85
Appetitus sensitivus,	p. 93. n. 72. p. 95. n. 85
Appetitus concupiscibilis,	p. 93. n. 76. p. 95. n. 84
Appetitus irascibilis,	p. 94. n. 76
Appetitus rationalis,	p. 94. n. 77. & seq.

Index.

Appetituum obiecta,	p. 94. n. 80. & seq.
Approbatio expressa,	p. 444. n. 333
Approbatio tacita,	p. 444. n. 334
Aqua naturalis,	p. 409. n. 201
Arbiter,	p. 295. n. 655
Arbitrium,	p. 296. n. 662
Archangeli,	p. 80. n. 473
Arduum bonum, vel malum,	p. 94. n. 77-78
Argumentum,	p. 298. n. 687
Arrha,	p. 293. n. 635
Arrhabo,	p. 293. n. 636
Ars notoria,	p. 342. n. 980
Articulus corporis,	p. 205. n. 53. & seq.
Articulus fidei,	p. 204. n. 50. & seq.
Articulus mortis,	p. 367. n. 377
Affecuratio,	p. 293. n. 641
Assensus, p. 11. n. 23. p. 206. n. 60. & seq. p. 98. n. 101	
Assensus firmus,	p. 299. n. 693
Assensus infirmus,	p. 299. n. 696
Assensus firmitas & certitudo,	p. 206. n. 66
Assentiri,	p. 206. n. 60 & seq.
Assumptio humanitatis,	p. 376. n. 17
Astrologia naturalis,	p. 340. n. 967
Astrologia iudiciaria,	p. 340. n. 968
Astutia,	p. 242. n. 286
Attentio,	p. 321. n. 826
Attentio orationis,	p. 321. n. 827
Attentio externa,	p. 321. n. 828
Attentio actualis,	p. 321. n. 830
Attentio virtualis,	p. 321. n. 831
Attentio habitualis,	p. 321. n. 832 833
Attentio interpretativa,	p. 322. n. 834
Attestatio diuini numinis,	p. 327. n. 874
Attributum diuinum,	p. 17. n. 55. & 60
Attributum positium,	p. 17. n. 56
Attributum negatiuum,	p. 17. n. 57
Attributum absolutum,	p. 17. n. 58
Attributum relatiuum,	p. 17. n. 59
Attributum proprium, metaphoricum, concretum, ab-	

Index.

tractum, æternum, &c.	p. 19. n. 69
Attritio,	p. 425. n. 285. p. 427. n. 299
Auaritia,	p. 357. n. 1055
Audacia,	p. 358. n. 1059
Augurium,	p. 340. n. 964
Aureola,	p. 496. n. 619
Aruspicium,	p. 339. n. 958
Auspicium,	p. 340. n. 963
Author hagiographus,	p. 12. n. 39
Auxilium,	p. 177. n. 599
Auxilium diuinum, speciale,	p. 177. n. 600. &c.

B.

B alsamum,	p. 412. u. 217
Baptismus,	p. 408. n. 199. & 200
Baptismus fluminis,	p. 410. n. 209
Baptismus sanguinis,	p. 410. n. 210
Baptismus monstri,	p. 410. n. 213
Baptismi materia,	p. 408. n. 199. & seq.
Baptismi forma,	p. 409. n. 203
Baptismi minister,	p. 409. n. 204
Baptismi effectus,	p. 410. n. 207
Baptismi locus & æremonia,	p. 409. n. 205
Baptismi patrinus.	p. 410. n. 211. & 212
Beatitudo,	p. 87. n. 22. & 23
Beatitudo naturalis,	p. 87. n. 24
Beatitudo supernaturalis,	p. 87. n. 25
Beatitudo viæ,	p. 87. n. 28
Beatitudo patriæ,	p. 88. n. 29
Beatitudo obiectiua,	p. 88. n. 30
Beatitudo formalis,	p. 88. u. 31
Beatitudo essentialis,	p. 88. n. 32. p. 416. n. 617
Beatitudo accidentalis,	p. 88. n. 33. p. 416. n. 618
Beatitudo imperfecta,	p. 88. n. 34
Beatitudo perfecta,	p. 88. n. 35. & seq.
Beatitudo Euangelica,	p. 188. n. 670
Bellum,	p. 234. n. 241
Bellum defensuum,	274. n. 242
Bellum offensuum,	p. 234. n. 243

Index.

Belli iusti conditiones,	p. 234. n. 244
Bellum iustum formaliter,	p. 235. n. 246
Bellum iustum materialiter,	p. 235. n. 247
Bellum iustum mater. & formaliter,	p. 235. n. 248
Beneficium,	p. 351. n. 1024
Beneficium eccles.	p. 302. n. 716
Beneficium maius,	p. 302. n. 717
Beneficium minus,	p. 302. n. 718
Beneficium duplex,	p. 303. n. 721
Beneficium simplex,	p. 303. n. 722
Beneficium Officium,	p. 303. n. 727
Beneficium cum cura,	p. 303. n. 728
Beneficium sine cura,	p. 303. n. 729
Beneficium sæculare,	p. 303. n. 630
Beneficium Regulare,	p. 304. n. 731
Beneficium patronatum,	p. 304. n. 732
Beneficium non patronatum,	p. 304. n. 733
Beneficium improprie,	p. 304. n. 734
Beneficia incompatibilia primi generis,	p. 304. n. 737
Beneficia incompatibilia secundi generis,	p. 304. n. 738
Beneficium sufficiens,	p. 305. n. 739
Blanditia,	p. 3. 7. n. 1051
Blasphemia,	p. 346. n. 994
Blasphemia cordis,	p. 346. n. 995
Blasphemia oris,	p. 346. n. 996
Blasphemia immediata,	p. 347. n. 997
Blasphemia mediata,	p. 347. n. 998
Blasphemia in Patrem,	p. 347. n. 999
Blasphemia in Filium,	p. 347. n. 1000
Blasphemia Spiritus,	p. 347. n. 1002
Blasphemia in Spiritum Sanctum,	p. 347. n. 1001
Blasphemia enunciatiua,	p. 347. n. 1003
Blasphemia imprecatoriua,	p. 348. n. 1004
Blasphemia dehonestatiua,	p. 348. n. 1005
Bona patrimonialia,	p. 257. n. 379
Bona quasi patrimonialia,	p. 257. n. 380
Bona incerta,	p. 258. n. 382
Bona vinculata,	p. 248. n. 319
Bona vite necessaria,	p. 232. n. 217.

Index.

Bona statui necessaria,	p. 232. n. 218
Bona superflua,	p. 232. n. 219
Bona fides,	p. 260. n. 396
Bonitas,	p. 24. n. 96
Bonitas diuina,	p. 227. n. 190. & seq.
Bonitas per essentiam,	p. 24. n. 99
Bonitas per participationem,	p. 24. n. 100
Bonitas actus,	p. 125. n. 306
Bonitas moralis,	p. 125. n. 307
Bonitas naturalis,	p. 225. n. 308
Bonitas supernaturalis,	p. 125. n. 309
Bonum,	p. 23. n. 92, p. 84. n. 5. p. 117. n. 226
Bonum sibi,	p. 23. n. 93
Bonum alteri,	p. 23. n. 94
Bonum per essentiam,	p. 24. n. 97
Bonum per participationem,	p. 24. n. 98
Bonum arduum,	p. 94. n. 97
Bonum per se,	p. 117. n. 227
Bonum propter aliud,	p. 117. n. 228
Bonum vtile,	p. 118. n. 229
Bonum honestum,	p. 118. n. 230
Bonum morale,	p. 118. n. 231
Bonum delectabile,	p. 118. n. 232
Bonum verum,	p. 118. n. 233
Bonum apparens,	p. 118. n. 234
C.	
Cæremonia,	p. 343. n. 196
Calumnia,	p. 335. n. 902
Cambium,	p. 280. n. 546
Cambium reale.	p. 280. n. 548
Cambium ficcum,	p. 280. n. 549
Cambium manuale,	p. 280. n. 550
Cambium locale,	p. 280. n. 551
Cambium purum,	p. 280. n. 552
Cambium impurum,	p. 280. n. 553
Campforia negotiatio,	p. 280. n. 554
Canon Si quis Suadente,	p. 379. n. 409
Canonicatus,	p. 303. n. 720
Canonizatio.	p. 212. n. 104

Index.

Carpobalsamum,	p. 347. n. 217
Castitas,	p. 365. n. 1108
Castitas perfecta,	p. 365. n. 1109
Castitas imperfecta,	p. 366. n. 1112
Castitas Religiosa,	p. 327. n. 868
Casus,	p. 122. n. 283. & 284. p. 472. bis n. 481
Casus fortuitus,	ibidem n. 482
Catechumenus,	p. 207. n. 71
Catholicus,	p. 207. n. 73
Cauere,	p. 263. n. 411
Causa,	p. 119. n. 244
Causa materialis,	p. 119. n. 246. & seq.
Causa formalis,	ibid.
Causa finalis,	ibid.
Causa efficiens,	p. 67. n. 389. p. 119. n. 250. p. 406. n. 184
Causa potentiâ,	p. 120. n. 253
Causa actu,	p. 120. n. 253
Causa prima,	p. 120. n. 358
Causa secunda,	p. 120. u. 259
Causa principalis,	p. 110. n. 200. p. 406. n. 185
Causa instrumentalis,	p. 120. n. 261. p. 406. n. 186
Causa totalis,	p. 239. n. 264
Causa partialis,	p. 239. n. 265
Causa vniuoca,	p. 240. n. 268
Causa æquiuoca,	p. 240. n. 269
Causa physica,	p. 240. n. 270. p. 406. n. 187
Causa moralis,	p. 241. n. 271. p. 406. n. 188
Causa immediata,	p. 241. n. 272. & seq.
Causa per se,	p. 241. n. 275
Causa per accidens,	p. 241. n. 276
Causa efficax damni,	p. 272. n. 466
Causa sine qua non,	p. 272. n. 467
Causa peccati,	p. 153. n. 463
Causalitas,	p. 120. n. 654
Causatio,	p. 120. n. 256
Causatum,	p. 119. n. 245
Cautio,	p. 241. n. 280. p. 263. n. 410
Censura,	p. 445. n. 373
Censura à iure,	p. 446. n. 374

Index:

Censura ab homine,	p. 446. n. 378
Censura latæ sententiæ,	p. 446. n. 378
Censuræ ferendæ sententiæ,	p. 446. n. 377
Censura iusta,	p. 447. n. 381
Censura iniusta,	p. 447. n. 382
Censura iniusta valida,	p. 447. n. 383
Censura iniusta inualida,	p. 447. n. 384
Censurati,	p. 447. n. 385
Censurati tolerati,	p. 448. n. 388
Censurati non tolerati,	p. 448. n. 389
Census,	p. 281. n. 557. & seq.
Census reservatiuus,	p. 281. n. 559
Census consignatiuus,	p. 281. n. 560
Census realis,	p. 281. n. 561
Census personalis,	p. 281. n. 562
Census mixtus,	p. 282. n. 563
Census fructuarius,	p. 282. n. 564
Census pecuniarius,	p. 282. n. 565
Census perpetuus,	p. 282. n. 566
Census temporalis,	p. 282. n. 567
Census vitalitiuus,	ibid.
Census certus,	p. 282. n. 568
Census incertus,	p. 282. n. 569
Census redimibilis,	p. 282. n. 570
Census irredimibilis,	p. 282. n. 571
Censuum precium,	p. 282. n. 572
Certitudo,	p. 190. n. 681. 684
Certitudo fidei,	p. 190. n. 682
Certitudo absoluta,	p. 190. n. 683
Certitudo moralis,	p. 190. n. 685
Cessario à diuinis,	p. 455. n. 418
Character,	p. 406. n. 189. & seq.
Charitas,	p. 224. n. 177
Charitas hominis ad seipsum,	p. 226. n. 188
Charitatis excellentia,	p. 224. n. 177
Charitatis obiectum,	p. 127. n. 190. & seq.
Charitatis habitus mouet ad actum,	p. 228. n. 195
Charitas forma virtutum,	p. 228. n. 196
Charitatis imperium,	p. 228. n. 197

Index.

Charitatis Ordo,	p. 229. n. 200. & seq.
Charitatis præceptum,	p. 229. n. 203. & seq.
Cherubim,	p. 79. n. 467
Chiromantia,	p. 340. n. 961
Chorus,	p. 79. n. 464
Chrisma,	p. 412. n. 217
Chrismatis benedictio,	p. 412. n. 218
Christus,	p. 376. n. 14
Christi conceptio,	p. 380. n. 39
Christi gratia,	p. 381. n. 43. & 46
Christus filius Dei,	p. 381. n. 46. & seq.
Christus caput Ecclesiæ,	p. 383. n. 54
Christi scientia,	p. 383. n. 53
Christi omnipotentia,	p. 383. n. 55. & seq.
Christi meritum,	p. 384. n. 60
Christi appetitus sensitivus,	p. 385. n. 65
Christi propassio,	p. 386. n. 70
Christi voluntatis conformitas,	p. 390. n. 90. & seq.
Christi potestas,	p. 390. n. 93
Christus Sacerdos,	p. 384. n. 61
Christus impeccabilis,	p. 385. n. 64
Christus orans etiam nunc,	p. 384. n. 62. & seq.
Christus adorandus,	p. 391. n. 97
Christus descendit ad inferos,	p. 392. n. 101
Christus sedet ad dexteram Patris,	p. 392. n. 102
Christianus,	p. 207. n. 72
Circuminfessio,	p. 72. n. 419
Circumspectio,	p. 241. n. 279
Circumstantia,	p. 127. n. 316
Circumstantiæ septem,	p. 127. n. 317
Circumstantia mutans speciem,	p. 129. n. 326. & seq.
Circumstantia non mutans speciem,	p. 131. n. 330 & seq.
Circumstantia notabiliter aggrauans,	p. 432. n. 332. & seq. p. 432. n. 319
Circumstantia minuens,	p. 132. n. 335. & seq.
Claritas,	p. 90. n. 50
Clementia,	p. 371. n. 1138
Cleromantia,	p. 333. n. 913
Clericatus,	p. 463. n. 457

Index.

Clericus;	p. 453. n. 454. & 455
Clerus,	p. 417. n. 456
Coadoratio,	p. 314. n. 801
Codicillus,	p. 277. n. 520
Cœtus,	p. 79. n. 463
Cognati,	p. 477. n. 528
Cognatio,	p. 476. n. 525
Cognatio legalis,	p. 480. n. 545
Cognatio legalis lineæ rectæ,	p. 481. n. 551
Cognatio legalis lineæ transfuersæ,	p. 481. n. 552
Cognatio legalis affinitatis,	p. 481. n. 553
Cognatio naturalis,	p. 476. n. 526
Cognatio spiritualis;	p. 478. n. 537. & seq.
Coactum,	p. 109. n. 171
Coactio,	p. 109. n. 172
Coactio extrinseca,	p. 105. n. 149
Coactio intrinseca,	p. 105. n. 150
Cognitio matutina,	p. 44. n. 267
Cognitio vespertina,	p. 44. n. 268
Cognitio finis,	p. 107. n. 155
Cognitio finis perfecta;	p. 107. n. 156
Cognitio finis imperfecta,	p. 107. n. 157
Collatio beneficij,	p. 305. n. 743
Collatio vespertina;	p. 365. n. 1105
Comminatio,	p. 275. n. 501
Commodatum,	p. 291. n. 618
Communicatio idiomatum,	p. 378. n. 34. & seq.
Communio Sanctorum,	p. 377. n. 392
Communitas perfecta,	p. 160. n. 494
Commutatio voti,	p. 324. n. 856
Compassio,	p. 231. n. 210
Compensatio,	p. 263. n. 413
Compositio,	p. 376. n. 15
Comprehendere Deum;	p. 45. n. 269. & seq.
Comprehensio,	p. 45. n. 271. p. 497. n. 626
Comprehenfor,	p. 497. n. 627
Comprehendunt Deum, & non comprehendunt beati,	
p. 44. n. 268	
Compromissio,	p. 296. n. 665
	Conceptio

Index.

Conceptio humana,	p. 379. n. 36
Conceptio prima,	p. 379. n. 37.
Conceptio secunda,	p. 379. n. 38
Concilium,	p. 216. n. 132
Concilium œcumenicum,	p. 216. n. 133
Concilium nationale,	p. 217. n. 134
Concilium prouinciale,	p. 217. n. 135
Concilium diœcesanum,	p. 217. n. 136
Conclusio,	p. 11. n. 24
Conclusio theologica,	p. 11. n. 25
Conclusionis theologicæ certitudo,	p. 11. n. 26
Concomitantia,	p. 416. n. 235
Concomitantia naturalis,	p. 416. n. 236
Concomitantia supernaturalis,	p. 416. n. 237
Concomitantia immediata,	p. 416. n. 238
Concomitantia mediata,	p. 416. n. 239
Concreatio,	p. 82. n. 487
Concreari,	p. 83. n. 488
Concubitus inordinatus,	p. 370. n. 1131
Concupiscentia,	p. 112. n. 188
Concupiscentia habitualis,	p. 112. n. 189
Concupiscentia actualis,	p. 112. n. 190
Concupiscentia antecedens,	p. 113. n. 191
Concupiscentia consequens,	p. 113. n. 192
Concupiscentia vitiosa,	p. 113. n. 194. & seq.
Concupiscentia minuens liberum,	augens voluntarium,
	p. 113. n. 193
Concupiscentia bona,	p. 143. n. 401
Concupiscentiæ motus,	p. 152. n. 454. & seq.
Concursus generalis,	p. 178. n. 605
Conditio Imped Marr.	p. 473. n. 506
Conditio suspensiuæ consensûs,	p. 473. n. 507
Conditio contraria matrimonio,	p. 473. n. 508
Conditio euertens substantiam matrimonij,	vel bona,
	p. 473. n. 509
Conditio seruilis,	p. 474. n. 511
Conditiones ad Beneficium,	p. 304. n. 736
Conductor,	p. 291. n. 624
Conductum,	p. 291. n. 622

Index.

Confessio Sacramentalis,	p. 431. n. 311
Confessio integra,	p. 432. n. 313
Confessio integra formaliter,	p. 432. n. 316
Confessio integra materialiter,	p. 432. n. 315
Confessionis integritas,	p. 432. n. 320
Confirmationis gratia,	p. 189. n. 675. & seq.
Confirmatio,	p. 411. n. 214
Confirmationis formæ,	p. 412. n. 215
Confirmationis materia,	p. 412. n. 216
Confirmationis Minister,	p. 412. n. 219
Confirmationis effectus,	p. 413. n. 220
Confirmationis Patrinus, vel Matrina,	p. 413. n. 221
Confirmatio in beneficio,	p. 305. n. 747
Confirmandi,	p. 438. n. 221
Conformitas voluntatis,	p. 389. n. 85
Conformitas effectiua,	p. 389. n. 87
Conformitas materialis,	p. 389. n. 88
Conformitas formalis,	p. 389. n. 89
Conniuentia,	p. 166. n. 540
Consanguinitas,	p. 477. n. 526. & 528
Consanguinitas dirim. Mart.	p. 478. n. 535
Consanguinitatis linea,	p. 477. n. 530
Conscientia,	p. 134. n. 351
Conscientia recta,	p. 135. n. 354
Conscientia recta, practica tantum,	p. 136. n. 355
Conscientia certa,	p. 136. n. 356
Conscientia firma,	p. 136. n. 357
Conscientia probabilis,	p. 136. n. 360
Conscientia erronea,	p. 136. n. 361
Conscientiæ erroneæ obligatio,	p. 137. n. 362
Conscientia erronea vincibilis, inuincibilis,	ibid.
Conscientia dubia,	p. 137. n. 363. & seq.
Conscientia suspensa,	p. 137. n. 364
Conscientia suspiciosa,	p. 137. n. 365
Conscientia dubia assentiens,	p. 137. n. 366
Conscientia scrupulosa,	p. 138. n. 367
Conscientia bona,	p. 139. n. 377
Conscientia inquinata,	p. 139. n. 378
Conscientia cauteriata,	p. 139. n. 379

Index.

Conscientia perturbata,	p. 139. n. 380
Conscientia infirma,	p. 139. n. 381
Conscientia laxa,	p. 139. n. 382
Conscientia Pharisaica,	p. 140. n. 383
Conscientia perplexa,	p. 140. n. 384
Conscientiæ iudicium dicitur fides,	p. 135. n. 352
Consecrationis pronomina, Hoc, & Hic,	p. 419. n. 241
Consensus,	p. 153. n. 463. p. 98. n. 105
Consensus perfectus,	p. 154. n. 464
Consensus imperfectus,	p. 154. n. 465
Consensus expressus,	p. 154. n. 466
Consensus interpretatiuus,	p. 154. d. 467
Conseruatio,	p. 83. n. 489
Constantia,	p. 361. n. 1080
Constitutio,	p. 164. n. 530. 531
Consuetudo.	p. 165. n. 543. 544
Consuetudo legi contraria,	p. 166. n. 549
Consuetudo rationabilis,	p. 166. n. 550
Consuetudo bona,	p. 166. n. 551
Contentio,	p. 234. n. 239
Continere formaliter,	p. 26. n. 114
Continere eminenter,	p. 26. n. 115
Continere virtualiter,	p. 26. n. 116
Continere obiectiuè,	ibid.
Continuatio perfectionis,	p. 261. n. 398
Contractus,	p. 265. n. 423
Contractus explicitus,	p. 265. n. 426
Contractus implicitus,	p. 265. n. 427
Contractus nominatus,	p. 265. n. 428
Contractus innominatus,	p. 265. n. 429
Contractus stricti iuris,	p. 266. n. 430
Contractus bonæ fidei,	p. 166. n. 431
Contractus gratuitus,	p. 226. n. 432
Contractus onerosus,	p. 266. n. 433
Contractus nudus,	p. 266. n. 434
Contractus vestitus,	p. 266. n. 435
Contractus irritus,	p. 266. n. 436
Contractus irritandas,	p. 266. n. 437

• Index.

Contractui causam dare,	ibid.
Contractus transfert dominium, vel usum, &c. p. 266.	
n. 438	
Contritio,	p. 425. n. 286. & seq. p. 428. n. 300. p.
429. n. 302.	
Contritionis dolor,	p. 425, n. 289. 290
Controversia,	p. 296. n. 664
Contumelia,	p. 274. n. 496
Conueniens,	p. 23. n. 95
Copula coniugalis,	p. 493. n. 601. 602
Conuictum,	p. 372. n. 1150
Corona aureola,	p. 496. n. 618
Corpulenta substantia,	p. 393. n. 305. Fuisse in Ada-
mo secundum eam,	p. 393. n. 107
Corpus,	p. 414. 415. n. 227. 228
Corpus reale,	p. 24. n. 138
Corporis humani partes formales, materiales,	p. 381.
n. 41. 42	
Correctio fraterna, corrigere,	p. 232. 233. n. 226. 227
Correctio fraterna, corripere,	p. 232. n. 224. 225
Corruptela, vide. Abusus,	p. 164. n. 552
Creatio,	p. 82. n. 485
Credere implicitè,	p. 206. n. 69
Credere explicitè,	p. 207. n. 70
Crimen dirimens Matrim.	p. 481. n. 455. & seq.
Crudelitas,	p. 371. n. 1140
Cruor,	p. 419. n. 245
Crux Christi, vera, repræsentatiua,	p. 391. n. 98
Culpa,	p. 272. n. 469
Culpa lata,	p. 271. bis. n. 472
Culpa latior,	p. 271. bis. n. 473
Culpa latissima,	p. 271. bis. n. 474
Culpa leuis,	p. 271. bis. n. 475
Culpa leuissima,	ibid.
Cultus,	p. 313. n. 781
Cultus ciuilis,	p. 313. n. 782
Cultus sacer,	p. 313. n. 783
Cultus Patriæ,	p. 314. n. 784
Cultus hyperdulæ,	p. 314. n. 785

Index.

Cultus Dulis,	p. 314. n. 787
Cultus formalis,	p. 315. n. 788
Cultus materialis,	p. 315. n. 789
Cultus terminatiuus,	p. 315. n. 790
Cultus relatiuus,	p. 315. n. 791
Cultus absolutus,	p. 315. n. 902
Cultus respectiuius,	p. 315. n. 793
Cultus completus,	p. 316. n. 794
Cultus incompletus,	p. 316. n. 795
Cultus indebitus,	p. 337. n. 940
Cultus falsus,	p. 337. n. 941
Cultus superfluius,	p. 337. n. 942
Cultus disparitas impedi. Matr.	p. 483. n. 559, & seq.
Cur, circumstantia,	p. 128 n. 322
Curiositas,	p. 373. n. 1158. 1160

D.

D amnatio accidentalis,	p. 497. n. 629
Damnatio essentialis,	p. 497. n. 628
Damni illatio,	p. 264. n. 420
Damnificans principalis,	p. 271. n. 460
Damni causa efficax,	p. 296. n. 466
Damnium emergens,	p. 288. n. 601
Datio,	p. 275. n. 503
Datum,	p. 76. n. 443
Debita incerta,	p. 238. n. 383
Debitum coniugale,	p. 493. n. 604
Decimæ,	p. 335. n. 920
Cuius iuris sint,	p. 335. 336. n. 927. 928
Decimæ prædiales,	p. 335. n. 921
Decimæ personales,	p. 335. n. 922
Decimæ mixtæ,	p. 335. n. 923
Decimæ maiores,	p. 335. n. 925
Decimæ minores,	p. 335. n. 926
Decimarum differentia,	p. 335. n. 924
Decimarum obligatio,	p. 336. n. 933
Decorum,	p. 362, n. 1086
Dæmon inuocatur expresse, implicite, &c.	p. 338. n. 952. & seq.

Index:

Definire Deum,	p. 19. n. 65
Definitio,	p. 19. n. 66. p. 59. n. 352
Degradatio,	p. 455. n. 420
Delectatio.	p. 99. n. 110. p. 153. n. 462
Delectatio spiritualis,	p. 145. n. 415
Delectatio carnalis,	p. 145. n. 417
Delectatio morosa,	p. 158. n. 468
Deliberatio,	p. 98. n. 100. p. 153. n. 459
Deliberatio perfecta,	p. 106. n. 154
Demonstratio,	p. 10. n. 21
Denunciatio,	p. 197. n. 675
Depositio,	p. 455. n. 419
Depositum,	p. 293. n. 632. 633
Derelicta,	p. 272. bis. n. 384
Derelictio in peccato,	p. 56. n. 380
Derelictum,	p. 258. n. 385
Derogatio legis,	p. 164. n. 536
Descendere ab Adamo,	p. 393. n. 107. 108
Desiderium,	p. 97. n. 92
Desiderium efficax,	p. 97. n. 95
Desiderium inefficax,	p. 97. n. 93. & seq.
Desperatio,	p. 97. n. 97
Detestatio,	p. 427. n. 292
Detractio,	p. 273. n. 489
Detractor,	p. 274. n. 494. & 497
Deuotio,	p. 320. n. 816. 817
Deus,	p. 19. n. 64. & seq.
Deus actus purus,	p. 21. n. 75
Deus simplex,	p. 21. n. 78
Deus Sanctus,	p. 22. n. 83
Deus Bonus,	p. 23. n. 91
Deus omne bonum,	p. 26. n. 117
Deus perfectus,	p. 25. n. 108
Deus infinitus, immensus,	p. 26. n. 118
Deus in omni loco,	p. 28. n. 130
Deus in spatijs imaginarijs,	p. 29. n. 146
Deus vbique,	p. 30. n. 147
per essentiam,	p. 30. n. 148
per præsentiam,	p. 30. n. 149

Index.

per potentiam,	p. 30. n. 150
Deus immutabilis,	p. 30. n. 150. 152
Deus æternus,	p. 30. n. 153
Deus viuens & vita,	p. 32. n. 164.
Deus vita prima, substantialis, intellectualis, & per essentiam,	ibid. & n. 169
Deus Verus, Verax, Veritas per essentiam,	p. 34. n. 177. & seq.
Deus finis vltimus,	p. 84. n. 2. p. 86. n. 20
Deus causa prima, primus motor,	p. 183. n. 643
Dei Amor & Odium,	p. 35. n. 192
Diaconatus,	p. 465. n. 465. & seq.
Dictamen,	p. 98. n. 104
Differentia specifica,	p. 60. n. 358
Digamia,	p. 458. n. 434
Digamia vera.	p. 458. n. 435
Digamia interpretatiua,	p. 458. n. 436
Digamia similitudinaria,	p. 458. n. 437
Diffidentia,	p. 222. n. 163
Dignus ad Beneficium,	p. 306. n. 753
Dignior, &c.	n. 754
Dignissimus,	p. 755
Dignitas,	p. 303. n. 724
Dilectio,	p. 53. n. 311
Diligentia,	p. 271. bis, n. 471
Diligere,	p. 225. n. 178. 179
Diligere Deum,	p. 225. n. 580
Diligere Deum propter se,	ibid. & n. 181
Diligere Deum super omnia,	n. 182. ex toto cor-
de, &c.	p. 225. n. 183
Diligere proximum,	p. 226. n. 185
Diligere proximum propter Deum,	n. 186
sicut seipsum,	n. 187
Diligere plus appretiatiue,	p. 228. n. 193
Diligere plus intensiue,	p. 228. n. 194
Diligere plus obiectiue,	n. 192
Discordia,	p. 234. n. 238
Discretio spirituum,	p. 282. n. 570
Disparitas cultus,	p. 483. n. 539

Index.

Dispensare in imped. Matrim.	p. 492. n. 598. 599
Dispensatio,	p. 164. n. 533
Dispensatio subreptitia,	p. 324. n. 862
Dispensatio obreptitia,	p. 324. n. 863
Dispensatio voti,	p. 324. n. 852
Dispositio,	p. 52. n. 303
Dissensus,	p. 299. n. 694
Disfluctudo legis,	p. 166. n. 547
Diuination,	p. 338. n. 950
Diuination diuina,	p. 338. n. 951
Diuination superstitiosa,	p. 338. n. 952
Diuinus,	p. 339 n. 953
Diuortium,	p. 491. n. 593
Diuortij causæ,	p. 491. n. 594
Docilitas,	p. 241. n. 276
Doctor,	p. 496. n. 620
Dogma fidei,	p. 204. n. 48
Dolor,	p. 111. n. 122
Dolor animi,	p. 427. n. 293
Dolor contritionis,	p. 425. n. 288. & seq. p. 430. n. 306
Dolor sensibilis,	p. 387. n. 75
Dolor summus,	p. 430. n. 306
Dolor summus appretiatiuè,	p. 431. n. 310
Dolor summus intensiuè,	p. 430. n. 308. & seq.
Dolus,	p. 242. n. 288. p. 271. bis. n. 477. & seq.
Domicilium,	p. 489. n. 58
Dominat'ones,	p. 79. n. 469
Dominium,	p. 246 n. 313
Dominium iurisdictionis,	p. 247. n. 314
Dominium proprietatis,	p. 247. n. 315. 320
Dominium Ecclesiasticum,	p. 249. n. 324
Dominium ciuile,	p. 249. n. 325
Dominium perfectum,	p. 249. n. 326
Dominium imperfectum,	p. 249. n. 327
Dominium directum,	p. 249. n. 328. 330
Dominium vtile,	p. 249. n. 329. 331
Dominium infimum,	p. 391. n. 96
Dominium medium,	p. 391. n. 95
Dominium supremum,	p. 391. n. 94

Index.

Dominus perfectus,	p. 249. n. 332
Dominus imperfectus,	p. 249. n. 333
Donatio,	p. 275. n. 502
Donatio completa,	p. 275. n. 504
Donatio incompleta,	p. 275. n. 505
Donatio inter viuos,	p. 275. n. 506
Donatio mortis causâ,	p. 275. n. 507
ut obligent,	p. 275. n. 509. & seq.
ut possint reuocari,	p. 276. n. 512. & seq.
Donatio inofficiosa,	p. 278. n. 516
Dona Spiritûs-Sancti,	p. 187. n. 660. & seq.
Donum,	p. 76. n. 442. p. 167. n. 554. p. 187. n. 660
Donum essentialiter,	p. 76. n. 444
Donum notionaliter,	p. 76. n. 445
Donum personaliter,	p. 76. n. 446
Dos,	p. 88. n. 38. p. 88. n. 39. & seq.
Dos animæ,	p. 88. n. 41
Dos corporis,	p. 88. n. 42
Dubium,	p. 299. n. 700
Dubium positivum,	p. 299. n. 701
Dubium negativum,	p. 300. n. 702
Dubium iuris,	p. 300. n. 705
Dubium facti,	p. 300. n. 706
Dubium practicum,	p. 300. n. 704
Dubium speculativum,	p. 300. n. 703
Dubium temerarium,	p. 300. n. 710
Duellum,	p. 235. n. 250
ut licitum & illicitum,	p. 235. 236. n. 251. 252
Dulia,	p. 350. n. 1014
Duratio interna,	p. 31. n. 155
Duratio externa,	p. 31. n. 156

E.

Ebrietas, peccatum,	p. 362. n. 1092
Ebrietas peccati effectus,	p. 362. n. 1093
in Ebrietate commissa ut imputentur,	p. 363. n. 1094
Ecclesia,	p. 213. n. 115
Ecclesia militans,	p. 214. n. 116. 117

Index.

Ecclesia patiens,	p. 214. 215. n. 118. 119
Ecclesia triumphans,	p. 215. n. 111
Ecclesiæ notæ,	p. 215. n. 127. & seq.
de Ecclesia qui sint,	p. 215. n. 124
ab Ecclesia qui excludantur,	p. 215. n. 125
Eductio formæ,	p. 286. 287. n. 589. 590
Effectus,	p. 119. n. 251
Effectus per se,	p. 122. n. 278
Effectus per accidens,	p. 122. n. 279
Effectus fortuitus,	p. 122. n. 282
Effectus non fortuitus,	p. 272. bis. n. 483
Effectus contingens,	p. 242. n. 285
Effectus Sacramentorum, vide in singulis	
Effectus prædestinationis,	p. 53. 54. n. 315. 316
Efficacia gratiæ,	p. 186. n. 650
Electio,	p. 98. n. 106
Electio prædestinationis,	p. 53. n. 312
Electio ad beneficium,	p. 305. n. 741
Eleemosyna,	p. 231. n. 212
Eligere,	p. 125. n. 107
Emanatio,	p. 65. n. 382. 383
Emancipatio,	p. 481. n. 550
Emphyteusis,	p. 292. n. 615
Emptio,	p. 289. n. 606
Enoch, Elias,	p. 193. n. 703
Ens per essentiam,	p. 20. n. 68
Ens per participationem,	p. 20. n. 69
Eos simplex,	p. 21. n. 79
Ens compositum,	p. 22. n. 81
Ens, verbum,	p. 59. n. 347
Ens, participium,	p. 59. n. 349
Ens reale,	p. 59. n. 348
Entitas,	p. 58. n. 346. p. 378. n. 25
Entitas actûs humani, vide actus humanus.	
Epikeïa,	p. 373. n. 1057
Episcopatus,	p. 465. n. 462
Error,	p. 114. n. 202
Error in fide,	p. 211. n. 96
Error personæ,	p. 472. n. 502

Index.

Error qualitatis,	p. 472. n. 503
Error fortunæ;	p. 472. n. 504
Error dirimens Matrimonium,	p. 472. n. 505
Error conditionis,	p. 474. n. 511
Esse,	p. 61. n. 361. 362. p. 378. n. 27
Esse in loco, &c. vide, locus.	
Esse in peccato mortali, actu, affectu, reatu,	p. 438.
n. 346	
Esse in statu peccati mortalis,	p. 438. n. 347
Esse in peccato mortali, & non in statu,	p. 439. n. 349
Essentia,	p. 60. n. 355. p. 378. n. 24
Essentia realis,	p. 60. n. 356
Eucharistia,	p. 413. n. 222
Eucharistiæ materia & forma,	p. 414. n. 223
Esse in Eucharistia, verè, realiter & substantialiter,	
p. 414. n. 225	
Esse in Eucharistiâ ex vi verborum, & per concomi-	
tantiam,	p. 415. n. 232. & seq.
Eucharistiæ effectus,	p. 417. n. 243
Evidentia,	p. 6. n. 8
Eutrapelia,	p. 372. n. 1050
Examen diligens,	p. 433. n. 320
Excœcatio,	p. 57. n. 334. 335
Exclusio à gloriâ,	p. 57. n. 339
Excommunicatio,	p. 448. n. 390. 391
Excommunicatio maior,	p. 449. n. 392
Excommunicatio minor,	p. 449. n. 393
Excommunicatio à iure,	p. 449. n. 394
Excommunicatio ab homine,	p. 449. n. 395
Excommunicatio latæ sententiæ,	p. 450. n. 396
Excommunicatio ferendæ sententiæ,	p. 450. n. 397
Excommunicatio non tolerati,	p. 450. n. 399. vt
vitandi, & non vitandi,	n. 399. & seq.
Executor damni,	p. 271. n. 461. & seq.
Exemplar,	p. 75. n. 435. p. 324. n. 803
Existentia,	p. 61. n. 364. 365. p. 378. n. 28
Existere,	p. 61. n. 363
Exorcizo, Exorcismus, Exorcista,	p. 334. n. 918. & seq.
Expectare,	p. 221. n. 155

Index

Extasis,	p. 45. n. 275
Extrema-unctionio,	p. 458. n. 438
Extremæ-unctionis materia,	p. 459. n. 439
Extremæ-unctionis forma,	p. 459. n. 440
Cur fiat in quinque sensuum organis,	p. 460. n. 442
An vnica unctionio sufficiat?	n. 443
Extremæ-unctionis effectus primarius & absolutus,	
p. 461. n. 444. Effectus secundarius & conditionatus,	p. 461. n. 446. & seq.
Extremæ-unctionis minister,	p. 462. n. 449. Subiectum,
p. 462. n. 451. præceptum,	n. 450

F.

F Acienti quod in se est, &c.	p. 183. n. 635. & seq.
Falcidia,	p. 279. n. 534
Fama,	p. 273. n. 490. & seq.
Fatum,	p. 340. n. 969. & seq.
Felicitas,	p. 86. n. 21
Fervor,	p. 320. n. 818
Feudum,	p. 292. n. 616
Fictio,	p. 407. n. 191
Fide credere,	p. 205. n. 59
Fideicommissarius,	p. 277. n. 523
Fideicommissum,	p. 227. n. 521. 522
Fidei confessio,	p. 210. n. 91. quando obligat? n. 92
Fideiussio,	p. 293. n. 640
Fidelitas,	p. 292. n. 631
Fidentia,	p. 300. n. 1072
Fides, gratia datis data,	p. 282. n. 566
Fides,	p. 202. n. 41. & seq. 275. n. 500
Fidei obiectum,	p. 204. n. 46
Fides formata,	p. 205. n. 55
Fides informis,	p. 205. n. 56
Fides viua,	p. 205. n. 57
Fides, mortua,	p. 205. n. 58
Fides explicita,	p. 207. n. 76
Fides implicita,	p. 207. n. 77
Fiducia,	p. 220. n. 133

Index.

Fiducia divinæ misericordiæ,	p. 244. n. 297
Filius, in diuinis,	p. 74. n. 429
Filius consubstantialis,	p. 382. n. 48
Filius adoptiuus,	p. 382. n. 49
Filius Dei adoptiuus,	p. 382. n. 52
Filius naturalis,	p. 278. n. 531. p. 382. n. 47
Filius legitimus,	p. 278. n. 528
Filius illegitimus,	p. 278. n. 529
Filius spurius,	p. 278. n. 532
Finis,	p. 84. n. 3
Finis qui,	p. 84. n. 4
Finis cuius,	p. 85. n. 7
Finis obiectiuus,	p. 85. n. 8
Finis quo,	p. 85. n. 9
Finis formalis,	p. 85. n. 10
Finis cui,	p. 85. n. 11
Finis propinquus,	p. 85. n. 12
Finis remotus,	p. 85. n. 13
Finis non vltimus,	p. 86. n. 14
Finis vltimus,	p. 86. n. 15
Finis respectiuè vltimus,	p. 86. n. 16
Finis vltimatus,	p. 86. n. 17
Finis operis,	p. 86. n. 18
Finis operantis,	p. 86. n. 19
Finis causalitas, & conditio sine quâ non,	p. 86. n. 20
Fomes peccati,	p. 386. n. 66. & 69
Fomes peccati habitualis,	p. 386. n. 67
Fomes peccati actualis,	p. 386. n. 68
Formido,	p. 206. n. 67. 68
Formido de opposito,	p. 299. n. 697. 698
Fornicatio,	p. 366. n. 1116. 1117
Fortitudo,	p. 358. n. 1058
Fortuna,	p. 122. n. 280. 281
Fraternitas spiritualis,	p. 479. n. 543
Frans,	p. 242. n. 287. p. 271. bis. n. 476
Fructus Spiritûs,	p. 188. n. 671
Fructus merè naturales,	p. 270. n. 456
Fructus meræ industriæ,	p. 270. n. 457
Fructus mixti,	p. 270. n. 458

Index.

Fruitio,	p. 99. n. 111
Frustraneum,	p. 121. n. 286
Fuga,	p. 99. n. 117
Fundamentum affinitatis,	p. 488. n. 576
Furtum,	p. 272. bis. n. 484

G.

G Audium,	p. 99. n. 112
Genera linguarum,	p. 170. n. 571
Generare,	p. 68. n. 398
Generari,	p. 68. n. 399
Generatio,	p. 68. n. 402. & seq.
Generatio actiua,	p. 68. n. 400
Generatio passiva,	p. 68. n. 401
Generatio in diuinis,	p. 68. n. 406
Geomantia,	p. 340. n. 960
Gloria,	p. 322. n. 838
Gloria inanis,	p. 361. n. 1077
Glorificatio,	p. 54. n. 321
Gradus consanguinitatis,	p. 478. n. 532
Gradus tentationis.	p. 157. n. 480
Gratia,	p. 166. n. 553. p. 322. n. 836
Gratia increata,	p. 167. n. 555
Gratia increata vnionis hypostaticæ,	p. 381. n. 44
Gratia creata,	p. 167. n. 556
Gratia creata vnionis hypostaticæ,	p. 381. n. 45
Gratia naturalis,	p. 167. n. 557
Gratia supernaturalis,	p. 168. n. 558
Gratia externa,	p. 168. n. 559
Gratia interna,	p. 168. n. 560
Gratia gratis data,	p. 169. n. 562. & seq.
Gratia sanitatum,	p. 170. n. 567
Gratia gratum faciens,	p. 170. n. 576
Gratia habitualis,	p. 171. n. 578. & seq.
Gratia prima,	p. 172. n. 580
Gratia secunda,	p. 172. n. 581
Gratia habitualis causæ,	p. 172. n. 582
eiusdem productio,	p. 173. n. 583. & seq.
Gratia actualis,	p. 175. n. 592. & seq.

Index.

non denominat subiectum,	p. 176. n. 597
Gratia antecedens,	p. 179. n. 607. & seq.
Gratia comitans,	p. 179. n. 608. 611
Gratia subsequens,	p. 170. n. 609. 612. p. 183. n. 633
Gratia præueniens, aspirans, inspirans,	p. 180. n. 615. 616.
Gratia operans,	p. 180. n. 617. 620
Gratia cooperans,	p. 181. n. 619. 621
Gratia operans,	p. 181. n. 622. vt fit per eam
voluntas mota, non mouens,	p. 181. 182. n. 623. 626.
	p. 183. n. 631.
Gratia cooperans,	p. 181. 182. n. 624. 627
Gratia excitans,	p. 182. 183. n. 628. 632
Gratia adiuuans,	p. 182. n. 629
Gratia naturæ integræ,	p. 183. 184. n. 639. 641
Gratia naturæ lapsæ,	p. 183. 184. n. 640. 642
Gratia sufficiens,	p. 184. n. 644. & seq.
Gratia efficax,	p. 185. n. 647. vt determinat voluntatem, & ordinetur ad suum effectum,
	n. 648
Gratiæ efficacia,	p. 186. n. 850
Gratia ad singulos actus datur,	p. 186. n. 651
Gratia Sacramentalis,	p. 404. n. 174. 175
Gratia Baptifimalis,	p. 450. n. 716
Gratia Confirmationis,	n. 177
Gratia Pœnitentiæ,	n. 178
Gratia Eucharistiæ,	n. 179
Gratia Extremæ-unctionis,	n. 180
Gratia saluatiua, & alleuiatiua,	p. 461. n. 445
Gratia Ordinis,	p. 476. n. 181
Gratia Matrimonialis,	p. 476. n. 182
Gratiarum actio,	p. 322. n. 835. p. 352. n. 1025
Gratitudo,	p. 351. n. 1023
Gubernatio,	p. 50. n. 300. p. 170. n. 575
Gula,	p. 305. n. 1106. quale peccatum? p. 365. n. 1107

H.

H abitus,	p. 132. n. 358. p. 196. n. 5
Habitus naturalis,	p. 133. n. 340

Index.

Hagiographus,	p. 13. n. 39
Hæreditas,	p. 277. n. 519
Hæredis institutio,	p. 276. n. 517
Hæres,	p. 276. n. 518
Hæresis,	p. 211. n. 98
Hierarchia,	p. 79. n. 458
Hierarchia Angelica,	p. 79. n. 459
Hierarchia prima, secunda, tertia.	n. 460. 461. 462
Holocaustum,	p. 319. n. 809
Homicidium,	p. 457. n. 428
Homo per peccatum vulneratus in naturalibus,	p. 103. n. 133. 134.
Homo viator,	p. 476. n. 524. Vide, Viator.
Honestas,	p. 362. n. 1085
Honestas, Impedimentum Matrimonij,	p. 487. n. 572. 573.
Honor,	p. 274. n. 495. p. 313. n. 780
Horæ Canonicæ,	p. 306. n. 756. eas omittens, p. 307. n. 757
Hostia pacifica,	p. 319. n. 812
Hostia pro peccato,	p. 319. n. 814
Humanitas Christi, Instrumentum physicum divinitati coniunctum,	p. 383. n. 517
Humilitas,	p. 372. n. 1144
Humilitas iudicij,	p. 372. n. 1144
Humilitas affectûs,	n. 1145
Hydromantia,	p. 340. n. 960
Hyperdulia,	p. 313. n. 786. p. 350. n. 1018
Hypocrisis,	p. 356. n. 1047
Hypocrita,	n. 1048
Hypostasis,	p. 62. n. 371. p. 63. n. 373. p. 378. n. 31
Hypotheca,	p. 293. n. 638

I.

Idea,	p. 40. n. 227. & 228
Idæa diuina,	p. 40. n. 229
Idæum in Deo,	p. 40. n. 226
Idolatria,	p. 337. n. 944
Idololatria iæterna,	p. 338. n. 947
Idololatria	

Index.

Idololatria externa,	n. 948
Idololatria mixta,	n. 949
Idolum,	p. 337. n. 945
Ieiunium,	p. 363. n. 1095
Ieiunium naturale,	p. 363. n. 1098
Ieiunium medicinale,	p. 363. n. 1097
Ieiunium Philosophicum,	p. 363. n. 1098
Ieiunium morale,	p. 363. n. 1099
Ieiunium spirituale,	p. 363. n. 1100
Ieiunium poenitentiale,	p. 364. n. 1101
Ieiunium ecclesiasticum,	p. 364. n. 1102
Ignatia,	p. 358. n. 1062
Ignorantia,	p. 114. n. 198
Ignorantia negativa,	p. 114. n. 199
Ignorantia priuatiua,	p. 114. n. 200
Ignorantia prauæ depositionis,	n. 201
Ignorantia habitualis,	p. 114. n. 203
Ignorantia actualis,	n. 204
Ignorantia iuris,	115. p. n. 206
Ignorantia facti,	n. 207
Ignorantia inuincibilis physicè,	n. 208
Ignorantia inuincibilis moraliter,	n. 209
Ignorantia vincibilis,	p. 115. n. 210. & seq.
Ignorantia culpabilis,	p. 115. n. 211. 212
Ignorantia crassa,	p. 115. n. 213
Ignorantia affectata,	p. 115. n. 214
Ignorantia directè voluntaria,	n. 215
Ignorantia indirectè voluntaria,	p. 116. n. 216
Ignorantia antecedens,	p. 116. n. 217
Ignorantia concomitans,	p. 116. n. 218
Ignorantia consequens,	n. 219
ut Ignorantia causet inuoluntarium aut voluntarium, situe peccatum,	p. 116. n. 220. 221
Illabi in animam,	p. 45. n. 273
Illapsus,	p. 45. n. 274
Illatio damni,	p. 145. n. 420
Illuminare, illuminatio,	p. 80. n. 478
Illuminatio Angelica,	p. 80. n. 477

Index.

Imago,	p. 75. n. 434. p. 317. n. 802. vt adoranda, n. 804. & seq.
Imago in diuinis,	p. 75. n. 436
Immediatio suppositi,	p. 50. n. 302
Immediatio virtutis,	n. 301
Immensitas,	p. 27. n. 125
Immutabilitas,	p. 30. n. 150. 153
Impassibilitas,	p. 89. n. 45
Impatientia,	p. 360. n. 1069
Impeccabilitatis gradus,	p. 297. n. 678
Impedimentum Matrimonij,	p. 469. n. 483
Impedimentum impediens,	p. 469. n. 484
Impedimenta impediencia duodecim,	n. 486. & seq.
quatuor tantum in vfu,	p. 471. n. 498. quale pecca-
tum contrahere cum istis?	n. 499
Impedimentum dirimens,	p. 469. n. 485
Impedimenta dirimentia quindecim,	p. 471. n. 500
& seq.	
Imperare virtutum,	p. 228. n. 198. 199
Imperium,	p. 99. n. 108
Imperium charitatis,	p. 228. n. 197
Impignoratio,	p. 235. n. 249
Implicare contradictionem,	p. 47. n. 288
Impœnitentia,	p. 422. n. 266
Impossibile absolutum,	p. 47. n. 286
Impossibile respectuum,	ibid. n. 287
Impossibilitas absoluta,	p. 432. n. 317
Impossibilitas moralis,	ibid.
Impotentia impedimentum Matrimonij,	p. 489. n. 584
Impotentia perpetua,	p. 489. n. 586
Impotentia temporaria,	p. 489. n. 587
Impotentia absoluta,	p. 490. n. 588
Impotentia respectiua,	p. 490. n. 589
vt dirimat Matrimonium,	n. 590. 592
Improperium,	p. 372. n. 1149
Impudicitia,	p. 370. n. 1133
Inaduercentia,	p. 114. n. 205
Inanis gloria,	p. 361. n. 1077

Index:

Incarnatio in fieri.	p. 374. n. 4
Incarnatio in facto esse,	p. 375. n. 6
Incarnatio relatiue,	p. 375. n. 7
Incarnationis conuenientia,	p. 377. n. 20
Incarnationis necessitas,	p. 377. n. 21
Incarnationis varia nomina,	p. 374. n. 2
Incarnatio futura secluso peccato,	p. 377. n. 22
Incestus, p. 367. n. 1119. graue peccatum, n. 1121	
Incomprehensibilitas Dei,	p. 45. n. 273
Inconsideratio,	p. 241. n. 282
Inconstancia, p. 241. n. 283. p. 361. n. 1082	
Indeterminatio voluntatis,	p. 110. n. 177
Indignatio,	p. 234. n. 237
Indulgentia,	p. 440. n. 350
Indulgentia plenaria,	p. 440. n. 352
Indulgentia non plenaria,	p. 442. n. 356
Indulgentia à culpâ & poenâ,	n. 355
Indulgentia partialis,	p. 442. n. 357
Indulgentia quadragenæ, carenæ,	p. 442. n. 358
Indulgentia mille annorum,	p. 443. n. 360. 361
Indulgentia per modum absolutionis,	p. 443. 444. n. 362. 363
Indulgentia per modum solutionis,	n. 363. 364
Indulgentia per modum suffragij,	n. 365
Indulgentiæ vt sint infallibiles,	p. 444. n. 368
Indulgentiæ pro defunctis,	p. 445. n. 369
Infame malum,	p. 300. n. 711
Infernus,	p. 498. n. 634
Infidelitas negatiua,	p. 211. n. 93
Infidelitas priuatiua,	n. 94
Infidelitas prauæ dispositionis,	n. 95
Infinitas diuina,	p. 27. n. 120. & seq.
Infinitum,	p. 27. n. 119
Inflictiō poenæ sensûs,	p. 57. n. 339. p. 166. n. 548.
p. 498. n. 631. n. 638.	
Infusio,	p. 174. n. 588. p. 198. n. 19
Ingratitudo formalis,	p. 332. n. 1026
Ingratitudo materialis,	n. 1027
Inherencia,	p. 61. n. 369

Index.

Iniuria,	p. 244. n. 301. 302. p. 271. bis. n. 479
Iniustitia habitualis,	p. 244. n. 303
Iniusta acceptio,	p. 264. n. 419
Inobedientia,	p. 351. n. 1020
Inobedientia materialis.	n. 1021
Inobedientia formalis,	n. 1022
Inquisitio,	p. 297. n. 673
Insensibilitas,	p. 360. n. 1070
Inspiratio,	p. 93. n. 69
Instinctus,	p. 92. n. 66
Instinctus naturalis,	p. 67
Instinctus diuinus,	p. 93. n. 68
Instinctus angelicus,	p. 93. n. 70
Instinctus diabolicus,	p. 93. n. 71
Instituere Sacramentum,	p. 398. n. 132
Institutio,	p. 305. n. 746
Instrumentalis causa,	p. 120. n. 261
Instrumentum coniunctum.	p. 120. n. 262
Instrumentum separatum,	p. 120. n. 263
Instrumentum iuris,	p. 298. n. 688. 689
Intellectiuus,	p. 32. n. 167. 168
Intellectualis,	p. 32. n. 166. 169
Intellectus diuinus,	p. 40. n. 231
Intellectus mouet voluntatem,	p. 119. n. 239. 240
Intellectus principiorum,	p. 133. n. 343
Intellectus practicus,	p. 133. n. 341
Intellectus speculatiuus,	n. 342
Intelligentia, . p. 241. n. 273. Simplex intelligentia,	
p. 37. n. 212	
Intelligere,	p. 134. n. 347
Intemperantia,	p. 382. n. 1089
Intendere,	p. 401. n. 149
Intentio,	p. 98. n. 98. p. 401. n. 150. 151
Intentio ministri,	p. 401. n. 148. p. 402. n. 161
Intentio actualis,	p. 401. n. 152
Intentio virtualis.	p. 401. n. 152
Intentio habitualis,	n. 154. & seq.
Intentio interpretatiua,	p. 401. n. 158
Intentio absoluta,	p. 402. n. 159

Index.

Intentio conditionata,	p. 402. n. 160
Intentio suscipientis Sacramentum,	p. 403. n. 163
Interdictum,	p. 453. n. 409
Interdictum personale,	p. 454. n. 410
Interdictum locale,	n. 411
Interdictum mixtum,	n. 412
Interdictum personale generale,	p. 454. n. 413
Interdictum personale particulare,	n. 414
Interdictum locale generale,	n. 415
Interdictum locale particulare,	n. 416
Interesse,	p. 288. n. 599
Interpretatio legis,	p. 165. n. 537
Interpretatio verbalis legis,	p. 165. n. 538
Interpretatio per epikciam,	n. 539
Interpretatio sermonum,	p. 192. n. 696
Interpretatio voti,	p. 324. n. 855
Intimiditas,	p. 358. n. 1060
Invidia,	p. 233. n. 235
Inuoluere repugnantiam,	p. 47. n. 289
Inuoluntarium negatiue,	p. 108. n. 161
Inuoluntarium positiue,	n. 162
Inuoluntarium directum,	p. 108. n. 163
Inuoluntarium indirectum,	n. 164
Inuoluntarium simpliciter,	p. 108. n. 165
Inuoluntarium secundum quid,	n. 166
Ira,	p. 100. n. 124
Iracundia,	p. 371. n. 1137
Irregularitas,	p. 456. n. 421. 422
Irregularitas iuris diuini,	n. 423
Irregularitas iuris ecclesiastici,	p. 456. n. 424
Irregularitas totalis,	p. 457. n. 425
Irregularitas partialis,	n. 426
quando incurritur,	p. 457. n. 427
Irreligiositas,	p. 337. n. 938
Irritatio legis,	p. 164. n. 534
Iubilæum,	p. 441. n. 353
Iubilum,	p. 99. n. 113, p. 442. n. 354
Iudex,	p. 295. n. 654
ut procedit secundum ordinem iuris,	p. 297. n. 672

Index.

Iudiciaria potestas Dei & Christi,	p. 493. n. 605
Iudicij & iudicis conditiones,	p. 296. n. 661
Iudicij finalis modus,	p. 495. n. 612
Iudicium, p. 98. n. 102. p. 295. n. 656. p. 299. n. 692.	
p. 328. n. 882. p. 494. n. 601.	
Iudicium ultimo practicum,	p. 98. n. 102
Iudicium temerarium,	p. 300 n. 707
Iudicium priuatum,	p. 301. n. 714
eius conditiones,	ibid.
Iudicium diuinum,	p. 494. n. 607
Iudicium particulare,	n. 608
Iudicium discussionis,	p. 494. n. 609
Iudicium retributionis,	n. 610
Iuramentum,	p. 327. n. 873
Iuramentum actus religionis, eiusque vsus,	p. 327. n. 878
Iuramenti comites,	p. 328. n. 879
Iuramentum internum,	p. 329. n. 884
Iuramentum externum,	n. 885
Iuramentum expressum,	p. 329. n. 886
Iuramentum implicitum,	p. 329. n. 887
Iuramentum per Deum,	p. 329. n. 888
Iuramentum per Creaturam,	p. 329. n. 889
Iuramentum attestatorium,	p. 329. n. 890
Iuramentum execratorium,	p. 329. n. 891
Iuramentum assertorium,	p. 330. n. 892
Iuramentum promissorium,	p. 330. n. 893
Iuramentum cominatorium,	p. 330. n. 894
Iuramentum absolutum,	p. 330. n. 895
Iuramentum conditionatum,	p. 330. n. 896
Iuramentum simplex,	p. 330. n. 897
Iuramentum solenne,	p. 330. n. 898
Iuramentum iudiciale,	p. 330. n. 899
Iuramentum extraiudiciale,	p. 331. n. 900
Iuramentum calumnie,	p. 276. n. 901. & seq.
Iuramentum in litem,	p. 331. n. 904
Iuramentum formale,	p. 332. n. 905
Iuramentum materiale,	p. 332. n. 906
Iuramenti obligatio,	p. 332. n. 909
Iuramenti prohibitio,	p. 332. n. 907

Index.

Iurare,	p. 327. n. 875
Iurare alio sensu, &c.	p. 332. n. 908
Iurisdiclio,	p. 160. n. 495. 496. p. 295. n. 660
Ius,	p. 243. n. 295. p. 244. n. 296
Ius naturale,	p. 162. n. 513. 515. 516
Ius gentium,	p. 162. n. 514. 517
Ius civile.	p. 162. n. 18
Ius municipale,	p. 162. n. 519
Ius in re,	p. 244. n. 298
Ius ad rem,	p. 244. n. 299
Ius patronatûs,	p. 306. n. 749
Ius patronatûs Ecclesiastici,	n. 750
Ius patronatûs laïci,	n. 751
Iusiurandum,	p. 327. n. 876
Iussio, consilium, &c.	p. 267. n. 459. & seq.
Iustificatio,	p. 190. n. 686. p. 191. n. 693. & seq.
Iustificatio actiua,	p. 191. n. 688
Iustificatio passiva,	p. 191. n. 689
Iustificatio prima,	p. 191. n. 690
Iustificatio secunda,	p. 191. n. 691
Iustificatio secundum propositum,	p. 54. n. 320
Iustificationis termini,	p. 190. n. 686
Iustificationis causa,	p. 192. n. 696
Iustitia,	p. 242. n. 290. p. 243. n. 292. 293
Iustitia in Deo,	p. 36. n. 205
Iustitia Originalis,	p. 81. n. 483
Iustitia particularis,	p. 243. n. 294
Iustitia commutativa,	p. 244. n. 304
Iustitia distributiva,	p. 244. n. 305
Iustitia legalis,	p. 246. n. 311
Iustitia vindicativa,	p. 246. n. 312. p. 352. n. 1028
Iustitia iuramenti,	p. 328. n. 881

L.

L Ascivia,	p. 371. n. 1142
L Laudemium,	p. 250. n. 335
Laus,	p. 322. n. 837
Legare,	p. 277. n. 525
Legatum,	p. 277. n. 529
	L i iij

Index.

Fruitio,	p. 99. n. 111
Frustraneum,	p. 122. n. 286
Fuga,	p. 99. n. 117
Fundamentum affinitatis,	p. 488. n. 576
Furtum,	p. 272. bis. n. 484

G.

G Audium,	p. 99. n. 112
Genera linguarum,	p. 170. n. 571
Generare,	p. 68. n. 398
Generari,	p. 68. n. 399
Generatio,	p. 68. n. 402. & seq.
Generatio actiua,	p. 68. n. 400
Generatio passiva,	p. 68. n. 401
Generatio in diuinis,	p. 68. n. 406
Geomantia,	p. 340. n. 960
Gloria,	p. 322. n. 838
Gloria inanis,	p. 361. n. 1077
Glorificatio,	p. 54. n. 321
Gradus consanguinitatis,	p. 478. n. 532
Gradus tentationis.	p. 157. n. 480
Gratia,	p. 166. n. 553. p. 322. n. 836
Gratia increata,	p. 167. n. 555
Gratia increata vnionis hypostaticæ,	p. 381. n. 44
Gratia creata,	p. 167. n. 556
Gratia creata vnionis hypostaticæ,	p. 381. n. 45
Gratia naturalis,	p. 167. n. 557
Gratia supernaturalis,	p. 168. n. 558
Gratia externa,	p. 168. n. 559
Gratia interna,	p. 168. n. 560
Gratia gratis data,	p. 169. n. 562. & seq.
Gratia sanitatum,	p. 170. n. 567
Gratia gratum faciens,	p. 170. n. 576
Gratia habitualis,	p. 171. n. 578. & seq.
Gratia prima,	p. 172. n. 580
Gratia secunda,	p. 172. n. 581
Gratia habitualis causæ,	p. 172. n. 582
eiusdem productio,	p. 173. n. 583. & seq.
Gratia actualis,	p. 175. n. 592. & seq.

Index.

non denominat subiectum,	p. 176. n. 597
Gratia antecedens,	p. 179. n. 607. & seq.
Gratia comitans,	p. 179. n. 608. 611
Gratia subsequens,	p. 170. n. 609. 612. p. 183. n. 633
Gratia præueniens, aspirans, inspirans,	p. 180. n. 615. 616.
Gratia operans,	p. 180. n. 617. 620
Gratia cooperans,	p. 181. n. 619. 621
Gratia operans,	p. 181. n. 622. vt sit per eam
voluntas mota, non mouens,	p. 181. 182. n. 623. 626.
	p. 183. n. 631.
Gratia cooperans,	p. 181. 182. n. 624. 627
Gratia excitans,	p. 182. 183. n. 628. 632
Gratia adiuuans,	p. 182. n. 629
Gratia naturæ integræ,	p. 183. 184. n. 639. 641
Gratia naturæ lapsæ,	p. 183. 184. n. 640. 642
Gratia sufficiens,	p. 184. n. 644. & seq.
Gratia efficax,	p. 185. n. 647. vt determinat voluntatem, & ordinetur ad suum effectum,
	n. 648
Gratiæ efficacia,	p. 186. n. 850
Gratia ad singulos actus datur,	p. 186. n. 651
Gratia Sacramentalis,	p. 404. n. 174. 175
Gratia Baptifimalis,	p. 450. n. 716
Gratia Confirmationis,	n. 177
Gratia Pœnitentiæ,	n. 178
Gratia Eucharistiæ,	n. 179
Gratia Extremæ-vnctionis,	n. 180
Gratia saluatiua, & alleuiatiua,	p. 461. n. 445
Gratia Ordinis,	p. 476. n. 181
Gratia Matrimonialis,	p. 476. n. 182
Gratiarum actio,	p. 322. n. 835. p. 352. n. 1025
Gratitudo,	p. 351. n. 1023
Gubernatio,	p. 50. n. 300. p. 170. n. 575
Gula,	p. 305. n. 1106. quale peccatum? p. 365. n. 1107

H.

H abitus,	p. 132. n. 358. p. 196. n. 5
Habitus naturalis,	p. 133. n. 340

Index.

Hagiographus,	p. 13. n. 39
Hæreditas,	p. 277. n. 519
Hæredis institutio,	p. 276. n. 517
Hæres,	p. 276. n. 518
Hæresis,	p. 211. n. 98
Hierarchia,	p. 79. n. 458
Hierarchia Angelica,	p. 79. n. 459
Hierarchia prima, secunda, tertia.	n. 460. 461. 462
Holocaustum,	p. 319. n. 809
Homicidium,	p. 457. n. 428
Homo per peccatum vulneratus in naturalibus,	p. 103.
n. 133. 134.	
Homo viator,	p. 476. n. 524. Vide, Viator:
Honestas,	p. 362. n. 1085
Honestas, Impediumentum Matrimonij,	p. 487. n.
572. 573.	
Honor,	p. 274. n. 495. p. 313. n. 780
Horæ Canonice,	p. 306. n. 756. eas omittens, p. 307.
n. 757	
Hostia pacifica,	p. 319. n. 812
Hostia pro peccato,	p. 319. n. 814
Humanitas Christi, Instrumentum physicum divini-	
tati coniunctum,	p. 383. n. 517
Humilitas,	p. 372. n. 1144
Humilitas iudicij,	p. 372. n. 1144
Humilitas affectus,	n. 1145
Hydromantia,	p. 340. n. 960
Hyperdulia,	p. 313. n. 786. p. 350. n. 1018
Hypocrisis,	p. 356. n. 1047
Hypocrita,	n. 1048
Hypostasis,	p. 62. n. 371. p. 63. n. 373. p. 378. n. 31
Hypotheca,	p. 293. n. 638

I.

Dea,	p. 40. n. 227. & 228
Dea diuina,	p. 40. n. 229
Deum in Deo,	p. 40. n. 226
Idololatria,	p. 337. n. 944
Idololatria interna,	p. 338. n. 947
Idololatria	

Index.

Idololatria externa,	n. 948
Idololatria mixta,	n. 949
Idolum,	p. 337. n. 945
Ieiunium,	p. 363. n. 1095
Ieiunium naturale,	p. 363. n. 1096
Ieiunium medicinale,	p. 363. n. 1097
Ieiunium Philosophicum,	p. 363. n. 1098
Ieiunium morale,	p. 363. n. 1099
Ieiunium spirituale,	p. 363. n. 1100
Ieiunium poenitentialis,	p. 364. n. 1101
Ieiunium ecclesiasticum,	p. 364. n. 1102
Ignatia,	p. 358. n. 1062
Ignorantia,	p. 114. n. 198
Ignorantia negativa,	p. 114. n. 199
Ignorantia priuatiua,	p. 114. n. 200
Ignorantia prauæ depositionis,	n. 201
Ignorantia habitualis,	p. 114. n. 203
Ignorantia actualis,	n. 204
Ignorantia iuris,	115. p. n. 206
Ignorantia facti,	n. 207
Ignorantia inuincibilis physicè,	n. 208
Ignorantia inuincibilis moraliter,	n. 209
Ignorantia vincibilis,	p. 115. n. 210. & seq.
Ignorantia culpabilis,	p. 115. n. 211. 212
Ignorantia crassa,	p. 115. n. 213
Ignorantia affectata,	p. 116. n. 214
Ignorantia directè voluntaria,	n. 215
Ignorantia indirectè voluntaria,	p. 116. n. 216
Ignorantia antecedens,	p. 116. n. 217
Ignorantia concomitans,	p. 116. n. 218
Ignorantia consequens,	n. 219
vt Ignorantia causet inuoluntarium aut voluntarium, siue peccatum,	p. 116. n. 220. 221
Illabi in animam,	p. 45. n. 273
Illapsus,	p. 45. n. 274
Illatio damni,	p. 145. n. 420
Illuminare, illuminatio,	p. 80. n. 478
Illuminatio Angelica,	p. 80. n. 477
	L I

Index.

Imago,	p. 75. n. 434. p. 317. n. 802. vt adoranda, n. 804. & seq.
Imago in diuinis,	p. 75. n. 436
Immediatio suppositi,	p. 50. n. 302
Immediatio virtutis,	n. 301
Immensitas,	p. 27. n. 125
Immutabilitas,	p. 30. n. 150. 153
Impassibilitas,	p. 89. n. 45
Impatientia,	p. 360. n. 1069
Impeccabilitatis gradus,	p. 297. n. 678
Impedimentum Matrimonij,	p. 469. n. 483
Impedimentum impediens,	p. 469. n. 484
Impedimenta impediencia duodecim,	n. 486. & seq.
quatuor tantum in vfu, p. 471. n. 498. quale pecca- tum contrahere cum istis?	n. 499
Impedimentum dirimens,	p. 469. n. 485
Impedimenta dirimentia quindecim,	p. 471. n. 500
& seq.	
Imperare virtutum,	p. 228. n. 198. 199
Imperium,	p. 99. n. 108
Imperium charitatis,	p. 228. n. 197
Impignoratio,	p. 235. n. 249
Implicare contradictionem,	p. 47. n. 288
Impœnitentia,	p. 422. n. 266
Impossibile absolutum,	p. 47. n. 286
Impossibile respectuum,	ibid. n. 287
Impossibilitas absoluta,	p. 432. n. 317
Impossibilitas moralis,	ibid.
Impotentia impedimentum Matrimonij,	p. 489. n. 584
Impotentia perpetua,	p. 489. n. 586
Impotentia temporaria,	p. 489. n. 587
Impotentia absoluta,	p. 490. n. 588
Impotentia respectiva,	p. 490. n. 589
vt dirimat Matrimonium,	n. 590. 591
Improperium,	p. 372. n. 149
Impudicitia,	p. 370. n. 1133
Inaduercentia,	p. 114. n. 205
Inanis gloria,	p. 361. n. 1077

Index:

Incarnatio in fieri.	p. 374. n. 4
Incarnatio in facto esse,	p. 375. n. 6
Incarnatio relatiue,	p. 375. n. 7
Incarnationis conuenientia,	p. 377. n. 20
Incarnationis necessitas,	p. 377. n. 21
Incarnationis varia nomina,	p. 374. n. 2
Incarnatio futura secluso peccato,	p. 377. n. 22
Incestus, p. 367. n. 1119. graue peccatum, n. 1121	
Incomprehensibilitas Dei,	p. 45. n. 273
Inconsideratio,	p. 241. n. 282
Inconstantia, p. 241. n. 283. p. 361. n. 1082	
Indeterminatio voluntatis,	p. 110. n. 177
Indignatio,	p. 234. n. 237
Indulgentia,	p. 440. n. 350
Indulgentia plenaria,	p. 440. n. 352
Indulgentia non plenaria,	p. 442. n. 356
Indulgentia à culpâ & poenâ,	n. 355
Indulgentia partialis,	p. 442. n. 357
Indulgentia quadragenæ, carenæ,	p. 442. n. 358
Indulgentia mille annorum,	p. 443. n. 360. 361
Indulgentia per modum absolutionis,	p. 443. 444. n. 362. 363
Indulgentia per modum solutionis,	n. 363. 364
Indulgentia per modum suffragij,	n. 365
Indulgentiæ vt sint infallibiles,	p. 444. n. 368
Indulgentiæ pro defunctis,	p. 445. n. 369
Infame malum,	p. 300. n. 711
Infernus,	p. 498. n. 634
Infidelitas negatiua,	p. 211. n. 93
Infidelitas priuatiua,	n. 94
Infidelitas prauæ dispositionis,	n. 95
Infinitas diuina,	p. 27. n. 120. & seq.
Infinitum,	p. 27. n. 119
Inflictio poenæ sensûs,	p. 57. n. 339. p. 166. n. 548.
p. 498. n. 631. n. 638.	
Infusio,	p. 174. n. 588. p. 198. n. 19
Ingratitudo formalis,	p. 352. n. 1026
Ingratitudo materialis,	n. 1027
Inuentia,	p. 61. n. 369

Index.

Iniuria,	p. 144. n. 301. 302. p. 271. bis. n. 479
Iniustitia habitualis,	p. 244. n. 303
Iniusta acceptio,	p. 264. n. 419
Inobedientia,	p. 351. n. 1020
Inobedientia materialis,	n. 1021
Inobedientia formalis,	n. 1022
Inquisitio,	p. 297. n. 673
Insensibilitas,	p. 360. n. 1070
Inspiratio,	p. 93. n. 69
Instinctus,	p. 92. n. 66
Instinctus naturalis,	p. 67
Instinctus diuinus,	p. 93. n. 68
Instinctus angelicus,	p. 93. n. 70
Instinctus diabolicus,	p. 93. n. 71
Instituere Sacramentum,	p. 398. n. 132
Institutio,	p. 305. n. 746
Instrumentalis causa,	p. 120. n. 261
Instrumentum coniunctum.	p. 120. n. 262
Instrumentum separatum,	p. 120. n. 263
Instrumentum iuris,	p. 298. n. 688. 689
Intellectiuus,	p. 32. n. 167. 168
Intellectualis,	p. 32. n. 166. 169
Intellectus diuinus,	p. 40. n. 231
Intellectus mouet voluntatem,	p. 119. n. 239. 240
Intellectus principiorum,	p. 133. n. 343
Intellectus practicus,	p. 133. n. 341
Intellectus speculatiuus,	n. 342
Intelligentia, .	p. 241. n. 273. Simplex intelligentia,
	p. 37. n. 212
Intelligere,	p. 134. n. 347
Intemperantia,	p. 382. n. 1089
Intendere,	p. 401. n. 149
Intentio,	p. 98. n. 98. p. 401. n. 150. 151
Intentio ministri,	p. 401. n. 148. p. 402. n. 161
Intentio actualis,	p. 401. n. 152
Intentio virtualis.	p. 401. n. 152
Intentio habitualis,	n. 154. & seq.
Intentio interpretatiua,	p. 402. n. 153
Intentio absoluta,	p. 402. n. 159

Index.

Intentio conditionata ,	p. 402. n. 160
Intentio suscipientis Sacramentum ,	p. 403. n. 163
Interdictum ,	p. 453. n. 409
Interdictum personale ,	p. 454. n. 410
Interdictum locale ,	n. 411
Interdictum mixtum ,	n. 412
Interdictum personale generale ,	p. 454. n. 413
Interdictum personale particulare ,	n. 414
Interdictum locale generale ,	n. 415
Interdictum locale particulare ,	n. 416
Interesse ,	p. 288. n. 399
Interpretatio legis ,	p. 165. n. 537
Interpretatio verbalis legis ,	p. 165. n. 538
Interpretatio per epikceiam ,	n. 539
Interpretatio sermonum ,	p. 192. n. 696
Interpretatio voti ,	p. 324. n. 855
Intimiditas ,	p. 358. n. 1060
Invidia ,	p. 233. n. 235
Inuoluere repugnantiam ,	p. 47. n. 289
Inuoluntarium negatiue ,	p. 108. n. 161
Inuoluntarium positiue ,	n. 162
Inuoluntarium directum ,	p. 108. n. 163
Inuoluntarium indirectum ,	n. 164
Inuoluntarium simpliciter ,	p. 108. n. 165
Inuoluntarium secundum quid ,	n. 166
Ira ,	p. 100. n. 124
Iracundia ,	p. 371. n. 1137
Irregularitas ,	p. 456. n. 421. 422
Irregularitas iuris diuini ,	n. 423
Irregularitas iuris ecclesiastici ,	p. 456. n. 424
Irregularitas totalis ,	p. 457. n. 425
Irregularitas partialis ,	n. 426
quando incurritur ,	p. 457. n. 427
Irreligiositas ,	p. 337. n. 938
Irritatio legis ,	p. 164. n. 534
Iubilæum ,	p. 441. n. 353
Iubilum ,	p. 99. n. 113. p. 442. n. 354
Iudex ,	p. 295. n. 654
ut procedit secundum ordinem iuris ,	p. 297. n. 672

Index.

Iudiciaria potestas Dei & Christi,	p. 493. n. 605
Iudicij & iudicis conditiones,	p. 296. n. 661
Iudicij finalis modus,	p. 495. n. 612
Iudicium, p. 98. n. 102. p. 295. n. 656. p. 299. n. 692.	
p. 328. n. 882. p. 494. n. 601.	
Iudicium ultimo practicum,	p. 98. n. 102
Iudicium temerarium,	p. 300 n. 707
Iudicium priuatum,	p. 301. n. 714
eius conditiones,	ibid.
Iudicium diuinum,	p. 494. n. 607
Iudicium particulare,	n. 608
Iudicium discussionis,	p. 494. n. 609
Iudicium retributionis,	n. 610
Iuramentum,	p. 327. n. 873
Iuramentum actus religionis, eiusque vñus,	p. 327. n. 878
Iuramenti comites,	p. 328. n. 879
Iuramentum internum,	p. 329. n. 884
Iuramentum externum,	n. 885
Iuramentum expressum,	p. 329. n. 886
Iuramentum implicitum,	p. 329. n. 887
Iuramentum per Deum,	p. 329. n. 888
Iuramentum per Creaturam,	p. 329. n. 889
Iuramentum attestatorium,	p. 329. n. 890
Iuramentum execratorium,	p. 329. n. 891
Iuramentum assertorium,	p. 330. n. 892
Iuramentum promissorium,	p. 330. n. 893
Iuramentum comminatorium,	p. 330. n. 894
Iuramentum absolutum,	p. 330. n. 895
Iuramentum conditionatum,	p. 330. n. 896
Iuramentum simplex,	p. 330. n. 897
Iuramentum solenne,	p. 330. n. 898
Iuramentum iudiciale,	p. 330. n. 899
Iuramentum extraiudiciale,	p. 331. n. 900
Iuramentum calumnie,	p. 276. n. 901. & seq.
Iuramentum in licem,	p. 331. n. 904
Iuramentum formale,	p. 332. n. 905
Iuramentum materiale,	p. 332. n. 906
Iuramenti obligatio,	p. 332. n. 909
Iuramenti prohibitio,	p. 332. n. 907

Index.

Iurare,	p. 327. n. 873
Iurare alio sensu, &c.	p. 332. n. 908
Iurisdictio,	p. 160. n. 495. 496. p. 295. n. 660
Ius,	p. 243. n. 295. p. 244. n. 296
Ius naturale,	p. 162. n. 513. 515. 516
Ius gentium,	p. 162. n. 514. 517
Ius ciuile.	p. 162. n. 18
Ius municipale,	p. 162. n. 519
Ius in re,	p. 244. n. 298
Ius ad rem,	p. 244. n. 299
Ius patronatûs,	p. 306. n. 749
Ius patronatûs Ecclesiastici,	n. 750
Ius patronatûs laïci,	n. 751
Iusiurandum,	p. 327. n. 876
Iussio, consilium, &c.	p. 267. n. 459. & seq.
Iustificatio,	p. 190. n. 686. p. 191. n. 693. & seq.
Iustificatio actiua,	p. 191. n. 688
Iustificatio passiuâ,	p. 191. n. 689
Iustificatio prima,	p. 191. n. 690
Iustificatio secunda,	p. 191. n. 691
Iustificatio secundum propositum,	p. 54. n. 320
Iustificationis termini,	p. 190. n. 686
Iustificationis causa,	p. 192. n. 696
Iustitia,	p. 242. n. 290. p. 243. n. 292. 293
Iustitia in Deo,	p. 36. n. 205
Iustitia Originalis,	p. 81. n. 483
Iustitia particularis,	p. 243. n. 294
Iustitia commutatiua,	p. 244. n. 304
Iustitia distributiua,	p. 244. n. 305
Iustitia legalis,	p. 246. n. 311
Iustitia vindicatiua,	p. 246. n. 312. p. 352. n. 1028
Iustitia iuramenti,	p. 328. n. 882

L.

L Ascruia,	p. 371. n. 1142
L Laudemium,	p. 250. n. 335
Laus,	p. 322. n. 837
Legare,	p. 277. n. 525
Legatum,	p. 277. n. 524
	L iij

Index

Legitima,	p. 278. n. 527
Legis commissoriae conditiones,	p. 285. n. 582
Lenitas,	p. 371. n. 1139
Lentitudo,	p. 371. n. 1135
Lex,	p. 159. n. 490. 491
Lex aeterna,	p. 126. n. 314. 315. p. 142. n. 398
Lex divina naturalis,	p. 160. n. 499
Lex divina positiva,	p. 161. n. 501
Lex positiva,	p. 161. n. 509
Lex Mosaiica,	p. 161. n. 502
Lex Evangelica,	p. 161. n. 507
Lex humana,	p. 161. n. 510
ut sit iusta, n. 511. ut obliget etiam cum periculo vi-	
tae,	p. 162. n. 512
Lex affirmatiua,	p. 162. n. 520
Lex negatiua,	p. 162. n. 521
Lex pure moralis,	p. 162. n. 522
Lex poenalis,	p. 163. n. 523
Lex pure poenalis,	p. 163. n. 524. 525
Lex poenalis mixta,	p. 163. n. 526. 527. 528
Lex omnis obligat in conscientia,	p. 164. n. 529
Lex commissoria,	p. 284. n. 580. 581
Libamen,	p. 319. n. 818
Libellus,	p. 292. n. 627
Liber Dei,	p. 57. n. 340
Liber vitae,	p. 57. 58. n. 341. 342
Liber mortis,	p. 58. n. 343
Liber statu,	p. 475. n. 517
Liberalitas,	p. 357. n. 1054
Libertas,	p. 101. n. 126. & seq. p. 474. n. 513
Libertas essentialis, p. 101. n. 128. accidentalis, ibid.	
Libertas contrarietatis,	p. 104. n. 130
Libertas contradictionis,	n. 131
Libenum arbitrium, p. 101. n. 129. p. 102. n. 132. non	
extinctum per peccatum,	p. 103. n. 133
Libenum agens,	p. 104. n. 135
Ligamen, Impedimentum Matrimonij,	p. 486. n. 569
Limbus Patrum,	p. 428. n. 636
Limbus puerorum,	n. 637

Index.

Linea consanguinitatis,	p. 477. n. 529
Linea recta,	n. 530
Linea collateralis,	n. 531
utriusque Regula,	p. 478. n. 533. 534
Lingua angelica,	p. 80. n. 476
Litigium,	p. 357. n. 1053
Locatum,	p. 291. n. 621
Locator,	p. 291. n. 623
Locus Topicus,	p. 11. n. 27
Locus Theologicus,	p. 12. n. 29
Locus proprius,	p. 12. n. 30
Locus improprius,	p. 12. n. 31
Locus necessarius,	p. 12. n. 32
Locus non necessarius,	p. 12. n. 33
Locus internus,	p. 12. n. 34
Locus externus,	p. 12. n. 35. p. 28. n. 134
Locus intrinsecus,	p. 28. n. 133
in Loco esse circumscriptiue,	n. 138
definitiue,	n. 132.
repletiue,	n. 130
Locutio angelica,	p. 80. n. 475
Locutio propria,	p. 354. n. 1034
Locutio impropria,	n. 1035
Longanimitas,	p. 363. n. 1098
Lucrum,	p. 286. n. 585
Lucrum cessans,	p. 288. n. 600
Ludus,	p. 294. n. 643
Ludus aleæ,	n. 644
Lumen,	p. 44. n. 258. & seq.
Lumen gloriæ,	p. 43. n. 256
Lux,	p. 44. n. 257
Luxuria,	p. 336. n. 1115

M.

Macula peccati,	p. 155. n. 472. & seq.
Magia naturalis,	p. 343. n. 985
Magia superstitiosa,	p. 343. n. 986
Magnanimitas,	p. 360. n. 1074
Magnificencia,	p. 361. n. 1078
Maioratus,	p. 248. n. 316. 317

Index.

Maledictio,	p. 372. n. 1148
Maleficium,	p. 344. n. 987
Maleficij signa amouere,	n. 988
Malitia,	p. 118. n. 236
Malitia moralis,	n. 237
Malum,	p. 118. n. 235
Malum arduum,	p. 94. n. 78
Malum inhonestum,	p. 118. n. 238
Malum infamiae,	p. 300. n. 711
Mancipium,	p. 476. n. 524
Manfuetudo,	p. 370. n. 1134
* B. V. Maria Mater Dei:	p. 393. n. 103
ut descendit ab Adamo,	n. 104
ut in ea fuerit fomes peccati,	p. 393. n. 110
Martyr,	497. n. 622
Martyrium,	p. 358. n. 1064. 1065. p. 410. n. 210
Martyrium paruulorum,	p. 359. n. 1066
Materia Sacramentorum,	p. 399. n. 133. & seq.
est duplex,	n. 136
Materia remota,	p. 400. n. 137. 139
Materia proxima,	n. 138. 140
Materiae & formae Sacramentorum coniunctio,	n. 141
Materiae & formae Sacramentorum mutatio substan-	
tialis,	p. 400. n. 142. 143. 145
Mutatio accidentalis,	n. 144. p. 401. 146
Matrimonium,	p. 467. n. 472
Matrimonium contractus,	n. 473
Matrimonium Sacramentum,	p. 467. n. 475
Matrimonium ratum,	n. 476
Matrimonium consummatum,	p. 468. n. 477
Matrimonium infidelium,	p. 483. n. 568
Matrimonium inualidum ut reualidari potest,	p. 493.
	n. 601
Matrimonij materia & forma,	p. 399. n. 136. p. 468.
	n. 478
Matrimonij Minister,	p. 468. n. 479
Matrimonij effectus,	p. 405. n. 182. p. 468. n. 480
Matrimonij Impedimentum,	vide Impedimentum
Matrimonij.	

Index.

Medium,	p. 58. n. 6. p. 98. n. 99
Membrana,	p. 458. n. 433
Membrum,	p. 457. n. 431. 432
Memoria,	p. 241. n. 272
Mendacium, p. 353. n. 1033. eius malitia, p. 354. n. 1036	
Mendacium officiosum,	n. 1037
Mendacium iocosum,	n. 1038
Mendacium perniciosum,	p. 354. n. 1039
Mercenarius,	p. 300. n. 705
Merces,	p. 300. n. 704
Meritum,	p. 192. n. 697. 698
Meritum de congruo,	p. 192. n. 699
Meritum de condigno,	p. 193. n. 701
Meritum rigorosum,	p. 193. n. 700
Meriti condiciones,	p. 193. n. 702. 703
Merx,	p. 289. n. 607
Metallum,	p. 289. n. 608
Metoposcopia,	p. 340. n. 962
Metus,	p. 110. n. 178
Metus levis,	p. 110. n. 180
Metus vanus,	p. 111. n. 181
Metus grauis,	p. 111. n. 182
Metus absolute grauis,	n. 184
Metus respectiue grauis,	n. 186
Metus iustus,	p. 111. n. 183
Metus cadens in constantem virum,	n. 185
ut causet inuoluntarium,	n. 186. & seq.
Metus in Atteritione salutari,	p. 112. n. 187
Metus impedimentum Matrimonij,	Vide, Vis.
Ministratio,	p. 170. n. 573
Miraculum,	p. 48. & 49. n. 297. 298.
Mirum,	p. 48. n. 296
Miseria;	p. 231. n. 211
Misericordia,	p. 37. n. 207. p. 131. n. 208
Misericordia actualis,	p. 231. n. 209
Misericordia in Deo,	p. 37. n. 206. 207
Missä,	p. 417. n. 244
Missä Catechumenorum, fidelium,	ibid.
Missä valor & effectus,	p. 418. n. 247. & seq.

Index.

vide, Sacrificium Missæ.	
Missio in divinis,	p. 77. n. 447. & seq.
Missio visibilis,	p. 77. n. 452.
Missio invisibilis,	p. 77. n. 453.
Missio Angelica,	p. 80. n. 479. & seq.
Mitti,	p. 77. n. 451.
Mixtio rei benedictæ,	p. 459. n. 441. p. 412. n. 218
Modestia,	p. 371. n. 1141
Moderamen inculpatæ tutelæ,	p. 457. n. 429
Mollities,	p. 361. n. 1083
Moneta,	p. 289. n. 608
Monopolium,	p. 290. n. 616
Mons pietatis,	p. 288. n. 603
vt suo nomini respondeat,	ibid.
Morositas,	p. 357. n. 1052
Mors spiritualis prima,	p. 145. n. 420
Mors spiritualis secunda,	p. 145. n. 418
Mortificatio bonorum operum,	p. 424. n. 279
Motor primus,	p. 123. n. 287
Motus animæ,	p. 152. n. 453
Motus concupiscentiæ,	p. 152. n. 454. & seq.
Motus primus-primus,	p. 457
Motus secundo-primus,	n. 458
Motus appetitus sensitivi quales in Christo,	p. 385
n. 65. & seq.	
Movere,	p. 119. n. 242
Movere quoad specificationem,	p. 119. n. 242
Movere quoad exercitium,	p. 119. n. 243
Mulcta,	p. 159. n. 490
Mundus,	p. 81. n. 484
Munera,	p. 294. n. 645
Munera personalia,	p. 294. n. 647
Munera realia,	n. 646
Munera mixta,	n. 648
Mutatio,	p. 30. n. 151
omnis Mutatio abest à Deo,	n. 152
Mutatio materiæ & formæ Sacramentorum, vide,	
Materiæ & formæ mutatio, &c.	
Mutilatio.	p. 457. n. 438

Index.

Mutuum,
Mutuo pendente, &c.

p. 283. n. 573. & seq.
p. 285. n. 583

N.

Natura, p. 66. n. 357. & seq. p. 378. n. 23
Natura humana tota assumpta, nomine carnis si-
gnificata, p. 374. 375. n. 4. §
Naturæ intellectualis conuenientia, p. 126. n. 315
Necessarium, p. 109. n. 173
Necessarius actus, n. 174
Necessarium ad salutem necessitate mediij, p. 208. n. 78
Necessarium necessitate præcepti, n. 79. p. 209. n. 14
Necessarium necessitate mediij absolutè, p. 208. n. 84
Necessarium necessitate mediij hypotheticè, n. 83
vt Necessarium necessitate mediij differt à necessario
necessitate præcepti, p. 208. n. 80
Necessitas, p. 109. n. 175
Necessitas consequentiæ, p. 39. n. 223
Necessitas consequentis, n. 224
Necessitas naturalis, p. 109. n. 176
Necessitas absoluta mediij ad salutem, p. 209. n. 85
Necessitas hypotheca mediij, &c. n. 86
Necessitas præcepti ad salutem, n. 87
Necessitas mediij tantum, n. 88
præcepti tantum, ibid. Mediij & præcepti, ibid.
Necessitas extrema, p. 229. n. 201. p. 231. n. 214
Necessitas grauis, p. 232. n. 213
Necessitas communis. p. 232. n. 216
Necessitas spiritualis extrema. p. 232. n. 222
Necessitas spiritualis grauis, n. 223
Necromantia, p. 340. n. 959
Negligentia, p. 241. n. 284. p. 372. n. 1152. p. 373. n. 1159
Negotiatio, p. 289. n. 604
Nemesis, p. 234. n. 237
Nitor animæ, p. 156. n. 476
Nolitio, p. 104. n. 138
Nomen essentiale, p. 70. n. 408
Nomen nationale, p. 71. n. 409
Nomen personale, n. 410

Index.

Nominare Deum,	p. 19. n. 64
Non vsus legis,	p. 166. n. 546
Nota Ecclesiaz,	p. 216. n. 127
Notus,	p. 278. n. 530
Notio,	p. 71. n. 413
Quotuplex,	p. 71. n. 414
Notorius percussor Clerici,	p. 448. n. 387
Nouale,	p. 336. n. 935
Nouales,	p. 336. n. 934

O.

O bduratio,	p. 57. n. 332
Obduratio ex parte peccatoris,	p. 57. n. 332
Obedientia,	p. 351. n. 1016. 1017
Obedientia materialis,	p. 351. n. 1018
Obedientia formalis,	n. 1019
Obedientia religiosa,	p. 327. n. 872
Obiectum Theologiae, p. 5. n. 2. p. 5, n. 8. p. 8. n. 14	
Obiectum adequatum Theologiae,	p. 8. n. 15
Obiectum actus humani,	p. 123. n. 291
Obiectum formale actus humani,	p. 123. n. 293
Obiectum materiale actus humani,	p. 123. n. 292
Obiectum virtutis Theologicae fidei, &c. p. 202. n. 39. 41	
Obiectum charitatis,	p. 227. n. 190. 191
Oblatio,	p. 319. n. 807
Oblationes,	p. 336. n. 932
Obligati in solidum,	p. 272. n. 468
Obligatio restitutionis, p. 264. n. 418. p. 267. n. 432	
Obligatio stricta,	p. 244. n. 70
Obreptio,	p. 324. n. 861
Obseruantia,	p. 349. n. 1009
Obseruantia vana,	p. 342. n. 979
Obseruantia sacrorum,	p. 342. n. 981
Obseruantia sanitatum,	p. 343. n. 982
Obseruantia euentuum,	n. 983
Obseruantia politica,	p. 349. n. 1010
Obseruantia religiosa,	p. 350. n. 1011
Obseruantia religiosa triplex,	n. 1012. & seq.
Occasio,	p. 148. n. 435. 436
Occasio peccati,	p. 148. n. 437

Occasio propinqua peccati,	n. 438
Occasio remota peccati,	p. 149 n. 439
Odium,	p. 36. n. 202. p. 99. n. 114
odium abominationis,	p. 36 n. 203. p. 99. n. 116
Odium inimicitiae,	p. 36. n. 204. p. 99. n. 115
ut Odium sit in Deo,	p. 36. n. 204
Odium Dei,	p. 233. n. 228. & seq.
Odium proximi,	p. 233. n. 232. & seq.
Offensa,	p. 235. n. 477. & seq.
Omen,	p. 340. n. 965
Omissio, voluntaria, peccaminosa,	p. 107. n. 160
Omnipotens,	p. 46. n. 282
Omnipotentia,	p. 46. n. 283
Omnipotentia Christi,	p. 383. n. 55
Omnipotentia absoluta,	p. 383. n. 56
Omnipotentia secundum quid,	p. 383. n. 57
Opera indifferentia,	p. 423. n. 269
Opera moraliter bona,	p. 423. n. 270
Opera vitia,	p. 423. n. 271
Opera mortua,	n. 272
Opera media,	n. 273
Opera mortifera,	p. 424. n. 274. n. 275
Opera nociua,	p. 424. n. 276
Opera mortificat,	n. 277
Opera viuificata,	n. 278
Quae Opera reuiuiscant & quomodo,	p. 424. n. 281
& seq.	
ex Opere Operato gratiam conferre,	p. 405. n. 173
Operum mortificatorum reuiuiscencia,	p. 424. n. 280
Operum bonorum mortificatio,	n. 279
Opus operantis,	p. 404. n. 172
Opus operatum,	n. 171
Opus supererogationis,	p. 425. n. 284
Operatio vitalis,	p. 34. n. 176
Operatio virtutum,	p. 170. n. 568
Operatio supernaturalis quoad substantiam,	p. 178.
n. 602	
Operatio supernaturalis quoad modum,	n. 603
Opinio,	p. 299. n. 595

Index:

Opinio temeraria,	p. 300. n. 708
Opitulatio,	p. 170. n. 574
Opobalsamum,	p. 412. n. 217
Oraculum,	p. 339. n. 954
Oratio,	p. 320. n. 819
Oratio mentalis,	p. 321. n. 821
Oratio vocalis,	n. 822
Oratio merè vocalis,	n. 823
Oratio priuata,	n. 824
Oratio publica,	n. 825
Oratio Christi, etiam hunc in Cælo,	p. 384. n. 628
p. 385. n. 63	
Ordo,	p. 73. n. 421
Ordo originis,	p. 73. n. 422
Ordo originis in diuinis,	n. 420. & 423
Ordo Sacramentum,	p. 463. n. 452
Ordines septem,	p. 464. n. 458
Ordo maior,	n. 460
Ordo sacer,	n. 459
Ordo minor & non sacer,	n. 461
Ordinum maiorum materia & forma duplex,	p. 465.
n. 463. & seq.	
Ordo presbyteratus duplex,	n. 462
Ordo Impedimentum Matrimonij,	p. 486. n. 568
& seq.	
Ordinandus Episcopus,	p. 465. n. 463
Ordinum minorum materia & forma,	p. 466. n. 468
Ordinis Minister,	n. 469
Ordinis effectus,	n. 470
Orthodoxus,	p. 207. n. 74
Oscula, &c.	p. 493. n. 603
P.	
Pactum,	p. 265. n. 425
Pactum tacitum,	p. 287. n. 596
Palpo,	p. 268. n. 446
Papatus,	p. 464. n. 462
Paradisus,	p. 498. n. 633
Parapherna,	p. 258. n. 381
Pars superior anime,	p. 91. n. 54
	Pars

Index.

Pars inferior animæ,	p. 91. n. 55
Parochiani,	p. 489. n. 580
Participans,	p. 268. n. 448
Passio,	p. 96. n. 87. p. 387. n. 70. 72
Passio corruptiva,	p. 89. n. 46
Passio perfectiva,	n. 47
Passio corporalis,	p. 387. n. 74
Passio animalis,	n. 73
Pater in diuinis,	p. 74. n. 426. & seq.
Paternitas spiritualis,	p. 479. n. 540
Patientia,	p. 360. n. 1067
Patriarchatus,	p. 464. n. 462
Patronatus, vide, ius Patronatus.	
Pauperies,	p. 288 n. 602
Paupertas religiosa.	p. 326. n. 870
Peccatum,	p. 141. n. 393. 394
Peccatum habituale,	n. 395
Peccatum actuale,	n. 396
Peccatum commissionis,	p. 142. n. 399
Peccatum omissionis, n. 400. quando incurritur, p. 143. n. 402	
Peccatum cordis,	n. 403
Peccatum oris,	n. 404
Peccatum contra Deum,	n. 407
Peccatum contra proximum,	p. 144. n. 408
Peccatum contra peccantem,	n. 409
Peccatum ex passione,	n. 410
Peccatum ex infirmitate,	ibid.
Peccatum ex ignorantia,	n. 411
Peccatum ex malitia,	n. 412
Peccatum in Patrem, in Filium, &c. ibidem & n. 413.	
Peccatum spirituale,	p. 145. n. 414
Peccatum carnale,	p. 145. n. 416
Peccatum mortale,	n. 418
vt fieri possit veniale,	p. 146. n. 423
Peccatum veniale,	n. 424
Peccatum veniale ex genere,	n. 426
ex puritate materiæ,	n. 427
ex deliberationis defectu,	n. 428

Index

Peccatum veniale improprie,	p. 147. n. 429
Peccatum veniale ex causa,	n. 430
Peccatum veniale ex euentu,	n. 431
Peccatum veniale ex genere potest fieri mortale,	n. 432.
433. 434	
in peccato veniali constituitur vltimus finis directe,	
n. 433. vel indirecte,	n. 434
Peccatum originale,	p. 149. n. 440
vt sit voluntarium, n. 443. eius formale, n. 444.	
& materiale, p. 150. n. 446. effectus, p. 149. n. 441	
p. 150. n. 447	
Peculatus,	p. 273. n. 487.
Peculium,	p. 256. n. 373
Peculium castrense,	n. 374
Peculium quasi castrense,	n. 375
Peculium aduentitium,	n. 376
Peculium profectitium,	p. 257. n. 377
Pecunia,	p. 289. n. 608
Pedagium,	p. 294. n. 652
Pensio ecclesiastica,	p. 304. n. 735
Peregrinus tenetur, &c.	p. 364. n. 1104
Perfectio,	p. 25. n. 109
Perfectio simpliciter.	n. 110
Perfectio secundum quid,	n. 111
Perfectio in Deo quid,	p. 26. n. 118
Perfectiones diuinae participatae in creaturis,	p. 22. n.
89	
Perfectum,	p. 24. n. 102
Perfectum positiue,	p. 25. n. 103
Perfectum negatiue,	n. 104
Perfectum priuatiue,	n. 105
Perfectum secundum quid,	n. 106
Perfectum absolute,	n. 107
Perfectum per essentiam,	n. 108
Perichoresis,	p. 72. n. 419
Periculum,	p. 436. n. 338
Periculum mortis,	p. 436. n. 337
permissio peccati,	p. 56. n. 329
permutatio,	p. 280. n. 545. p. 305. n. 745

Index.

Perfeitas,	p. 51. n. 358
Perseuerantia,	p. 188. n. 672. & seq. p. 201. n. 35. p. 361. n. 1079.
Persona,	p. 63. n. 374. 375. p. 378. n. 33
Personalitas,	p. 64. n. 376. p. 72. n. 418
Personatus,	p. 303. n. 725
Pertinacia,	p. 211. n. 99. p. 361. n. 1081
Petitio veniæ,	p. 427. n. 298
Pietas,	p. 349. n. 1008
Pignus,	p. 293. n. 634
Plagium,	p. 273. n. 486
Pœna,	p. 157. n. 482
Pœna vindicatoria,	p. 158. n. 484
Pœna satisfactoria,	n. 485
Pœna medicinalis,	n. 486
Pœna spiritualis,	p. 487
Pœna damni,	p. 498. n. 630
Pœna sensûs,	n. 632
Pœna conventionalis,	p. 284. n. 576. 579
Pœna iudicialis,	n. 577
Pœna legalis,	n. 578
Pœnæ diuersæ Ecclesiæ patientis,	p. 114. n. 118. 119
Pœnalitas,	p. 273. n. 489
Pœnitentia,	p. 420. n. 257
Pœnitentia virtus,	p. 421. n. 262
Pœnitentia actus.	n. 263
Pœnitentia pœnitentialium Canonum,	p. 445. n. 369
Pœnitentiæ partes,	p. 421. n. 258. 259
Pœnitentiæ materia, remota, proxima,	ibid.
Pœnitentiæ forma,	n. 260. 261
Pœnitentiæ obligatio,	p. 422. n. 264. 265. p. 423. n. 267
Poligamia,	p. 487. n. 571
Pollicitatio,	p. 275. n. 508
Pollutio,	p. 370. n. 1132
Pontifex,	p. 212. n. 100
eius potestas,	n. 101. 102
Pontifex ex Cathedra definiens,	n. 103. 105. p. 213. n. 106

Index.

Portotium,	p. 295. n. 655
Possessio.	p. 253. n. 356. p. 260. n. 397
Possessio facti,	p. 253. n. 357
Possessio iuris,	p. 254. n. 358
Possessio bonæ fidei,	n. 359
Possessio malæ fidei,	n. 360
Possessio iusta,	n. 361
Possessio iniusta,	n. 362
Possessio colorata,	n. 363
Possessio non colorata,	n. 364
Possessio naturalis,	p. 255. n. 368. 370
Possessio civilis,	n. 369. 371
Possessio civilissima,	n. 372
Possessio beneficij,	p. 306. n. 748
Possessionis continuatio,	p. 361. n. 358
Possibile & impossibile,	p. 46. n. 283
Possibile absolutum,	p. 47. n. 284
Possibile respectuum.	n. 285
Posterioritas Originis,	p. 74. n. 425
Postliminium,	p. 262. n. 403
Postulatio,	p. 305. n. 472
Potentia obiectiva,	p. 21. n. 76
Potentia subiectiva,	p. 21. n. 77
Potentia seu Omnipotentia Dei,	p. 45. n. 275. p. 46. n. 276
Potentia diuina ad intra,	n. 277
Potentia ad extra,	n. 278
Potentia ordinaria,	n. 279
Potentia absoluta,	n. 280
Potentia diuina, infinita intensiue, & extensiue, &c.	n. 281
Potentia obediencialis,	p. 47. n. 290. & seq.
Potentia obediencialis actiua,	p. 48. n. 295
Potentia obediencialis passiva,	n. 294
Potentia libera,	p. 101. n. 127
Potestas.	p. 434. n. 325
Potestas politica,	p. 152. n. 457
Potestas legitima,	p. 244. n. 297
Potentia actiua,	p. 91. n. 58

Index.

Potentia passiva,	n. 59
Potentia naturalis,	p. 91. n. 57
Potestas excellentiæ,	p. 384 n. 59
Potestas ligandi & soluendi,	p. 43. n. 326
Potestas Ordinis,	p. 434. n. 327
Potestas iurisdictionis,	n. 328
Potestas ordinaria,	n. 329
Potestas delegata,	p. 435. n. 330
Potestas subdelegata,	n. 331
Potestas clauium,	p. 445. n. 370. 371
Potestates,	p. 80. n. 471
Præbenda,	p. 303. n. 719
Præcepta moralia,	p. 275. n. 504
Præcepta cæremonialia,	n. 505
Præcepta iudicialia,	n. 506
Præceptum,	p. 274. n. 493
Præceptum affirmatiuum,	p. 275. n. 508
Præceptum negatiuum,	n. 509
Præceptum fidei,	p. 209. n. 89. 90
Præceptum dilectionis Dei & proximi,	p. 229. n. 203.
& seq.	
Præcipitatio.	p. 241. n. 281
Prædestinare,	p. 51. n. 304
Prædestinatio,	p. 51. n. 304. 305. & seq. p. 52. n. 308.
309. & seq.	
Prædestinationis causa,	p. 53. n. 314
Prædestinationis effectus,	n. 315. 316
Prædeterminatio,	p. 123. n. 289
Prædium vrbæanum,	p. 253. n. 354
Prædium rusticum,	n. 355
Præeminentia,	p. 303. n. 726
Præfatura,	n. 723
Præparatio beneficiorum Dei,	p. 52. n. 310
Præscientia diuina,	p. 39. n. 221
Præscitum,	n. 222
Præscriptio,	p. 165. n. 542. p. 259. n. 388. 389. 390
Præscriptio quoad tempus,	p. 261. n. 398. 399
Præscriptio dicitur non procedere,	p. 261. n. 400
Dicitur dormire, ibid. Dicitur interrumpi, ibid.	

Index.

Præscriptio transfert dominium,	p. 161. n. 402
Præsentatio,	p. 305. n. 740
Præsumere,	p. 298. n. 680
Præsumptio, p. 222. n. 164. p. 298. n. 681. p. 361. n. 1075	
Præsumptio iuris,	p. 298. n. 682
Præsumptio liquida,	n. 683
Præsumptio modica,	n. 684
Precarium,	p. 291. n. 610
Precium,	p. 289. n. 609
Precium iustum,	n. 610
Precium legitimum,	n. 611
Precium vulgare,	n. 612
Precium rigorosum,	p. 290. n. 613
Precium medium,	n. 614
Precium infimum,	p. 615
Precium temporale in Simonia,	p. 307. n. 760. p. 708. n. 761
Presbyteratus,	p. 464. n. 462
Primatus,	p. 465. n. 463
Primitiæ,	p. 336. n. 930
Primitiva,	n. 931
Primogenita,	p. 248. n. 318. p. 336. n. 931
Primò-vera,	p. 11. n. 22. 23
Primum Agens,	p. 123. n. 288
Principatus,	p. 80. n. 472
Principalis obligatus ad restitutionem,	p. 271. n. 460
& seq.	
Principia speculabilia,	p. 150. n. 345
Principia agibilia,	p. 150. n. 346
Principiatum,	p. 67. n. 393
Principium,	p. 66. n. 388. p. 67. n. 392
Principium primi non potest ab alio procedere,	n. 391
Principium totius divinitatis,	p. 68. n. 394
Prioritas originis,	p. 74. n. 424
Privilegium,	p. 279. n. 540
Privilegium Canonis & fori,	p. 455. n. 419
Probatio,	p. 298. n. 685
Probatio iudicialis,	n. 686

Index:

probatio plena,	n. 690
probatio semiplena,	p. 299. n. 691
Processio,	p. 65. n. 379. p. 66. n. 384
Processio ad intra,	p. 65. n. 380. p. 66. n. 385
Processio ad extra,	p. 65. n. 381. p. 66. n. 386
Processiones duæ in sanctissima Trinitate,	p. 64. n. 378
Prodigalitas,	p. 357. n. 1056
producere, produci,	p. 68. n. 397
productio,	p. 82. n. 486
Productio activa,	p. 68. n. 395
Productio passiva,	n. 396
Promissio,	p. 274. n. 499
Promissio onerosa,	p. 275. n. 511
Promissionis obligatio,	n. 509. & seq.
Promulgatio legis,	p. 160. n. 498
Propassio,	p. 387. n. 71
Prophetia,	p. 282. n. 569
Proportio,	p. 245. n. 307
Proportio arithmetica,	n. 308
Proportio geometrica,	n. 309. 310
Propositio hæretica,	p. 213. n. 107
Propositio erronea,	n. 108
Propositio temeraria,	n. 109
Propositio male sonans,	n. 110
Propositio periculosa,	n. 111
Propositio errorem sapiens,	n. 112
Propositio scandalosa,	n. 113
Propositio piarum aurium offensiva,	n. 114
Propositio identica,	p. 417. n. 242
Propositum Dei,	p. 54. n. 317
Propositum,	p. 274. n. 498. p. 427. n. 294
Propositum non peccandi,	n. 295
Proprietas,	p. 60. n. 360. p. 72. n. 416. p. 250
n. 334	
Proprietas personalis,	p. 72. n. 417
Providentia,	p. 49. n. 299. p. 241. n. 274
Providentiæ æternæ executio temporalis,	p. 42. n.
299. 300	
Proximus noster,	p. 226. n. 184

Index.

prudencia.	p. 240. n. 269. & seq.
prudencia carnis,	p. 242. n. 285
prudencia munia,	p. 241. n. 271
puclitia.	p. 366. n. 1113
pudor,	n. 1114
punctum fidei,	p. 204. n. 49
purgatorium,	p. 498. n. 635
pusillanimitas,	p. 361. n. 1074
pyromantia,	p. 340. n. 960
pythonsmus,	p. 339. n. 957

Q.

Q uaticatis prima species,	p. 133. n. 339
Quando, circumstantia,	p. 129. n. 324
Quasi domicilium,	p. 489. n. 582
Quibus auxiliis,	p. 128. n. 321
Quid, circumstantia,	p. 128. n. 319
Quis, circumstantia,	p. 127. n. 318
Quomodo, circumstantia,	p. 128. n. 323
Quoties,	p. 129. n. 325
Quidditas,	p. 59. n. 350. 351. p. 378. n. 26

R.

R adius,	p. 44. n. 160
Radius rectus,	n. 261
Radius reflexus,	n. 262
Radius refractus,	n. 264
Rancor,	p. 372. n. 1191
Rapina,	p. 273. n. 485
Raptus, seu Extasis,	p. 45. n. 278
Raptus, Luxuria species,	p. 368. n. 1125
Raptus Impedimentum Matrimonij,	p. 490. n. 592
Ratio,	p. 241. n. 275
Recta Ratio,	p. 126. n. 312
Recta Ratio speculativa,	n. 312
Recta Ratio practica,	n. 313
Ratio superior,	p. 134. n. 349
Ratio inferior,	n. 350

Index.

Ratiocinari,	p. 134. n. 348
Rationes insufficientes,	p. 300. n. 712
Rationes sufficientes,	p. 301. n. 713
Reatus,	p. 296. n. 667
Reatus culpæ,	p. 157. n. 480
Reatus pœnæ,	n. 481
Receptacula animarum,	p. 498. n. 634. & seq.
Reconuentio,	p. 262. n. 404
Reditus,	p. 281. n. 555. 556
Regula actûs humani,	p. 126. n. 310
Relatio,	p. 72. n. 415
Relationes diuinæ quatuor,	ibid.
Religio,	p. 312. n. 778. 779
Religionis obiectum, dignitas,	ibid.
Reliquiæ, p. 318. n. 805. adorandæ,	ibid.
Reliquiæ peccati,	p. 461. n. 448
Repræfalia,	p. 235. n. 249
Repræsentare,	p. 293. n. 637
Reprobatio negatiua,	p. 55. n. 323. 324
Reprobatio positiua,	p. 55. n. 325. 326
Reprobationis causa,	p. 55. n. 324. 326
Reprobationis effectus,	p. 56. n. 327. 328
Reprobus sensus,	p. 56. n. 351
Repudium,	p. 491. n. 595. p. 492. 596
Res, materia Sacramentorum,	p. 399. n. 134
Res diuinæ obiectum Theologiæ,	p. 5. n. 2
Res sua,	p. 248. n. 321
Res accepta,	p. 264. n. 421
Res mobilis,	p. 292. n. 628.
Res immobilis,	p. 292. n. 629
Res immobili æquipollens,	n. 630
Res iudicata,	p. 295. n. 658
Res fungibilis, vsu consumptibilis,	p. 283. n. 574
Res tantum,	p. 404. n. 166
Reseruatio mentalis,	p. 355. n. 1041. 1045
Residentia,	p. 307. n. 758
Resignatio beneficij,	p. 305. n. 744
Restrictio tacita,	p. 354. n. 1040. p. 355. n. 1042
Restitutio,	p. 263. n. 415

Index.

Restitutio in integrum,	p. 261. n. 402
Restitutionis necessitas,	p. 263. n. 416
Restitutionis præceptum,	p. 264. n. 417
Restitutionis capita,	n. 418
Restitutionis obligationes,	p. 267. n. 439. & seq.
Restitutionis obligatio, ratione iniustæ acceptionis,	
n. 439. & seq.	
ratione rei acceptæ,	p. 270. n. 455
ratione damni illati,	p. 271. n. 463
ratione contractûs,	p. 271. bis n. 479
Resurrectio v niuersalis,	p. 495. n. 615
Reuelatio,	p. 190. n. 680
Reuiuifcentia operum mortificatorum,	p. 424. n. 280
Reus,	p. 294. n. 669
Reus agitur,	ibid.

S.

S acerdotium magnum,	p. 464. n. 462
Sacramentale,	p. 407. n. 195
Sacramentalium effectus,	n. 197
Sacramenti materia & forma,	p. 399. n. 133 & seq.
Sacramenti materia, proxima, remota,	p. 399. n. 136.
& seq.	
Sacramenti votum,	p. 407. n. 194
Sacramentum,	p. 394. n. 112. p. 395. n. 114. p. 398.
n. 131	
Sacramentum legis naturæ,	p. 394. n. 113
Sacramentum legis Mosâicæ,	p. 395. n. 116
Sacramentum legis nouæ,	p. 398. n. 131
Sacramentum instituere,	n. 132
Sacramentum quale compositum,	p. 399. n. 133
Sacramentum tantum, res tantum, Sacramentum &	
res simul,	p. 403. n. 164. & seq.
Sacramentum mortuorum,	p. 404. n. 369
Sacramentum viuorum,	n. 170
Sacramentum causat gratiam,	p. 406. n. 183
Sacramentum infirme,	p. 407. n. 192
reuiuifcit,	n. 193
Sacrificium,	p. 318. n. 806, p. 418. n. 245

Index.

Sacrificium Lærenticum,	p. 319. n. 808
Sacrificium Impetratorium,	p. 319. n. 810
Sacrificium Eucharisticum,	n. 811
Sacrificium propitiatorium,	n. 813
Sacrificium Missæ,	p. 417. n. 244
eius effectus,	p. 418. n. 247. p. 419. n. 250. & seq.
valor infinitus, & finitus,	n. 248. 249
eius applicatio,	n. 254. & seq.
Sacrilegij species,	p. 345. n. 993
Sacrilegium,	p. 345. n. 993. p. 351. n. 1122. 1123
Sagacitas,	p. 241. n. 277
Sanctitas,	p. 22. n. 84
Sanctitas per essentiam,	n. 87
Sanctitas per participationem,	n. 88
Sanctitas moralis,	p. 396. n. 120
Sanctitas legalis,	n. 121
Sanctitas formalis,	n. 122
Sanctum per essentiam,	p. 22. n. 85
Sanctum per participationem,	n. 86
Sanguis,	p. 415. n. 230
Sanguis perfectus,	n. 231
Sanguis alimentarius,	n. 232
Sanguis in formâ consecrationis,	n. 232
Sapientia,	p. 9. n. 19. 20. p. 169. n. 564. p. 188. n. 663
Satisfactio,	p. 263. n. 409
Satisfactio,	p. 263. n. 414. p. 436. n. 339. p. 437
n. 342. 343.	
Satisfactio voluntaria,	p. 436. n. 340
Satisfactio Sacramentalis,	p. 437. n. 341
Satisfactionem mutare,	p. 439. n. 349
Satisfactionem iniungere, acceptare, implere,	p. 437.
n. 345	
Satispassio,	n. 344
Scandalum,	p. 237. n. 253. 254
Scandalum actuum,	n. 255
Scandalum actuum formale,	p. 238. n. 256
Scandalum actuum interpretativum,	n. 257
Scandalum passivum,	n. 258
Scandalum passivum datum & acceptum,	n. 259

Index.

Scandalum passiuum acceptum tantum,	n. 260
Scandalum pharisaicum,	n. 261
Scandalum infirmorum,	n. 262
Scandalum infirmorum acceptum tantum,	p. 239.
n. 263	
Scandalum infirmorum acceptum & datum,	n. 264
Scandalum vitandum,	n. 265
Scandalum confitendum,	p. 266
Scientia,	p. 5. n. 2. p. 6. n. 7
Scientia speculatiua,	p. 9. n. 17
Scientia practica,	p. 9. n. 18
Scientia diuina,	p. 37. n. 209
Scientia visionis,	n. 210
Scientia simplicis intelligentiæ,	p. 38. n. 211
Scientia necessaria,	n. 214
Scientia naturalis,	n. 215
Scientia libera,	n. 216
Scientia conditionalium,	n. 217
spectat ad scientiam simplicis intelligentiæ,	ibid.
Scientia approbationis,	p. 38. n. 218
Scientia Dei speculatiua,	p. 39. n. 219
Scientia Dei practica,	n. 220
Schisma,	p. 215. n. 122
Schismaticus,	n. 123
Scitum,	p. 204. n. 47
Scriptura Sacra,	p. 12. n. 38
Scrupulus,	p. 138. n. 370. & seq.
Scrupulus antecedens, concomitans, consequens,	p. 139. n. 375
ad Scrupulum concurrunt, & c.	n. 374
Securitas,	p. 371. n. 1073
Semicontractus,	p. 265. n. 424
Seminalis ratio,	p. 393. n. 106
Sempiternitas,	p. 31. n. 160
Sensualitas,	p. 93. n. 73. 74
Sensus,	p. 92. n. 60
Sensus internus,	n. 61
Sensus externus,	n. 62
quotuplex vterque,	n. 63

Index.

Sensus Scripturæ,	p. 13. n. 40
Sensus litteralis,	p. 14. n. 42
Sensus litteralis proprius,	n. 43
Sensus metaphoricus,	n. 44
Sensus mysticus,	p. 15. n. 48
Sensus allegoricus,	n. 50
Sensus tropologicus,	p. 16. n. 51
Sensus anagogicus,	n. 52
Sensus moralis, mysticus & litteralis,	p. 17. n. 58
Sensus compositus,	p. 39. n. 225
Sensus diuinus,	p. 40. n. 226
Sententia,	p. 98. n. 103. p. 295. n. 657
Sententia probabilis,	p. 140. n. 386
Sententia probabilis practice,	p. 141. n. 392
Sententia probabilis speculative,	p. 140. n. 391
Sententia probabilior,	n. 387
Sententia improbabilis,	n. 388
Sententia tuta,	n. 389
Sententia tutior,	n. 390
Sententia transit in rem iudicatam,	p. 295. n. 652
Sententia condemnatoria,	p. 446. n. 378
Sententia declaratoria,	p. 447. n. 379
Sententia comminatoria,	n. 380
Sententiati,	n. 385. 386
Seraphim,	p. 79. n. 466
Sermo,	p. 75. n. 432
Sermo sapientiæ,	p. 169. n. 564
Sermo scientiæ,	n. 565
Seruilis conditio,	p. 474. n. 511
Seruilis timor, vide, Timor.	
Seruilitas timoris,	p. 224. n. 172
Seruitus,	p. 251. n. 343. p. 474. n. 512
Seruitus passiva,	p. 251. n. 344
Seruitus passiva realis,	p. 252. n. 345
Seruitus passiva personalis,	n. 346
Seruitus passiva mixta,	n. 347
Seruitus actiua,	n. 348
Seruitus actiua realis,	n. 349
Seruitus actiua personalis.	n. 350

Index?

Seruitus actiua mixta,	n. 351
Seruitus urbana,	n. 352
Seruitus rustica,	n. 352
Seruus, Serua,	p. 474. n. 514
Sicut seipsum,	p. 226. n. 187. 188
Sigillum Confessionis,	p. 433. n. 322
Signatum,	p. 396. n. 123
Signum,	n. 123
Signum naturale,	p. 397. n. 124
Signum ex instituto,	n. 125
Signum diuinum theoricum,	p. 398. n. 126
Signum diuinum practicum,	n. 127
Signum spirituale,	n. 128
Signum visibile,	n. 129
Simonia,	p. 306. n. 750. p. 310. n. 767
Simonia realis,	p. 310. n. 769
Simonia mentalis,	n. 770. p. 311. n. 771
Simonia conuentionalis,	n. 972
Simonia purè conuentionalis,	n. 773
Simonia conuentionalis mixta,	n. 774
Simonia confidentiæ,	n. 775
Simonia iuris diuini,	n. 776
Simonia iuris humani,	p. 311. n. 777
Simoniæ malitia,	p. 310. n. 767
dicitur hæresis,	n. 768
Simplicitas,	p. 21. n. 80
Simulatio,	p. 356. n. 1046
Sinus Abrahæ,	p. 498. n. 636
Sobrietas,	p. 362. n. 1091
Societas,	p. 290. n. 617
Sodomia diabolica,	p. 370. n. 1127
Sodomia bestialis,	n. 1128
Sodomia eiusdem sexûs,	n. 1129
Sodomia diuersi sexûs,	n. 1130
Solertia,	p. 241. n. 278
Sollicitudo temporalium,	p. 242. n. 289
Sollicitudo futurorum,	n. 290
Solutio,	p. 263. n. 413
Somnium,	p. 339. n. 955

Index.

Sors,	p. 286. n. 586. p. 341. n. 974
Sors diuiforia,	n. 975
Sors consultoria,	p. 342. n. 976
Sors diuinatoria,	n. 977
Sors, Sortitio, Sortilegium, Sortilegi,	
Sortiarij,	p. 342. n. 978
Sors illicita,	ibid.
Spatium,	p. 29. n. 140. 141
Spatium reale,	n. 142. 143
Spatium imaginarium,	n. 145
Species,	p. 43. n. 252
Species intelligibilis,	n. 253
Species impreffa,	n. 254
Species expreffa,	n. 255
Species sacramentales,	p. 414. n. 226
Sperare,	p. 221. n. 157
Spes,	p. 97. n. 96
Spes naturalis,	p. 219. n. 151
Spes theologica,	p. 220. n. 152. 154
Spes viua,	p. 221. n. 158
Spes formata,	n. 159
Spes informis,	p. 222. n. 160
Spes vt fertur in Deum,	n. 165
Spes vt obligat,	p. 223. n. 166. 167
Spes veniæ,	p. 427. n. 296
Spirituale in Simonia,	p. 308. n. 762
Spirituali annexum,	p. 309. n. 763. & feq.
Spiritus-Sanctus,	p. 75. n. 437. 438
non eft Pater Chrifti,	p. 393. n. 110
Splendor,	p. 44. n. 263
Sponfa,	p. 468. n. 482
Sponsalia,	n. 481
Sponsio,	p. 293. n. 642
Sponsus,	p. 468. n. 482
Spontaneum,	p. 105. n. 147
Spontaneitas,	p. 105. n. 148
Spurius,	p. 278. n. 532. 533
Status,	p. 325. n. 864. 865
Status naturæ puræ,	p. 187. n. 656

Index.

Status naturæ integræ,	n. 657
Status naturæ lapsæ,	n. 658
Status naturæ reparatæ,	n. 659
Status Religiosus.	p. 325. n. 865. 866
esse in Statu peccati mortalis,	p. 438. n. 346
Stripes,	p. 477. n. 527
Stipulatio,	p. 276. n. 514.
Studiositas,	p. 372. n. 1153
Studiositatis officium,	p. 373. n. 1156
Studium,	n. 1154
Stupor,	p. 362. n. 1088
Stuprum,	p. 368. n. 1124
Subalternatio scientiarum,	p. 7. n. 9
Subreptio,	p. 324. n. 861
Subsistentia,	p. 61. n. 367. p. 378. n. 29
Subsistere,	p. 61. n. 366
Substantia,	p. 59. n. 353. p. 60. n. 354
Subsistere,	p. 279. n. 538
Substitutio,	p. 279. n. 536. 537.
Substitutio vulgaris,	n. 539
Substitutio pupillaris,	n. 540
Substitutio exemplaris,	n. 541
Substitutio reciproca,	n. 542
Substitutio militaris,	n. 544
Substitutio fideicommissaria,	n. 543
Subtilitas,	p. 98. n. 48
Suffragium,	p. 444. n. 366
Suffragium ecclesiasticum,	n. 367
Suggestio,	p. 153. n. 461
Superbia,	p. 372. n. 1147
Superficies,	p. 29. n. 144
Superstitio,	p. 336. n. 936. 937
Superstitio veri numinis,	p. 337. n. 939
Superstitio falsi numinis,	p. 337. n. 944
Suppositalitas,	p. 62. n. 370. 371. p. 378. n. 30
Suppositum,	p. 62. n. 372. p. 378. n. 32
Suspensio,	p. 452. n. 403
Suspensio totalis,	n. 404
Suspensio partialis,	n. 405
	Suspensio

Index.

Suspensio perpetua,	n. 406
Suspensio ad tempus,	n. 407
Suspensus ab vno ordine,	p. 453. n. 408
Suspicio,	p. 299. n. 699
Suspicio temeraria,	p. 297. n. 677
Suspicio probabilis,	p. 297. n. 678
Suspicio violenta,	p. 298. n. 679
Synonima,	p. 401. n. 147
Synteresis,	p. 133. n. 344

T.

T Alliæ, vide, Tributum.	
Temeritas,	p. 358. n. 1061
Temperantia,	p. 362. n. 1084
Tempus continuum,	p. 31. n. 157
Tempus discretum,	n. 158
Tentatio,	p. 153. n. 460. p. 344. n. 989
Tentatio Dei,	n. 990
Tentatio Dei explicita,	p. 345. n. 991
Tentatio Dei implicita,	n. 992
Testamentum,	p. 276. n. 515
Testimonium,	p. 297. n. 671
Testis,	p. 297. n. 668
Testis idoneus,	n. 669
Testis minus idoneus,	n. 670
Testis omni exceptione maior, vide, Testis idoneus.	
Theologia,	p. 5. n. 1. 2
Theologia viæ,	p. 5. n. 3
Theologia patriæ,	p. 5. n. 4
Theologia naturalis,	p. 6. n. 5
Theologia supernaturalis,	p. 5. n. 6
Theologia mystica,	p. 7. n. 10
Theologia positiva,	p. 7. n. 11
Theologia scholastica,	p. 8. n. 13
Theologia moralis,	p. 7. n. 12
Thesaurus,	p. 258. n. 386. 387
Thesaurus Ecclesiæ,	p. 440. n. 351
Throni,	p. 79. n. 468
Timiditas,	p. 361. n. 1063
Tumor,	p. 101. n. 125. p. 223. n. 168

Index.

Timor mundanus,	p. 224. n. 169
Timor seruilis,	n. 170
Timor seruilis cum seruitute,	n. 171
Timor seruilis absque seruitute,	n. 173
Timor initialis,	n. 174
Timor filialis,	n. 175
Timor reuerentialis,	n. 176
Titulus,	p. 255. n. 365. p. 260. n. 394
Titulus vetus,	p. 255. n. 366
Titulus præsumptus,	n. 367
Titulus probabiliter præsumptus,	p. 260 n. 394
Tolerati censurati,	p. 447. n. 385. 386. p. 448. n. 388
non Tolerati, ibidem, &	n. 389
Tonsura,	p. 454. n. 457
Traditio,	p. 217. n. 137. 138
Traditio fidei.	n. 140
Traditio rituum,	n. 141
Traditio morum,	n. 142
Traditio diuina,	p. 218. n. 144
Traditio diuina externa,	n. 146
Traditio diuina interna,	n. 147
Traditio Apostolica,	n. 149
Traditio Ecclesiastica,	p. 219. n. 150
Tradux,	p. 393. n. 109
Transactio,	p. 263. n. 408
Transsubstantiatio,	p. 414. n. 224
Trebellianica,	p. 279. n. 535
Trinitas,	p. 58. n. 344
Tristitia,	p. 100. n. 121

V.

V Acuitas,	p. 29. n. 139
Vacuum,	p. 29. n. 136. 137
Vagi,	p. 489. n. 583
Vaticinium,	p. 339. n. 956
Vbiquitas,	p. 27. n. 126
Veſtigal,	p. 294. n. 650
Venditio,	p. 289. n. 605
Veracitas,	p. 35. n. 192
Verba in Sacramentis,	p. 399. n. 135

Index.

Verbum mentale,	p. 74. n. 436
Verbum vocale,	p. 75. n. 437
Verbum in diuinis,	n. 433
Verbum nunquam dimisit, &c.	p. 380. n. 40
Verecundia,	p. 362. n. 1087
Veritas,	p. 35. n. 186
Veritas in essendo,	n. 187
Veritas in ea cognoscendo,	n. 188
Veritas in enuntiando,	n. 189
Veritas in loquendo,	n. 190
Veritas executionis,	n. 191
Veritas moralis, vide, Veracitas.	
Veritas iuramenti,	p. 328. n. 880
Vermis damnatorum,	p. 498. n. 632
Verum,	p. 34. n. 180
Verum in essendo,	n. 181
Verum in cognoscendo,	n. 182
Verum in enuntiando,	p. 35. n. 183
Verum in loquendo,	n. 184
Verum in exequendo,	n. 185
Vestibulum Paradisi,	p. 215. n. 120
Vi verborum formæ, &c.	p. 415. n. 232. p. 416. n. 240
Via,	p. 497. n. 623. 624. p. 194. n. 704
Viator,	p. 212. n. 102
Vicarius Christi,	p. 44. n. 265
Videre aliquid in Verbo,	p. 44. n. 265. 266
Videre cognitione matutinâ, vespertinâ, &c.	n. 265. 266
Vindicatio,	p. 353. n. 1029
Vindicta,	p. 371. n. 1136
Vindicta priuata,	p. 353. n. 1030. 1031
Violentia,	p. 109. n. 169. 176
Violentum,	p. 108. n. 167. p. 109. n. 168. 176
Virginitas,	p. 365. n. 1110. 1111
Virgo,	p. 496. n. 621
Virtus,	p. 195. n. 2. p. 196. n. 7. p. 197. n. 9. 10
Virtus diuina,	p. 198. n. 12
Virtus humana,	n. 13
Virtus acquisita,	n. 14
Virtus infusa,	n. 15. 16

Index.

Virtus infusa per se,	n. 17. 18
Virtus infusa per accidens,	n. 20
Virtus moralis,	p. 199. n. 22
Virtus intellectualis,	n. 23
Virtus philosophica,	n. 24
Virtus Christiana,	n. 25
Virtus vera,	n. 26
Virtus informis,	p. 200. n. 27
Virtus formata,	ibid.
Virtus imperfecta,	p. 200. n. 29. 31. 33
Virtus perfecta,	n. 30. 32. p. 201. n. 34
Virtus heroica,	p. 201. n. 36
Virtus Cardinalis,	n. 37. p. 240. n. 267
Virtus theologica,	p. 201. n. 38
Virtus annexa iniustitiæ,	p. 348. n. 1006. 1007
Virtutes,	p. 80. n. 470
Virtutis subiectum,	p. 196. n. 8
Virtutum formæ,	p. 200. n. 28
Virtutum Theologicarum obiectuum,	p. 202. n. 39
Vis & metus Impedimentum Matrimonij,	p. 483. n. 561
vt dirimat Matrimonium,	p. 484. n. 562. & seq.
vt reualidetur Matrimonium vi contractum,	p. 485. n. 565
Visio beatifica,	p. 43. n. 251. p. 87. n. 27. 29. 32. 36
Visio intuitiva,	p. 43. n. 250
Visio Dei intuitiva,	n. 251
Visum,	p. 204. n. 46
Vita Dei,	p. 33. n. 170. 171
Vita per essentiam,	n. 172
Vita prima,	n. 173. 174
Vita substantialis,	ibid.
Vita secunda,	p. 34. n. 175
Vitium contra naturam,	p. 362. n. 1126
Viuens,	p. 32. n. 165
Viuens intellectuale,	n. 166
Vltima voluntas,	p. 276. n. 516
Vnio,	p. 375. n. 8
Vnio hypostatica,	n. 11. 12. 14. p. 392. n. 100
Vnio hypostatica actiua,	p. 375. n. 9
Vnio hypostatica passiva,	n. 10

Index.

Vnio substantialis,	p. 376. n. 16
Vnio subsistentialis,	n. 17
Vnio essentialis,	p. 377. n. 18
Vnionis hypostaticæ causa,	p. 376. n. 13
Vnitas,	p. 20. n. 72
Vnitas affirmatiua,	ibid.
Vnitas exclusiua,	p. 21. n. 74
Vnum affirmatiuè,	p. 20. n. 71
Vnum exclusiue,	n. 73
Vocatio secundum propositum,	p. 54. n. 319
Volitio,	p. 104. n. 137
Voluntarium,	p. 106. n. 151
Voluntarium perfectum,	n. 152
Voluntarium imperfectum,	n. 153
Voluntarium directum,	p. 107. n. 158
Voluntarium indirectum,	n. 159
Voluntas,	p. 117. n. 222
Voluntas diuina,	p. 40. n. 231. p. 433. n. 77
Voluntas diuina, vnica multiplex,	p. 41. n. 232
Voluntas beneplaciti,	n. 233
Voluntas signi,	n. 234. & seq.
vt se habet ad voluntatem beneplaciti,	p. 42. n. 241
Voluntas antecedens,	n. 242. 244
Voluntas consequens,	p. 42. n. 243. 245
Voluntas absoluta,	p. 42. n. 246
Voluntas conditionata,	n. 247
Voluntas efficax,	p. 43. n. 248. p. 117. n. 224
Voluntas inefficax,	p. 43. n. 249. p. 117. n. 225
vt sit in Deo,	p. 43. n. 249
Voluntas creata sola causa peccati,	p. 151. n. 449
Voluntas diuina peccare non potest,	p. 151. n. 450
Voluntas humana,	p. 388. n. 78
Voluntas vt natura,	p. 388. n. 79. 80
Voluntas vt ratio,	n. 81. 82
Voluntas Christi,	n. 83
semper conformis diuinæ voluntati,	p. 389. n. 84.
p. 390. n. 90. 91	
Voluntas Christi, inefficax, conditionata, naturalis,	
sensitiua,	p. 390. n. 91

Index.

Voluntas creata conformis diuinæ tripliciter ,	p. 389.
n. 85	
Votum ,	p. 322. n. 840
Votum absolutum ,	n. 841
Votum conditionale ,	n. 842
Votum merè conditionale ,	n. 843
Votum conditionale pœnale ,	p. 323. n. 844
Votum expressum ,	p. 845
Votum tacitum ,	n. 846
Votum reale .	n. 847
Votum personale ,	n. 848
Votum mixtum ,	n. 849
Votum solenne ,	p. 323. n. 850. p. 473. n. 517
Votum solenne castitatis ,	p. 475. n. 519
Votum simplex ,	p. 324. n. 853
Votum simplex dirimens Matrimonium ,	p. 475. n. 520
Votum castitatis ,	p. 475. n. 518
Votum castitatis religiosæ ,	p. 326. n. 867
Votum paupertatis religiosæ ,	p. 326. n. 869
Votum obedientiæ religiosæ ,	n. 871
Votum , Impedimentum Matrimonij ,	p. 475. n. 521.
& seq.	
Votum quoad dispensationem ,	p. 324. n. 852
irritationem ,	n. 853
suspensionem ,	n. 854
Interpretationem ,	n. 855
Commutationem ,	n. 856
redemptionem ,	n. 857
condonationem ,	n. 858
defitionem conditionis ,	n. 859
defitionem materiæ ,	n. 360
Vsucapio ,	p. 259. n. 391. 392
Vsura ,	p. 285. n. 584. p. 286. n. 587
Vsura aperta ,	p. 286. n. 588
Vsura palliata ,	n. 589
Vsura realis ,	p. 287. n. 591
Vsura mentalis ,	n. 592. 593
Vsura purè mentalis ,	p. 594
Vsura mentalis mixta ,	n. 595

Index.

Vfurarius restitutioni obnoxius,	p. 287. n. 597
Vfus, seu Mos,	p. 166. n. 545
non Vfus legis,	n. 546
Vfus actualis,	p. 248. n. 322
Vfus iuris,	p. 250. n. 336
Vfus facti,	n. 337. 338
Vfus fructus,	p. 250. n. 339
Vfus fructus legalis,	p. 251. n. 340
Vfus fructus conuentionalis,	n. 341
Vfus fructus cauffalis,	n. 342

X.

X Ylobalfatum,

p. 412. n. 217

Z.

Z Elotes,
Zelotypia,
Zelus, bonus, malus,

p. 100. n. 119

p. 100. n. 120

p. 100. n. 119

F I N I S.

Privilege du Roy.

L OVIS par la grace de Dieu, Roy de France & de Nauarre, A nos amez & feaux Confeillers, les Gens tenans nos Cours de Parlemens, Maistres des Requestes ordinaires de nostre Hostel, Baillifs, Seneschaux, Preuosts, leurs Lieutenans, & tous autres nos Iusticiers & Officiers qu'il appartiendra: Salut. Nostre bien amé GEORGES IOSSE, Marchand Libraire en nostre bonne Ville de Paris, Nous a fait remontrer, que ne se trouuant à present que tres-rarement, quoy que necessaire au public, vn Liure cy-deuant imprimé à Cambray, intitulé, *Breniarium Theologicum, continens Definitiones, Descriptiones, & Explicationes terminorum Theologicorum*, Authore IOANNE POLMANO: l'Exposant desireroit le faire reimprimer; mais comme la despence en est grande, il craint que quelqu'autre faisant le semblable, il n'en receust du prejudice: C'est pourquoy il Nous a tres humblement fait supplier luy vouloir accorder nos Lettres sur ce necessaires. A CES CAUSES, Voulant fauorablement traiter ledit Exposant, Nous luy auons permis & permettons par ces presentes, de reimprimer ou faire reimprimer ledit Liure cy-dessus, en tel volume & ca-

raicters qu'il aduifera bon estre: iceluy vendre & debiter en
tous les lieux de nostre obeïſſance, durant le temps de Dix
ans, à compter du iour qu'il ſera acheué d'imprimer pour
la premiere fois: Faisant deffences pendant ledit temps, à
tous autres Marchands Libraires & Imprimeurs, & autres
personnes de quelque qualité qu'elles ſoient, d'imprimer ou
faire imprimer ledit Liure, ny iceluy vendre ny debiter en
quelque ſorte & maniere que ce ſoit, ſi ce n'eſt du con-
ſentement dudit Expoſant, ou de ceux qui auront droit de
luy, à peine de quinze cens liures d'amende, applicable vn
tiers à Nous, vn tiers à l'Hôpital general, & l'autre tiers
audit Expoſant, confiscation des Exemplaires contrefaits,
& de tous deſpens, dommages & intereſts: A condition
qu'il ſera mis deux Exemplaires dudit Liure en nostre Bi-
bliothèque publique: vn en celle près de nostre Perſonne,
au Cabinet de nos Liures, en nostre Chasteau du Louure:
& vn en celle de nostre tres cher & feal le Sieur Seguier,
Cheualier, Chancelier de France, avant de l'expoſer en ven-
te, à peine d'eſtre deſcheu des preſentes. Voulons que du
contenu en icelles, vous faſſiez iouïr & vſer ledit Expo-
ſant, & ceux qui auront droit de luy, pleinement & pai-
ſiblement, & qu'en mettant au commencement, ou à la fin
dudit Liure vn Extrait d'icelles, elles ſoient tenuës pour
deuëment ſigniſiées. Commandons au premier nostre Huif-
ſier ou Sergent ſur requiſ, faire pour leur entiere exe-
cution tous exploits neceſſaires, ſans demander autre per-
miſſion, nonobſtant oppositions ou appellations quelcon-
ques, & ſans prejudice d'icelles, Clameur de Haro, Charte
Normande, & Lettres à ce contraires. CAR TEL eſt no-
ſtre plaiſir. D O N N É à Paris, le vingtieſme iour de Fe-
vrier, l'an de grace, mil ſix cens cinquante-neuf: Et de
nostre Regne le ſeizieſme.

Par le Roy en ſon Conſeil,

O L I E R.

Regiſtré ſur le Liure de la Communauté, ſuiuant
l'Arreſt de la Cour de Parlement, du 8. Avril
1653. Fait à Paris, le 27i Fevrier 1659.
Signé, D. BACHET, Syndic.

Ledit Georges Ioffe a fait part dudit Priuilege à Charles
Angot, ſuiuant & conformément l'accord fait entre eux.

Acheué d'Imprimer pour la premiere fois
le 6. Septembre, 1659.

Les Exemplaires ont eſté fournis.

